

H.N. 1039

~~H.N. 980~~ 1039

SBIBLIOTHEEK GENT



0000001683

JOANN. ANDR. CRAMERI
ELEMENTA
ARTIS DOCIMASTICÆ;

Duobus Tomis comprehensa,

Quorum Prior

THEORIAM,

Posterior

PRAXIN,

Ex vera Fossilium indole deductas, atque indubitata
Experimentorum, summa cum accuratione in-
stitutorum, fide firmatas, ordine naturali
& doctrina apertissima exhibet.

EDITIO ALTERA;

Emendatio,

ac tum in *Theoria*, tum in *Praxi*,

ab *Auctore* ipso multis modis

aucta & locupletata.

PARS PRIMA

THEORETICA.

LUGDUNI BATAVORUM.

Apud { CONRADUM WISHOFF, }
 { ET }
 { GEORG. JAC. WISHOFF, FIL. CONR. } 1744

Cum Privilegio.



1000 1000 1000 1000
1000 1000 1000 1000
1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

1000 1000 1000 1000

PRIVILEGIE.

De Staeten van Holland en West-Vriesland, doen te weeten, alzoo ons te kennen is gegeven by *Coenraet en Georg Jacob Wischoff Coenraatzoon*, Burgers en Boekverkopers binnen de Stad Leyden, dat zy *Suppl^{en}* reeds gedrukt hadden, deeze naevolgende Boeken, te weeten van Joann. Andr. Crameri *Elementa Artis Doct^{ae} Mathematicae &c.* 2. deelen in Octavo; als meede *Caroli Linnæi Med. Doct. Soc. Ac. Imp. Nat. Cur. Genera Plantarum* in Octavo, *Critica Botanica*, accedit *Johannis Browallii de Necessitate Historiæ Naturalis Discursus* in Octavo, *Classes Plantarum seu Systemata Plantarum &c.* *Fundamentorum Botanicorum Pars II.* in Octavo: als mede *Petri Artedi Sueci Medici Ichthyologia sive Opera omnia de Piscibus &c.* Edidit *Carolus Linnæus &c.* En alzo de *Suppl^{en}*. bedugt waeren, dat deeze voorsz. Boeken door eenige nydige en baetzugtige Menschen 't zy binnen of buyten 's Lands, in 't geheel, of ten deele, of in eenigh ander formaet of tael deeze voorn. Werken zouden moogen koomen na te drukken tot groot nadeel en schade van de *Suppl^{en}*. Zoo keerden zy zich onderdaeniglyk tot Ons, Ootmoedelyk verzoekende, dat Wy zoo goet geliefden te zyn, van aen haer te verleenen Speciael Octroy en Privilegie om geduerende den Tyt van Vyftien agter een volgende Jaeren, alleen met Seclusie van alle anderen deeze voorsz. Boeken te mogen drukken, doen drukken, en uitgeeven in allerhande Formaten en Taelen met

verbod, dat niemant buiten de Suppl^{ten} hunne Erven
of regtverkrygende deeze voorsz. Boeken in 't geheel
of ten deele of in wat Formaat of Taal het mogte
zyn, hier te Lande zoude mogen Drukken, doen
Drukken of Uitgeeven, of elders nagedrukt zynde
hier te Lande zoude mogen inbrengen, doen in-
brengen, uitgeeven, verruilen, verhandelen, of ver-
koopen, op verbeurte van alle de nagedrukte, in-
gebragte, verruilde, verhandelde of verkogte Exem-
placren, op zodaenige groote Poene als Wy gewoon
zyn daer tegen te Statueeren. ZOO IS 'T, dat
Wy de zaake en 't verzoek voorsz. overgemerkt
hebbende, ende geneegen weezende ter beede van de
Suppl^{ten}. uit Onze regte weetenschap, Souveraine
Magt ende Auctoriteit, dezelve Suppl^{ten}. Geconsen-
fenteert, Geaccordeert en Geoctroyeert hebben, Con-
fenteeren, Accordeeren en Octroyeeren Haar by dee-
zen, dat zy geduerende den tyt van vyftien eerst
agter een volgende Jaeren, de voorsz. Boeken —
in hier voegen als zulks by de Suppl^{ten} is verzogt,
en hier vooren uitgedrukt staat, binnen den voorsz.
Onzen Lande alleen zullen mogen Drukken, doen
Drukken, Uitgeeven ende Verkoopen, verbiiedende
daarom alle ende eenen iegelyken, dezelve Boeken
in 't geheel of ten deelen te Drukken, nae te Druk-
ken, te doen naedrukken, te Verhandelen of te Ver-
koopen ofte elders nagedrukt binnen dezelve onzen
Lande te brengen, uit te geeven of te Verhandelen en
Verkoopen, op verbeurte van alle de Nagedrukte,
Ingebragte, Verhandelde ofte Verkogte Exempla-
ren, ende een boete van drie Duizent gls. daer en bo-
ven te verbeuren, te Appliceeren een derde part voor
den

den Officier , die de Calange doen zal , een derde part voor den Armen ter plaetse daar het Casus voorvallen zal , ende het resteerende derde part voor de Suppl^{ten} , ende dit t'elkens zoo meenighmaal als dezelve zullen worden agterhaelt : Alles in dien verstande , dat Wy de Suppl^{ten} met deezen onzen Oetroye alleen willende gratificeeren tot verhoeding van hunne schaede door het Naedrukken van de voorsz. Boeken , daar door in geenigen deele verstaen den inhoud van dien te Auctoriseeren ofte te Advouceren , ende veel min dezelve onder onze protectie en bescherminge eenigh meerder credit , aanzien ofte reputatie te geeven : nemaar de Suppl^{ten} in cas daar inne iets onbehoorlyks soude influeeren , alle het zelve tot haeren laste zullen gehouden weezen te verantwoorden , tot dien einde wel expresselyk begeerende , dat by aldien zy deezen Onzen Oetroye voor dezelve Boeken zouden willen stellen , daar van geene geabbrevieerde ofte gecontraheerde mentie zullen mogen maeken , neemaer gehouden weezen , het zelve Oetroy in 't geheel , en zonder eenige omiffie daar voor te Drukken , of te doen Drukken , ende dat zy gehouden zullen zyn een Exemplaar van de voorsz. Boeken op groot Papier , gebonden , en wel geconditioneerd te brengen in de Bibliotheecq van onze Univerfiteit te Leyden , binnen den tyt van zes weken , nae dat zy Suppl^{ten} dezelve Boeken zullen hebben beginnen uit te geeven , op een boete van zes hondert guldens , nae expiratie der voorsz. zes weken by de Suppl^{ten} te verbeuren , ten behoeve van de Nederduitsche Armen van de plaets alwaer de Suppl^{ten} wonen , en voorts op poene van metter daet
ver-

verstecken te zyn van het effoet van deezen Octroye, dat ook de Suppl^{ten}, schoon by het ingaen van dit Octroy een Exemplaar geleevert hebbende aen de voorsz. onze Bibliothecq, by zoo verre zy, geduerende den tyt van dit Octroy, dezelve Boeken zouden willen herdrukken, met eenige Observatien, Noten, Vermeerderingen, Veranderingen, Correctien, of anders hoe genaemt, of ook in een ander formaet, gehouden zullen zyn wederom een ander Exemplaar van dezelve Boeken geconditioneert als vooren, te brengen in de voorsz. Bibliothecq binnen den zelve tyt, en op de boeten en poenaliteit als voorsz. En ten einde de Suppl^{ten} deezen onzen Consente ende Octroye moogen genieten als nae behooren; lasten wy allen ende eenen iegelyken dien het aengaen magh, dat zy de Suppl^{ten} van den inhouden van deezen doen laeten ende gedoogen, rustelyk, vreedelyk, ende volkomentlyk genieten ende gebruiken, Cesserende alle belet ter Contrarie. Gegeeven in den Haeghe onder onzen Grooten Zegele hier aen doen hangen, op den twintigsten April in 't Jaar onzes Heeren ende Saligmakers duizent zevenhondert een en veertig.


vt

J. H. V. WASSENAER.

Ter Ordonnantie van de Staeten,

WILLEM BUYS.

Vk



A R T I S
DOCIMASTICÆ

P A R S I.
THEORETICA.

C A P. I.
DE
D E F I N I T I O N E

E T

O B J E C T I S

A R T I S.

§ I.



ARTEM DOCIMASTICAM voco, quæ
docet corpora Fossilia, præprimis Me-
talla, Semimetalla, Sulphura, & Salia, à
se invicem, atque ab aliis admixtis,
concinno apparatu separare; ut hinc ex-
actè cognoscatur, quid & quantum cujuslibet. in ma-
A terio

2 ARTIS DOCIMASTICÆ PARS I.

terie explorata adfuerit, vel ex eâ cum emolumento obtineri possit.

§. 2. *Objecta* hujus Artis sunt *Fossilia* omnia: cum enim metalla, semimetalla, salia, sulphura, quæ strictiore sensu objectum hujus Artis constituunt, raro tali conditione a natura exhibeantur, ut pura, & verâ suâ formâ, sese sistant sensibus; sed plerumque infinitis modis non solum secum invicem, sed præterea cum plurimis Terrarum Lapidumque speciebus, confusa reperiantur; hinc horum omnium indoles cognita esse debet artifice, ut conditiones, ad eorum separationem requisitas, determinare possit.

§. 3. *Differentia* hujus Artis, quatenus corpora metallica pro objectis agnoscit, a Metallurgiâ, latet in eo, quod Docimasia, meram objectorum cognitionem & indolem respiciens, sua opera tam concinno, quam fieri potest, apparatu absolvat; Metallurgia vero tali & tam ampla perficiatur supellectile, ut maximum inde redundet emolumentum possibile. Quamobrem impensæ, & constituta productorum pretia inter se invicem semper comparantur, quotiescunque Metallurgica disponuntur opera. Similem Artis nostræ censeas differentiam ab illis artibus, per quas reliqua obtinentur *Fossilia*: uti huc pertinet Chemia, quatenus salia, sulphura &c. præparat.

§. 4. *Fossilia*, termino impuriore dicta *Mineralia*, cum Clariss. Boerhaavio (a) voco corpora naturalia, nata in Telluris gremio, vel & ejus superficie, quorum

(a) *Elem. Chem. vol. I. pag. 30.*

rum simplex adeo fabrica, ut nulla hætenus perspicientia, ne quidem per microscopia acutissima, detexerit in his varietatem inter vasa, & ea, quæ iis continentur, sed simillimam omnibus partibus affinitatem toti; licet in plurimis horum, fluidarum & consistentium partium concursus, certo cognoscatur permixtu factus.

Scholion. Descriptionem hanc potius, quam definitionem liceat censere: siquidem Mineralia non omnia, sub quacunque conditione sensibus patula, tametsi subiectis aliorum Regnorum non commixta, nec hinc ab iisdem occultata fuerint, Mineralia esse cognoscuntur, consequenter nec a subiectis reliquorum Regnorum sub omni circumstantia, ex datis characteribus, discerni possunt. Dantur videlicet producta, ex Regnis Animalium & Vegetabilium oriunda, in quibus iidem characteres obtinent, qui in descriptione dati sunt Mineralibus, excepto solo natali loco, qui tamen cum non semper accurate cognosci possit, characterem ideo certum non constituit. Hujusmodi sunt, omnes Succi Animalium & Vegetabilium, qualescunque fuerint, tum Calculi, imò tota Animalia & Plantæ, si quocunque modo eorum organica fabrica fuerit destructa aut oblitterata. Hinc tot disceptationes ortæ fuerunt, de Ambræ Gryscæ Succini &c. origine, an ex Regno Animali, Fossili, vel Vegetabili deduci debeant; ne quid dicam de specialiori eorundem genesi. Neque sanè incertitudinem ex toto remonent, qui mutationem ad ignem, & producta per processus Chemicos inde emergentia, in subsidium vocavere; qualia præcipui

A 2

sunt;

4 ARTIS DOCIMASTICÆ PARS I.

sunt: Sal volatile alcalinum; Empyreuma ad ignem contractum: quippe quæ propria credidere soli Vegetabilium & Animalium Regno: quod quidem de potiori non negaverim: attamen quis dixerit, modo propositos ambos characteres valere ad constituendam differentiam specificam inter cuncta Mineralia & Vegetabilia, dum videt permulta ex Regno Vegetabili prodire, ex quibus nec Alkali volatile, neque Empyreuma oritur? qualia sunt Camphora variaque balsamica pura, quæ gummosa parte, & festucis ligneis carentia, aut per artem depuratissima, ope Alcoholis, reddita, iterumque præcipitata, Empyreumatica fiunt nunquam, longe minus alcalescunt. Adeoque Mineralia per huncce characterem non semper ab omni Vegetabili discerni possunt: nec sanè nota characteristica universalis hætenus innotuit. Attamen dantur characteres, per quos singula genera, usque ad species infimas, a cunctis reliquis corporibus bene queunt discerni, ex. gr. Metallorum in specie, Auri, Argenti, Cupri &c. quæ a quocunque alio non tantum Vegetabili & Animali, sed etiam Minerali, facile est dignoscere, ut paullo post apparebit.

Corollar. Fossilium igitur species simplices, ad concretorum mixtionem ingredientes, quantum ex habitu externo, simplici ad ignem evolutione, aliisque levioribus, ex tempore instituendis, experimentis fieri potest, describere prius decet eum, qui Docimasiam exhibere rationaliter conatur: neque tamen plures characteres erunt indicandi, nisi qui sufficient ad quamlibet speciem ab aliis distinguendam; ne ex superflua eorum recensione confundatur Lector.

§. 5. Fossilia hæcenus cognita simpliciora in quinque classes referri possunt omnia; quarum I. METALLA. II. SEMIMETALLA. III. SALIA. IV. SULPHUR, seu INFLAMMABILE. V. LAPIDES & TERRAS completitur; quibus AQUA & AER non inepte adjungi queunt.

I.

DE METALLIS.

§. 6. METALLA, si pura sunt, vocantur corpora ponderosissima, in diverso ignis gradu fluida, calore atmosphærae naturali solida, sub malleo in omnes dimensiones extendi potentia, opacissima.

Scholion 1. Hisce universalibus characteribus Metallum quodcunque ab omni alio corpore, quod non est perfectum Metallum, sese distinguit. Levissimum enim hujus generis, pondere specifico superat reliqua cuncta, hæcenus in rerum natura detecta, corpora, nisi tale ab ipso Metallo originem ducat, aut Metallum in se absconditum habeat: qualia sunt Lithargyrium, Minium, Cerussa, Vitraque Metallica & Mineræ, de quibus infra. Sic Stannum quod est Metallorum levissimum, Spathum ponderosissimum ad $\frac{1}{7}$ excedit; dum tamen Spathum, inter reliqua, exceptis Metallis, corpora, ipsosque Lapides, specifica gravitate maximâ eminet. Caveas interim, ne Stanni, Ferri, vel Plumbi, Mineras albas, pro Spatho falso agnoscas, quarum characteres infra sumus tradituri.

Scholion 2. Notes insuper, quod hæc sint notæ Metallorum purissimorum, a se invicem separatorum: unde non omnes in omni casu valent. Quando duo vel plura Metalla sunt mixta, ex. gr. Cuprum, Argentum, Aurum cum Stanno colliquata, malleabilitate carent: quin præterea leves quædam circumstantiæ efficere possunt, ut malleabilitas in Metallis, cæteroquin purissimis, destruat; quamvis tamen facili negotio semper restitui denuo queat.

Hinc dixi *extendi potentia*; quoniam malleabilitas actu non semper adest: sic ex. gr. Ferrum, aut Chalybs, candefacta, subito frigefacta, præcipue liquido frigido, ut aquæ, oleo, Mercurio &c. immersa, eo minus malleabilia evadunt, quin etiam rigidissima, prorsusque fragilia redduntur, quo luculentius incandescunt, quo frigidioribus liquidis extinguuntur. Præterea cuncta demum Metalla crebris mallei ictibus percussa, vel alia pressione externa, sine intercedente candefactione vel fusione, minus flexilia evadunt; ita ut demum, nimis agitata, fissuras agant subtiles: quod observare licet, in summæ tenuitatis Auri & Argenti foliis: unde quidam in eum deducti sunt errorem, ut crederent, subtilissimos hosce hiatus, transitum radiis luminis concedentes, Metallis esse naturales; quoniam per Auri laminas tenuissimas cernebant flammam candelæ oppositæ, jucundo spectaculo, viridescentem: quod haud inutile heic monuisse judico, ne quis de summa Metallorum Opacitate, quæ in iisdem præ reliquis cognitis corporibus maxima, non quidem glicam prorsus absoluta est, dubitet.

Nun-

Nunquam enim tales hiatus reperiuntur in foliolo, de minutissima Auri, ad perfectam malleabilitatem deducti, molecula facti, & ad æque magnam tenuitatem, ac foliola vulgaria, deducto; quum tale levi obtineatur extenuatione, per quam tanta rigiditas non oritur, ut findatur: ut pateat clare, non esse nativos hiatus, sed ex rigiditate Metallo inductâ natos. Restituitur autem malleabilitas Metallorum, per ignitionem, fusionem, lentamque sub calidis cineribus refrigerationem: evadunt tum eo magis flexilia, quo lentius frigescent.

Scholion 3. Specificæ Metallorum gravitates, exactissime determinari non possunt: differunt enim aliquantulum 1. Pro diverso calore atmosfæræ, quippe qui aquam cæteraque fluida in longe majorem dimensionem extendit, quam solida; atque hinc volumen inæqualiter tollendo, stabilem proportionem exhibere negat, nisi calor exactissime determinetur. 2. Pro varia puritate aquæ; quæ differentia quandoque satis insignis deprehenditur. 3. Hisce accedit diversa Metallorum puritas; siquidem raro Metallum habetur tam purum, quin cum aliis permixtum esse facile demonstrari possit. Hinc patet, cur tot diversæ gravitates specificæ Metallorum indicentur, quot auctores per experimenta in illam inquisiverunt. Attamen nisi maxima Metallorum impuritas accedat, aggregatum omnium differentiarum, quæ ex dictis causis fluunt, non impedire valet, quin quodlibet Metallum suo specifico pondere a quocunque alio distingui possit. Atque etiam ex hac ratione inutile duxi, partibus millesimis gravita-

tem specificam Metallorum exprimere. Longe minus in differentiam, quam pondus diversum atmosphæræ adfert, inquirere necessum putavi; quippe quæ solummodo in rarissimis corporibus sensibilis, verum in densissimis, qualia sunt Metalla, vix notabilis est.

§. 7. Metallorum stricte dictorum numerantur sex: *Aurum* videlicet, *Argentum*, *Cuprum*, *Plumbum*, *Stannum*, *Ferrum*.

§. 8. **AURUM**, cujus character (☉), Metallorum notis characteristicis (§. 6.) quam perfectissime gaudet. Amittit in aqua pura, destillata, suspensum, intra $\frac{1}{19}$ & $\frac{1}{20}$ sui ponderis; in magno igne fusorio, quantumvis diu liquefactum, substantiæ suæ nihil perdit, adeoque fixissimum est; superficieque hinc frigatefactum apparet nitidissima; colore fulvo sese distinguit; in igne, statim ac luculentius candescit, funditur, exhibetque tum coloris Thalassici superficiem; malleo facillime cedit, tam ductile, ut sæpius flectendo fractum, in fracturæ superficie in prismatis acutiem lævem videatur extenuatum; itaque non tinnit percussum; ab aqua forti non attingitur.

Scholion 1. Exactiorem Auri ideam exhibebunt infra cum hoc Metallo instituendi Processus, quos hæctenus Lectori incognitos suppono: quod & de reliquis Metallis notatum velim.

Scholion 2. *Fixa* Chemicis dicuntur corpora, respectu alius corporis, a quo se non patiuntur dissolvi. E. g. Aurum in aqua forti non solvitur; hinc dici-

dicitur ex relatione ad aquam fortem fixum: Aurum & Argentum fusorio igne non in fumum resolvuntur; hinc respectu talis ignis dicuntur ambo hæc Metalla fixa.

§. 9. ARGENTUM, LUNA (☾), in aqua circiter $\frac{1}{11}$ sui ponderis perdit; in igne æque fixum est ac Aurum, paulloque mitiori igne fluit, mundissimaque frige factum cernitur superficie; colore albo nitidissimo splendens; post Aurum ductilissima malleabilitate gaudet; solutionem in aqua regia perfectam non admittit.

Scholion. Experimenta circa ambo hæc Metalla, a variis auctoribus instituta, narrantur, quod videlicet 1. Per menses Aurum & Argentum in oculo furni Vitriarii fervidissimo reposita, sine ulla ponderis imminutione, vel saltem ea vix sensibili, nec ulla alia mutatione corrupta, persistenter liquefacta: quod verissimum deprehendi. 2. Aurum violentissimo vitri caustici foco expositum, vitri instar dissilierit, successive demum huic foco expositum, ut lentius incalcesceret, primo fuerit liquefactum, dein partim in fumum, partim in vitrum purpurei coloris resolutum. At in hujus experimenti enarratione deficiunt præcipuæ circumstantiæ; &, quæ observatæ fuere, cautelæ, in hisce experimentis adeo necessariæ, haud descriptæ, jure desiderantur.

Itaque certo judicio nihil ex eodem evinci potest, sed in suspenso relinquendum, donec majori cura institutum fuerit, ut certo errores non causæ, ut causæ, evitare liceat. Videlicet, primo

requiritur, ut Aurum, huic experimento subiectum, prius omnia severissimaque puritatis examina sustinuerit: minimum enim heterogenei metallici, forte Argento excepto, admistum crustulam vitream formare potest. Iptum etiam vas, aut carbo, cui fuit expositum Aurum, experimentum turbare valet. Quamobrem hoc etiam excipiens exploretur necesse est, an violentiæ foci resistere possit, an vero vitrescat. Sane ex sequenti hujus libri parte apparebit, quam arduus & plurimis Physicis ignotus sit labor, Aurum & Argentum ita depurandi, ut ne minimum heterogenei in iisdem demonstrari possit Metalli. Operatio demum aliquoties cum eodem repeti debet Auro, prima vice superstitere: si enim Aurum purum tali mutationi est obnoxium, certo certius totum quantum sic mutari poterit: qua de re in supra narrato experimento nulla fit mentio. Porro an prima vice superstitis Auri color, consistencia, pondus specificum, sit immutatum, an priora examina sustineat. Experimenta etiam cum vitro, quod de Auro natum crediderunt, sunt prosequenda, quanta sit ejus gravitas specifica; an & in quibus menstruis sit solubile; quid cum eo fiat, si reductio ejus varia ratione tentetur: de quibus omnibus cum altum sit silentium, quæ tamen partim solo adspectu; aut levissimo experimento detegenda fuissent, suspicionem movent hæud levem, ex omni parte debitam curam defecisse. In dubio itidem hæret; an Aurum in foco vitri caustici diffiliat ex se, an vero istud phænomenon vasi potius sit adscribendum, cui fuit impositum. Plurima enim vasa,

car;

carbonesque etiam plurimi, magno igni subito exposita, diffiliendo crepitant, magno artificum incommodo. Præterea prorumpentes vapores quandoque ejiciunt Metallum impositum: quod in Cupellis aliisque laxioribus vasis terreis, prius non sufficienter ustulatis, cernere licet. Quid? quod in hoc casu eo eminentius hæcce contingant, cum primo statim momento tam potens sit ignis, quantus in eadem clarè lucentis Solis, & vitri caustici, dispositione possibilis est; cum econtrario maximus vulgaris ignis gradus longe tardius communicetur subjecto: atqui ab hujus veloci actione pendet modo dictus effectus.

§. 10. CUPRUM, Æs, (♀) VENUS, de pondere absoluto in eadem aqua amittit intra $\frac{1}{8}$ & $\frac{1}{9}$; in igne non fixissimum, ut præcedentia, sed sui multum specie exhalationum & scoriarum perdit; malleabile quidem est, prioribus tamen longe minus; fractum per repetitas flexiones ostendit superficiem subtiliter granulata, rubram, fere instar nitidæ testæ figulinæ, ad rubedinem excoctæ, sine eminenti splendore; sonorum; coloris intenso fulvi; magnum ignem ad sui fusionem requirit, & mox ac candescere incipit, tingit ignem elegantissimo colore ex coeruleo viridi; fusum apparet pulcherrima superficie Thalassica; ab omnibus salibus, & iis, quæ salia actu continent, applicatis, arroditur; maximam tum colorum varietatem, inprimis viridem & coeruleum ostentans.

Scholion 1. Nullum Metallum in compositionibus latens, tam facile detegitur, quam Cuprum. Nam
mini-

minima ejus quantitas abscondita, suam præsentiam manifestat, efflorescentiis, coeruleis & viridibus, si salia quæcunque accedunt. Ipsa olea, aqua, & aër, in quibus salia non sunt sensibilia, hoc efficiunt.

Scholion 2. Fossilia in *Scoriam* verti hoc loco mihi dicuntur, si quando igni exposita fusorio, in vitri abeunt speciem, quod est corpus fragile, in igne puro fusile, & fixum, in aqua non solubile, Metallo liquefacto ad ignem non miscibile.

Scholion 3. Sunt qui Cupro maximam malleabilitatem inter Metalla adscribunt; imo Aurum & Argentum minus esse ductilia, nisi Cuprum cum iis confundatur. Verum hic error exinde ortum duxit, quoniam Auri & Argenti purissimi malleabilitas per minimam heterogeneorum quorundam admixtionem labefactatur: quod minus de Cupro verum est: &, quod mirum, si ambo ista Metalla cum Cupro æquabiliter sunt colliquata, haud ita facile ab hæterogeneis malleabilitas imminuitur, quam si pura fuerint.

§. 11. PLUMBUM, (♄) SATURNUS, levius fit in aqua suspensum $\frac{1}{11}$ ad $\frac{1}{12}$; liquefcit ad ignem longe antequam rubescit; non est fixum, sed validiori igne si urgetur, specie fumi multum perdit, & pro diverso ignis gradu, vel in pulverulentam, vel colliquatam in scoriam, *Lithargyrium* dictam, coloris flavi, rubelli, vel punicei, non nunquam & Iridis coloribus variegatam, totum demum vertitur; tenacissimum; hinc si flectendo frangitur, inde nata superficies lævis, prismatica, videtur; metallorum omnium.

mol.

mollissimum ; malleo percussum vix sonorum ; coloris ex albo cœrulescentis.

§. 12. STANNUM, (♄) JUPITER, omnium Metallo-
rum est levissimum ; levius fit in aqua $\frac{1}{7}$ sui pon-
deris ; non fixum est, sed leni igne, ante ignitionem
fusum, specie exhalationum, satis cito partim avo-
lat, partim in calcem fatiscit cineream, gryseam,
albicantem, prout gradus ignis differt ; antecedenti-
bus minus malleabile est ; non tamen valde durum ;
si flectitur, stridet ; colore nitido albo æmulatur Ar-
gentum.

§. 13. FERRUM, (♂) MARS, amittit in aqua sui
ponderis circiter $\frac{1}{7}$ $\frac{1}{2}$; valde fixum est in igne ;
requirit summum ignis gradum ad sui fusionem,
tumque de substantia sua quam plurimum perdit ; for-
tissime ignitum, vel fusum, scintillas ejicit, in vi-
trum fusco-cœrulescens, vel abundantem squammam,
fatiscit, & pro altera parte in fumos resolvitur ; o-
mnium est rigidissimum ; attamen nisi candescens
subito extinctum sit, ductilitate non infimum ; co-
loris aquei ; trahitur a Magnete.

§. 14. Quatuor hæcce postrema Metalla, non, sic-
uti Aurum & Argentum, in igne fusorio persistunt
citra destructionem ; sed, uti jam in singulorum defi-
nitionibus monitum, pro parte avolant, pro parte
in scoriarum seu calcis fixioris forma persistunt. Ve-
rum si subinde una cum magno igne subministra-
tur phlogiston seu inflammabile satis copiosum, fi-
xiorique basi irretitum, qualis est pulvis carbonum
Ve-

Vegetabilium & Animalium cunctorum, qui scorificationem horum Metallorum impedit, fere tota avolant; ut etiam granula metallica subtilia haud raro per altissimos caminos propellantur, frigidiori-que loco sese applicent: uti hoc in Ustrinis contingit, ubi Metalla immediate cum prunis stratificata, ignis & procellosi venti, ex follibus propulsi, conjuncta actione agitantur. Hinc ob deficientem fixitatem in igne, & destrucibilitatem per alia Menstrua, dixere hæcce *Metalla imperfecta*.

§. 15. Hisce sex Metallis ab omnibus fere, septimum adnumeratur ARGENTUM VIVUM, quanquam non gaudeat aliis, præter gravitatem summamque opacitatem, metallicis dotibus. ARGENTUM VIVUM, (☿)

MERCURIUS, ponderis sui $\frac{1}{14}$ in aqua privatur; si purum est, semper etiam in frigore summo fluit; ergo nec malleabile; argentei splendoris; distinctissime, vividissimeque reflectens radios luminis; est enim opacissimum; igne mediocri in fumos resolutum, totum evanescit, paucissimis plerumque granulis rubicundis, sabuli instar, relictis, adeo tamen exiguis, ut de magna Mercurii mole vix ponderabiles supersint; collecti vapores Mercurii eundem, qualis antea fuerat, Mercurium reddunt.

II.

DE SEMIMETALLIS.

§. 16. Hæcce in omnibus conveniunt cum prioribus, nisi quod malleabilitate longe minori vel plane nulla, minoreque in igne fulorio fixitate gaudeant; siquidem in vasis sine addito liquefacta, præprimis si liberalior accedat aëris actio, tota quanta evanescunt; cum contra Metalla imperfecta sub tali conditione plurimum scorizæ relinquunt. Sunt autem sequentia: *Zincum, Bismuthum, Regulus Antimonii, Arsenicum.*

§. 17. ZINCUM, corpus ex cœruleo album; cum quadam tenacitate fragile, hinc malleo quodammodo figurabile, longe minus tamen Metallis; fractum, ex tessularum fissilium segmentis aggregatum videtur; in igne leniori, simulac subobscore rubet, fluit; eodem aucto, mox fumat, sicque solido opposito minus fervido, forma levissimorum, alborumque florum, se applicat; validiore igne ardet flamma viridi elegantissima, cum citatissima sui consumptione, hinc phlogisti copiosi præsentiam manifeste denotans.

§. 18. BISMUTHUM constat, si frangitur, ex tessulis, hæque iterum ex lamellis sibi mutuo appositis; fragilissimum; cæterum externa facie parum a præcedenti differens, nisi quod non cœrulescat, sed potius levissimo fulvo splendore conspicuum sit; liquefcit longe ante ignitionem.

§. 19. REGULUS ANTIMONII, fracturæ superficiem præ-

præcedentibus similem ostentat; est fragilissimus, simul insigni duritie præditus; a sulphure minerali rite depuratus, albo nitore priora superat; majori igne ad sui liquefactionem eget, ac reliqua semimetalla: non enim, nisi mediocriter candescat, fluit. Ex quibus facile a prioribus semimetallis distinguitur.

§. 20. Datur præterea in Regno Minerali corpus, quod ad semimetalla, ob magnam convenientiam, merito referri potest, ARSENICUM (o-o) dictum. Hoc reperitur in semimetallica forma, prioribus quadantenus simili; in igne liquefcit, sed non tam tenui fluxu ac præcedentia; tuncque toto suo corpore, specie densissimi fumi, gryfei, alliaceo odore infecti, avolat; fere insipidum, at venenum tamen perniciosissimum, a quo, ne minimum ejus deglutias, vel ne vapor ejus longius ad nares vel os perveniat, summopere cavendum; nitor ejus in superficie aëri contigua brevi tempore obscuratur; est fragilissimum; inter semimetalla volatilissimum; pondere specifico cunctis Metallis & semimetallis cedit. Aliquando reperitur albo colore splendens; tum est semidiaphanum, in igne pastæ instar lentescens, nec inde muratur, nisi quod ex toto volatile fiat; non inflammabile; aëri expositum cuticulam induit lacteam; in trigecuplo aquæ simplicis ebullientis solvitur salis instar; cæteroquin reliqua indole cum priore convenit; quod speciem semimetallicam habet: quæ forma huic etiam per rite adjunctum phlogiston, uti in Parte II. docebitur, conciliatur; siquidem per hoc opacatur, coloremque priori similem induit.

Scho-

Scholion 1. A quibusdam *Arsenicum* refertur ad Sulphura; sed admodum simpliciter: uti ex modo recensitis ejus characteribus, ad notas sulphurum comparatis, clare patebit. Sulphura enim ignem alunt, & ab eodem mutantur; e contra Arsenicum ex se non inflammabile est; hoc pondere specifico illa longe superat: nec sulphur addito solo sulphure seu inflammabili semimetallicam formam induit; uti Arsenicum. Ad Salia meliori jure referri posset, & quidem semivolatilia; cum ex se non inflammabile sit, & in aqua bullienti solubile. Vid. paragraphum sequentem.

Scholion 2. Purum tale Arsenicum rarissime occurrit nativum, sed arte tale redditur: qua de re parte sequenti plura. Id ipsum de reliquis Mineralibus simplicioribus valet: quippe quæ etiam rarius a natura exhibentur in statu ab heterogeneis separato: uti jam semel monitum, & de sequentibus etiam valebit.

Scholion 3. Quæ præterea in Schol. 2. ad §. 6. notata sunt, & heic quoque, quin & in sequentibus, in genere notanda esse velim: videlicet, quod jam dicti characteres, & in sequentibus circa Mineralium definitiones tradendi, solummodo valeant, ad ea puriora cognoscenda, utrum talia sint, nec ne; ne utique vero ad Mixtorum ingredientia detegenda; quippe quod jam altioris indaginis est, & requirit, ut subsequentes, in parte secunda hujus libri tradendi, processus in subsidium vocentur.

III.

DE SALIBUS.

§. 21. SALIA vocantur corpora in aqua solubilia, in igne fluentia vel volatilia, non inflammabilia.

§. 22. Salium purorum simpliciorum duo dantur genera; alterum *Acidum*, alterum *Alcalinum*.

§. 23. ACIDA ex sequentibus cognoscuntur. 1. Cum testis ovorum alisque Animalium testaceis crustis, lapidibusque, uti cancrorum &c. quin & Creta, Gypso, Calce, motum concitant ebullitionis, cum spirituum elasticorum productione, quam Effervescentiam vocant: quod optime experiri licet, in vase vitreo angusti orificii, digito clauso; ut quem reprimere conantur: id dum fit, modo dicta corpora terrea, vel in totum, vel pro parte, resolvuntur in fluidum. 2. Multa aqua diluta, succos vegetabilium plurimorum cœruleos convertunt in rubros, ut Violarum, Heliotropii, &c. 3. Ante ignitionem, nisi a fixioribus absorpta sint (n. 1.), vel volatilia fiunt, vel immutantur. 4. Qui semel acidum quaecunque, gustu, vel olfactu percepit, acidum purius facile cognoscet: uti vulgo notum est.

§. 24. ALCALINA sese distinguunt, præter salinos universales characteres (§. 21.), per quos a terreis discernuntur, 1. Effervescentia, quæ oritur, si acidis adfunduntur. 2. Succos vegetabilium plurimorum cœruleos (§. præced.) mutant in virides. Ea sunt vel *Fixa*, quæ in igne mediocri fusorio persistunt liques-

quefacta; vel *Volatilia*, quæ leni calore avolant.

§. 25. Dicuntur *Salia NEUTRA*, quæ nec acidorum (23.) nec alcalinorum (24.) effectum edunt, cæteroquin Salium tamen characteribus (§. 21.) gaudent.

Scholion 1. Jam prius monui circa dijudicandos rerum characteres, & adhuc semel inculcabo, ut sine exceptione, in omni casu, heic vero præpripis, notes, quod in corporum ignotorum dignotione non unus aut alter, sed omnes classem quamdam determinantes characteres, hætenus recensiti, perquirendi sint, atque semper prius ex his indagare oporteat, ad qualem classem ea res pertineat, e. gr. an sit Metallum, Semimetallum, Sal. Si de eo certus es, e. gr. corpus oblatum esse Sal; tum porro inquirendum, ad quale genus referri debeat, an ad Alcalia, Acida, aut Neutra: si hoc innotuit, e. gr. esse Alcalinum, ultimo videndum, quænam sit species, fixa, an volatilis. Verum si ad nullam corporum cognitorum classem aut genus referre poteris, noli precario ad aliquod ablegare, sed novum potius genus vel classem constitue!

Scholion 2. Caveas, ne in observanda effervescencia te decipiant bullulæ aëris, quæ expelluntur, si corpori sicco, præcipue pulverulento, vel cavernoso, fluidum adfunditur: inde enim non oriuntur spiritus elastici; qui tamen in omni hætenus observata effervescencia sese expandunt. Quare conducit, ut experimenta talia in vitris tam angusti orificii fiant, quæ digito perfectè claudi possint; tum ut præterea multam conquassationem, & applicatio-

nem caloris majoris evites : inde enim aër non modo expanditur, sed etiam fluidum adfufum in vapores elasticos, inprimis accedente conquaſſatione, reſolvitur : quæ omnia eo facilius evitari poſſunt, cum efferveſcentia ſatis cito ſeſe manifeſtet, deſerveatque.

Scholion 3. Plures Salium differentiaè poſſent eſſingi. At, cum partim nullius ſint uſus, partim ad alia regna pertineant, partim vero magis compoſita reſpiciant, quorum plurimorum diverſitas non tam ab ipſo ſale, quam ab heterogeneis, ex. gr. metallicis, terreis, &c. dependet, neque præterea heic loci intelligi poſſint, eam ob rem ſilentio præterimus.

§. 26. Datur in regno Minerali Sal acidum, quod communiter vocatur *Acidum Vitrioli*, aut *Sulphuris*, at præterea aliis minus uſitatis nominibus venit ; *Chalcanthi* nempe, *Vagum foſſile*, *Catholicum*, *Primigenium*, &c. Id ubique fere in toto regno Minerali obvium, rariffime ſi unquam purum ; ſed vel in metallicis corporibus, vel in terris hærens, vel cum aliis ſalibus, aut etiam inflammabili foſſili conjunctum reperitur. His autem dotibus ſeſe ab aliis diſtinguit. Primò eſt acidis omnibus cognitis potentius ; ſiquidem ea ex matricibus, in quibus latent, excutit ; ita, ut ſapore, odore, reliquiſque ſpecificis dotibus, prius occultatis, ſeſe ilico manifeſtent. Deinde in vaſe anguſtioris orificii, limaturæ Ferri, aut Zinci, adfufum, largiori quantitate aquæ ſimplicis addita, eructat ſpiritum elasticotaton, foetore immani infeſtum, qui inflammabilis, admota candela, cum fragore, exploditur ; unde nonnunquam
vaſa,

vasa, haud sine discrimine præsentium, disjiciuntur. Porro concentratum & purum ponderosius & fixius est reliquis acidis, aquam simplicem gravitate specifica aliquoties superans: ob hanc fixitatem, in calore Athmosphæræ, quin & aquæ ebullientis, nulum spargit odorem. Est & per se coloris expers. Cum aqua simplice subito permistum tantum excitat æstum, ut sibilum edat, ac si pruna ei immergeretur, vasaque vitrea findantur; cum econtra reliqua acida cognita frigus producant. Denique si hoc acidum paucissimo phlogisto conjungitur, uti in ejus separatione ab adjunctis corporibus plerumque contingit, tum abit pro parte in volatilissimum spiritum, acri suffocante foetore diffusissimo infestum, at qui iis actionibus, quibus se tanquam acidum prædit, priori minus potens est.

§. 27. *Acidum seu Spiritus Nitri* ($\Omega \oplus$) cognoscitur odore, quem in Athmosphæræ calore naturali exhalat, acri, gravi; si concentratum est, eructat fumos, qui, si densiores sunt, apparent rubri, dispersi vero grysei: concentrati color fulvus est: si cum alcalino sale deferbuit, & tum inflammabilibus quibuscunque additur ignique exponitur, dissipata parte phlegmatis, inflammationem efficit strepentem, luculento apparente jubare, cum concitatissima inflammabilis consumptione, quæ *Detonatio* Chemicis audit: neque tamen spiritus acidus, nec alcali, nec etiam amborum salium mixtura, ex se inflammabilia sunt. Hæc detonatio etiam in vasis clausis contingit.

§. 28. *Acidum seu Spiritus Salis communis* ($\Omega \ominus$), acri, sed grato odore & sapore præditus, facillime

cognoscitur ex eo, quod solus inter acida Cuprum injectum cum effervescencia (§. 23.) in prasii coloris liquamen resolvat; cum reliqua acida colorem efficiant cœruleum aut viridem: præterea Aurum, addito priore acido Nitri (§. 27.) invadit: concentratus ex viridi flavescit.

Scholion 1. Hæc bina posteriora *Acida*, *Nitri* & *Salis communis*, rarius alibi existere deprehensa fuere, nisi in Nitro & Sale communi, ex quibus arte Chemica expelluntur, de quibus infra plura. Ambo hæc acida esse partes istorum salium constitutivas, docet Nitri & Salis communis non modo analysis, quam aliquando fallacem esse concedo, sed etiam simplicissima synthesis: quanquam hoc a quibusdam negatur, qui ambo ista acida ex arte Chemica tantum genita esse, nequaquam vero in Nitro & Sale prius præexistisse, sine ulla ratione asserunt.

Scholion 2. Caveas in explorandis hisce salibus seu spiritibus acidis, ne eos incautè ori aut naribus admoveas: si enim concentratiores paucis ingeruntur guttulis, caustica violentia, cunctas, ad quas pertinent, partes ocysime destruunt: præcipue pulmonibus infestus est eorum odor: unde illi, qui frequenter processibus circa acida hæcce incumbunt, Asthmatici plerumque deprehenduntur, & Phthifici percutunt.

§. 29. An verum & perfectum *Sal Alkali fixum* detur naturaliter in regno Fossili quæritur? A quibusdam ejus existentia in dubium vocata fuit. At Aquas fontium explorantibus, haud adeo raro occurrit tale sal, quod omnibus salis alcalini fixi dotibus (§. 24.)

(§. 24.) gaudet : præprimis ex Thermis Carolinis, Aquis-granensibus, Spadanis, aliisque fontibus medicatis, iis maxime, qui hepar Sulphuris redolent, paratur : continent id præterea in se Sal commune, aliave salia media, in fontibus sic dictis salubribus latentia. Notetur interim, quod alcali fixum fossile, de quo heic agimus, non omnino omnibus dotibus, cum sale alcalino fixo vegetabilium conveniat ; sed præprimis sequentibus differat. 1. Vegetabile avidè humiditatem ex aëre absorbet, a qua demum in liquamen resolvitur, quadruplo fere ponderosius sale eodem sicco ; e contra Minerale Alcali non deliquescit. 2. Vegetabile longe acrius est Minerali. 3. Vegetabile, cum acido Vitrioli conjunctum, abit cum eo in salem compositum, ad ignem valde refractarium, difficillime in aqua solubilem : Minerale contra in salem abit, & ad ignem & ad aquam fluxilissimum : cæteroquin etiam figura & duritie Crystalli inde natæ differunt a prioribus. Reliquis conveniunt. Quanquam igitur differentie quedam inter sal Alcali fixum Fossile & Vegetabile obtineat ; at tamen iis characteribus, ex quibus sal alcali, & quidem fixum, tale esse dijudicatur, conveniunt. * Quin Nitrum veterum esse videtur. Tale Alcali Fossile a terris sic dictis alcalinis purum esse judices, si solvitur in aqua, & solutio per chartam bibulam rejecta, salis Alcalini fixi Vegetabilium solutionem admittit sine turbatione. Vocantur enim *Terræ alcalinæ*, quæ in acidis spiritibus (§. 26. 27. 28.) cum effervescentia solvuntur, ex quibus accedente sale alcalino tota iterum præcipitantur in pulveris forma.

Differunt Terræ alcalinæ , a Salibus alcalinis fixis , quod hæc in aqua simplici sine addito sint solubilia ; illæ vero non nisi accedente sale præcipue acido.

Scholion. Sunt , qui huic Sali (§. 29.) nomen Alkali fixi Mineralis jure dari posse negant , sed id ad Terras Alcalinas referri debere statuunt , eam ob rationem ; quia adfuso Alkali fixo vegetabili , aut Alkali volatili , aliquid Terræ ex ejus solutione præcipitur : unde putant esse Terram Alcalinam in acido solutam. Sed huic objectioni satisfaciunt sequentia. 1. Nullum est dubium , quin huic sali aliquid Acidi mineralis adjunctum sit , quod quidem sedem suam mutat , atque cum Alkali fixo vegetabili , vel volatili sese unit , quo tempore debilius Alkali fossile per Alkali fixum vegetabilium , vel per Alkali volatile , quippe potentiora longè , expellitur. At verò in omni salum transpositione aliquid Terræ ad fundum præcipitur. 2. Præterea in ipso sale communi , aliisque salibus nativis neutris , ex Acido & Alkali compositis , simul terra aliqua alcalina Acido soluta latet , quæ ab Alkali fixo vegetabili , vel ab Alkali volatili excussa adjungitur illi Terræ , quæ ex ipso Alkali eodem actu exturbatur , dum Acidum sedem in Alkali figit. Confirmat hoc quantitas Terræ excussæ respectivè exigua , & similis Terræ excussio è Nitro vulgari , solutione , filtratione , crystallisatione exactissima depurato , si huic soluto solutio Alkali fixi vegetabilis instillatur. 3. Ex nulla Terra Alcalina cum Acido Vitrioli soluta , inspissata , si cum ea colliquescit ad ignem corpus inflammabile,

bile, verum nascitur Hepar Sulphuris: quod tamen cum Alkali fixo fossili æque facile, ac cum vegetabili succedit.

§. 30. Existentia *Salis Alcalini volatilis*, in regno Minerali, adhuc in dubio hæret. Videntur istud Marmora quædam foetentia, lapidesque nonnulli fissiles, quin & Calaminæres, in se continere. Accuratiori tamen observatione est evincendum, an non inde originem duxerit, quod Lapides isti, aquæ quodammodo pervii, in vicinia forte superterraneorum animalium vel vegetantium putrefactorum constituti, inde urinosi quidpiam absorpserint: non enim in memoriam revocare possum, tales lapides ex profundioribus Metalli fodinis, aut Lapidicinis, unquam erutos fuisse. Si vero certum esset, salem Ammoniacum verum (de quo paullo post) ex terræ profundioribus locis erutum fuisse, aut etiam vaporis specie propelli, nullum remaneret dubium de *Alkali volatili minerali*: hoc enim sal ex alcali volatili & acido salis communis componi, & in ambo ista principia resolvi, chemica docent experimenta. Confer circa hocce F. Hoffmannum (a) & Henckelium (b), aliosve auctores fide dignos.

§. 31. Ex præcedentibus salibus Alcalinis & Acidis varia nascuntur salia neutra. Vulgatissimum est *Sal commune* inde dictum, *Muria* (\ominus), quod ex spiri-

(a) *Dissertat. Physico-Chemic. L. II. Obs. I.*

(b) *Traçtat. de Appropriat. p. 126. N. 4.*

spiritu falis communis (§. 28.) & alcali fixo Minerali (29.) junctis compositum, si purum est, colore candidissimo splendet semper; in ignem injectum valide crepitat, unde quaque diffiliendo; igne mediocri fusorio liquefcit, parum hinc alcalefcit, magno igne fusorio pro maxima parte in fumum resolvitur; in aquæ simplicis circiter quadruplo frigido æque ac fervido dissolvitur; leni igne inspissatum, crystallos tessulatas, hexaëdras, cubicas, quæ in pyramides truncatas coacervantur, exhibet.

§. 32. Alterum sal Neutrum vocatur *Nitrum* (⊙), quod in igne puro, qualis est ignis solaris concentratus, vel etiam in vasis, a pabuli ignis illapsu defensus, liquefcit mediocri ejus gradu, sine insigni mutatione; majori fusorio aut per vasa transfudat, aut in fumum resolvitur, & si forte paucillum restat, id acre Alcali esse deprehenditur; addito vero inflammabili quocunque, ingenti cum strepitu, lucidissimoque jubare, detonat (§. 27.), pabulum ignis velociter consumit, atque magnam alcali fixi (§. 29.) molem in vase post se relinquit; in aqua fervida ejus multum; longe minus in frigida, solvitur; saturata in calore aquæ ebullientis solutio, dein frige-facta, emittit crystallos, quæ induunt figuram prismaticam hexaëdram, lateribus oppositis plerumque æqualibus, ad bases in pyramides similis polygoni terminatam; in tali statu apparet aquea pelluciditate, sine ullo colore. Hoc Nitrum plerumque factitium est.

Si Acidum Nitri cum Alcali fixo Minerali est conjunctum; Nitrum inde ortum coit in crystallos cubi-

eubicas, figura Sali Communi (§. 31.) haud absimiles, Atque hoc quidem nativum est in Oceani aquis, una cum sale communi.

§. 33. Tertium salem Neutrum constituit *Acidum Vitriolicum*, ab Alkali Minerali absorptum, ut plurimum in aquis medicatis obvium: cognoscitur autem sequentibus phaenomenis. Si cum grossiori carbonum pulvere miscetur, & in vas terreum candescens ab igne ingeritur, mox spargit odorem nauseosum; si tum immittatur mixtura in triplum aquae calidae, & per filtrum trajiciatur, solutio trajectory erit fuscoviridescens, nidorosa, cui instillatum acidum quodcunque Mephitim latrinæ diffusissimam expellit, simulque pulverem præcipitat ex flavo albicantem, qui est verum sulphur Minerale, vulgare, inflammabile.

§. 34. De sale isto, qui vocatur *Borax* seu *Chrysocolia*, quin & de sale *Ammoniaco*, aliisque, plura possent addi. Quoniam vero tot diversæ habentur relationes de eorum loco natali, modoque colligendi & præparandi, quot auctores, plerumque non adeo fide digni; certi quid tradere de iis nequeo, hinc satius duco silentio eos præterire. In subsequenti vero capite de Menstruis plura, quæ spectant digressionem & usum eorum, attingam.

I V.

DE SULPHURE.

§. 35. Omne, quod est inflammabile, generali termino a Chemicis vocatur SULPHUR. Tale datur in regno Minerali semper aliis corporibus, præcipue acido (§. 26.), mixtum. Cæteroquin inflammabile, purum, minerale, a vegetabili, ac animali, haud videtur discrepare, nec nisi unicum dari in rerum natura: ut hinc totum, quod inter varia sulphura datur discrimen, solummodo in diversa cum heterogeneis mixtione, mixtionisque modo, consistat. Hoc *phlogiston* seu *inflammabile* per cuncta naturæ regna, ipsamque Atmosphæram est distributum, nusquam constans, sed jugi circulo ex uno in alterum regnum transit, neque etiam in statum aggregatum redigi purissimum potest. Habetur a quibusdam pro igne Materiali, Elementari. Fusius interim de hac materia agere, scopus hic noster non permittit: alibi forte plura.

§. 36. Idem hoc verum est de *Aqua & Aëre Regni Mineralis*: eorum enim simplicium differentia ab aqua & aëre in reliquis naturæ regnis, & in Atmosphære regione, plane nulla se manifestat. Est autem *Aqua* pura, simplex, corpus pellucidum, plane excolor; absolutè insipidum; in frigore concrescens in solidum, durum, corpus, quod Glaciem appellamus; calore aucto iterum resolvitur in fluidum; ignis gradu fortiore accedente abit in vapores elasti-

co-

cotatos, qui æstu imminuto denuo redeunt in fluidum densius, denique iterum in glaciem.

§. 37. *Aër* purus est fluidum, inter ea, quæ mensurari & vasis coërceri possunt, levissimum; rarissimum; pellucidissimum, excolor, hinc invisibile; prorsus inodorum; insipidum; adeo elasticum, ut levi pressione in arctiora ad sensum spatia redigi queat; pressione cessante iterum sese in prius volumen restituit; nec summo hætenus cognito frigore in solidum conerescit; vasis densioribus coërceri potest. Hisce characteribus perfecte ab omni alio fluido cognito sese distinguit. Utraque hæc fluida, sunt præcipua & universalia mutationum, quæ in tribus naturæ regnis contingunt, media & causæ: inde sanè pendent destructionum & generationum vicissitudines, saltim tanquam a causis concurrentibus: sunt enim & *Menstrua* & *Vehicula*, per quæ vel mediate vel immediate solvuntur omnia, & de loco in locum transvehuntur, & sic variis modis sibimet occurrunt, atque conjunguntur partes corporum destructorum.

V.

DE LAPIDIBUS ET TERRIS.

§. 38. *LAPIDES* vocantur corpora in aqua non solubilia, sub malleo non ductilia, in igne non ardentia, fixissima, firmiter cohærentia.

§. 39. Quando illi visibiles, palpabiles, admodum parvi tamen, lapilli coacervati sunt, nomen gerunt

Arenæ,

Arenæ Sabuli, *Glareæ* (germ. *Sand*, *Gries*).

§. 40. Si vero minimis impalpabilibus particulis existunt, parum vel non inter se invicem coheren-
tibus, & licet concreti, tamen per aquam adfusam
emolliri in pastam tenuem possunt, dicuntur *Terræ*
(germ. *Erden*).

§. 41. Lapidum differentiæ ex habitu in igne ut
indicentur, scopus noster maximè requirit: sed si-
mul reliquos illorum characteres facile in sensus in-
currentes haud inutile erit notare.

§. 42. Quidam summo igne anemio liquefcunt,
& dicuntur *VITRESCENTES*. Quo referuntur
1mo. *Schissus* (germ. *Schieffer*), qui est lapis ex la-
minis facile fissilibus coacervatus, opacus, mollior,
coloris varii, imprimis flavi, fusci, nigri. Obscurè
cerulea vel grysea ejus species, in ampla, planiora,
strata fissilis, *Ardesia Tegularis* (germ. *Dach-Schief-
fer*), dicitur. Hi expositi in vasis clausis ignem me-
diocrem fusorium sine mutatione sustinent; igne ma-
gis aucto fluunt; & quidem alii eorum in nitidum,
opacum vitrum nigrum sic abeunt; quædem vero
aliæ species, igne intensiori simulac liquefcunt, attol-
luntur in spumam adeo, ut parca copia amplum
vas repleant, & in spongiosissimam mutantur mas-
sam, levissimam, aquæ supernatantem. *Creta nigra*
improprie sic vocata (germ. *Schwarze Kreide*), ni-
gerrimi coloris, mollissima, fissilis, ex qua styli scri-
ptorii confici possunt, *Ardesiæ* species censenda.

2do. *Argilla vulgaris, figulina* (germ. *Thon*, *Let-
ten*) gravis, si purior, est albi vel cerulei coloris;
in aqua mollescit in pastam tenacem ductilissimam;
siccata

siccata iterum indurefcit; igne mediocri primo indu-
ratur; magno denique diffiuit in vitrum, fufco vi-
ridis coloris, femi-opacum.

3^{to}. *Boli Terræque figillatæ*, ob characteres im-
preffos fic dictæ, prioribus (num. 2.) funt affines,
fed plerumque pinguiore; variorum colorum, præ-
primis rubri, albi, viridefcantis; quæ itidem medio-
cri igne fuforio eo ufque indurefcunt, ut plerumque
ad chalybis ictum, ficuti & priores, fcintillas fun-
dant; majori igne in vitrum abeunt, partim folidum,
partim fpongiofum, leve, plerumque viride fufcum,
uti (num. 1.). Huc pertinent quædam, quæ *Ter-
ræ Margacæ* vocantur. Variis autem nominibus ha-
ctenus dictæ Terræ infignuntur; quanquam nomine
magis, quam re ipfa diverfæ fint. Plurimæ earum
ex variis terrarum fpeciebus funt coalitæ, apud Sc-
plafarios obviæ, nomenque gerere folent a regione
derivatum, ex qua primo fuere adlatæ: e. gr. *Bolus
Armena*; *Lemnia*; *Terra figillata Strigomienfis*; *Meli-
tea* &c.

4^{to}. *Silex* (germ. *Kiefelftein*), non confundendus
cum minera, quæ vocatur *Pyrites* (germ. *Kies*).
Hic lapis eft valde ponderofus; chalybe ftrictus fcin-
tillas fundit lucidiffimas, quæ microfcopio luftratæ,
deprehenduntur fcoria ferri & lapidis colliquefacta;
perquam durus; colorum diverfiffimorum; nunc o-
pacus, nunc pulchra pelluciditate præditus. Venit
autem fub diverfiffimis nominibus; prout color ejus
variat: imo viliffimus alias lapis, pro magnitudine,
colorum pulchritudine & varietate, pelluciditate,
duritieque eminenti, quandoque magni pretii æsti-
matur.

matur. Si hujus lapidis vel naturalis superficies, vel fractura, admodum angulosa & scindens est, dicitur a metallicis *Quartzum*, quod solet Silicem duritie, pelluciditate, & nitore præcedere. Quædam hujus species igne anemio sat facile liquefcunt: aliæ autem maximo igne, quin eodem haud raro aperto, egent, ut ad liquamen deducantur. Quando Silices minimi, granulati, coacervati modo sunt, non vero cohærent, vocantur *Arena* vel *Sabulum* (vid. §. 39.). Si vero aggregati cohærent, attamen inter se distincti, non quidem continui, sed modo contigui sunt, *Lapis* ex istis aggregatis constans dicitur *Arenarius*, vel *Saxum sabulosum* (germ. *Sand-Stein*), cujus natura eadem est, quæ Silicis, variisque hinc coloribus, subtilitate, ac reliquo habitu externo gaudet. *Pumex* itidem vitrescentis naturæ est, qui est lapis cavernosus, hinc levissimus; ex fibris irregulariter spongiæ instar videtur contextus; ad tactum asper: vulgaris grysei est coloris, circa ignivomos montes, calidarumque thermarum quarundam regiones reperiendus.

§. 43. **CALCAREI** alteram constituunt Lapidum classẽ, qui exusti magno igne ita saltem immutantur, ut vel statim in igne mollescant, & in pulverem subtilem abeant, vel post ignitionem addita aqua, aut modo aëri expositi, tandem dehiscant in pulverem seu calcem. Hujus generis sunt.

1mo. *Spathum* (germ. *Spath*), qui est lapis mollior, leniori igne, cum levi crepitatione, tam fragilis reddendus, ut intra digitos in farinam conteri possit; gravitatis diversæ, quin quandoque tanto specifi-

co eminens pondere, ut cuncti lapides reliqui simplices multum eo sint inferiores; plerumque rhomboidalibus, sæpe prismaticis, parallelis, oblongis striis aggregatus; diversæ pelluciditatis; plerumque aquei, vel lactei coloris. Lapidēs, ex quibus paratur *Gypsum*, multum similitudinis habent cum *Spatho*, nisi quod pondere aliquantulum sint inferiores.

2do. *Marmora* (germ. *Marmor*) coloribus diversissimis, plurimis plerumque simul permixtis, varia. *Marmor* autem est lapis mediocris duritiei, ita, ut chalybe se patiatur tornando & radendo figurari; plerumque opacus; magno igne ustulatus, si aëri exponitur, vel aqua humectatur, summo cum æstu dehiscere solet in tenuem calcis pulverem. Ex variis hujus speciebus rudioribus, mediocribus fragmentis obviis, vera paratur *Calx viva* vulgaris, modo puræ sint, & præcipue silex absit. Mollior hinc, minusque nitidus, gryseo rubello, flavo, tinctus colore, hinc vilioris pretii, ex quo *Calx viva* uritur, strictè vocatur *Lapis Calcarius* (germ. *Kalk-Stein*). Si particulæ filicosæ *Marmoribus* sunt permixtæ, tunc liquefcunt facilius ad ignem, quam ipse silex per se. Dignoscitur autem Silex inter *Marmora* hærens, si cum chalybe strictum *Marmor* hinc inde scintillulam excutit: *Marmor* enim purum non projicit scintillas.

3tio. *Stalactites* (germ. *Tropf-Stein*): qui lapis diversus est ponderis, attamen plerumque levior; molli; albi flavescentis vel grysei coloris; calcaris indolis, raro alterius naturæ deprehenditur. Nomen istud gerit, quoniam ejus materia intra breve temporis

C

spa-

spatium per aquas advehi cernitur, quæ destillantes in locis subterraneis, aut torrentibus rivulisque in telluris superficie defluentes, corporibus solidis occurrentes, materiam lapidis deponunt, quæ copiose aggregata, indurataque, lapidem format ante descriptum.

§. 44. Quidam denique *Lapides* in igne summo vulgari vel plane non mutantur, vel si mutantur, haud tamen funduntur, neque in calcem per se, nec mediante humido, dilabuntur: unde appositissime vocantur *ΑΠΥΡΙ*. Huc refertur

1^{mo}. *Creta*, quæ in hoc genere primum meretur locum; utpote, modo pura sit, sub ipsis speculis causticis ne quidem mutabilis. Est levis; alba; mollis; porosa; transmittens aquam; effervescens cum omnibus acidis, in quibus & solvitur; ad tactum non pinguis, sed scabra.

2^{do}. *Margæ* dein huc pertinent, quæ partim sunt cretæ impuræ, partim vero prorsus singularis indolis; siquidem duriusculæ effossæ ad ærem liberum in pulverem dehiscunt: color est gryseus aut flavus.

Huc refertur *Terra Tripolitana*; Cretæ similis, sed levior; consistentia durior; ad tactum mitior; flava; alba, rubra, grysea; indurescens in summo igne co usque, ut chalybe percussâ scintillas projiciat. Cæteroquin haud commode Margis adnumeratur, sed singularem speciem constituit.

3^{tio}. *Asbestus*, lapis fibris filamentosis, sese decussantibus, contextus; pondere diversus; colore solet esse albus, gryseus aut viridis; igne summo vix muta-

mutabilis, nisi quod colorem ut plurimum in album mutet, duriorque fiat, ac antea.

Suber Montanum a quibusdam, ob aliqualem externæ faciei convenientiam, huc refertur: qui Lapis est semiflexilis; at vero in vitrum nigrum (a) colliquescent, & quantum scio, modo in Succiz quibusdam fodinis reperitur.

4^{to}. *Amianthus*, parum a priori differt, nisi quod fibræ ejus utcunque flexiles sint & parallelæ; ut ideo fila, panniculi, & chartæ, quæ mediocri igne sunt incombustilia, ex quadam ejus specie a curiosis conficiantur. Sustinet is ignem mediocrem absque mutatione, & sic arte facta ex eo a sordibus purgantur. Quando vero magno ignis gradui exponitur, deperdit vel pro parte vel in totum suam flexilitatem, indurefcitque: id, quod præsertim obtinet in Amianthi illa specie, quæ, intra digitos friabilis, improprie dicitur *Alumen plumosum*; hoc enim adeo indurefcit igne, ut ad chalybem scintillas fundat (b).

Ne hoc *Alumen plumosum*, cum *Alumine plumoso* Goslariensi confundas, toto cælo differenti; quippe quod posterius quoad figuram externam tantum cum priori quadantenus convenit, quoad substantiam vero perfectum est *Vitriolum stalacticum*, de quo infra.

5^{to}. *Ollaris lebetum Lapis*, a quibusdam etiam dicitur

(a) *A. Henckel de lapidum origine pag. 58.*

(b) *Idem ibidem pag. 55.*

dicatur *Creta Cimolia*, *Creta Hispanica*. Is quidem ad tactum perfecte saponem refert; plerumque est semidiaphanus; mollis; pondere mediocris; acie cultri facillime figurandus: ob quam indolem vasa ex eo figurantur, non tamen admittentia in sua penetralia aquam, aliaque liquida: in igne magno colorem suum in album, vel rubellum mutat, & adeo indurescit, ut Silicem ad amussim æmulari videatur, percussusque promte projiciat scintillas.

Hic commodissimum locum inveniret *Lapis Serpentinus* dictus, obscure viridescens, maculis nigricantibus plerumque notatus, ex quo vasa fiunt, aliaque utensilia undique nota. Neque enim jure hic lapis ad Marmora refertur, tametsi habitu externo iis similis videatur.

6to. *Talcum* (germ. *Berg-Talg*) est lapis ex squammulis coacervatus; rubello, albo, aut viridescente colore tinctus; ad tactum saponaceus; utcunque tenax, mollis; hinc terendo ægrè comminuendus; magnum sustinens ignem; nec nisi fragilior in eo evadens.

Huc forte referri posset *Molybdæna* (germ. *Gegraben Wasser-Bley*), alias quoque vocata *Cerussa nigra*, *Plumbum marinum*; non confundenda cum *Galena Plumbi*, deinceps inter Mineras describendâ, quæ, licet eodem nomine quandoque designetur, & ab ignaris pro eodem habeatur; prorsus tamen a *Molybdæna* discrepat: hæc enim ne vestigium quidem *Plumbi* in se continet. Est *Molybdæna* lapis coloris plumbei, ex squammulis talcosis contextus, & *Talcum* quoad texturam & reliquam indolem prorsus reterens; est enim mollis, ut cultro facile corradi que-

at,

at; ad tactum valde saponaceus; corpora solida affric-
tu suo magis lubrica reddens: unde & artifices
præla aliaque instrumenta, loco saponis, Molybdæ-
na perfricant, partim ut motus faciliatur; partim
etiam, ut, quæ ex ferro parata sunt, colore nigro
splendeant, & a rubigine quodammodo præserven-
tur. Stylis itidem scriptoriis usu pervulgato infer-
vit. In igne aperto summo vix ullam mutationem
subit; nisi quod subtilissime sic divisa colorem parum
mutet, & paulo laxioris atque magis triturbabilis con-
sistentiæ fiat.

7^{mo}. *Mica* (germ. *Blende*) prioris est species;
magis splendens & nitida, colore nigro, quæ dicitur
Sterile nigrum (germ. *Pech-Blende*), aureo, argenteo,
(*Katzen-Gold*, *Katzen-Silber*), nec igne nec aqua do-
mabilis. Pellucidior, nitidior ejus species, ex am-
plis laminis fissilibus, semi-flexilibus, contexta, di-
citur *Selenites*, *Glacies Mariæ*: quod nomen ali-
quando & tribuitur *Spathi* speciei nitidæ, pelluci-
diori, fragmentis rhomboidalibus, fissilibus, inter-
stinctæ.

§. 45. Plurimæ Lapidum horum Apyrorum species,
ante ustionem ad tactum glabræ saponaceæ, vi ignis
asperiusculæ fiunt.

§. 46. Lapides ante recensiti omnes etiam in Ter-
rarum & Arenarum forma reperiuntur. Confer (§.
39. 40.): e. gr. *Spathi*, *Talci* & *Micæ* species cre-
bro arenas & terras constituunt, aut aliis saltem inter-
mixtæ sunt horum lapidum moleculæ minutissimæ,
splendidæ, quarum nitor sæpius spe divitiarum vana de-
cipit ignaros, si argenteo vel aureo fulgent colore:

quamobrem etiam vocantur *Ammono-Chrysus*, *Arena Aurea* (germ. *Gold-Sand*), *Arena Argentea* (*Silber-Sand*): tametsi vix vestigium Auri & Argenti in se habeant. Si scire volupe est, quænam lapidum species in arenis subtilioribus concurrant, microscopiis eas lustrare oportet.

§. 47. In dijudicandis Lapidibus simplicibus, ad qualem de tribus ante dictis Classibus pertineant, aliquando ambiguus hærebis: quod tamen in errorem te deducere non poterit, modo circumspicere Classium extremos terminos consideres. Dantur enim gradus fluxilitatis inter lapides Vitrescentes. Lapidem Apyritidem majori & minori contumacia resistunt igni. Itaque quo majori ignis violentia egerit Lapidem Vitrescentes, ut liquecant, eo magis accedunt ad Apyros; quo minus resistunt Apyri igni summo fusorio, eo magis recedunt a natura Apyrorum, & ad Vitrescentium indolem accedunt. E. gr. dantur inter Silices & Argillas quædam, quæ mediocri igne fusorio vitrescunt; alia vero ejusdem speciei, vix ad liquefactionem sunt deducenda, sed intensissimo igne solummodo superficiariam subeunt vitrefactionem. Quidam Apyrorum igni summo resistunt, uti Creta, quæ perfecte Apyra: alii, ut Ollaris, Asbesti, & Amianthi quædam species, quidem non liquefcunt; attamen ad liquefactionem proni sunt, & inter se conglutinantur, hinc summo igne duriores evadunt. Liceret hoc vocare primum vitrefactionis gradum. Ubi ergo desinunt Vitrescentes, Apyri incipiunt. Hinc patet, in quolibet casu specialem rationem gradus ignis esse habendam.

Pri.

Primus vitrefactionis gradus facit, ut Terræ, Lapidesque comminuti, firmiter inter se cohæreant, & unus continuus Lapis ex diversis innumerabilibus comminutis rursus fiat. Huic fundamento inniturur opera figulorum, quæ ex Argilla, hinc Terra figulina dicta, conficiuntur, & quorum excoctio primus est vitrefactionis gradus. Similiter materies, ex qua fiunt utensilia, Porcellana dicta, intermedia est inter Apyros & vitrescentes, eamque rarius natura suppeditat, plerumque per artem componitur; dum videlicet Terræ Vitrescentes cum Apyris ita temperantur, intimaque trituratione & lotione permiscentur, ut magno igne mixtura non penitus liqueat, sed tantummodo ad lentorem deducta, in arctius magisque compactum coëat spatium, figuram tamen utcunque retinens ab artifice impressam. Quem in finem eliguntur tales species, quæ postquam maximum ignem passæ fuere, albæ semidiaphanæ apparent: quibusdam compositionibus etiam superaddere conducit salinum fluxum, ex Alkali fixo & Calce viva confectum. Albedo nitidissima, reflectens radios cunctos, in causa esse videtur, cur facilius per ignem summum, vulgarem, ad molliorem deduci possit Porcellana, quam sub violentissimo vitri caustici foco.

§. 48. Dantur præterea plures *Lapidum* species, figura, colore, duritie, pelluciditate, gravitate, diversæ, quibus tamen enumerandis supersedeo: jubet enim instituti mei ratio, eas tantum species heic describere, quæ magis sunt vulgares, & in quibus reliqua Mineralia plerumque solent esse recondita. Ad-

de, quod plurimæ species ex mixtura variorum lapidum ante memoratorum oriantur : quarum hinc ratio hoc loco non habenda ; quoniam, cognitis simplicioribus, etiam exinde compositæ facile cognoscuntur, quousque sensus iisdem a se invicem discernendis sufficiunt. Si vero oculus nec armatus par esset, variis Lapidum speciebus in una gleba concurrentibus detegendis ; altiori indagine opus foret, ad istiusmodi compositionem dignoscendam : quod difficillimam sane Artis Docimasticæ partem constitueret, hætenus parum excultam. Cæteroquin qualescunque demum reperiantur insuper Lapides, ad unam hætenus expositarum classium referri possunt omnes ; quanquam alios præterea characteres possideant speciales, quibus sese a reliquis distinguant ; vel si referri eo nequeunt, saltem ad Mineras pertinent, Cap. IV. Multi enim Historiæ naturalis scriptores Mineras Metalliferas, aliæve Mineralia composita pro Lapidibus simpliciter habuere, ut Hæmatitem, Lapidem Calaminarem, &c. vid. l. c.

§. 49. Interim haudquaquam crediderim, ea, quæ hætenus tradidi, sufficere ad exactam Lapidum omnium, quos natura suppeditat, cognitionem, in determinandis eorum speciebus : neque enim ut volui, sed ut potui, rem exsecutus sum, meliora si quis dederit, avidè amplexurus. Sunt certè Lapides infinitis adeo modis ac proportionibus inter se mixti, ut ne armatus quidem oculus iis accurate discernendis plene sufficiat. Figuræ eorum, colores, aliæque ejusmodi externæ dotes vix constantes sunt, quæ ab infinitis causis, non semper ad ipsius lapidis

dis propriam materiam pertinentibus, pendent: ut ideo facile falli queat, ex talibus qui iudicium atque dignotionem promit, Systemaque construit. Longe magis nugantur, qui pelluciditatem, colores, &c. pro fundamento systematis Lapidum assumunt; quum ex ejusmodi systemate ne minimum, nec quoad scientiam, nec quoad artem, emergere possit emolumentum. Firmiori talo stare videtur illa methodus, quæ per varios ignis gradus explorationem facit in vasis primo clausis, purissimis, igni resistentibus, dein & in apertis ad focus anemium vel fabrilem; neque tamen reliquam indolem negligit, quousque requiritur, ut quælibet species ab alia distingui possit.

§. 50. Clare igitur patet ex præced. (§. 32. 33.), unde tam immanis nominum, quibus designantur lapides, detur numerus; tamen si, re rectè considerata, nequaquam tanta lapidum varietas hæcenus innotuerit; si modo essentialia, non autem accidentalialia respicias. Haud inutile erit heic loci, quæ jam dicta sunt, pluribus exemplis illustrare, ut systematum lapidum eo clariorem ideam assequi possit Tyro.

Qui lapides duriores sunt, pulchrisque coloribus præditi, vocantur *Gemmæ* (germ. *Edelgesteine*), majorque præ reliquis habentur pretio. Atque ii quidem partim sunt diaphani, partim semidiaphani, partim opaci, plerumque ad Silicis seu Quartzii aut & Calcariam naturam accedentes. Sic c. gr. nitidus semidiaphanus Silex, colore apparens albo, rubro, gryseo, &c. variegatus, vocatur *Achates*. Si colores

in lapide hoc ita sunt ordinati, ut circuli aliquot concentrici, diversorum colorum, appareant, dicitur *Lithophthalmus* (germ. *Augen-Stein*, *Katzen-Auge*). Præprimis autem illa Achatæ species sic dicitur, quæ colore in ambitu lacteo nitens, hoc quasi circulo exteriori includit alium obscuræ vel versicoloris Tincturæ, Iridi oculorum similis, atque in medio demum nigrum discum, tanquam pupillam, repræsentat. Lapis Achatæ similis, sed colore dilute rubro, aut ex rubro flavescente, magis homogeneo, nitens, *Carneolus*, vel *Sardius Lapis* vocatur. Intensius ruber puniceus, vel opacus, vel semidiaphanus, *Granatus* audit: quo nomine etiam sæpius Mineræ rubræ duriores, polyhedræ, Metallum feraces, præprimis stanni, designantur: hinc quidam Granati ignem absque insigni mutatione ferunt; quidam non, sed colorem atque duritiem perdunt, & in pulverem fatiscunt, vel Metallicum, vel mere Calcarium. Ex cœruleo viridis *Lapis Nephriticus* dicitur: quo nomine aliquando etiam Silex, aliquando Marmor, quin Talcum ejusdem coloris, venditur. Lacteus vocatur *Onyx*. *Sardonyx*, ex *Carneolo* & *Onyche* mixtus. Cyaneo dilutiore, leniter viridescente, opaco colore præditus, *Turkois*, *Turcheffa*. Cyaneo intensiori *Lapis Lazuli*, cujus color mediocri igne constans est: unde a Minera Cupri Lazurea, aliisque Lapidibus cœruleis, distinguitur. Silex fuscus, cinereus, gryseus, valde durus, dicitur *Pyromachus* (germ. *Feuer-Stein*); quoniam præcipue usurpatur ad ignem ope chalybis excutiendum. Qui leviter cœrulescente, flavo, rubro, variegato colore semiopaco apparet, *Chal-*

Chalcedon audit. *Jaspis*, qui etiam dicitur *Lapis Pantherinus*, coloribus semiopacis, rubro, flavo, viridi, albo, fusco, nigro confusis, est notatus. *Malachites* (germ. *Schrek-Stein*), parum a priori diversus, nisi quod obscure viridis color prædominetur, ab aliis coloribus modo maculatus. Viridis, stratis rubris & purpureis variegatus, si est pellucidus, *Opal*; si semi pellucidus reflectens, *Afferia*, *Heliotropius* (germ. *Sonnen-Stein*) audit. Si semidiaphani & diaphani plurimi, aut omnes colores, hoc est, præcedentes lapides cuncti in una gleba sunt confusi, vocatur tale concretum (germ. *Corallen-Stein*, *Corallen-Bruch*). Marmora alba, sine omni alio, aut saltem non multo colore, dicuntur *Alabastra*: quod etiam nomen Spatho tribuitur albo, opaciori; & quoniam ex hujus posterioris specie paratur *Gypsum*, dicitur *Gyps-Stein*: ambo hi lapides sæpius sunt permixti; unde & nomina confunduntur. Fuscum durissimum Marmor *Basaltes*. Obscure viridis maculatus lapis vocatur *Lapis Serpentinus* (germ. *Serpentin-Stein*), distinguendus ab eo, qui in capite serpentum reperiri traditur. Ex illo tornantur vasa ajiave utensilia, satis per totam Europam nota. Solet is, particulis Silicosis, Marmoreis & Ollaris esse permixtus, & maxime in Saxonia occurrit. Rubrum Marmor, aliis præterea coloribus variegatum, *Porphyritis* venit nomine. In fodinis occurrens Marmor a quibusdam fossoribus vocatur germ. *Horn-Stein*, *Lapis Corneus*; quod etiam nomen tribuitur *Pyromacho*, quin & *Asbesti* quibusdam speciebus. Inde est, quod unus idemque lapis, diversicolor,

cæte-

cæteroquin homogœneus, ex diversa parte aspectus, & a peritissimis sæpe lapidum æstimatoribus, diversis insigniatur nominibus: e. gr. Achates ab una parte, ab altera Corneolus, Jaspis, &c. apparet, ex colorum diversitate, ex diversa parte apparente.

Metallici demum semidiaphanas coloratas, præcipue Silicis & Quarizi, aut etiam Spathi species, circa venas metallicas plerumque repertas, vocant germ. *Flöffe*: quod a Latina voce *Flos* videtur originem ducere, ob pulchram colorum varietatem, qua sese commendant. Hi Lapidés rudes non politi, ab imperitis lapidum censoribus, falso sæpius pro gemmis pretiosissimis habentur, & a pharmacopolis loco harum usurpantur, vendunturque, & vocantur, si intensiore rubro colore fulgent, *Rubini*, germ. *Rubin-Fluss*: pallidius rubentes, *Pallasii*: purpurascētes *Amethysti*: cœrulescentes *Saphiri*: viridescentes *Smaragdi*: flavescentes *Topazii* &c. quibus tamen præmittere conveniret vocem *Pseudo*; ut vocarentur *Pseudo-Topazii*, *Pseudo-Smaragdi* &c. quemadmodum & Germani addunt vocem *Fluss*, ex. gr. *Topas-Fluss*, *Smaragd-Fluss*. Neque tamen & hi Lapidés nativi confundi debent cum Gemmis arte factis, quibus etiam vox illa *Fluss* addi solet, & quas ars Vitraria producit: sunt enim hæc modo vitra variis coloribus tincta, hinc Gemmas nativas æmulantia, a quibus tamen pelluciditate, colorum pulchritudine, duritieque multum differunt. Scilicet ab hisce modo memoratis proprietatibus, quin & a magnitudine, & numero parciore, quo occurrunt, summum Gemmarum nativarum dependet pretium,

tium, quod præterea in multis etiam in progressionē duplicata ad pondus augetur; ut ideo Gemmæ pretio, quod ipsis inter homines constitutum est, cuncta reliqua naturæ in regno Fossili producta superent.

Lapides ante dicti, coacervati, cavernosa aggregata constituentes, dicuntur germ. *Drusen*: & plerumque polyhedra forma, aut crySTALLINA prismatica hexaëdra, nitrifomi, solent esse præditi. Inter hos *CrySTALLUS montana* (germ. *Berg-CrySTALL*), pellucida, excolor, natura Quartzo similis, plurimique insuper similes lapides duri, *Pseudo-Adamantes* dicti, eminent.

Præter jam dicta Gemmarum nomina, tot insuper alia ferè habentur, quot diversæ sensibiles colorum mixturæ & gradus dantur. E. gr. Aurantius interlucente levi virore lapis, pellucidus, vocatur *Chrysolithus* (germ. *Gold-Stein*); viridis maculatus *Chrysopras* (germ. *Gold-Prasem*); ignei coloris splendidissimus, Rubino adfinis, *Carbunculus*, *Pyropus*; coloris flavo-rubelli *Hyacinthus*; & sic porro. Adeoque & hic obtinet, quod jam de opacis & semiopacis dictum est; ut videlicet idem aliquando lapis colore ex mixtura diversorum oriundo ita temperatus sit, ut artifices in ejus denominatione plurimum differant.

Inter has Gemmas, reliquis duritie, pondere, & diaphaneitate, palmam præripit *Adamas* (germ. *Diamant*), imprimis Orientalis, qui optimus censetur excolor, aut levi citrino fulgore præditus.

Gemmæ coloratæ fere omnes in igne aut colo-
rem

rem mutant, aut excolores fiunt; Orientales in calces solent dehiscere; plurimæ nostrates deprehenduntur, quoad consistentiam, constantiores, aut ad vitrescentiam pronæ.

Præterea diversæ naturæ lapides eodem designantur nomine, si modo externa figura inter se conveniunt. Sic vocatur *Ætites* (germ. *Adler-Stein*), si lapides quidam cavum formant undique præclusum, in quo alius minor lapis, fabulum, vel aliud corpus solidum, libere hæret, ut concussu strepitus intus percipiatur. Hinc talis *Ætites* quandoque Marmoris, Silicis, quin haud raro Pyritæ, in caput mortuum resoluti, iterumque in Ferri Mineram indurati, species deprehenditur: Pyritæ enim, imprimis globosi, striati, merè sulphurati, merè martiales, talis sunt indolis, ut in interioribus eorum penetralibus destructio incipiat, crassa circum manente duriuscula crusta; dum interim resoluta interior substantia quandoque iterum induratur in Mineræ Ferri speciem. Sed de his plura infra, & sub processibus de Vitriolo in Part. II. Hac ratione omnes lapides, qui Conica gaudent figura, *Belemnite* nuncupantur; *Astroite* dicuntur, ob planam radiatam figuram, plerumque Marmoris, Spathi, rarius Silicis, nonnunquam Pyritæ, naturam æmulantes, quandoque etiam ex omnibus dictis coaliti. In spiram convolutus lapis *Cornu Ammonis* appellatur, qualiscunque lapidum species materiam præbeat. E contra unus idemque, quoad substantiam, lapis diversis vocatur nominibus, si diversis figuris ante recensitis gaudet: quod ex modo dictis facile intelligitur. Præterea

terea permultas Vegerabilium & Animalium figuras, in simplicibus Lapidibus & compositis, ipsisque Mineralibus & Metallis repræsentatas, observamus, alias satis perfectè, alias imperfectè: id tamen quoad speciem externam tantum obtinet, harumque rerum curiosi defectum, si quis est, sæpius accedente perversa imaginatione, supplere solent. His Lapidibus nomen datum *Petrefactorum*, quod indicat corpus Animale vel Vegerabile organicum, externa tantum figura manente, quoad substantiam suam, vel ex parte, vel integrè, in lapidem Minerali cuidam similem conversum. Nec dubium est, quin tales transformationes revera terrarum stratis per inundationes, vel alio modo, submersis, nonnunquam contingant, quocunque id fiat modo. Hinc vocantur in specie *Phytolitha*, Vegerabilia; *Zoolitha* Animalia petrefacta. Unde iterum tot fere emergunt Petrefactorum nomina, quot Vegerabilium & Animalium species, horumque partes habentur. Ex. gr. *Dendrites*, petrefactas designat herbas ac frutices. *Margæ* levissimæ albæ species, aquæ innatans, *Agaricus* audit *Mineralis*; quoniam aliquam cum fungo, *Agaricus* dicto, quoad habitum externum, similitudinem habet: eidem huic tamen ab aliis generalius nomen *Lactis Lune* (germ. *Stein-March*) datum est, quo nomine & similes terræ albæ flavescentes, priore ponderosiores, designantur. *Ichthyolithæ* imagines piscium; *Glossopetræ* linguas petrefactas præprimis avium repræsentant; *Echinithæ* (germ. *Igel-Stein*) echinos in lapides conversos; *Conchithæ* conchas referunt. Atque hi plerumque

que in Lapidibus Fissilibus, Cretaceisque sunt obvii, aliquando perquam nitide expressi. *Os*, *Unicornu*, *Ebur fossile*, ob similitudinem cum ossibus calcinatis, dentibusque, sic dictum; *Brontias*, *Chelonites*, *Bufonites*, sunt Silicis naturæ lapides, formam conoidæam habentes, cujus basios diameter, respectu axis, longe major est, ac in Belemnite; præterea a basi per apicem ad oppositam basis partem excurrunt Zonæ, in apice sese decussantes, punctatæ, maculatæ. Insuper & artefactorum imagines occurrunt, eorumque adeo denominationes. Tales sunt *Cochlita*, seu *Cochlea petrescens*, in Mineris Ferri quarundam fodinarum Herciniæ reperiundæ, haud raro nitidissimè & cochleam marem & fœminam exprimentes, & similes alii.

Præterea ex ipso odore, non substantiæ ipsorum proprio, sed quem contraxerunt a corporibus circumpositis, seu a materiâ absorpta, quidam appellantur lapides: e. gr. *Lapis Violaceus*, ex odore speciei Musci odorati, minutissimi, coloris lateritii, nomen gerit, quippe qui odorem spargit radice Iridis Florentinæ. Hinc facile patet, lapidem istum non ejusdem semper generis esse quoad substantiam sibi propriam: plerumque est saxum sabulosum, Muscis coloris aurantii, lateritii & fusci, oblitum. Nec odor iste constans est, sed in igne modo leviori statim perit: neque interior lapidis substantia istum odorem spargit. De *Myrrhinita*, Myrrhæ odorem spargente, idem censendum. *Lapis Suillus*, *Porcinus*, ob foetidissimum odorem excrementorum putrescentium

rum sic dicitur, neque confundendus est cum *Pedra del Porco*, lapidum opacorum pretiosissimo, quod originem ex regno Animali ducit.

Coroll. Patet itaque ex ante dictis, lapidum simplicium, hactenus cognitorum, differentias magis ab accidentalibus, quam essentialibus dotibus, dijudicatas esse: unde varietas ingens apud auctores emergit. Porro ex paucis speciebus, essentialiter diversimode conjunctis, varia eorum facies apparet. Quibus tamen, in lapidum historia tradenda, non nimium inhærendum, si vastam confusionem evitare velis. Interim lapides pretiosi exactius merentur examen: quæ tamen res ex se non est levioris negotii, nec paucarum impensarum, atque hinc vix unquam ad amissim perficietur; cum paucissimis naturæ indagatoribus, ob magnas impensas, concessum sit eam in se fuscipere.

§. 51. An plura dentur Mineralium simplicium genera, vel species, præter jam dicta, quis negabit? Nullum enim dubium est, quin Salia, forte & Metalla, ac Semimetalla, existant in rerum natura, ab enarratis diversa, hinc forsân & alia Mineralia, ad nullam harum classium referenda: quod ante pauca secula modo inventum Nitrum & Zincum, quatenus in forma semimetallica apparet, veteribus, quantum scimus, incognita, saltem non descripta, videntur certò indicare. Neque ulli credibile videbitur, totum Mineralium regnum ab hominibus hactenus esse perlustratum, aut omne, quod in eo est inventum, litteris mandatum ad nos pervenisse.

Coroll. Cum Docimasia doceat indolem & disse-

D

rentiam

rentiam Mineralium simplicium, nec non compositorum mixtionem; patet ejus usus in condenda historia Naturali. Sed neque minus utilis ea est & necessaria in Metallurgia. Cum enim solo adspectu de indole Mineralium certum judicium nemo ferre possit; opus est, ut experimenta in subsidium vocentur Docimastica. Minera plumbi flavo-viridis, plerumque CrySTALLIS Spathum nitriforme æmulantibus obvia, sit pro exemplo, quæ, quantum scio, in uno tantummodo loco reperitur. Pone, aliquem omnes Minerarum Plumbi species, hac sola rarissima excepta, vidisse: solo is sane adspectu, figura, colore, pondere, nunquam eruet, eam Plumbo esse ditissimam: quod & de aliis plurimis verum esse, quilibet harum rerum peritus facile concesserit. Mineras Stanni a metallicolis pro Mineris Ferri habitas fuisse, magno cum detrimento, narrat Erckerus (a).

§. 52. Duplex Operationum Docimasticarum est finis, videlicet ut sciatur, (1) quale & quantum de quolibet Minerali in subjecto composito sit aggregatum: (2) quale & quantum cum emolumento possit inde separari.

Scholion. Falluntur sæpe metallicolæ a Docimasticis; quando hi explorationem tali modo, & per talia additamenta, instituunt, quibus in majori opere, ob majores sumtus & labores, uti non licet. Si enim cum in finem instituitur operatio; requiritur talis

(a) Vid. *Laz. Erckers Probir-Buch* pag. 120.

his methodus, quam vel majori opere imitari, vel cui aliam viam, ad eundem scopum tendentem, proficuumque, liceat substituere.

C A P. II.

DE MENSTRUIS DOCIMASTICIS

Eorumque Præparatione.

§. 53. **A**ntequam tractemus de instrumentis & vasis, ipsosque processus aggrediamur; decet eorum corporum indolem exponere, quæ vasis istis contineri, instrumentis dirigi & applicari, nec non in artis Objectum agere debent.

Scholion. Si quis hoc caput exactè intelligere velit, singula experimenta perficere debet. Id autem ut eo felicius fiat, requiritur, ut prius modo perlegat, deinde consulat caput sequens de Supellectile, quam sibi secundum ibi datas delineationes comparare debet: quo factò facile erit, cuncta heic recensita experimenta perficere, atque sic distinctas sibi de Menstruorum effectibus formare ideas.

§. 54. Illa corpora, quæ certis sub conditionibus ad alia corpora applicata, in formam fluidam resoluta, iis ita se uniunt, ut inter horum partes distributa, sensibus, etsi armatis, non discernenda, hæreant, nec rursus sponte ab iis secedant, vocantur *Menstrua*. Dividuntur hæc præsertim in *secca* & *humida*. *Sicca* dicuntur, quorum fluor per ignis violentiam obtinetur, aut per *Mercurium*. *Humida*, quo-

rum liquiditas, concurrente abundante *aqua*, efficitur, aut jam præsto est. Humida iterum variis modis subdividuntur: qua de re ubique in Chemicorum scriptis mentio fit, nec heic loci agemus; utpote specialiore duntaxat Chemiæ partem nunc pertractantes. Solummodo enim opus erit, huc pertinentia, quatenus scopus noster requirit, specialissime exponere, eorumque præparationes docere.

I.

DE METALLIS EORUMQUE PRO-
DUCTIS UT MENSTRUIS.

DE PLUMBO.

§. 55. Ejus characteres vide Cap. I. §. 11. Quando *Plumbum* in vase terreo exponitur igni mediocri, nascitur mox cuticula scoriarum versicolor, pulverulenta; aucto ad luculentiorum vasorum candescentiam igne, hæc cuticula fit tenax, demum tenuiter liquefcit, rejicitur ad marginem, formatque sic scorias (vid. Schol. 2. ad §. 10.): quæ vocantur *Lithargyrium*. Videtur tunc ebullire & fumare *Plumbum*, perpetuoque guttulæ, scorias prioris generis referentes, oriuntur; quæ olei instar supernatant *Plumbo*, & statim rejiciuntur ad priores. Si ignis sic continuatur, torum denique *Plumbum* convertitur in *Lithargyrium* coloris intense flavi, pellucidi, aliquantulum a vulgari venali differens.

§. 56. Si *Plumbo* leni igne liquefacto *Cuprum* imponitur; nulla illius in hoc actio percipitur, sed sine mutatione *Cuprum* supernatat, nisi quod superfici

ficii Cupri quædam Plumbi guttulæ adhæreant. Verum si ignis multum augetur, & sic fumantj Plumbo immittitur Cuprum; videtur motus ebullitionis admodum incitari, & Cuprum quasi vi dirumpi, disparere, & in unam, ad aspectum homogeneam, massam cum Plumbo abire, quæ frigefacta fragilis evasit, si portio Cupri major addita fuerit.

§. 57. Aurum & Argentum eodem modo a Plumbo solvuntur, fragilia fiunt, & Aurum præprimis ab ejus minima copia pallefcit.

§. 58. Stannum solvitur in Plumbo igne non multo majore, quam quo ambo fluunt: simulac vero ignis ita augetur, ut mediocriter candescant vasa; ambo Metalla cito semet invicem destruunt. Mixtura enim horum Metallorum, in superficie aëri contigua, illico in calcem convertitur, intumescitque in formam grumulorum, pulverulentorum, candescentium; ut imperito videatur carbunculos illapfos esse: nam grumuli illi de igne exempti aliquamdiu, prunarum instar, ardent fumumque eructant. Si opo cochlearis detrahitur ista calx, illico alia gignitur, & si pergis jugiter natam auferre, facili negotio intra horam aliquot libræ Plumbi & Stanni in calcem tota quanta convertuntur: hoc vero ut fiat, requiritur Stanni & Plumbi proportio æqualis. Frigefacta Calx colore albo, flavo, & rubro variegatis apparet: albedo a Stanno; flavedo & rubedo a Plumbo pendet.

§. 59. Plumbum quamdiu formam suam metallicam habet, non attingit Ferrum, quomodocunque

igne urgeatur. Sed ambo in scorias conversa, commode colliquescunt, opacumque fuscum vitrum constituunt.

§. 60. Semimetalla ad ignem facile colliquescunt cum *Plumbo*, hujusque malleabilitatem tollunt, colorem ejus obscuriorem nigricantem reddunt.

§. 61. Sæpe opus est hoc Metallo granulato, ut cum alijs misceri, & pondus ejus exactum facilius determinari possit. Fit vero hæc comminutio optime via sicca, sequenti modo, & vocatur *Granulatio* (germ. *Körnen*). Immitte Plumbum in cochleare ferreum, funde leni igne, statim ac perfecte liquefit, infunde uno rivo in pyxidem ligneam, operculo ligneo munitam, vel in aliud quodcunque vas, in quo liquidum quoddam validissime conquassari queat, neque tamen, ut exiliat, metus sit: sine vero parietes vasis Creta, vel Cera, largiter perfricati; tunc ocysime conquassetur ea lege, ut agitatum intus Plumbum fortiter ad latera vasis allidat, continuato motu hoc tamdiu, donec solidum persistat; invenies maximam Plumbi partem in tenuissima, scabra, granula divisam: abluatur dein adhærescens forte creta, ope aquæ manibus bene perfricando; trajiciantur granula per cribrum, ut grossiora separentur, exsiccentur, & vase puro, contra pulveris illapsum tecto, servantur in usus postmodum exponendos.

Si in mortarium vel ollam ferream infunditur Plumbum liquefactum, & cum cochleari ferreo rapide, dum liquefit, agitur, donec solidescere incipit, tumque velociter radendo divellitur, nitidior fit

fit granulatio, sine ullius alieni admiftione; tametsi multum restet non satis comminuti Plumbi, quod cribratione facile separatur. Hæc methodus præstat præcedenti, quamvis fit difficilior.

Scholion 1. Ratio istius Processus hæc est. Dantur inter Metalla & Semimetalla quædam, uti Plumbum, Stannum, Aurichalcum, Zincum, Bismuthum, quæ fusioni proxima sunt fragilissima, instar sabuli madefacti. Creta, qua vas intus obdutum, reddit superficiem valde resistentem, & defendit, sicuti & Cera, contra ambustionem. Si nunc Plumbum fufum, modo ante descripto, ad vasis latera concutitur, eo momento, quo abire incipit in solidum, massa-fragilissima divellitur in tenuem scobem, vix nisi hac encheiresi obtinendam. Zincum, & quæ difficilior ad ignem fluunt, granulari debent in vase ferreo.

Scholion 2. Cautelæ sunt 1^{mo}. Ne Plumbum nimio igne fundatur: nascitur enim cuticula, quâ licet separatâ, mox alia atque alia producitur, quæ, conquassando intermixta Plumbo, operationem feliciter succedere impedit; enim vero tenax est, & vas ligneum ab ea amburitur. 2^{do}. Ut sat bene fluat; ne mox immissa massa frigescat, antequam divelli possit.

Coroll. Pater ergo, talem granulationem non commode fieri posse cum istis Metallis, quæ eo tenaciora redduntur, quo liquefactioni sunt propiora; uti Aurum, Argentum &c. ea hinc & alia encheiresi egent.

§. 62. *Plumbum*, & omnia ex eo producta, magno igne

igne tota abeunt in *Vitrum* (§. 11. & 55.) & fumum.

§. 63. Hoc *Vitrum* sive *Lithargyrium*, mixtum terendo, & fufum cum lapidibus vitrescentibus (§. 42.); hos longe minore igne liquefcere, & in vitrum commutari facit, quam per fe fieri potuiffet. Si *Lithargyrii* copia fatis magna additur, Lapidēs hi in *Vitrum* fluunt adeo attenuatum, quod per vafa fuſoria fe ſubducit, ipſaque vafa, niſi tranſitum liberiores concedant, corrodit & liquefacit; exceptis iis, quæ compactiſſima ſunt.

§. 64. Lapidēs Calcarei omnes (§. 43.) ſi eodem modo (§. præced.) cum *Lithargyrio* tractantur, idem patiuntur (l. c.): ſed plurimi eorum requirunt longe majorem *Lithargyrii* copiam, ut æque tenuiter fluant.

§. 65. Lapidēs in igne perſiſtentes Apyri (§. 44.) difficilius ope *Lithargyrii* immutantur, &, niſi accedat commixtio mechanica, & mediocris ignis gradus diutius continuatus, per vafa continentia ſeſe citius ſubducit *Lithargyrium*, quam ut perfecte ſolvat horum Lapidum plurimos; alii vero facilius ſubiguntur.

§. 66. Inter Metalla Cupri liquefactionem ad ignem *Lithargyrium* quidem promover; eo ipſo autem ejus portionem inſignem conſumit, in vitrum ſecum convertit, dictis (§. 63.) obnoxium. Antequam vero id Metallum eſt deſtructum, *Vitrum Saturni* ſeſe non æque miſcet cum eo, ac cum lapidibus antedictis; ſed circum, & ſupra, natat: quod etiam de reliquis Metallis & Semimetallis valet.

§. 67. Stannum ejuſque Calx (§. 12. 58.) cum
Lithargyrio

Lithargyrio subigitur in vitrum lactei coloris, leviter flavescens, nitidum, opacum.

§. 68. Auri & Argenti liquefactio a *Vitro Saturni* promovetur quidem (uti §. 66.); sed jacturam inde non patiuntur. Videtur enim, istam tantummodo partem Metallum a Vitro Saturni solvi, quæ in scoriam per ignem abiit (§. 10. Schol. 2.). Quoniam itaque nec Aurum, neque Argentum, scorificationi, solo igne fusorio, sunt obnoxia, facile liquet, cur sine imminutione persistant.

§. 69. Patet ergo usus hujus *Lithargyrii*, adeoque & ipsius Plumbi, eorumque, quæ istud in se continent, insignis, in præcipitandis quibusdam Metallis, ut Auro, Argento, Cupro, si terris lapidibusque involuta sint. Solvit enim qualescunque lapides & terras, tumque Metallum gravius per tenuiter fluentem scoriam, seu vitrum, descendit, & in Regulum colligitur, supernatantibus terrestribus, Metallo levioribus, vitrefactis scoriis. Semper autem Metallum aliquantula pars in scoriis istis detinetur: unde scoria aut vitrum, pro diversitate Metallorum, variis coloribus inficitur, cujus penitior separatio alio obtinetur remedio, de quo in Parte sequente.

§. 70. Quum vero *Lithargyrium* adeo facile per vasa sese subducatur quæcunque, &, dum liquefcit, in spumam attollatur, sicque facile transcendat vasa; eo solo rarius utuntur Docimastæ, sed lentorem ei inducunt, & id ligant per filicum, arenæ, luti, &c. certam proportionem additam. Sumunt enim pulveris filicum calcinatorum vel arenæ partem 1. *Lithargyrii* partes 2. terendo miscent exactissime, su-

peraddunt Nitrum vel Sal commune, ut eo facilius & æquabiliter fluat, fursumque ejectæ, Lithargyrium effugientes particulæ, actionem Nitri aut Salis expectantur. Dein vasa, quæ esse debent densa & solida, triploque capaciora, claudunt tigillo, ope luti firmato, ne carbones Lithargyrium in Plumbum reducturi illabantur, immanemque excitent ebullitionem spumantem. Ignis exstruitur in initio lenior, pedetentim augendus, donec fortiter candescant. Fusum sic relinquunt ultra quadrantem horæ vel diutius. In ea autem operatione semper in cinerarium furni anemii respiciendum; ut recognoscatur, an crucibulum coërceat vitrum, nec ne: sæpissime enim accidit, ut aquæ instar per crucibula transfuder, inque cinerarium destillet: quo viso, statim vasa ex igne sunt auferenda, nisi totum, quantum, perire velis. Fracto crucibulo ut plurimum parvus Regulus Plumbi in fundo vasis invenitur, si Lythargyrio venali usus fueris, quem, si adest, separa: in medio Vitrum hæret Saturni separandum, & in usus servandum: gleba salina superior abjicienda, si quæ adest: de Nitro enim parum vel nihil superesse solet.

Scholion 1. In Vitri Saturni præparatione cum cura evitari debet, ne festucæ, crines, aliaque, quæ inflammabile in se continent, sese immisceant, vel una cum ingredientibus speciebus subrepant: siquidem non modo Vitrum inde refractarium fit, ob jacturam alicujus partis Lithargyrii, quod iterum in Plumbum abit, & tum statim ad fundum præcipitatur; sed etiam, nisi vasa sint amplissima, ignisque lentis admodum gradibus applicetur, maxima pars massæ oram
valis

vasis transcendit. Omnem autem ebullitionem spumescentem evitare non licet, quippe quæ in omnibus ferè vitrefactionibus contingit.

Scholion 2. Si Lithargyrium venale, ante mistionem cum lapidibus, vel arena, tam leni, ac fieri potest, igne liquefeit, & in conum fusorium effunditur; tum deponit Plumbum, nondum in Lithargyrium conversum, omne: quo separato, non tam facile vasa perforantur in Vitri Saturni compositi confectione.

§. 71. Licet ad Vitrum Saturni parandum aliis etiam Terris uti, ex. gr. Luto, ex cujus variis speciebus optimum quoque nascitur cum *Lithargyrio* Vitrum compositum. Cavendum modo, ne nimia Luti copia addita refractarium fiat: nimis enim saturatum Lithargyrium, non adeo dein consumit corpora, a Metallis separanda. Fit quoque iners vitrum, si *Lithargyrium* pro parte sese per vasa subducit, antequam terram adjunctam solverit: cujus jacturæ causa est, si vel crucibula haud satis fuerint solida, vel mixtio Mechanica neglecta.

DE STANNO.

§. 72. Ejus descriptionem vide (§. 12.). *Stannum* solvit Argentum, Aurum, Cuprum facile; reddit vero hæc Metalla, si æquali vel minori copia cum eo colliquescent, fragilia admodum; præprimis Argentum, & Aurum, quæ a minima Stanni quantitate admista, instar vitri, redduntur fragilia: si vero longe majori copia ingreditur massas metallicas,

ma-

manet mistura utcunque flexilis: c. gr. Stanni partes 20. Cupri pars 1. fusione mixtæ, exhibent massam rigidiores puro Stanno, quæ tamen adhuc tractabilis manet: quo artificio utensilia ex Stanno fiunt longe durabiliora.

§. 73. Si Cupri 10. partibus, una Stanni additur, & simul Aurichalci, vel Zinci pauxillum, nascitur inde Æs Campanarum & Tormentorum bellicorum, fragile, & maxime sonorum.

§. 74. Plumbum omnium minime a *Stanno* fragile fit; attamen paullo rigidius evadit.

§. 75. Limatura Martis, vel hujus lamellæ tenuissimæ, subito in crucibulo ad ignitionem deductæ, a superaffuso *Stanni* duplo, magno tamen igne, abeunt in Regulum fragilem, album, magneti promte obsequiosum. Subitissimo igne hîc opus est, ne magna Stanni copia comburatur; eumque in finem, & ut ferrum eo citius liquecat, neque etiam multum ejus comburatur, convenit Tartari & Vitri aliquid cum pauxillo Cinerum Clavellatorum superaddere.

§. 76. Semimetalla cum *Stanno* facile colliquefcunt, misturæ nitidæ, duriusculæ fiunt, ex quibus utensilia splendidissima parari possunt: si autem nimium Semimetallorum additur, evadunt massæ fragiles.

§. 77. Vapores *Stanni* Argento, Auro, & Cupro sunt admodum noxii; fragilia enim hæc inde fiunt: imo si minimum Stanni in foco, ubi dicta Metalla sunt tractanda, dispergitur, ductilissimum Metallum, modo in tali foco igniatur, adeo intractabile evadit, ut ne malleo quidem attingi queat, quin vitri instar findatur: quare, si minimum Stanni in focum delapsum

lapsum fuerit, totus est quam accuratissime emundandus, ignisque instruendus una vel altera vice fortissimus; ut diffletur & exuratur, quicquid forte remanserit.

DE CUPRO.

§. 78. *Cuprum* solvit *Aurum* & *Argentum*; quod omnes monetæ & utensilia docent; eaque reddit magis firma; cum alias, ob magnam flexilitatem, vix ad utensilia inde paranda possint adhiberi.

Scholion. *Aurum*, *Argentum* & *Plumbum* sunt præ reliquis Metallis flexilissima; sed ambo priora a levioribus causis, ex. gr. carbonibus non bene exustis, fumantibus, in vasa illapsis, minimaque cujuscunque heterogenei admistione, excepto *Cupro*, redduntur fragilia: at si *Cuprum* temperata fusione iis bene est permixtum, tam facile hoc incommodum non contingit, quam si purissima fuerint. Hinc quidam in eum deducti sunt errorem, ut putarint, *Aurum* & *Argentum* ex se non esse perfecte malleabilia, sed talia per *Cuprum* additum demum reddi.

§. 79. *Cuprum* cum *Ferro* igni expositum hujus liquefactionem promovet: ipsum tamen hac miscela & rigidius fit, & coloris pallidioris. Ut autem colliquatio hæc feliciter fiat, *Tartari Vitrique* vulgaris tantum, quantum ad superficiem massæ contegendam requiritur, superinjacere juvat.

DE AURO ET ARGENTO.

§. 80. *Aurum* & *Argentum* se invicem solvunt: præterea Ferro sese optime misceri patiuntur. De cæteris vide præcedentia.

DE FERRO.

§. 81. Videantur antecedentia. Præprimis vero Aurum Ferro amicum est, hocque facilius ad ignem fluens reddit; unde in conferruminatione subtilissimorum instrumentorum, de ferro aut chalybe fabricatorum, utilius usurpatur, quam Cuprum: leniori enim igne ac minori temporis intervallo absolvitur. Notandum modo, quod Ferrum purius esse debeat in ejusmodi commixtionibus: si enim minimum Sulphuris præsens est, confusio minus bene procedit; sed Ferrum in Regulum, a reliquis Metallis separatim, colligitur.

DE MERCURIO.

§. 82. Mercurius solvit Aurum, Argentum, Plumbum, Stannum, Zincum, & Bismuthum; Cuprum vero paullo difficilius. Vocatur hæc solutio, *Amalgamatio*. Omnia autem isthæc Amalgamata fiunt alba; & si multum Metallum in Mercurio solutum fuerit, pastæ instar spissescunt; quia frigore & quiete accedente prorsus solidescunt. Ut vero hæc solutiones feliciter promteque procedant, requiritur

1^{mo}. Ut comminuatur Metallum: id quod omni modo

modo facere licet, modo ne fiat per præcipitationem cum alcali: hoc enim Mercurii actionem vel retardat, vel prorsus impedit.

2do. Ut mixtio accedat mechanica terendo.

3tio. Calor, quantum Mercurius ferre potest, quin dissipetur.

4to. Ut Metallum nitidæ sit superficiei, a pinguedine imprimis liberæ.

§. 83. Solvitur vero Metallorum dictorum plus vel minus, prout conditiones jam dictæ adsunt, puritasque Mercurii major vel minor est.

§. 84. Notandum autem, quod pars Metalli soluti tam perfecte attenuetur a *Mercurio*, ut Salis instar, in aqua soluti, sese per poros filtri subducatur. Attamen perexigua tantum quantitas sic solvitur; quæ nec certo determinari potest universaliter, utpote in specialissimis experimentis per leniorem destillationem saltem detegenda. Alia pars Metalli soluti currit quidem cum Mercurio libero: si vero per alutam premitur Amalgama, retinetur imperfecte solutum Metallum, una cum adhærente æquali circiter Mercurii copia.

§. 85. Ferrum & Regulum Antimonii, modo jam exposito, plane non attingit Mercurius, sed arcanis modo usquedum artificii eo disponendus est. Si tamen Regulus Antimonii, docente A. Henckelio, liquefactus, tenui rivo, in Mercurium fervidum sub aquam demersum, in mortario ferreo detentum, infunditur, dum interim pistillo rapide agitur, abit quidem in Amalgama, sed brevi iterum digestionem, aut triturationem, & ablutionem cum aqua, rejicitur.

II.

II.

DE SEMIMETALLIS
UT MENSTRUIS.

DE ARSENICO.

§. 86. *Arsenicum*, cujus descriptio (§. 20.) data, si cum variis Terris vitrescentibus, calcariis, & apyris, trititando bene miscetur, igni dein expositum, longe fixius deprehenditur, ac per se est, casque aliquando, ad promptiorem liquefactionem disponit. Sales etiam fixi plurimi, præsertim Alcalini, *Arsenicum* detinent, quin tam facile in igne avolet.

§. 87. Si *Arsenicum* (§. 86.) cum Sale Alcalino fixo commiscetur, & additur corpus, quod Phlogiston copiosum in se continet, ex. gr. Sapo vulgaris, pulvis Carbonum, Tartarus; interpositisque ubique tenuibus lamellis ferreis, vel ferri limatura, in vase summum ignem sustinente comprimitur; ac tandem vas; manente parvo foraminulo aperto, operculo clausum, leni primum exponitur igni, quem *Arsenicum*, quin avolet, perferre potest, denique tam cito, ac fieri circumstantiæ concedunt, in summum usque augetur ignis, ut massa intus contenta fundatur; deprehenditur *Regulus Ferri* albicantior, fragilis. Si multum *Arsenici* *Ferro* sic unire cupis, limatura Martis cum æquali portione Tartari & subduplo *Arsenici* misceatur, & in crucibulum candens
in-

ingeratur, ut subito colliquescat; quod postquam obtinuisti, statim massam effunde.

§. 88. Si eodem modo Cuprum cum Arsenico tractatur; dealbatur itidem Compositum inde emergens, & retinet insignem malleabilitatem: præpripriis, si una vel altera vice cum Tartaro & Borace funditur; ut superfluum adhærens Arsenicum dissipetur. At largiori portione Cupro admixtum Arsenicum reddit illud fragile, obscuri coloris, cujus superficies ab aëris attactu intra paucos dies nigredine inficitur.

§. 89. Stannum & *Arsenicum*, ad ignem mixta, cito dilabuntur in cineres, Arsenico haud paucis sat pertinaciter Stanni cineribus adhærente; reliqua Stanni pars, quæ non resoluta fuit in cineres, albissima apparet, nitida, fissilis, ut fere Zincum habitu externo æmuletur: unde incauti quidam credidere, se hac methodo Zincum confecisse: quod tamen productum reliquis dotibus prorsus a dicto Semimetallo differt.

§. 90. Plumbum cum *Arsenico* mixtum, leniori igne, in quo per se non ebullit nec fumat, ebullire & fumare videtur, densissimi fumi specie cito ex parte abripitur, residuo manente subtili fluxilissimo vitro, coloris crocei: reliquum Plumbum fragile, obscuri coloris, cernitur.

§. 91. Argentum ab *Arsenico*, similiter (§. 87.) applicato, penetratur, ac malleabilitatem amittit; igne vero majore, accedenteque aëre libero, aliquid ejus abripitur fumi specie. Si Arsenicum & paululum Sulphuris cum Argento in vasis clausis conjun-

jungitur, prodit inde compositum rubicundum.

§. 92. Aurum, ab Arsenico penetratum, fit quam fragilissimum, color ejus deturpatur, magnum in ignem subito tunc immisum, pro parte sublimatur.

Scholion. Ob hanc Arsenici proprietatem vocatur id a quibusdam *Sulphur rapax*; siquidem ejus actione, per ignem & aërem suscitata, plus Metallorum, sub specie florum ac sublimati, in caminos sæpe elevatur, quam in ipsis furnorum catillis colligitur. Materies autem solida, sic sublimata, vocatur in genere *Cadmia fernæum* (germ. *Offen-Bruch*).

§. 93. *Arsenicum* parro varia vi a diversis Metallis solvitur, hæcque vicissim solvit. Inter omnia quidem Metalla a Ferro avidissime absorbetur Arsenicum; dein a Cupro, Stanno, Plumbo; denique ab Argento. Hinc omnia Metalla per Ferrum a labe Arsenicali liberari possunt; non vero æque per Ferri scorias; nisi fusio fiat in igne aperto: tunc enim scorix adhiberi utiliter possunt; quia, licet ipsæ per se Arsenicum tanta vi non absorbent, reductæ tamen in Ferrum, hujus instar quoque agunt. Atqui reduci eas, sub memorata conditione, paulo post monstrabitur.

DE ANTIMONII REGULO.

§. 94. *Antimonii Regulus* (§. 19.), igne fusorio liquefactus, totus deprehenditur volatilis, cerniturque instar Plumbi fere ebulliens; nisi quod tantum scorix volumen non generet, sed fumi specie plurimum ejus dissipetur.

§. 95.

§. 95. Ejus autem dissipatio solo igne lentius procedit; simulac vero follis flatus in vas continens ad superficiem liquefacti Reguli dirigitur, eodem ignis gradu fumus augeri videtur: quo artificio ejus dissipatio multo minori temporis intervallo obtinetur.

§. 96. In grossiorem pulverem redactus leni igne fusorio dilabitur in calcem; quæ fortiori igne fusa, tota convertitur in vitrum, intense rubicundum, semi-diaphanum, mediocris duritiei. Hoc vitrum potentiolem in corpora effectum edit, quam ipsum Lithargyrium (§. 62 ad 68.): lapides enim omnis generis attenuat, dissolvit, in scorias convertit, atque dein igne aperto validiori, accedente carbonum inflammabili, aliove phlogisto, partem eorum insignem in auras secum rapit.

§. 97. Quum Antimonium & ejus Vitrum Metallum omnia æque immutat, in scoriam convertit, volatilia reddit; hinc Lupum & devorantem non modo Metallorum, sed corporum fere omnium, id merito vocaveris. Aurum ejus actioni inter Metalla maxime resistit, utpote quod ab omnibus heterogeneis per illud liberatur.

§. 98. Actio tamen isthæc (§. 97.) regulinæ Antimonii partis admodum augetur, si ignis validus vasis clausis prius adhibeatur, & inflammabile fixus quaecunque aliquoties superinjiciatur: per hæc enim remedia impeditur, quo minus Antimonii Regulus cito destruatur, & avolet: actio ejus hinc diutius in corpora destruenda durat; ut denique igne aperto validissimo omnia dissipari possint, sufficienti Reguli portione adhibita.

§. 99. Cæterum ratione unionis variz cum diversis Metallis idem valet de *Antimonii Regulo*, quod de Arsenico (§. 93.) dictum est: cum Ferro enim avidissime sese unit, proxime cum Cupro, &c.

Coroll. Patet hinc convenientia *Reguli Antimonii* cum Arsenico, qui etiam in fumum resolutus eundem nidorem alliaceum excitat, ac Arsenicum. Præterea, si Metallis est admixtum Antimonium, sola ustulatione vix inde dissipari potest; imo vero liberiori igni cum iis expositum, dum avolat, ipsas metallicas partes multas simul destruit atque volatiles reddit.

DE BISMUTHO.

§. 100. *Bismuthum* (§. 18.) Metalla difficilius fluentia longe minore ignis gradu facit liquefcere, quam si sola sunt liquefacienda; commiscet sese facile cum omnibus, &, pro ratione quantitatis additæ, plus minus ea dealbat, fragilia reddit, formamque iis semimetallicam conciliat externam.

§. 101. Cum autem *Bismuthum* adeo sit destruetile; convenit, ut ejus commixtio cum Metallis difficulter fluentibus fiat in vasis clausis, igne ocysime aucto, nec non superadditis (§. 75.).

§. 102. Perquam notatu dignum est, quod *Bismuthum*, cum Plumbo fusum, hoc ita disponat; ut dein cum Mercurio amalgamatum, longe magis attenuetur, ac pro longe majore parte per alutam una cum Mercurio transeat, quam si Bismuthum abfuset (§. 84.). Ipsum Bismuthum per digestionem
intra

intra aliquot dies ex Amalgamate rejicitur, Plumbo attenuato remanente. Reliqua Metalla, cum Bismutho & Mercurio eodem modo tractata, eandem mutationem haud æque patiuntur.

§. 103. Mirum est, quod Bismuthum, Zinci conubium via sicca respuat; quocum tamen insignem similitudinem habere videtur; ut ideo a plurimis auctoribus ambo hæc Semimetalla confundantur, & pro uno eodemque habeantur: si enim ambo, in crucibulo, quocunque ignis gradu liquefacis, licet jugiter rutabulo eadem moveris, haud impetrabitur perfecte homogenea massa, sed, licet frigefacta externo adpectu æquabiliter mixta compareat, fracta tamen ad ambitum præsertim in basi ostendet Bismuthum, Zincum vero superiora petens separatum formabit stratum, omne fere cochleari auferendum, si massa igni exposita Bismuthum fluxilissimum liquefcit eo igne, quo adhuc solidum persistit Zincum.

DE ZINCO.

§. 104. *Zincum* (§. 17.) cum Plumbo & Stanno facile sese miscet, redditque ea, pro additi quantitate, minus malleabilia.

§. 105. Qui *Zincum* cum Metallis difficulter fluentibus colliquare cupit, dicta (§. 75.) artificia adhibeat oportet.

§. 106. Si id cum Cupri quadruplo vel sextuplo miscetur per fusionem, fit Metallum fragile, coloris pulcherrime aurei, dictum *Metallum principis*

E 3

Ruperti

Ruperti flavum. Huic quidam præxillum Stanni Anglicani addunt; quod efficit, ut bene deterfum, intra aliquot dies, pulcherrimo Obryzi colore superficie tenus sponte inficiatur. Qui Metallum hoc malleabile desiderat, adhibeat Zincum purissimum, & mixturem cum Cupro æquabiliorem efficiat, ut in Processibus de Zinco docebitur.

§. 107. Cæteroquin notandum, quod Zincum sit valde rapax: quæ quidem ejus indoles per Ferri præsentiam haud ita, sicuti in prioribus, corrigitur. Sublimat enim omnia admixta Metalla, validiore ignis & aëris actione accedente; ut dissipata furnis & caminis adhærescant, vel in forma florum, qui tum *Nihil album* vel *gryseum*, (*Pompholyx*) dicuntur; vel coeant in formam sublimati, cui nomen est *Cadmia fornacum* (germanice *Offen-Bruch*), coloris, ponderis, consistentiæ, figuræ, diversissimorum.

Scholion 1. Opportunitatem heic citra necessitatem effingendi nomina amplexi sunt auctores, nominum magis quam rerum studiosi. Unde, quot differentes figuras, quibus Cadmiæ apparuere, verbis exprimere licuit, tot species Cadmiæ fornacum designatæ prostant in eorum scriptis, terminis plerumque Græcis aut Arabicis expressæ.

Scholion 2. Ejusmodi autem flores & sublimata quoque oriuntur ab antecedentibus Semimetallis; quanquam non adsit Zincum; unde diversæ quidem indolis sunt; at semper tamen, ubi producuntur, aliquid arsenicalis, vel semimetallici, subesse indicant. Fixitate hinc etiam valde differunt: quædam enim eorum in ipsis furnorum parietibus persistunt, magnum

gnum ignem sustinentia ; alia in altissimis caminis deprehenduntur ; minorem ignis gradum ferentia ; quod etiam a liberaliori folium statu admissio, eorumque directione, pendet : ignis enim actio in fugandis corporibus volatilibus, & propulsione fixorum cum iis conjunctorum, multum per aërem augetur.

Scholion 3. Hæc simpliciora experimenta circa Metallorum & Semimetallorum confusiones, simplici modo peragendas, maximi usus sunt in Praxi metallurgica : quamobrem speciminis loco experimenta jam descripta subjecimus, in quibus ulterius progredi, emolumentum inde, tam in scientiam, quam in praxin, redundans sedulum quævis Artis cultorem jubet & hortatur.

III.

DE SULPHUREIS PURIS, SEU INFLAMMABILIBUS UT MENSTRUIS.

§. 108. Metalla imperfecta, Ferrum, Cuprum, Plumbum, & Stannum, calcinatione diuturna & valida, formam suam immutant, malleabilitatem in totum, fluxilitatemque pro parte, hinc indolem metallicam (§. 6.) perdunt. Semimetalla, excepto Arsenico, simili calcinatione, in calces dehiscunt, quæ fusorio igne in scoriam (§. 10. Schol. 2.) abeunt : hæc destructiones sine omni addito absolvi possunt. Notes in calcinandis sine addito Metallis, quod difficilius fluentia citra liquefactionem, igne, quo medio-

diocriter candescunt, in squammas aut pulverem dehiscant. Talia sunt Ferrum, Cuprum, Regulus Antimonii. Quæ vero facile fluunt, liquefacienda sunt, in olla ferrea, ut subobscurè rubescant: sic evanescet brevi nitida liquefacti Metalli superficies, apparebitque cuticula; hæc detrahatur cum cochleari ferreo, & ad marginem rejiciatur; obscurabitur denovo splendor fusi Metalli, & cuticula similis renascetur; quam toties detrahe, donec sufficientem calcem obtinueris. Hanc dein mediocri igne aperto exurere poteris, donec in pulverem subtilem se teri patiatur. Hoc artificio Plumbum, Stannum, &c. in calces convertuntur.

§. 109. Hisce calcibus (§. 108.) si superadditur quoddam inflammabile, acido Chalcanti (§. 26.) carens, at tam fixis corporibus conjunctum, ut magno apertoque tantum igne protinus diffili queat, cujusmodi sunt Carbones, Tartarus, &c. fit mutatio scorix fragilis, vel calcis, in statum priorem vel metallicum (§. 6.), vel semimetallicum (§. 16.). Dicitur hoc *Metalla reducere*.

§. 110. Hoc Metallum vel Semimetallum reductum, calcinatione repetita iterum in talem scoriam, vel calcem destrui (§. 108.), & simili (§. 109.) modo reduci potest.

§. 111. Patet hinc *Inflammabile purum principium* ad compositionem Metallorum & Semimetallorum ingredi: id quod vel magis etiam confirmatur per Nitrum additum. Quod si enim Nitrum, cum omni sulphureo detonans, candescentibus ad ignem Metal-
lis superingeritur; hæc, manifestissima sub detona-
tione,

tione, quam citissime in calces scoriasque immutantur; cum absque Nitro, eodem ignis gradu, ac tempore, nunquam adeo subitam mutationem experiantur. Ipsum Nitrum, sicuti ab aliis inflammabilibus, acido Chalcanti carentibus, in Alkali fixum mutatur per hanc detonationem.

§. 112. Docet autem Chemica Analysis, in omni Vegetabilium ac Animalium parte *Sulphureum* seu *inflammabile* ejusmodi *principium* (§. 109.) contineri; quum valida id destillatione copiosum prolici inde possit, apertaque combustione sese manifestet.

§. 113. Notandum tamen, quod calces & scorix (§. 108. 109. 110. 111.) nunquam consue per *Sulphurea*, vel inflammabilia, reduci queant (§. 109.), ut pristinam quantitatem reddant, quin semper aliquid pereat: quod quidem dispendium varium est, pro diversitate Metalli vel Semimetalli adhibiti, pro diuturnitate & violentia ignis, quo facta fuit Calcinatio; pro citatiore vel lentiore Calcium Reductione, & pro ipsius inflammabilis, quocum Reductio instituitur, majore vel minore quantitate ac fixitate. Ista portio inflammabilis, quæ Calcem metallicam in statum metallicum reducit, pondere & mole perexigua est, effectu vero potentissima: postquam vero metalificatio facta fuit, nihil alterius inflammabilis purioris cum Metallo isto in igne fusorio licet conjungere, quantumcunque suppeditetur, respuitur, nisi portione ejus, quod ante unitum fuit, dissipata: tum enim Metalli pars in scoriam conversa iterum inflammabile ad reductionem necessarium admittit. Solum Ferrum videtur quodammodo excipi, dum Chalybs

E s

indo

inde præparatur, quod fit per pluris phlogisti ad-
junctionem.

Coroll. 1^{um}. Ex hisce Metallorum Ferri, Cu-
pri, &c. ex lapidibus suis excoquendorum ratio pa-
tet: si enim cum carbonibus stratificantur, & igne
dein satis valido, per folles excitato, torquentur;
liquefcens eorum scoria, inter prunas decurrens, per
ignem attenuata, aperta, imprægnatur exhalationibus
prunarum inflammabilibus, & sic reducitur in for-
mam metallicam.

Coroll. 2^{um}. Cum calces Metallorum longe dif-
ficilius ad ignem fluant, quam ipsa Metalla, ex qui-
bus destructis fuere natæ; patet, cur longe majore
igne opus sit, ad Metallum vel Semimetallum e cal-
ce sua reducendum, quam ad idem reductum lique-
faciendum, excepto Ferro: hujus enim scoria faci-
lius fluit ipso Ferro, & reducitur in Ferrum per in-
flammabile additum longe ante fusionem, si modo
mediocriter cum eo candescit.

Coroll. 3^{tium}. Hinc & inflammabilia, addita Me-
tallis colliquandis, hæc citius ad fluorem deducunt,
quam quidem fieri potuisset eodem ignis gradu, sine
immediato inflammabilis contactu.

Coroll. 4^{tum}. Quin constat etiam, cur Metalla vel
Semimetalla, per nudum ignem destructibilia, longe
constantius citra destructionem ferant ignem, si sub
pulvere carbonum, aliove corpore phlogistico addi-
to, liquefcant, quam si sola ac nuda vim ignis pa-
tiantur.

Singularis etiam potentia phlogisti est in Metal-
la sic dicta imperfecta; quod ea, simulac in statum
metal-

metallicum redemit, ita disponat, ut magno igne fusorio, aperto, dissipari queant. Metalla enim imperfecta, liquefacta, de sua substantia fumum emittunt, ex quo collecto aliquid Metalli per Artem Docimaesticam & Metallurgicam obtineri potest; imo vero visibilia metallica granula, in altiores ultimarum regiones sub fumi specie propulsa, haud raro aggregata cernuntur, absque rapacis Semimetalli adjuumento. Altera pars, in scoriam seu calcem exusta, fixior in igne persistit, quæ iterum per inflammabile in formam metallicam reducta, continuato igne fusorio ex parte in auras dissipari potest. Itaque si jugiter subministratur inflammabile reducens, & ignis fusorius magnus continuatur, longe maxima Metalli pars avolat, quoad totam suam substantiam. Quicquid ergo Metalli ex Calcinatione & Reductione perit, partim in scorias, partim in fumum abiit. Diuturna etiam Calcinatione omne Metallum imperfectum, in calces & scorias irreducibiles converti potest.

I V.

DE SALIBUS UT MENTSRUIS.

DE ALCALI FIXO UT MENSTRUO.

§. 114. Notas características hujus Salis vid. (5. 24.).

§. 115. *Sal Alkali fixum* omnis generis Terras Lapidesque, imprimis vitrescentes, in igne magno solvit;

solvit: quod eo citius procedit, quo exactior antea amborum comminutio & mistio facta est. Fit tunc Vitrum, pro Salis Lapidumque diversitate, pelluciditatis diversissimæ.

§. 116. Aurum & Argentum ope hujus *Salis* facilius liquefcunt, & nihil eis detrahitur, si Sal tantummodo superingeritur; modo Metalla & Sal pura fuerint. Si vero horum Metallorum Calx, Limatura, &c. mixtæ cum majori Salis Alcalini copia ad ignem liquefcunt; non omne Metallum fundum petit, sed perexigua ejus portio in Sale supernatante detinetur: si autem terrestria & lapides simul adsunt, lentior Sali per hæc inductus, nullo igne perfectè attenuandus, facit, ut quantitas Metallum, quod in iis remanet, sit insignis; nisi uberior Salis diluentis addatur portio.

§. 117. Ferrum, Cuprum, Stannum, & Semimetalla, cum hoc Sale inflammabilis materiæ experte, acerrimoque reddito, fusa, demum consumuntur. Præterea *Alcali fixum* Ferri, Cupri, liquefactionem ad ignem admodum adjuvat: non vero Stanni, Plumbi, Bismuthi, & Zinci; quippe, quæ ipso Sale facilius fluunt. De Alcali fixo cum Metallis liquefacto idem observatur, ac de Lithargyrio, quin & de omni scoria; videlicet Metallo ad ignem non confunditur, sed supernatat, & quicquid solvit de Metallo, prius dissipato phlogisto in calcem seu scoriam abeat necesse est; unde tum variis coloribus tingitur.

Coroll. Cum itaque inflammabile scoriam metallicam in Metallum convertat, eo ipso separationem Calcis metallicæ ab Alcali fixo solutæ efficit.

§. 118.

§ 118. Mercurius *Alcali fixum* prorsus respuit, nullaque methodo cognita cum eo combinari potest. Hinc id in præparatione Metallorum ad amalgamationem, per præcipationem via humida adhibere non convenit: adhæret enim præcipitato Metallo, & solutionem per Mercurium retardat (§. 82.).

§. 119. Quidnam *Alcali fixum* cum inflammabili puro, aut etiam Sulphure minerali vulgari combinatum præstet, postmodum, ubi de compositis Menstruis, Fluxibus, Cæmentis, &c. agemus, indicabitur: hætenus enim simpliciora saltem exhibemus.

§. 120. Præcipue autem *Alcali fixum*, tanquam Menstruum siccum, inservit ad calces Metallorum, per acida factas, reducendas. Acida enim, Metallis adhærentia, per ignem nimis intensum impetuosè propulsa, insignem horum copiam secum abripiunt: at si per superadditum *Alcali fixum* transire prius coguntur, quidquid metallici secum ferunt, absorpto acido figitur. Ut hinc hac via calces Metallorum, per acida, præsertim accedente acido Salis communis, totæ volatiles reddita, sine jactura reduci possint: quod haud commode per alia Menstrua addita efficere licet, nisi per pinguedinem.

§. 121. Si Cineres Clavellatos venales pro *Alcali fixo* usurparis, elige, qui frustis magnis, durioribus, solidis prostant. Color non respiciendus, modo ne sit flavus aut fuscus. Si ad exactiora experimenta inservire debet, convenit, ut explorandi gratia aliquantulam venalis portionem in aqua solvas, videasque, num talis solutio sit excolor, nec fusco, nec coeruleo colore inquinata. Si autem cineres clavella-

ros depuratissimos desideras, solve in quadruplo aquæ frigidæ, trajice per chartam bibulam, & in munda olla ferrea evaporetur aqua. Qui Sal non solutus, gryset coloris, in filtro restat, est Tartari vitriolati species separanda.

§. 122. *Alcali volatilis* heic mentionem facere vix opus est; quia rarissimus, si ullus, in Docimasticis ejus usus occurrit.

DE ACIDIS UT MENSTRUIS.

§. 123. *Acida* (§. 23.) vel via humida, vel via sicca, trahuntur in usus Docimasticos, diversaque diversis viis præstant effecta. Occurrunt inter hæc *Acida* imo. *Vegetabilia*, ex quibus solummodo Acetum Vini & Tartarus adhibetur. 2do. *Fossilia*, videlicet Chalcanthi vel Vitrioli (§. 26.), Spiritus Nitri (§. 27.), & Salis communis (§. 28.).

DE ACETO VINI.

§. 124. *Acetum Vini* affusum quibusdam Terris & Lapidibus Calcareis, crudis, vel exustis, eos cum magna effervescentia in liquidum ad adspectum homogeneum dissolvit. Inter Apyros, cretaceos puros prorsus itidem consumit. Inter Lapidem autem Vitrescentes ii, qui Silices vocantur, reliquique ad hanc speciem pertinentes, Sabulum, &c. *Aceto Vini* penitus resistunt; neque etiam in reliquos Apyros Acetum aliquid agit.

§. 125.

§. 125. Inter Metalla & Semimetalla, Cuprum, Plumbum, Zincum, promptissime cum *Aceto* liquefcunt. Ferrum ab eo corroditur. In Argentum, Aurum, & Mercurium, *Aceto* nulla vis est. Cætera potius lentissime per *Acetum* extrahi, quam dissolvi dixeris.

§. 126. Solutiones autem istæ (§. 124. 125.) in calore promptius, quam in frigore procedunt: id, quod de reliquis omnibus, quæ sequuntur, Menstruis Acidis item dictum esto.

DE TARTARO.

§. 127. *Tartarus* eligatur albus, magnis durisque fragmentis ex dolis excussus. Sieubi melioris notæ non prostat, requiritur tamen ob exactitudinem, quam forte exigit experimentum, depurare impurum poteris hac ratione. Solvatur in aqua ebullienti, & fervidissima solutio statim per setaceum transcoletur in vas ligneum; in quo frigesacta brevi Crystallus excutiet, quæ erunt *Tartarus* purior.

§. 128. Vis ejus solvens quadantenus convenit cum priori, nec via humida multum usurpatur; via sicca autem per ignem mutatur in carbonem Alcalinum; continuato vero igne abit in Alkali fixum, purum; solutione in aqua fervida, filtratione, & inspissatione ulterius depurandum, vocaturque *Sal Tartari*.

DE ACIDO VITRIOLI.

§. 129. *Acidum Vitrioli* (§. 26.), quoad Lapides Terrasque, idem fere præstat, quod Acetum Vini (§. 124.).

§. 130. Inter Metalla & Semimetalla Zincum & Ferrum promptissime dissolvit; & quidem cum exhalatione foetidissimi alliacei vaporis, a quo ignis ardens, si solutio fit in vase angusti colli: accenditur enim, & violentissime disjicit vasa, nisi sint densiora. Notes, quod *Acidum Vitrioli* multa aqua diluendum sit, ut Ferrum solvat.

§. 131. Cuprum longe *difficilius* ab Acido Vitrioli dissolvitur; & quidem in concentrato paulisper ebulliat, necesse est, ut demum corrodat; si tum aqua affunditur, solutio enascitur ex viridi cœrulea.

§. 132. Argentum requirit ad sui solutionem in Acido Vitrioli, ut hoc sit concentratissimum; dein ut tantus caloris gradus accedat, quo ad ebullitionem deducatur acidum, fit tunc solutio spissa, quæ, citra Argenti soluti præcipitationem, aquam non admittit.

§. 133. Mercurius, Plumbum, Stannum, Bismuthum, Regulus Antimonii, Arsenicum, ab Acido hoc concentratissimo, in ebullitionis calore, etiam corroduntur, & aliquid horumce Metallorum simul ita solvitur; ut transeat per filtrum, & aqua dilui se patiatur.

§. 134.

§. 134. Aurum ab *Acidi* hujus actione penitus immunc est.

DE ACIDO NITRI.

§. 135. *Acidum Nitri* vocatur etiam *Aqua Fortis*, & *Spiritus Nitri* (§. 27.), quæ omnia essentialiter haud differunt, sed tantum variis producendi modis. Illa enim cum Vitriolo & Colcothare; hic cum Argilla, Bolo, Oleo Vitrioli, Farina Laterum &c. ex Nitro destillatur. Solet itaque Spiritus Nitri esse purior: Aqua Fortis autem & Acidum Vitrioli & Metallica Vitrioli parte infecta. In eo omnes hoc Acidum producendi modi conveniunt, quod Acidum Nitri per Acidum Vitriolicum expellatur, docente id & Tartaro Vitriolato, qui ex quibuscunque residuis ablui potest, & inde obtinendo acido Vitrioli. Utuntur autem Docimastæ utplurimum Aqua Forti, utpote facilius comparanda; cum longe minor Vitrioli copia, minore etiam igne, expellat Spiritum ex eadem Nitri quantitate, quam modo memorata Terra ista additamenta. Sequenti modo sese habet isthæc Aquæ Fortis Destillatio.

§. 136. Vitriolum immittitur in ollam ferream; cui si substruitur ignis, incipit Vitriolum liquefcere, fumare; aucto sensim igne cinereum induens colorem spissescit: tunc statim, antequam solidum fiat, spatula lignea moveatur, ignisque aliquantulum imminuatur, donec siccum sit; quin fervidum adhuc ex olla auferatur: si enim antedictam encheiresin negligis, & in olla frigescere permittis, adeo huic ad-

F

hæret;

hæret, ut vix inde malleo & cuneo eximi queat. Calcinati hujus Vitrioli libras tres tere in pollinem subtilissimum, & misce exacte cum Nitri bene siccati, in pollinem quam subtilissimum triti, libris quatuor; mixta immitte in cucurbitam, retortam, vel ollam de ferro fuso, aut de terra Hassiaca, Waldenburgensi, vel alia terra figulina, forti igni vaporumque acerrimorum potentia resistente, confectam, quæ Spiritus acidus coercere valet, hancque dein repone in Athanorem, sub instrumentis describendum; ubi & reliquus, huc pertinens, apparatus exponetur. Excipulum, quod applicatur, sit amplum. Vitrea cucurbita præ cæteris apta est.

Ignis tum administretur, in initio non multo major, quam quo opus est, ut aqua ebulliat: incipiet excipulum calefcere, guttisque roridis intus obduci: continua hunc ignis gradum tamdiu, donec omne phlegma sit expulsus: id quod remittens excipuli calor indicat: augeatur tunc ignis sensim, donec fumus tenuiores, flavi, exsurgant: sustentetur talis per unam alteramve horam; denique in tantum gradum augeatur, ut vasa mediocriter candescant: quo per aliquot horas continuato frigescant vasa; effundatur de excipulo liquor, fumos rubellos fundens, in vas vitreum, vitreo epistomio munitum. Sic paratam habes *Aquam Fortem*.

Scholion 1. Circa hanc operationem semper ratio est habenda quantitatis materię destillandę in determinanda graduum ignis duratione.

Scholion 2. Nota porro, quod, securitatis gratia, in excipuli & vasis, materiem destillandam continen-

tis,

tis, commissura, foramen sit relinquendum, quod stylo ligneo, vel melius vitreo, de Tubo Barometri facto, claudi & aperiri queat: si enim ignis gradum justum forte transcenderis; præsertim, quando sub initium Spiritus primi, tenuiores, maxime elastici, prodeunt; aperiendo hoc foramen exitus ipsis concedi potest; ne, cum summo discrimine, vasa displodant. Interim rimæ, ad commissuras vasorum natæ, curate sunt obstruendæ luto recenti, supra linteum extenso: alias Spirituum multum aufugit: deteguntur tales facile, tibi vapores protumpunt rutili; aut si ob loci obscuritatem eos videre non poteris, admove circumquaque prunam candentem, ad cujus superficiem a Spiritu Nitri luculentum excitatur lumen, cum citatissima carbonis consumptione.

§. 137. Nitrum in hac operatione requiritur perfectè purum, ut *Aqua Fortis* sincera obtineatur. Præprimis a Sale communi ne sit inquinatum, ob rationem infra, ubi de *Aqua Regia* agimus, dicendam. Interim, quia summa isthæc Nitri depuratio admodum laboriosa est. multumque temporis abripit; insuper, quoniam *Aqua Fortis* sub ipsa Destillatione, etsi Nitrum purissimum adhibueris, plerumque ab Acido Vitrioli inquinatur, quod ob deficientem Vitrioli cum Nitro commixtionem, vel nimium in fine Destillationis adhibitum ignem, sub fumi grysei specie, cum insitis Aquæ Fortis Spiritibus transit; ideo postea modum trademus, quo *Aqua Fortis*, ex Nitro etiam haud purissimo destillata, ad requisitam puritatem deduci queat.

§. 138. Dantur adhuc alia plurima additamenta,

22

F 2

quæ

quæ in destillanda *Aqua Forti* vulgo adhibentur, uti sunt Alumen ustum, Sabulum & similia: quæ quidem eo fine adduntur, ut impediunt, ne species forte non satis calcinatae spumescant, & vas impetuose frangant. At vero si hæc satis sunt calcinatae, exsiccatæque, inutilia prorsus sunt ista additamenta, & præter necessitatem molem destillandorum augendo, faciunt, ut majora longe vasa, ad eandem *Aquæ Fortis* quantitatem una vice obtinendam, requirantur.

§. 139. Quin alia insuper ab *Aquæ Fortis* destillatoribus huc solent adhiberi partim inutilia, partim & noxia: cujusmodi sunt Lap. Hæmatites, Calx viva, Alumen plumosum &c. a quibus tamen omnibus abstinuisse consultius est: quandoquidem tantum abest, ut boni quidpiam conferant, ut potius *Aquam Fortem* tantummodo & deteriore & pauciore exhibeant: quin varia additamenta subinde effectus in Metalla solvenda exserunt, quos *Aqua Fortis* vulgaris haud præstat: quare tunc nunquam, nisi prius bene explorata, ad usus Docimasticos adhiberi potest. Sane enim heterogeneis ejusmodi *Aqua Fortis* sæpius inquinatur, pro maxima parte consumitur, & figitur sæpe eoque, ut summo igne vix quidpiam extorqueri queat. Alia, uti Alumen, efficiunt, ut *Aqua Fortis* cum eo præparata etiam Aurum invadat, & contra insignem calcis Argenti in ea soluti portionem paulo post iterum præcipitet: quod de Alumine cum urina parato ex observationibus non modo constat, sed & ratione assequi facile licet; cum in urina Sal commune aut Ammoniacale verum inesse soleat, a quo posteriori præprimis Spiritus Salis expulsus incompletam efficit

ex Aqua Forti Regiam. An omne Alumen noceat, a curiosis potest explorari. Tutius est ab hisce, citra omnem utilitatem & necessitatem additis, abstinere. Solum igitur Vitriolum calcinatum, vel hujus caput mortuum a destillatione Olei Vitrioli residuum; quod etiam *Colcothar* appellatur, Nitro intime mixtum, huc sumere consuluerim; dum nullo alio opus est. Cæteroquin haud inutile esset explorare, quæ ratione varia additamenta Aquæ Fortis effectum mutant; modo ne ad usus vulgares Docimasticos adhibeantur, nisi prius bene explorata.

§. 140. Bolus tamen, Argilla, Farina Laterum, æque expellunt e Nitro acidum Spiritum, qui tum strictè dicitur *Spiritus Nitri*. Sed quadruplo plus horum, respectu Nitri, est addendum: hinc, dum longe majora vasa huc requiruntur, non tam proficua est hæc methodus, quam prior. Conficitur autem *Spiritus Nitri* sequenti encheiresi. Solve Nitrum in aqua calida ad saturationem usque; hanc solutionem leviter calefactam insperge Bolo, vel Argillæ, & desendo redige in pastam crassam; forma globulos, exsicca, & destilla Spiritum Nitri uti Aquam Fortem (§. 136.), cui etiam poteris substituere.

Scholion. Qui Nitrum Bolo vel Argillæ terendo admiscant, plus laboris impendant necesse est, quam modo antedicto; & cum tam exactam non obtineant mixtionem specierum ingredientium, plus Nitri adhibere oportet: neque vero plus Spirituum recipiunt; siquidem Nitri maxima pars non mutata in residuo hæreat.

§. 141. Cum Spiritus Nitri expulsi, concentrati, imprimis tempore æstivo calido, valde difficulter in guttas condensentur; haud male una quarta pars, respectu ingredientium calcinatorum, aquæ purissimæ, vel quod melius, phlegmatis abstracti de jam usurpata Aqua Forti, in vas recipiens infunditur: quo artificio longe commodius Spiritus recipiuntur, qui tamen satis generosi ad usus Docimasticos esse solent.

§. 142. *Aqua Fortis* in Terrarum Lapidumque solutione fere convenit cum præcedenti (§. 129.).

§. 143. Solvit præterea Ferrum, Cuprum, Plumbum, Argentum, Mercurium, Regulum Antimonii, Bismuthum & Zincum; Stannum imperfectè; Aurum plane non.

§. 144. *Aqua Fortis* vulgaris, quando affunditur Argento, initio solutionis plerumque turbatur; sitque, paulo post peractam solutionem, præcipitatio pulveris albicantis. Si pulvis hic, seorsim captus, cum Cineribus clavellatis ad ignem liquefit; reperitur Regulus argenteus in fundo vasis collectus. Interdum difficilior is fluit ad ignem, habetque omnes dotes calcis Argenti, ex Aqua Forti præcipitatæ per Oleum Vitrioli: scilicet hoc inde oritur, quod vel nimis magno ac diuturno igne extorta fuerit *Aqua Fortis*, vel nimia Vitrioli calcinati copia adhibita, vel denique permixtio Vitrioli & Nitri mutua haud probe peracta: in hisce casibus enim circa finem destillationis videntur fumi opaci, lactescentes, vitriolici, in recipiente: quod quidem phænomenon causam memoratæ præcipitationis satis manifeste prodit.

Ra-

Rarius calx antedicta facilius ad ignem fluens reperitur, quæ postea in Lunam Corneam abit, & Salem communem impuro Nitro, venali, ad destillationem Aquæ Fortis adhibito, intermixtum fuisse testatur. Confer (§. 137.).

§. 145. Cum vero per ejusmodi præcipitationem (§. 144.) solutio Argenti, præmissis ista, qua Aurum ab Argento per Aquam Fortem separatur, admodum turbetur & fallax reddatur; opus est, ut Olei Vitrioli, vel Spiritus Salis labes, inquinans Aquam Fortem, separetur: quod sequenti modo fit. Infundunt trigesimam vel quadragesimam Aquæ Fortis depurandæ partem in cucurbitulam, & calore mediocri solvunt in ea tantum Argenti purissimi, ut saturatissima sit Aqua Fortis: si in initio solutionis turbatio lactea fit, Aqua Fortis censetur repurganda: calidam tunc solutionem, per filtrum trajectam, pellucidam, instillant guttatim in reliquam Aquam Fortem depurandam: fiet similis turbatio, ac prius: pergunt instillare tandiu, donec ad illapsum guttulæ non amplius turbetur: reponunt tunc per aliquot horas in quiete, ut subsideat præcipitata calx: quo facto iterum instillant guttulam; idque toties repetunt, donec non amplius nubecula lactea illapsu guttulæ producat: decantant tandem Aquam Fortem puram, limpidam, a calce per subsidentiam in fudo collecta; aut etiam transcolant per filtrum quadruplex, chartaceum, quod parvum esse debet, ne nimia Aquæ Fortis copia oneratum corrosus rumpatur. Calx residua est talis, qualis (§. 144.) descripta fuit: *Aqua Fortis* autem, plene a Spiritu Salis

communis aut Vitrioli depurata, apta est, quæ separationem Auri ab Argento perficiat. Verum si eam ad alias operationes adhibere velis, conducit, ut præterea ex retorta vitrea destilletur, eum in finem, ut Argenti pauxillum, hærens in Aqua Forti, separetur.

Scholion. Solent quidam Argentum vulgare, Cupro mixtum, ad præcipitationem Spiritus Salis communis vel Vitriolici, ex Aqua Forti: hoc autem plane non procedit, nisi Rectificatio per Destillationem subsequatur. Cuprum enim, quod restat in Aqua Forti, Auri calci residuæ, in ejus separatione ab Argento, pro parte, sese adjungit, penitus non separandum, quantumvis magna purissimæ Aquæ Fortis copia adfundatur; hinc fallax ponderis augmentum in calce Auri residua efficitur. Cæteroquin apparet in hac operatione, quod corpori præcipitando ipsum adhæreat præcipitans, & cum eo fundum petat.

§. 146. Sæpe Aqua Fortis optima viriditate tincta est: quod accidit, si Aquæ Forti, expositæ per aliquot dies aëri libero, & Spiritu suo fumante rubro sic privata, recens generosa Aqua Fortis, fumos adhuc eructans, affunditur; vel si recens Aqua Fortis per aquam diluitur: quin & in ipsa destillatione viridis evadit. Ut autem certus sis, hunc colorem non pendere a Cupro, tota sua substantia soluto, effunde pauxillum in cucurbitulam, & adde solutionis vel Spiritus Alcalini tantum, ut excedat punctum saturationis; fiet tunc, si Cupri minimum inest, intensissimus color cyaneus, cum flocculenta præcipitatione;

ne; quia Nitrum regeneratum inde factum est, quod tantum Cupri non solvit, quantum Aqua Fortis: reliquum pro parte præcipitatur, pro parte, ab Alcalino Sale solvitur, quæ solutio pulcherrima ista gaudet tinctura cyanea: si vero nullum adest Cuprum, color evanescit prorsus, & Aqua Fortis fit limpida excolor.

§. 147. *Aqua Fortis* sic parata (§. 136. seq.), atque correctæ (§. 145.), certo gradu debet esse concentrata: si enim nimis debilis est, solutionem vel retardat, vel sæpe Argentum nequidem attingit: si contra nimis fortis est, accedente calore ebullitionis per fumos vi erumpentes ex vasis, tametsi satis altis, Argenti quidpiam simul surripitur, neque tamen tantum Argenti pro ratione Acidi, quod est in Aqua Forti, solvitur, quantum eadem portio Acidi plure aqua diluta solvit: imo vero Aqua Fortis, summe concentrata, plane non solvit Argentum. Aurum vero, quanquam multum ejus in Argento exstiterit, in pulverem dilabitur, si impetuosa sit solutio, quod vero figuram prioris voluminis post blandiorem Argenti erosionem servat. Primum vitium corrigitur, si Aqua Fortis in altioremm immittitur cucurbitam, & leni igne tantum phlegmatis inde abstrahitur, donec fumii appareant flavescentes; vel etiam eandem debilem Aquam Fortem loco Aquæ simplicis, sub distillatione recentis Aquæ Fortis, in excipulum infundere poteris, ut concentratos recentes Spiritus recipiens, generosior evadat (§. 141.). An vero justo temperamento gaudeat, hoc modo exploratur: confunde Auri partem unam, Argenti partes tres vel quatuor; fac inde laminam, quam in tres vel plures par-

tes discinde ; quamlibet partem convolve , ut eo commodius in cucurbitulam separatoriam possit iminitti : convolutæ huic lamellæ , ad ignem prius leviter candefactæ , in cucurbitulam immisissæ , superaffunde Aquæ Fortis triplum circiter , respectu ponderis Metallii ; pone in modico calore , aquæ ebullientis haud majore : si tum Argentum eroditur ex Auro , ut Aurum residuum perfectam convolutæ laminæ figuram retineat , neque fuscus pulvis in vasis fundo appareat ; juste temperata est Aqua Fortis : si vero tanta cum violentia peracta fuerit solutio , ut pulvis Auri a reliquo volumine disturbatus sit , vel lamina penitus disrupta , nimis fortis est : quapropter addere tunc juvat aquæ puræ , solutionem Argenti non turbantis ; vel melius , si præsto est , Aquæ Fortis debilioris , vel ejus phlegmatis abstracti , unam quartam , ut generosior Aqua Fortis temperetur : quo facto similis lamellæ solutio exploratoria iterum ac toties repeti debet ; donec Argentum solvatur , integerrimo manente Auro residuo , adeoque bonam Aquæ Fortis temperaturam esse constet.

§. 148. *Aqua Fortis* optima est , quæ a Metallo soluto per ignem iterum expulsa rediit ; quia maximam partem destillando inde revocari potest. Quem in finem immittitur talis solutionis libra una , vel dimidia , in amplitudinis mediocris cucurbitam , vitream , humilem , latè abscissam , alembico in vertice perforato atque epistomio vitreo munito , instructam , & destillatur in balneo arenæ Athanoris , inferius sub instrumentis describendo , in recipiens amplum ; ut guttæ sese ad intervallum aliquot minutorum

rum secundorum excipiant : debet autem cucurbita fere ad infimum alembici limbum obruta esse sabulo, ut eo usque incalescat frigida cucurbitæ collum : alias guttulæ ibi condensantur, refrigerantur, relabuntur : unde non modo vasis bulbus aliquando crepat, sed & præterea destillatio lentius procedit : vel si altior fuerit cucurbita, quam ut sabulo tam altè obrui possit, conducit, ut segmentum Cylindricum figulinum, vel de bractea ferrea confectum, secundum altitudinem bifidum, circumponatur ; & interstitium medium, inter cucurbitæ collum & segmentum, sabulo impleatur, segmenti partibus, ne dilabantur, filo constrictis. Alembicus frigido aëri sit expositus : si alembicus fortius incalescit, & excipulum similiter calere incipit, ignis illico erit suppressendus. Postquam tantum phlegmatis fuit abstractum, ut jam incipiant prodire Spiritus ; quod dijudicatur, si vapores incipiunt prodire flavescerentes ; immittatur per foramen in vertice alembici tantundem solutionis recentis, bene calefactæ ; iterum applicato epistomio abstrahatur ; similique modo affusio recentis solutionis repetatur, donec omnis inspissata sit. Debet hoc fieri in cucurbita non valde ampla, repetitis vicibus ; ne vas magnum, facilius fissuras contrahens, simul & semel majore solutionis copia oneratum, crepet, & Aqua Fortis una cum Metallo perdatur. Cum dein, phlegmate omni abstracto, auctiore igne incipiunt fumi flavescerentes apparere, una vel dimidia drachma sebi addatur, ne Metallum residuum, exsiccatum, tam fortiter adhæreat parietibus vasis, quin possit auferri : imo præterea

terea per pinguedinem adjectam cavetur, ne, in subsequente colliquatione, tantum Metalli dissipetur. Tandem ubi sicca evaserit massa, urgeatur ad obscuram usque ollæ ferreæ arenam continentis candesceritiam. Calx Metalli, in fundo cucurbitæ restans, colligenda, cumque Cineribus clavellatis & Sapone colliquando.

DE SPIRITU SALIS COMMUNIS.

§. 149. Ex *Sale communi* (§. 31.), eadem methodo (§. 136. & seq.), qua ex Nitro, propellitur *Spiritus*; qui tamen longe vehementiorem, & diutius continuatum, requirit ignem ad sui destillationem, quam *Spiritus Nitri*. Præprimis magno eget igne, si cum Vitriolo, ad modum Aquæ Fortis, tentas expellere *Spiritum Salis*. Prodit is specie albarum, tenuiorum, nubecularum, quæ in flavo-viride coagulantur liquidum. Longe interim faciliore methodo is ipse *Spiritus* per Oleum Vitrioli potest produci; si hujus circiter pars una, æquali quantitate aquæ diluta, ad *Salis communis* partes duas affunditur, & ex vasis dein vitreis in balneo arenæ destillatio perficitur, in recipiens amplissimum, igne moderato, qui dijudicatur ex lente procedentibus guttulis, & leni recipientis calore. *Spiritus* sic prodiens, dein ex cucurbita, super aliqua quantitate *Salis communis*, purissimi, siccissimi, in pollinem contriti, quo adhærens forte Olei Vitrioli portio absorbeatur, leni igne digestus, destillatus, dephlegmatus, rectificatus, pro optimo *Spiritu Salis* est habendus.

ART. 2

Scho-

Scholion 1. In omni destillatione caveas, ne ponderosum in pulverem redactum corpus, majori mole, in fundo vasis destillantis hæreat, supranatante liquido copiose superaffuso: inde enim ad summum usque tædium protenditur destillatio; quia liberior liquidi circulatio impeditur, hinc, quod inferius hæret, ebullitionis calore in vapores resolvitur, quæ multa crepitatione sese expandunt, neque tamen per superincumbens solidum, neque & per frigidius supernatans liquidum, sese penetrare possunt, quin refrigerium patiantur, hinc magno cum strepitu materies contenta jugiter concutitur, ut sæpe in substantia in recipiens projiciatur, neque tamen vel guttula intra semiquadrantem horæ legitimo modo transtillet. Evitare hoc licet incommodum, si corpori sicco, in vase destillante contento, qualibet vice tam parum liquidi superaffunditur, ut non supernatet, sed modo humectatum sit: ne vero opus sit toties Tolvere vasa, conducit, vel retortam tubulatam adhibere, vel cucurbitam alembico in vertice perforato, epistomio munito, instructam.

Scholion 2. Quoniam per ipsum Vitriolum tam ægre expellitur Spiritus Salis, rationem assequimur, cur rarius in Aquæ Fortis præcipitatione (§. 144.) Lunæ Cornæ calx, a Spiritu Salis cum Argento combinato, producat, tametsi Nitrum vulgare semper fere a Sale communi inquinatum sit: videlicet iste ignis gradus, quo expellitur Aqua Fortis, non valet exturbare Spiritum Salis ope Vitrioli calcinati ex Sale communi.

Verum si Aqua Fortis, suo capiti mortuo aliquo-

ties

ties reaffunditur, iterumque destillatione abstrahitur; tum invadit Aqua Fortis Salem communem, qui prima destillatione sine mutatione persistit, & expellit ejus Spiritum; cujus locum proportionata Aquæ Fortis pars in Alcalina Salis communis basi occupat. Spiritus Salis expulsus, cum reliqua Aquæ Fortis parte unitus, transtillat, & tum Aurum invadit, quod ab eadem Aqua Forti post primam destillationem solvi non poterat. Confer infra, quæ de Aqua Regis dicuntur.

Spiritus Salis in Terras Lapidisque potentiorum reliquis acidis effectum edit: Ferrum dissolvit in flavo-viridem, Cuprum in intenso præsii coloris liquorem: Stannum violenter, cum valida crepitatione, in hoc Spiritu liquefcit magna copia, fitque spissum, pellucidum liquidum. Plumbum in eo via humida non perfecte solvitur; sed postquam aliquamdiu quievit, semper aliquid pulveris albi rursus excutitur in fundum. Argentum, modo sit purissimum, non dissolvitur in Spiritu Salis; si vero Argento vel minimum Cuprum inest, a quo id raro prorsus liberum deprehenditur, superficies ejus ab acido Salis, velut via sicca, facilius atroditur, colorque deturpatur. sed ejus nihil continetur in Spiritu supernatante. Aurum a Spiritu Salis optimo (§. 28.), superadfulso, prorsus indissolubile persistit. Mercurius ab hoc Spiritu dissolvitur in limpidum liquorem, sed quantitate perexigua. Regulus Antimonii ab eodem dilutiore non solvitur; in concentratissimo autem solutus, accedente aqua, vel humido tantummodo aëre, in albi pulveris forma iterum excutitur. Zincum promte solvitur, sicut & reliqua.

DE AQUA REGIS.

§. 150. Quando Spiritus Nitri (§. 27.) & Salis (§. 28.) mixti sunt, mixtura vocatur *Aqua Regis*. Optima hæc paratur, si Aqua Fortis optima, bene explorata, temperata, vel etiam paulo generosior, quam pro solutione Argenti solet adhiberi (§. 147.), dimidiæ parti Salis communis, siccissimi, in pulverem triti, in retorta superaffunditur: quod vero per vices fiat, ut evitentur incommoda (Schol. 1. ad §. 149.) memorata: & dein primo lentiore, denique exsiccatore residuo, validissima destillatione in balneo arenæ propelluntur Spiritus. Vel si quarta pars Spiritus Salis (§. 28.) in Aquam Fortem immittitur, aut etiam, si loco ejus tantum Salis Ammoniaci in ea solvitur; hæc illico colorem flavum acquirit, vaporesque simul albos Spirituum Salis copiose eructans, veram cito exhibet Aquam Regiam. Cavendum tamen circa modum posteriorem cum Sale Ammoniaco, quod si Aqua Fortis generosior fuerit, ne vas mixturam continens statim firmiter obturetur: dissiliret enim, præprimis, si in calorem repositum fuisset, aut conquassaretur. Quia & commixtio isthæc sub camino instituenda est; ne suffocantes Spiritus totam officinam repleant.

§. 151. *Aqua Regis* ante memoratas Terras invadit, solvit Ferrum, Cuprum, Stannum, Aurum, Mercurium, Regulum Antimonii, Bismuthum, Zincum perfectè; Plumbum vero perfectius quidem, quam Spiritus Salis, at cum quadam tamen turbatione; Argentum non solvit, si rite est temperata; si
autem

autem iusto minor copia Salis Ammoniaci, vel Salis communis, aut huiusce Spiritus, miscelam ingressa est, tunc Argentum ab ea in calcis formam corroditur, imo pro parte solvitur: quod vero lente fit, quia talis Aqua Regia imperfecta est.

Coroll. 1. Patet ergo, cur in separatione Argenti & Auri per Aquam Regiam satius sit, iusto maiorem, quam minus parcam Spiritus Salis, vel Salis communis in substantia, aut Ammoniaci quantitatem adhibere, si Aurum desideras purissimum. Quin constat etiam hinc, quod, & cur, separatio dicta Argenti & Auri melius per Aquam Fortem succedat, quam per Aquam Regiam: quoniam illa nunquam Aurum, hæc sæpe Argentum rodit: per Aquam Fortem quoque longe citius absolvitur.

Coroll. 2. Si itaque scire cupiunt Artifices, an Metallum oblatum sit Aurum verum, an vero Metallum aliud, cui per artem aureus color fuerit conciliatus, stringunt id ad lapidem lævem, obscuri coloris, acidorum actionem eludentem, superimponunt guttulam Aquæ Fortis, si Aurum est, persistit, si non, corroditur; quoniam Aqua Fortis omnia Metalla solvit aut corrodit, præter Aurum. At Argentum tali modo, per Aquam Regiam, non tam certo cognosci potest; quoniam tenuissima crustula, ab Aqua Regia, tandem consumitur: nam in pulverem album corrodit Argentum.

VI.

DE SALIBUS NEUTRIS UT
MENSTRUIS.

§. 152. *Salia Neutra*, quæ præcipue heic usurpantur, sunt Borax, Fel Vitri, Nitrum, Sal Commune, Sal Ammoniacus.

§. 153. *Borax* seu *Chrysocolle* est Sal difficillime in aqua solubile, album, semipellucidum, crystallis hexædris, saporis in initio subdulcis, in fine vero urinosi Alcalini: quam ob rationem quidam Boracem Salibus Alcalinis fixis annumeravere. Igni expositus Borax cum sibilo in spumam attollitur, rarissimam, albissimam, tam mollem, ut digitis in pollinem comminui possit; denique, haud equidem tam tenui fluxu, ac reliqua Salia, sed cum quodam lentore in candente vase fluit, tumque frigefactus exhibet speciem subtilissimi Vitri, in aqua tamen utcunque, sed copiosa, nec nisi lentè, solubilis.

§. 154. Cum adeo ad ignem spumescat ac intumescat Borax, conducit, ut, priusquam adhibeatur, in amplo vase ustuletur: ne autem vasa transcendat, ignis haud fortior sit, quam ut vasa subobscurè rubescant: tum absque jactura facile poteris eximere Boracem, & ad usus servare: simulac vero fortiorem adhibes, in vitrum colliquescit, vasisque adhærens e-

G

jus

ARTIS DOCIMASTICÆ PARS I.

jus pars perditur; quin & postea peculiari comminutione opus est.

§. 155. Omnes Terræ, Lapidesque, tritura bene commixti cum *Borace*, in vitrum variæ speciei dissolvuntur.

§. 156. Metallorum difficilium fluentium, uti est Aurum, Argentum, Cuprum, liquefactionem optime promovet *Borax*. Quando igitur Metalla disgregata, seu in minutas valde partes divisa sunt, salva tamen adhuc eorum forma metallica, tumque iterum ope ignis in unam massam sunt redigenda, *Boracis* insignis est usus. Scilicet Auri & Argenti particule ab interspersis sordibus, vel cineribus, quanquam paucissimis, impediuntur, ne in unam massam facile colliquecere possint: si vero validissimo igne eo disponuntur, ut in regulum consuant, rejectis sordibus levioribus semper Metallum magna portio adhæret. Metalla autem ignobiliora non solummodo dicta longe magis patiuntur; sed &, auctis eoque superficiebus, difficilium fluentia, uti Cuprum, pro maxima parte in scorias abeunt & destruuntur. Quin pessimum ideo est, si hæc viliora nempe, & quæ simul refractaria sunt, Metalla, insigni proportionem Auro & Argento mixta sunt: nascuntur enim sub colliquatione in superficiebus scoriolæ, in quibus, tanquam in spongiis, Aurum & Argentum hæret, & impeditur, quominus liquefactum cum regulo confluere possit. Ut incommoda isthæc amoveantur, additur *Borox*: utpote qui Metallorum, omniumque corporum refractariorum, liquefactionem ad ignem adjuvans, totam massam promte ad fluorem deducendo efficit, ut Me-
talla

talla fundum petant absque jactura, dum interim fortes leviores vitrefactæ in superficiem ejiciuntur. Præterea & Borax, vitri tenuissimi specie superficiem Metallum, in igne magno torti, obducendo, hanc sic contra ignis & aeris conjunctam actionem, imperfectiora præcipue Metalla maxime destruentem, defendit; præterquam quod & longe minore igne Metalla fundi faciat, tametsi sese iis non immisceat.

Scholion. Hæc est ratio, cur Boracis usus adeo frequens sit apud Artifices, & cur conferruminationem diversorum frustulorum Metallum difficilius ad ignem fluentis adjuvet, ut Auri, Argenti, Cupri, Aurichalci: circa plana enim contactus, quæ libimet tam curate, ac fieri potest, applicantur, inspergitur aliquid Boracis, cui superaddere solent granula Metallum, vel mistura metallica; minore igne fluentis, quam frustula conferruminaunda: si igitur igni superimponuntur frusta sic conjungenda refractarii Metallum; tunc circa plana contactus ad fluxum deducuntur per Boracem & granula Metallum facilius fluentis, ibi locata, solida interim persistente reliqua frustulorum conjungendorum parte. Scoriolæ interim in superficie nascuntur a Borace solutæ: simulac hoc cernis, illico de igne auferantur, nisi velis omnia in unam massam collescere, oleumque & operam perdi. Cognoscitur autem Metallorum liquefactionem fieri, si aqueo splendore, & superficie reflectente, speculi instar, videntur.

§. 157. Convenit quoque semper, ut crucibula, in quibus rariora Metalla fundi debent, antequam im-

mittantur in ignem, *Borace* intus perfricentur: totæ enim sic tenui crûstâ vitrea sub fusione obducuntur, foveolæ, quibus optimorum quoque crucibulorum interna superficies semper inæqualis est, implentur: unde Metallum tunc nitidissime totum effundi potest.

§. 158. Nota tamen, quod si Aurum fundas cum *Borace*, aliquid insuper Nitri, vel Salis Ammoniacy, minimè vero ambo simul (fieret enim detonatio), addendum sit: a solo enim *Borace* Aurum redditur pelucidius, at ope Nitri, vel Salis Ammoniacy, iterum recuperat colorem.

§. 159. Ob ante memoratam (§. 156.) *Boracis* virtutem adnumeratur is, quanquam improprie, Reducentibus, hoc est his, quæ Metallis, quocunque modo destructis, formam suam metallicam iterum conciliant: reducit enim segregata modo, non vero destructa, in unum aggregatum regulum; destructa si tentares reducere cum *Borace*, fieret ex calce metallica & *Borace* massa vitrea; quoniam cum destructis confundi se patitur. Confer (§. 117. 153.).

§. 160. Adhibentur & alia *Salia Neutra* ad fluxum Metallorum promovendum, raro tamen sola, sed fere semper cum ejusmodi mixta, quæ vere reducant, de quibus paulo post. Sola enim Metallis ignobilioribus in igne semper aliquid detrahunt, vel & hæc prorsus immutant: cujusmodi sunt *Sal commune*, *Fel Vitri*, *Nitrum*. Inter hæc tamen *Nitrum* omnium maxime evitandum: quia hoc detonans cum parte inflammabili, non adeo arcte mixta, Metallorum ignobiliorum, hæc in calces convertit: id quod in Cu-
pro,

pro, Ferro, Plumbo, Stanno, cum æquali copia Nitræ mixtis, in candens crucibulum injectis, experiri facile est; contra Aurum & Argentum destruere non valet.

§. 161. Quidam solent Nitrum, antequam usurpatur, albumine ovorum depurare: quod fit per solutionem, despumationem, & crystallisationem. At, nisi valde sit impurum, haud necessaria est isthæc depuratio; & si requiritur, sufficit simplex solutio, filtratio, & crystallisatio. Confer. P. II. proc. de Nitro, ubi penitissima ejus depuratio mediante Calce viva & Alkali fixo docetur.

§. 162. *Fel Vitri* eligitur tale, quod durum est, solidum, magnis fragmentis conglobatum: leve enim impurius est, vel crebris deliquiis emunctum: color non adeo respiciendus.

§. 163. *Sal Ammoniacus* itidem Docimastæ quandoque inservit: quamvis tamen ejus defectum plerumque suppleat Sal communis alias, alias Nitrum. Vix enim adhibetur, nisi in duobus casibus, ante (§. 150. 158.) indicatis, videlicet vel ad Aquam Regiam conficiendam, vel ad restituendum Auro colorem & malleabilitatem. Atqui prius Sale communi, posterius Nitro obtineri pulchre potest.

VII.

DE SULPHURE MINERALI, VULGARI, UT MENSTRUO.

§. 164. Hic non intelligitur sub nomine *Sulphuris* qualiscunque materia inflammabilis (§. 35.); sed ista tantummodo, quæ acidum Chalcanti sibi admixtum habet: cujusmodi est Sulphur vulgare, fossile, quod, ratione admixti acidi, vires longe alias exerit, quam sincerum principium inflammabile.

§. 165. Aurum purissimum, si funditur cum *Sulphure*, manet perfecte idem, ac ante fuit, nihil ejus recipit, sed patitur Sulphur liberrime comburi, ipsum interim persistens illibatum; modo fuerit defæcatissimum.

§. 166. Argentum in crucibulo rubescens a superaddito *Sulphure* mox liquefit, hinc citius fluxile redditur. Effusum dein massam exhibet scissilem, semimalleabilem, fere coloris & consistentiæ Plumbi; quæ tamen, si diuturno igni fusorio rursus exponitur, Sulphure iterum, quippe dissipato, liberatur; fitque tum, sicubi ignis gradus circa finem mitior adhibetur, germinatio quædam lanuginosa.

§. 167. Stannum granulatum, cum *Sulphuris* æquali vel dupla copia stratificatum, ad ignem deflagrat, ac si Nitrum additum esset, relinquitque massam fluidam, quæ, dum adhuc ab igne rubescit, jam solide consistit: unde patet, Stanni fluxum a Sulphure retardari. Regulus residuus, malleo percussus,

fus,

fus, est fragilissimus, Semimetallo similis, plumbei coloris. Pars vero Stanni, sic in scorias mutata, superius cinerea, pulverulenta, interius atra, nitidior, apparet: cujusmodi in scorias totum Stannum abit, si ejus cum novo Sulphure addito deflagratio jugiter continuatur.

§. 168. Plumbum cum *Sulphure* fustum ad strepentem deflagrationem concitatur, in massam coit, magno igne ad tenuem fusionem vix deducendam, quin pastaceum lentorem conservet, friabilem, nitidis particulis splendentem.

§. 169. Cuprum, stratificatum cum æquali copia *Sulphuris*, igni impositum mediocri, a Sulphure penetratur, & in longe majus volumen intumescit, abitque in obscuram fragilem massam: quod ipsum etiam contingit, si Cupro luculenter candenti Sulphur superinjitur: colliquescit enim cum eo in simile compositum, igneque continuato mitiori, dehiscit in fuscum pulverem.

§. 170. Idem quoque accidit Ferro, quod, si candescens ex igne educitur, & Sulphure confricatur, defluit mox in spongiolam scoriam. Longe facilius autem cum Sulphure liquefcit, quam per se. Si super alia Metalla sulphurata liquefacta projicitur Ferrum, omnia Sulphure privantur, quippe, quod Ferro seclatim unit. Ut ideo inter omnia Metalla & Semimetalla Ferrum amicissimum sit Sulphuri. Igne mediocri aliquamdiu rubescens, cum Sulphure abit in pulverem rubicundum, qui ob colorem *Crotus Martis* appellatur. Quanquam vero Ferrum Sulphuri minerali amicissimum sit, attamen facilius Sulphur ex eo com-

to magna ex parte dissipatur, quam ex ullo alio Metallo, aut Semimetallo: cujus ratio est, quoniam Ferrum non tam facile lentescit, nec hinc frustula ejus conglutinantur adeo in unam massam, ut quidem obtinet circa reliqua Metalla sulphurata, igni exposita: volatilia enim ex solido comminuto facilius, quam ex liquefacto, cæteris iisdem manentibus, dissipantur; hinc, ut Sulphur ex reliquis Metallis & Semimetallis dissipetur, lenem modo ignem adhibere licet, ob metuendam eorum colliquationem. At Ferrum longe intensiorem ustulationem patitur,

§. 171. Regulus Antimonii, non nisi in pulverem redactus, cum Sulphure mixtus, leni igne fusus, cum unco agitatus, abit in Antimonium crudum striatum, cujus fluxus similiter per Sulphur faciliatur. Prioribus tamen omnibus difficilius cum Sulphure coit.

§. 172. Bismuthum eodem modo, ac Regulus Antimonii (§. 171.) sese habet, ubi cum Sulphure ad ignem colliquescit: quod tamen paulo tardius fit. Nascitur autem tunc inde massa Antimonio cruda similis, colore dilute gryseo, minimis spiculis, nitidissimis, sese decussantibus, constans, admodum fragilis, ejus superficies aëri exposita colores Iridis contrahit, cum quadam obscuritate. Signum est, Sulphur Metallum solvisse, si ad superficiem fusi, postquam Sulphur deflagravit, levis flammula lambens, coerulea, conspicitur.

§. 173. Zincum ab omnibus aliis Metallis bene depuratum, Sulphuris connubium respuit, etsi diutius in igne remanens, Sulphure repetitis vicibus sus-

per;

peradfulso, obruatur, jugi cum rutabulo agitatione accedente.

Coroll. 1^{um}. Per Ferrum ergo, utpote Sulphuris rapacissimum, omnia cætera Metalla & Semimetalla a Sulphure liberari possunt.

Coroll. 2^{dum}. Ferri minima, Cupri major, Plumbi, Stanni & reliquorum maxima copia requiritur ad absorbendam eandem Sulphuris copiam.

Coroll. 3^{ium}. Cum Ferro, Cupro, Plumbo, Stanno, Argento, regulina Antimonii, Bismuthi, &c pars ex Sulphure præcipitatur.

Coroll. 4^{tum}. Scorix supernatantes Regulis Antimonii, per quinque Metalla factæ (*Coroll. 3^{io}.*), commodius vel difficilior fusiles sunt, prout Metalla dicta difficilior vel tardior cum Sulphure ad ignem fluunt: sunt enim scorix Reguli Antimonii nihil aliud, quam Antimonii Sulphur, mixtum cum Metallis præcipitantibus: hinc Argenti & Stanni scoria facillime, difficilior Cupri, & Ferri, est fusilis.

§. 174. Arsenicum album, crystallinum, si cum Sulphuris decima parte mixtum cucurbitulæ immititur, colliquescit in aurantium vel rubrum semidiaphanum corpus, quod aucto igne abit in semidiaphanum, solidum, fragile, citrinum sublimatum, paucissimo residuo in fundo hærente: quo plus autem Sulphuris additur, eo intensius rubicundum colorem induit, magisque fluxile evadit. Dicuntur hæc *Arsenicum flavum* aut *rubrum* crystallinum. Si tandem Arsenicum & Sulphur æquali copia colliquantur, subli-

G 5 mantur,

mantur, vel ex retorta destillantur, rubedo in aurantium diluitur, nasciturque elegans ex aurantio rubra, pellucida, massa, quæ dicitur *Rubinus Arjenicallis*, *Sulphur Auratum*.

§. 175. Sulphur, cum subduplo Alkali fixi (§. 24.) fufum, abit in *Hepar Sulphuris*, quod respectu Salis Alcalini, quem continet, omnes Terras Lapidesque cito ad ignem diffuere facit; cum quibuscunque Metallis fufum, quæ refractaria sunt, reddit leniori igne fluentia, cuncta fragilia, nec Metallo, nec Semimetallo amplius similia, solubilia in aqua; id. quod tam generaliter obtinet, ut ne quidem Aurum vel Argentum excepiatur. Hinc igitur multæ cautelæ in mineris, per varios fluxus excoquendis, peti possunt.

§. 176. Simile *Hepar* (§. 175.) nascitur ex Tartaro vitriolato, Felle Vitri, aliisque Salibus neutris fixis, Acidum Vitrioli continentibus, si his ad ignem candescentibus, vel fluentibus, pulvis carbonum, vel quaecunque phlogiston fixius superadditur.

§. 177. Cum Nitro tamen fixo, per carbones facto, vel cum Alkali ex Tartaro & Nitro conflato, *Hepar Sulphuris* (a) tam potens non nascitur, neque cum Salibus neutris addito Sulphure, acidum Vitrioli jam jam in se recondente.

(a) *Frid. Hoffmanni Observ. Physico-Chemic.*

VIII.

DE CÆMENTIS.

§. 178. Quid *Menstrua acida*, in formam fluidam condensata, calore haud majore, quam quo ebulliunt, in Metalla & Semimetalla agant, enarratum (§. 123. ad 151.): restat nunc, ut, quid ea ipsa, tanto ignis gradu, quo candescunt, excitata, in modo dicta corpora efficiant, exploremus.

§. 179. Cum vero Sales acidi, condensati in liquores (l. c.), non ferant candefactionem, sed longe minore igne resolvantur in vapores non coercibiles; hinc alia ad hoc obtinendum encheiresi opus est: Acidum enim Aceti, ut ex ærugine vel crystallis inde factis expellatur; Spiritus Nitri & Salis, ut per terrestria additamenta, vel Vitriolum e Salibus suis excutiantur (§. 136. seq.); Vitrioli tandem acidum, ut per se de matrice sua metallica vel terrestri ejiciatur; ingenti singula egent ignis actione: quod comparative cum eo ignis gradu intellige, quem singula ista Acida per se ferre possunt. Propterea ita procedendum est, ut corpora, per hos acidos Spiritus mutanda, in eodem, quo illi producuntur, vase locentur, ibique candefacta vaporibus istorum Spirituum igne agitatis undique ambientur: id quod optime efficitur, si ea inter ipsam materiem Spiritus acidos excussuram, leviter madefactam, atque compressam, collocantur, unaque dein igni exponuntur. Quæ quidem operatio tunc vocatur *Cementatio*; dum species siccae, Menstrua acida fundentes, ad hanc operationem adhiberi solitæ, vocantur *Cementa*.

§. 180.

§. 180. Ratio additamentorum in conficiendis *Cæmentis* eadem est, ac in destillandis Spiritibus acidis (l. c.). Cum autem Sal commune & Nitrum sint Menstrua fusoria Metallorum (§. 160.); præter istum scopum, ut acidum expellatur, requiritur abundans terrestre additamentum. Ambos quidem præstat effectus calcinatum Vitriolum; verum eo igne, quem in cæmentationibus adhibere decet, scil. ut vasa rubescant, valde indurescit: hinc id solum commodè usurpari nequit; sed loco ejus triplo vel quadruplo major quantitas Farinæ Laterum adhibetur, cui, si placet, aliquid Vitrioli, vel ejus residui, post destillationem acidi ejus, superaddi potest: sic enim Salia a liquatione impediuntur; vel saltem, etsi liquecant, prohibentur, ne confluere possint: neque hæc mistura cum Nitro & Sale communi eousque indurescit, quin massa dein facile divelli, ac Metallum interpositum separari queat. Eandem quoque ob rationem solo heic Bolo vel Argilla loco additamenti uti non convenit; quoniam istæ, rubescentes, ad ignem, lapidis instar indurescunt.

§. 181. Ut autem Spiritus, e materie *Cementi* (§. 179. 180.) expulsi, eo validius & diutius agant, vasa, in quibus cæmentatio instituitur, sunt claudenda, & commissuræ luto, haud tamen prorsus imperspirabili, obturandæ: sic Spiritus reperiuntur quidem, nec interim prorsus adeo coërescentur, quin auctiore igne per vasorum commissuras tandem sese penetrare possint: quod nisi iis concedatur, vasa certo diffinguntur.

§. 182. Inter Metalla Cuprum, Ferrum, Plumbum,

bum, Stannum, & Semimetalla omnia, cuicumque compositioni *Cementi* ex ante dictis commissa, intra aliquot horas prorsus corroduuntur: quod eo citius fit, si laminarum vel granulorum forma *Cæmento* interponuntur.

§. 183. Argentum sic a Spiritus Nitri speciebus promptissime consumitur, quin & Spiritus Salis, qui alias in forma fluida Argentum non solvit, sicca tamen hac via id consumit. Vaporibus etiam Vitrioli haud resistit Argentum sub *cæmentatione*. Ipsum Acetum vegetabile, in crySTALLIS viridis æris, aut ærugine concentratum, terrestribus mixtum sub *Cæmenti* specie Argento haud parcit. Aurum tamen in omnibus antedictis *Cæmentis* intactum relinquitur; cætera Metalla, & Semimetalla omnia, si quæ Auro intermixta sunt, ex eo, in laminas vel granula redacta, *cæmentatione* eroduntur; Argentum quidem & Cuprum, si majore quantitate Auro sunt permixta, satis promte consumuntur, sed parva saltem eorum portio, in Auro superstes, ab hoc ita defenditur, ut non facile prorsus per *Cæmentum* separari possit: adeoque Aurum per *Cæmenta* ad summam puritatem deduci haud commode potest.

§. 184. Variæ *Cæmentorum* compositiones, eorumque effectus, describentur in Parte sequenti, sub operationibus cum Auro instituendis. Præterea & alia corpora, præter Metalla, vario scopo *cæmentantur*: hinc *Cæmentorum* aliæ materiæ eliguntur, quæ cum finem Docimasticæ non respiciant, silentio præscribimus.

I X.

DE FLUXIBUS SIMPLICIORI-
BUS ET REDUCENTIBUS.

§. 185. Omne, quod corpus difficulter, vel plane non ad ignem fusile, facit liquefcere, vocatur *Fluxus*. Actio autem Fluxuum in Metalla refractaria, qua hæc facilius liquefacienda reddunt, præprijis consistit in eo, quod solvant scoriam de Metallo natam. Videlicet scoriz plurimorum Metallorum difficiliter fluunt ipso Metallo, ex quo sunt natæ: si nunc Fluxus additur, solvens scoriam ad superficiem cujuscunque moleculæ metallicæ natam, facilius moleculæ metallicæ in unum confluere possunt volumen: atque hoc respectu Auri & Argentî purissimi non datur Fluxus, quoniam talis de his non nascitur scoria. In genere ignis violentia propagatur magis, per corpora densa & rigida, quam per mollia & rara: hinc si in vasis fiunt fusiones, & fluxus facilius liquefcens, cæteroquin magnum ignis gradum concipere aptus, additur, potest ignis externe applicatus validius communicari corpori liquefaciendo, postquam a fluxu liquefacto interstitia sunt impleta, quam si eadem fuissent vacua. Hisce dein accedit singularis quorundam corporum vis, quæ corpus aliud facilius ad liquefactionem deducit, ratione plane ignota, vel saltem in quolibet casu ex peculiaribus circumstantiis detegenda. Ita fit, ut duo corpora refractaria, si quodlibet seorsim committitur igni, post-

postquam inter semet permixta sunt, facile liquefiant; sicuti e contrario alia dantur corpora, seorsim facile liquefcentia, post permixtionem vero contumacissima.

§. 186. Quænam autem corporum species istam (§. præc.) habeant facultatem, vi cuius Fluxus nominantur, vid. (§. 62. & seq. 96. &c. §. 113. Coroll. 2. §. 116. 117. 153. &c.), ubi de Vitro Saturni, Antimonii, Inflammabili puro, Salibus Alcalinis fixis & Neutris &c. egi. Utuntur autem hisce Docimastæ, cum mineralia minima quantitate explorare cupiunt: unde & vocantur *Salia & Vitra Fusoria*. At ubi insignior mineralium copia simul tractanda est; ejusmodi fluxibus raro cum fructu uti licet, ob summum magnitudinem. Interveniunt tunc, loco antedictorum Salium, Lapides in igne leviores vitrescentes, vel, quæ his etiam aptior est ad hoc opus, Scoria ex iisdem jam semel fusis facta, præcipue de Ferri liquationibus producta; quippe quæ absorbent rapacia, eoque ipso potentiora solventia evadunt, ad refractaria liquefacienda: quo sæpius enim hi Lapides jam passi fuere ignem, eo magis ad promptiorem fusionem dispositi sunt: cujus ratio esse videtur vitrescens salinus cinis ex pabulo ignis natus, scoriis istis adcretus. Sæpius quoque Plumbum destructum in vitrum, Arsenicum, Antimonium &c. cum scoria ita conjuncta, ut suo se effectu specifico haud amplius prodant, fluxilitatem & vim solventem potenter augent (§. 62. 86. 96.). Talia igitur, in opere majore, sat copiose mineris liquefaciendis addita, faciunt, ut hæc, ob Calcatios Apyrosque

rosque admistos Lapidēs & Terras refractariæ redditæ, fusiles fiant : quod tamen longe minus commode per modo dictas scorias obtinetur, quam per Vitrum Saturni & ante memoratos Sales. At pretium horum majus frequentiore vetat usum. Non vero semper optimi fluxus sunt, qui ex se fluxiles sunt ad ignem, sed quandoque corpora maxime refractaria, sibi met confusa, longe facilius fluunt, ac quodlibet per se : vid. §. præced. Ex. gr. Marmora, aut Creta contumacissima cum Silicibus refractariis mista (§. 43. n. 2.), facilius igne superabilia sunt, quam quodlibet seorsim.

§. 187. Ad Aurum & Argentum, horumque calces, commodius liquefacienda, Sales Alcalinos & Boracem inservire, jam ante expositum est. Quando autem Aurum & Argentum, sub ipsa fusione, ab aliis Metallis & Semimetallis repurganda sunt; conducit vel solo Nitro, vel eo saltem simul cum aliis Salibus fixioribus, fugacitatem ejus temperantibus, permixto, uti. Per Nitrum enim Semimetalla, & quatuor Metalla imperfectiora, destruuntur, (§. 111. 160.); Nitrum tunc pro parte, per detonationem cum eorum parte inflammabili factam, calefcit, & eo ipso convertit calces inde natas, igne mediocri fusorio accedente, in scoriam. Solum tamen Nitrum supra Aurum vel Argentum projicere non convenit; præcipue si multum Metallum imperfecti adjunctum est. Tametsi enim Nitrum non valeat Aurum & Argentum destruere; attamen igne fusorio rapax est, præcipue si multum imperfecti Metallum prioribus esset adjunctum: sic enim per ingen-

tem

tem fumum, qui, sub detonatione Nitri cum imperfectis Metallis, exturbatur, multum Auri & Argenti, tota sua substantia abripitur.

Coroll. Hinc ratio patet, cur Aurum & Argentum, fragilia facta, optime per Nitrum rursus redantur malleabilia. A Semimetallis enim, & inter Metalla a Plumbo & Stanno maxime, tale vitium Auro & Argento adfricatur: illa autem per Nitrum dicto modo (§. 160.) immutata, simplici fusione dein ab Auro & Argento respuuntur; ut se his iterum immiscere amplius haud possint, nisi reductio quædam fiat. Cæteroquin vero nullum aliud corpus cum Auro & Argento in igne sese miscere potest, quod fragilitatem iis conciliet: nisi forte a carbonibus suffocatis, crudis, in vas, quo Aurum & Argentum liquefunt, illapsis, nescio quænam labes eo inferatur; quum Stahlio & Hoffmanno conjicientibus Arsenicale quidpiam carbonibus talibus contineri videatur: quæ quidem rigiditas per Nitrum quoque de facili tollitur.

§. 188. Metalla imperfectiora refractaria, Salibus & Vitris (§. 185. 186.) additis, facilius quidem, quam per se, liquefunt; attamen semper multum sic deperdunt, aut, si minor est eorum moles, tota in scorias convertuntur. Ut hoc emendetur, requiritur additamentum inflammabilis cujusdam corporis, destructionem impediens, & jam destructa reducentis: quo quidem vel tanto etiam magis opus est, si calces, ustulatione, vel detonatione cum Nitro paratæ, sunt reducendæ. Fluxus huic operi aptus optime sic solet parari. Nitri partem unam,

H

Tar-

Tartari crudi partes duas, vel tres, exsiccatas, terunt scorrim in tenuem pulverem, dein miscent ambo terendo; hæc mixtura vocatur *Fluxus Crudus* (germ. *Röber-Flus*), qui diutissime etiam in aëre libero persistit immutatus. Is si adhibetur, requirit vasa ampla, operculo clausa. At plurimi hunc Fluxum in ollam figulinam angustioris orificii, intus vitrea crusta non obductam, triplo capaciore, quam pulvis requirit, immittunt; & mediocri igni superimponunt: statim ac massa cum strepitu incipit inflammari, orificium clauditur operculo. Erit inde post detonationem natus Sal niger carbonaceus, alcalinus, mediocri igne fusorio liquefcens, qui dicitur *Fluxus Niger* (germ. *Schwarzer-Flus*), reponendus in olla bene clausa in locum siccum & calidum, ne deliquefcatur: hoc enim factò, etsi iterum exsicccetur, non tamen tam bonus est, ac recens. Hinc vel Fluxus Crudus præfertur; vel, quod melius, Fluxus Crudus paratus habeatur, ex quo momento temporis Niger, vel in ipso crucibulo fusorio, antequam cum subiecto miscetur, parari potest; siquidem Crudus, dum violenter detonat, aliquando operationem turbat, quin plane corrumpit, si ante detonationem cum subiecto miscetur. Amittit vero Crudus sub detonatione circiter dimidium sui ponderis.

Coroll. Tartarus solus in vasis clausis ustulatus, vel cum Nitro detonans, alcalescit quam citissime, retinetque sic simul insignem inflammabilis sui, quo scatet, Terra & Sale implicati, adeoque satis fixi, quantitatem: commodissime hinc Fluxum præbet reducen-

ducentem. Hic *Fluxus* ergo respectu Salis Alcalini Terras & Lapides solvit, ac mediocri igne fusorio -n vitrum seu scoriā convertit (§. 115.). Inflammabile vero fixius, in eodem simul latens, est id, quod ad Metalla, a destructione defendenda, & ad destructa reducenda, requiritur (§. 109.).

Scholion 1. Si olla vitro est obducta, aliquid huius abrasum, Fluxui admixtum, fusum, quandoque reduci potest in Plumbum, ut ita falli possit Artifex: cum Lythargyrio enim vel Plumbo crusta illa vitrea ollis obducitur, neque semper in furno figuli ita exurit, ut irreducibilis sit.

Scholion 2. Omnes Fluxus quam siccissimi servari & adhiberi debent: humidi enim Sales admodum spumescunt, & cum plerumque in vasis clausis fiant operationes, igne cito aucto, ab humiditate libere exhalare non potente, finduntur vasa.

§. 189. Si eorundem ingredientium (§. 188.) partes æquales eodem modo detonant; inflammabile, a Nitri copia abundante, fere totum consumitur, & residuus Sal cinereo vel albicante colore apparet, magis alcalinus & acer, quam prior; hinc vocatur *Fluxus Albus* (germ. *Weisser-Flus*).

§. 190. *Fluxus Albus* (§. præc.) potentius Lapides Terrasque solvit; sed minus est reducens, & igne paulo diutius, ac decet, continuato consumit rursus Metallum reductum.

§. 191. Hi *Fluxus* (§. 188. 189.) commodissime quidem inserviunt ad Metalla & Semimetalla e calcibus suis reducenda, & a Lapidibus, in quibus hærent, liberanda: sed quando Ferri calx refractaria

H 2

sum-

summo & satis diuturno igne debet reduci, *Fluxus* isti attenuatissimi 1^{mo}. dimittunt, quanquam vasis clausis coërceantur, maxima ex parte principium suum inflammabile, 2^{do}. superstitie dein Sale suo alcalino, incipiunt consumere vasa, ex quacunque demum materie sint confecta (§. 115.), eaque penetrando, seclé ex iis subducunt. Ut primus defectus corrigatur, addunt pulverem carbonum: hic enim non, nisi aëre libero accedente, suum inflammabile dimittit. Secundo vitio medemur vitro vulgari ex Silicibus & Alkali fixo certa proportionē factō: hoc enim fusile satis, cum Fluxibus additis colliquescent, suo lentore quodammodo Salem figit & saturat, hincque impedit, quo minus is facile arrodat vasa. Sic etiam Fluxus haud adeo facile quoad Alcalinam partem dissipantur: quod alias fieri solet: tametsi enim fixa vocantur Alcalina hæc Salia, attamen hoc respectu intelligi debet; siquidem a summo ignis gradu diutius continuato demum consumuntur, & in fumum resolvuntur.

§. 192. Ex ante memoratis Salibus & Reducentibus quam plurimi *Fluxus* ab Artificibus componuntur; imo quidam ad singulas Mineras & Metalla alio atque alio utuntur *Fluxu*: quos vero omnes describere utique superfluum esse censemus. Satius est, paucos simpliciores, pro omnibus inservientes, comparandos facillime, exposuisse, quam Theriacalibus compositionibus molestum esse: præcipue quoniam, quod uno eodemque potuisset facile effici, aliquando pluribus ejusdem naturæ ingredientibus, præter rationem congestis, operose, nec tamen magis apte aut secure, obtinere conantur Artifices imperitiores,
nume-

numerus sic, vim vero neutiquam, augentes. Qui autem variatione delectatur, secundum rationes atque cautelas superius datas, pro lubitu ex simplicibus eligere accommodata, variosque Fluxus inde componere potest. In parte sequenti suo loco specialius de iisdem erit agendum.

C A P. III.

DE SUPELLECTILE
DOCIMASTICA.

§. 193. Sub hoc titulo intelligi velim, *Vasa*, *Furnos*, cæteraque *Instrumenta passiva*, quibus opus est, ad Operationes Docimasticas commode & accurate perficiendas.

I.

DE VASIS.

§. 194. Inter *Vasa Docimastica*, quæ ab ipso Artifice confici debent, primum obtinet locum, *Cupella* seu *Cineritium minus* (germ. *Cupelle*): quod est vas ex tali materie confectum, quæ Metalla fusa, quousque in statu vero metallico sunt, quidem continet, sed hæc ipsa, quin & alia omnia corpora, vitrefacta, & ad liquidum fluorem deducta, absorbet.

§. 195. Eligenda ergo est ad *Cupellas* (§. præc.) materia igni violentissimo resistens, nec facile cum

H 3

corpo-

corporibus vitrescentibus, e. gr. Vitro Saturni, in vitrum colliquefcens; in massam bene cohærentem, satis tamen porosam, redigi potens. Optima, huic scopo inserviens, inventa est Terra ex calcinatis ossibus animalium omnium, paucissimis eorum exceptis, quæ minus apta sunt reliquis. Optima vero sunt ossa vitulorum, bouum, ovium, equorum &c.

§. 196. Antequam ossa calcinantur, præstat præmittere coctionem in aqua dulci; videlicet, cartilagineas, succi gelatinosi, pinguedo, aut etiam si Sal culinare sese forte insinuasset, coctione in aqua dulci facile tolluntur. Ista enim reddunt & calcinationem difficiliorem, & postquam fuere exusta, terram relinquunt minus bonam; Sal vero ossa, sub calcinatione subsequente, ad faciliorem vitrescentiam deducit. Si ergo ossa vitulina; aut ovilla, ex officinis, ubi charta & gluten conficitur, obtinere poteris, hac præparatione supersedere concessum est: enim vero sufficienti coctione talia ossa jam sunt emundata. Quæ etiam diuturniori temporis tractu injuriis cœli exposita fuere, neque ea indigent præparatione.

Cæteroquin respiciendum, an spongiosæ ossium partes, præcipue eorum, quæ cum quisquiliis prius rejecta, vel ex carnificina collecta fuere, sordibus & arena sint impletæ: tales, cum non sufficienter purgari possint, separari & rejici debent; solidiores vero ablui ac usui servari. Hoc si neglexeris, arenulæ in Cupellarum materiem immixtæ, cum transcurrente Plumbo vitrificato (§. 194.), in vitrum abeunt tenacis in igne lentoris, ulteriorem subsequen-

tis

ris transitum impediens, retardans: quin mediante tali vitro, ex Arena & Plumbo vitrificato nato, ipsi ossium cineres, ad vitrefactionem promptiorem deducuntur, ut nonnunquam penitus liquecant; cum contra bene præparati cineres, Plumbo vitrificato liberiores transitum concedentes, tali colliquationi non obnoxii sint.

§. 197. Calcinatio horum ossium prius ficcatorum (§. præc.) fieri debet igne forti, aperto, per aliquot horas aut ultra continuato, vel etiam aliquoties repetito, prout nempe major vel minor est eorum crassities. Soleo eadem projicere supra prunas superstitas in furno anemio, post fusiones peractas. Cautelam observa, ne nimis luculentum ignem, ad ea exurenda adhibeas: inde enim fit, ut cineres carbonum salii, vitrescentes, superficiem ossium sese applicantes, crustam efficiant vitrefactam, non separabilem, qua, sub comminutione reliquæ ossium substantiæ æquabiliter intermixta, incommoda sunt expectanda, (§. præc.) memorata. Signum peractæ calcinationis est, si nulla macula nigra nec exterius, nec, si franguntur, interius appareat.

§. 198. Albissima hæcce ossa (§. præc.) contunde in mortario in rudem grossum pulverem, cui dein aquam dulcem calidam superaffunde; move aliquoties cum baculo, ut salsedo & cineres, quibus ossa sub calcinatione inquinantur, probe abluantur; spumam setaceo, vel cochleari perforato tolle; hoc semel repete; pulveremque dein perfecte exsicca; comminue ulterius, & trajice mediocriter calefactum per cribrum, cujus foraminula sint angustissima:

vel, nisi tale præsto sit, comminutum pulverem terre supra lapidem durissimum filiceum, quali Pharmacopœi uti solent, in pollinem instar farinæ subtilem.

Multo labore & tempore supersedere poteris, si præsto est parva molendina, in qua comminutio subtilis obtineri potest, neque tamen cineres ossium inquinantur sabulo aliove noxio. Sæpius utus fui molendina, in qua aromata a Sepiasariis comminui solent, jam detrita & obtusa, quæ tamen cochlea constringi & relaxari poterat. In tali molendina, bihorii spatium, plura ossa æque subtiliter comminui possunt, quam terendo supra lapidem intra diem.

§. 199. Spinæ piscium, cum valde sint tenues, facilius, quam cæterorum animalium ossa, ad albedinem perfectam exuruntur; sed quoniam ob tenuitatem sub ustulatione in igne aperto in frustula dilabuntur, quorum tædiosa ex cineribus est collectio, non convenit, ut, sicuti crassiora ossa, supra prunas projiciantur, sed in furno figuli, igni flammeo committi debent. Cæteroquin, uti præcedentia, abluuntur, & ulterius comminuuntur, tumque prioribus (§. præc.) etiam usu antecellunt.

§. 200. Pulvis ex quibusdam *Spathi* speciebus (§. 43. n. 1.) calcinatus, prioribus (§. præc.) fere præferendus est: sed non omne *Spathum* huic scopo inservit. Hinc antequam quantitas insignis *Spathi* cujusdam præparatur, experimentum prius faciendum est, an succedat, vel non. Calcinatio talis *Spathi* fit in vase figulino operculo ocluso, igne medio-cri: sic oritur levis crepitatio, qua desinente, calci-

nas

natio peracta est : factum erit Spathum molle , in majorem molem extensum , levi negotio in farinam subtilissimam triturable , nec ulla amplius præparatione indiget , ut fiant Cupellæ.

§. 201. Verum cum cinerum ossium & spinarum piscium præparatio satis sit laboriosa (§. 197. 198. 199.) ; Spathi vero antedicta species (§. 200.) non ubique præsto , nec facile comparabilis sit ; hinc *Cineres Vegetabilium* in usum debent vocari prioribusque superaddi , ubi magna Cupellarum copia opus est. Ne autem ob Sal Alkali , istis cineribus adhærens , vitrificentur Cupellæ , sequens antecedere debet præparatio. Favilla de ligno , alba , levissima , mollis , trajiciatur per cribrum ope aquæ puræ , superaffusæ ; ut omnes carbones forte inhærentes separentur , nec optimus subtilior cinis avolet : trajecto pulveri superaffunde aquam puram , fervidam ; move baculo ligneo ; dein quiete subsideat cinis , & supernatans aqua , quæ prima vice semper manet opaca & fusca , decantetur : affunde residuo cineri novam aquam , & , postquam iterum subsederit , decanta : hoc toties repete , donec aqua supernatans prorsus insipida deprehendatur : tum aquam recens adfusam move baculo ligneo , spuma tum nata tollatur cochleari perforato , vel setaceo , & post octo vel duodecim minuta secunda effunde turbidam adhuc in vas purum : remanebit aliquid cinerum in vase priore , in quo edulcoratio facta fuit ; residuum isthoc aquam affundendo , movendo , similiter ablue , ac dein post brevem quietem transfunde ; idque eadem lege repete , donec in fundo primi vasis nil nisi sabulum , aliaque corpuscula crassiora , ablutis cineribus

bus omnibus, relinquuntur. Ablutus cinis quiete subsideat, tumque aqua supernatans modeste decantetur. Sic habetur Terra bona, a Sale & Oleo redundante liberata, immutabilis in igne; quæ tamen si in globulos dein redigitur, & in furno figuli aliove reverberii, dum alii labores perficiuntur, simul iterum ustulatur, rursusque abluitur, longe melior evadit, ut albedine ossium cineribus fere par sit.

Scholion 1. Cineres lignorum facilius præparantur, quam cineres ossium, si magna eorum quantitate opus est: sed si exigua eorum moles una vice paratur, e. gr. aliquot libræ, non solvit operæ pretium; siquidem eundem laborem & tempus requirit, quam centenarius integer.

Scholion 2. Noli colligere cineres carbonum ex furnis anemiis: a proprio enim Sale vitrefacti, hinc inepti sunt pro parandis Cupellis. Favilla autem levior, ad hunc finem optima, liberaliore aëre admissa diffilatur.

Neque etiam conducit adhibere cineres de lignis valde resinosis & simul mollibus, nisi in casu necessitatis, ubi alii deficiunt.

§. 202. Restat cinerum, præcedentibus magis nitidorum, præparationem docere, qui in confectio-
ne cineritiorum magni sunt usus. Videlicet, cinerum ossium, vel spinarum piscium, ablutorum & in grossiorem pulverem redactorum (§. 198.), parcam (respectu quantitatis priorum) copiam immitte in vas terreum purissimum, operculo tectum, & valido igne altera vice per aliquot horas calcina, aqua
dein

dein ablue, tum tere supra lapidem durissimum in pollinem valde subtilem, seorsim in pyxide clausa servandum, usibus mox indicandis inserviturum. Vocatur talis cinis germ. *Clär*.

§. 203. *Cavitas Cupellarum*, Metallum recipiens ac continens, debet esse segmentum sphaericum paulo obtusius; ut (1.) superficies massæ fusæ, quantumvis hæc minuatur, sat pateat oculis Artificis; (2.) ut Metallum in hoc cavo relictum confluat in unum globum. Exterior autem superficies Cupellarum paulum modo versus basin convergat, cono similis truncato, ut de modulo facilius eximi queat; ita tamen ut basi firmiter insistant, multumque simul substantiæ habeat: inde enim pendet quantitas Plumbi vitrefacti absorbendi.

§. 204. Ut autem hæc figura (§. 203.) *Cupellis* commode concilietur; requiruntur moduli de Cupro vel Aurichalco, quorum figura (Tab. I. Fig. 1. & 2.) Tab. I.
Fig. 1.
& II. depicta est; ubi & explicationem accuratam adjunximus. Quin & varia eorundem magnitudo, pro Metallum in *Cupellis* tractandi quantitate, ibidem reperitur determinata. *Annulus conicus*, intus probe politus, appellatur germ. *Nonne*; *Pistillum* vero germ. *Münnich*.

§. 205. Hisce omnibus paratis (§. 195. ad 204.), *Cupellæ docimastricæ* sic conficiuntur: (1.) Cineres ossium, aut spinarum piscium, solos, vel partes duas Cinerum lignorum (§. 201.), & partem unam Cinerum ossium, siccorum (§. 198.), misce exacte in mortario, vel super Porphyrice, aut etiam intra palmas manuum fricando; dein adde guttatim tantum aquæ, vel albuminis ovorum aqua diluti, ut materia modo intra digitos fortiter compressa cohaereat, non plus, nec minus;

minus;

minus; vel si Spatho (§. 200.) uteris, irroretur simili lege cum solutione Vitrioli vulgaris. Hujus pulveris madefacti largam quantitatem immitte in morta-

Tab. I. riolum (Tab. I. Fig. 2), firmo & puro fulcimen-
Fig. 11. to sustentatum; comprime digitis massam laxè immis-
missam, ut mortarioli cavum prorsus sit impletum;

Tab. I. superfluum remove. (2.) Pistillum (Tab. I. Fig. 1.)

Fig. 1. impone mortariolo perpendiculariter, & dein cum malleo ligneo tribus, vel quatuor, ictibus, pro diversa vasis conficiendi diametro, adige, ac compinge massam sat fortiter, cavendo, ne Pistillum ad latera mortarioli allidat, nec vacillet. (3.) Remoto dein Pistillo consperge superficiem vasculi cavam, superiorem, ossium cineribus quam subtilissime contritis,

Tab. I. ficcis (§. 202.): quod fit ope parvi cribri (Tab. I.

Fig. 17. Fig. 4.): impone denuo Pistillum, linteolo purius abstersum, & uno vel altero ictu sat fortiter comprime. (4.) Tunc præsto sit asserculus ligneus, cineribus ficcis, ad altitudinem quartæ partis pollicis conspersus; & postquam cultello eminentes ad basin cineres ablati sunt, huic superimponere mortariolum, Cupellam jam paratam continens, sic, ut basis minor sit infra; preme illud contra asserculum: tum facile relinquit Cupella suum modulum: inæqualitates hinc inde, ad marginem superiorem & fundum Cupellæ supereminentes, acuto cultro abscedantur; Cupella tandem inverso situ, ut cavitas deorsum spectet, ne pulvere circumvolitante inquinetur, reponatur in locum siccum.

§. 206. Cineres fici, *Clär* dicti, ideo superficiem internæ Cupellæ adprimantur necesse est; ut minimas

mas inæqualitates, semper fere ibi remanentes, impleant, & ut subtilissimum quasi cribrum forment, transmittens corpora vitrefacta, coercens Aurum & Argentum, vel aliud Metallum, quousque servat formam metallicam: hinc his cineribus ubi dextre obducta est Cupellæ cavitas, parum nocet, si sabulo, aliove facilius vitrescente pulvere, massa (§. 205.), Cupellis parandis adhibita, leviter sit inquinata. Et sane prorsus omnem evitare inquisitionem vix licet: præsertim si cineribus lignorum uteris. Patet inde, cur tanta cum cura ille pulvis (§. 202.) debeat præparari. Quin & ideo maxime cavendum, ne pulveris hujus lævigatio fiat super lapide mollicere; utpote cujus abrasæ particulæ pulverem inquinare possent.

§. 207. Convenit, ut Cupellæ paulo plus potius, quam minus, compactæ sint: hoc enim semper nocet; illud, lentius absorbendo vitrum, tantummodo operationem paululum retardat.

§. 208. Cupellæ e cineribus ossium, spinarum piscium, Spatho, ideo etiam sunt optimæ; quia nec opus est, ut tamdiu & valide prius ustulentur, nec tam exactam regiminis ignis observationem postulant; attamen si nimis præcipitanter imponitur Metallum, fissuras subtiles contrahunt. Si vero Cineres lignorum simul additi fuere, necessum est, ut per dimidiam vel integram horam, antequam imponatur Metallum, Cupellæ prius ustulentur: quod nisi fiat, a prorumpentibus vaporibus aquosis guttatim ejicitur Metallum: nunquam enim bene aëre solo exsiccari possunt ejusmodi Cupellæ; cum semper ali-

quid

quid Salis Alcalini lignorum cineribus adhæreat, aquam ex aëre attrahens, & pertinaciter detinens: prout horum cinerum color fuscus, & ipsis affusa solutio Salis Ammoniaci clare docet. Hinc etiam cineres isti magis proni sunt in vitrefactionem, quam cineres ossium: hi enim magis cum Apyrorum natura conveniunt.

Potentior hujus Phænomeni, videlicet salientis Plumbi, causa est inflammabile in Cupellæ substantia absconditum: hocce enim Plumbum vitrefactum, dum a Cupella absorbetur, reducit in formam metallicam (§. 109.): simulac autem hoc fit, spumescens oritur ebullitio, rarefactio, cum crepitantibus bullulis, hinc granulorum Plumbi rejectio, & Cupellarum fissuræ. Quod vero inflammabile potissimum in causa sit, probant sequentia. (1.) Cupellæ de Spatho calcinato cum Vitrioli solutione facta, sicuti & istæ, quæ de meris ossium cineribus, cum aqua simplici humectatis, paratæ sunt, si modico calore prius siccantur, hoc phænomenon non edunt, tametsi ante eorum candefactionem imponatur Plumbum. (2.) Si vero cineres ossium vel Spathum calcinatum, cum cerevisia, vel albumine ovorum aqua diluto, humectata sunt, & sine præcedente candefactione imponitur Plumbum, tum statim incipiente vitrefactione guttulas projici cernes. (3.) Semel modo exusti & abluti cineres lignorum in se continent minutos carbones, oculis nudis, magis distincte microscopio armatis, detegendi: unde obscure gryseus cinerum color: hinc leni igni reverberii expositi ignem concipiunt, & tum exempti gliscen-
tem diu alunt. Cum itaque minuti, in unam molem

lem coacti, carbones, docente experientia, difficiliter in cineres exurantur, sed pertinaciter phlogiston detineant; opus est, ut Cupella, de cineribus lignorum, non per repetitas vices exustis, parata, per tres quadrantes vel integram horam, ustuletur, antequam plumbum imponere liceat. Nec juvat, si per annum supra fornacem calidam arefacta fuerit.

Hinc patet, cur cineres lignorum aliquot vicibus exuri debeant, & cum ex prunulis qualibet vice novum generetur Sal Alkali fixum, cur ablutio interponi debeat? Videlicet, ut subsequente calcinatione, promptior & penitior incineratio obtineatur carbonum superstitum, nec metuenda sit cinerum per ignis violentiam vitrefactio, a Sale dependens. Ubi itaque in cineritiis majoribus fiunt operationes; facili negotio optimi cineres lignorum, pro Cupellis parandis, comparari queunt: isti enim cineres, quamquam tanta cum cura non præparentur, attamen per diuturnum & validum ignem, sub operatione prorsus exurantur. Quoniam ergo ista cineritia majora, raro prima vice, Lythargyrio ita saturantur, quin insignis eorum pars restet intacta; hinc præstat istos separare, & adhuc semel ablucere (§. 201.). Evadent tum optimi pro formandis Cupellis.

Coroll. Hinc quoque ratio patet, cur pulvis siccus (§. 202.), quo cavum Cupellæ obductum est, sub Cupellatione facilius secedat, si cineres lignorum ad materiam Cupellarum admisti fuere: id quod valde noxium est; quoniam adhærentibus istis aut pondus fallax accrescit, aut, emundando granulum Metallicum, de hoc aliquid perditur.

§. 209.

§. 209. Circa madefactionem materiæ (§. 205.) Cupellarum observa: (1.) Ne nimis mucilaginosum, pingue, fluidum adhibeas: Cupellæ enim inde fiunt quidem satis duræ, & tractabiliiores, ne tam facile frangantur. Verum, postquam candefactionem fuere expertæ, adeo molles evadunt, ut forcipe vix prehendi possint, quin dilabantur, fissurasque facile contrahunt, præterea incommoda inde sunt expectanda, (§. 208) memorata. (2.) Ne tale mucilaginosum adhibeatur, ex quo per ustulationem produci-
tur multum Salis Alcalini fixi; uti ex Tartareis fermentatitiorum facibus. (3.) Ne nimium humectentur Cineres: nunquam enim tunc superficiem nitidam nanciscuntur Cupellæ. (4.) Admischent quidam unam decimam circiter argillæ elutriatæ partem Cineribus ante (§. 205.) dictis: quod dum fit, aqua solummodo materies est madefacienda: ope argillæ enim satis cohærent cineres. Cavendum tamen, ne nimium argillæ addatur; sed semper pinguitudinis diversæ hujus terræ ratio est habenda. (5.) Si cineres ossium subtiliter sunt comminuti, tunc aqua pura irrorati consueque cohærent, ut neque argilla, neque mucilago, cohæsiõnis ergo, sint addendæ: tales vero Cupellæ, sicuti & istæ, quæ fiunt ex Spatho (§. 200.), vix ustulatione egent, antequam iis imponatur Metallum, & ignem sustinent magis repentinum.

§. 210. Notes insuper, si annulum sufficienti cinerum mole non impleveris, ne recentes cineres post jam semel factam compressionem superaddas: talis videlicet Cupella, ubi strata cinerum diversis vicibus additorum
ter-

terminantur, rimas agit horizontales, hinc non sat promte admittit Lithargyrium. Idem expectandum incommodum, si vacillante pistillo crebrioribus & validis ictibus adiguntur cineres.

Coroll. Patet ergo, cur in Cupella ex cineribus ossium, spinarum piscium, aut gypso Spathi, facta, paullo diutius duret. Cupellatio, sed tutius perficiatur, quam si cineres vegetabilium admixti sint? Lentius enim quidem vitrificatum Metallum ob firmiorem Cupellæ substantiam recipitur: sed eo etiam minus metuendum, ne mollescat Cupella, nec aliquid absorbeatur Metallum perfecti; quanquam regimen ignis non tam exacte servetur. Hinc dicunt de talibus Cupellis Docimastæ Germani: *Die Proben gehen kalt.*

§. 211. Cineritia hæc parva (§. 194.) pro Operationibus Docimasticis, concinnis, inserviunt: sed si major copia Metallum tractanda est, utimur longe majoribus *Cineritiis*, ab aliquot pollicibus usque ad sesquipedem latis, quæ vulgo *Test* vocantur. Pro his autem conficiendis adhibentur cineres lignorum, tanta tamen cum cura, ac (§. 201.) non præparati; quibus quidam addere solent aliquid farinæ laterum subtiliter tusorum. Pro modulis vero tunc inserviunt vel Testa figulina, vel Annulus ferreus (Fig. Tab. I. 8. & 11. Tab. I.) depicta, vel etiam Patella de ferro fusa facta.

Fig.
VIII.
& XI.

§. 212. Confectio ipsa fit sequentem in modum. (1.) Testa figulina, crusta vitrea carens, magnitudine & profunditate quantitati diversæ imponendi Metallum respondens, aquâ intus bene irroretur; ut cineres immittendi eo melius adhæreant. (2.) Cineres mox me-

moratos, eodem modo, ac de Cupellis dictum (§. 205.), humectatos, immitte in hanc testam; ut hæc ad dimidiam partem impleta sit: hos dein cineres Tab. I. cum Pistillo ligneo dentato (Tab. I. Fig. 12.), vel, Fig. XII. si parvum saltem paras Cineritium, simplici cum cylindro, ligneo, pollicaris crassitiei, comprime; compressis superadde alios cineres similiter comprimendos; donec testa figulina penitus sit impleta: superfluum remove per Regulam ferream. (3.) Inæqualitates ad marginem superstites ope Globi lignei, vel melius aurichalcei, circumvoluti, lævigentur: quo facto excinde cavitatem cum Ferro incurvato (Tab. Fig. IX. I. Fig. 9.); ut fiat segmentum latum, non valde profundum, sphæricum. (4.) Cavum hoc inventu cribri consperge cineribus siccis ossium animalium (§. 198.), globi rotatione apprimendis: non vero tam subtiliter comminuti sint isti cineres, ut pro Cupellis Docimasticis obducendis requirantur (§. 202.): tam tenuis enim pulvis adhæret globo rotanti, præsertim ligneo; ut hinc nitide complanari nequeat. Sic paratum erit *Cineritium*, quod una cum sua testa in locum calidum & siccum ponatur.

Aliter.

Tab. I. §. 213. (1.) Annulus ferreus (Tab. I. Fig. 8.) impleatur similibus cineribus, ac jam dictum (§. 212.), Fig. VII. ita, ut hi luxuriose emineant; tum firmiter eos comprime manibus, vel melius cum Pistillo dentato Fig. XII. (Tab. I. Fig. 12.). (2.) Dein a peripheria versus centrum spirali ductu, mediocribus mallei ictibus, com-

comprime cineres ea lege, ut satis compressi paululum supra annuli marginem emineant: vel si quid deficiat, priori materie excussa, de novo largius imple annulum: si enim cinerum quid saltem superadditur, posteriores cum prioribus non ita cohererent, quin sub operatione secedant. (3.) Hoc facto invertite annulum, & altero latere, cultri ope, cineres ad tertiam altitudinis annuli partem exime, vacuumque denuo cineribus iisdem sic juxta N. 1. & 2. hujus reple, ut nullum sensibile cavum maneat. (4.) Denique excinde cavum in superficie annuli latiore, eodem modo, ac (§. 212.) dictum. Dixi, quod pistillo melius comprimantur cineres, quam manibus: si nempe manibus coëgisti, & dein forte defectus cinerum, pluribus superadditis est supplendus, tum plerumque cineres superiores ab inferioribus sub operatione recedunt, nonnunquam in monticulos elevantur, & tale Cineritium difficulter absorbet Lithargyrium, quin haud raro superius cinerum stratum prorsus elevatur, & massa metallica sese sub eo abscondit. Confer (§. 210.).

§. 214. In patina ferrea (§. 211.) eodem modo peragitur Cineritii confectio, ac in testa figulina; nisi quod cineres, postquam pistillo dentato fuerunt compressi, ope mallei fortius adigere liceat, & hæc quidem Cineritia præstant præcedentibus. Conducit autem, ut prius testæ ferreæ cavum tenui de cineribus pulvicula obducatur: sic postea immittendi cineres melius adhærent,

§. 215. *Testæ* (germ. *Treibscherben*), magis appropriato nomine vocantur *Patella Vitrificatoria* seu *Scorificatoria*, sunt vasa ignem validissimum ferentia,

valde compacta; ut non modo Metalla liquefacta, sed & ipsum Vitrum Saturni, aliquamdiu coercere possint.

Tab. I. §. 216. Qualis sit earum figura apparet ex Fig. 7.

Fig. VII. Tab. I. Cupellis fere similes, diametro duorum fere pollicum gaudent. His formandis adhibetur Modulus

Fig. v. ligneus vel autichalceus depictus (Tab. I. Fig. 5. 6.).

& VI. Differentia, quæ datur *Cupellam* inter & *Patelliam Vitrificatorem*, est hæc, quod materia hujus magis compacta & coherens requiratur.

- *Scholion*. In genere heic notatum velim, in determinanda exacta Instrumentorum mensura, me semper ab omnibus fere Artificibus receptam mensuram Rhénolandicam intelligere, cujus Pertica, in duodecim pedes; Pes, in duodecim pollices s. digitos; Digitus, in duodecim lineas est divisus.

- §. 217. Argilla præ cæteris apta est pro *Patellis Vitrificatoriis* conficiendis, vulgaris, ubique præsto. Quoniam vero differentia inter argillas, ob variam aliarum terrarum admixtionem, obtinet; haud inutile est, argillam prius explorare. Antequam videlicet magnus *Patellarum* numerus ex hac terra conficiatur, conducit, ut prius aliquot de ea confecta vasa Vitro Saturni cum pauxillo Plumbi onerentur, & per horam vel ultra valido igni exponantur; quo certus sis, an sustineant ignem & Vitrum Saturni. Quandoque enim Natura aliquibus in locis exhibet argillam sic temperatam; ut absque ulla præparatione, vel alterius materie admixtione, aptissima sit conficiendis *Patellis*: frequentius tamen singulari præparatione, in variis varia, prius accommodanda est.

Tab. V.

Fig. 1

§. 218.

§. 218. Nisi argilla lapillis grossioribus, festucis vegetabilium &c. prorsus carcat, necesse est, ut lavetur. Eum in finem redige argillam in minora frustula, aëre vel leni calore exsiccaanda; siccata contunde in mortario in grossiorem pulverem; affunde aquam copiosam, calidam; move rutabulo, ut argilla penitus in hac diluatur. Postquam mixtura per aliquot minuta quieverit, trajice aquam turbidam per cribrum in aliud vas purum; sic lapilli remanent in fundo vasis prioris, leviora in cribro detinentur; decantata quiescat per diem & noctem, ut argilla ad fundum vasis in pastam tenacem sese colligat; tunc aquam supernatantem effunde. Talis elutriatio quoque inservit, ut abluatur, quicquid forte falsi in argilla contineatur.

Postquam humiditatis maxima parte dissipata, spissior evaserit argilla, redige in globulos, ut eo citius ad debitam consistentiam, pro formandis *Patellis*, abeat; dein formentur vasa aliquot; uti in §. subsequente docebitur; ut scias, an forte talis præparatio sufficiat, quod vero rarius contingit.

Si tale Vas, prius leni calore perfecte siccatum; bene calefactum, dein igni fortiori subito admotum crepitat, aut fissuras contrahit, adde sabuli purissimi, aut pulveris silium calcinatorum, contusorum, vel crucibulorum Hassiacorum vitiosorum, purorum tamen, vel quorumcunque lapidum Apyrorum, non cretaceorum, probe comminutorum, per cribrum angustum trajectorum, tantum, ut spissior pasta manibus subigentis vix adhæreat, & in lamellam redacta vix flexilis sit: tum ignem melius sustinebit.

Vitrum vulgare, comminutum, egregie corrigit argillas tales, quæ in igne quidem satis refractariæ & constantes sunt, at vero non valde indurescunt, sed molliores sunt, & Lithargyrium absorbent, Fluxibusque transitum concedunt.

Quæ ergo temperatura maxime idonea sit, paucis modo dictis tentaminibus experiri licet; ut apta inveniriatur, e qua fiant *Patellæ*.

Caveas tamen, ne lapidum vel terrarum cretacearum, aut calcarearum, nimium addas: si enim cum his solis sit temperata materies argillacea, igni quidem satis resistunt confectæ inde *Patellæ*; verum nimis porosæ inde redditæ, Lithargyrio concedunt ingressum; quo absorbito adeo mollescunt; ut vel sponte dilabantur, vel forcipe apprehensæ prorsus comprimantur. Et quanquam neutrum fiat, attamen tales *Patellæ* a Lithargyrio exeduntur: unde scoria tenax, copiosa, vix attenuanda nascitur; quæ, dum effunditur Metallum, multa ejus granula detinet. Cæteroquin confer, quæ dicta sunt de lapidum & terrarum refractoriorum potentia semet invicem in igne solvendi (§. 43. n. 2. in fine.).

Tab. I. §. 219 Formantur *Patellæ* in Modulis Tab. I.
Fig. v. & 6. sequente ratione. Mortariolum & Pistillum leviter inunge lardo vel oleo; superfluum linteo iterum absterge; tum imple Mortariolum argilla præparata (§. præc.), ad duas circiter partes; ac dein, ope pollicis, materiæ argillacæ medio imprime foveolam; superimponere Pistillum, & mallei ictibus comprime materiem, quo fortius, eo melius; ablata ope cultri inferius & superius luxuriante materie,

rie, apprime Moduli basin ad tabulam arena conspersam, ut exprimatur *Patella*; aut etiam Modulum inversum percute ad tabulam, ut excutiat.

§. 220. Argillacea materies huc adhibenda, tam rigida & sicca esse debet; ut manibus flexa mox frangatur: si enim mollior sit, vix integras *Patellas* eximere licet, aut saltem deformes fiunt, nisi velis Modulum, una cum *Patella*, fortiori calori per aliquot minuta exponere, quo vero multum temporis consumitur. Nec tamen & nimia peccet siccitate: difficulter enim alias figuratur.

§. 221. *Patellæ* sic confectæ (§. præc.), loco sicco & mediocriter calido, per aliquot dies exsiccatae, in furno figuli, vel alio reverberii accommodato, mediocri igne ustulari possunt. Tales *Patellæ* etiam, absque præcedente ustulatione inservire possunt; si lentò per gradus augendo igni sub operatione exponuntur, neque fluxus penetrantes coërcere debent præcipue salinos. Quæ vero subitum perferre debent ignem, vel subtilibus fluxibus, imprimis salinis, onerari, prius oportet esse excoctas: non enim excoctæ finduntur, & a fluxibus istis exeduntur, nonnunquam prorsus dissuunt.

§. 222. *Fornix Docimasticus*, vel, ut alii vocant, *Tegula*, *Testudo* (germ. *Muffel*), est receptaculum summo igni resistens, quod Cineritia & *Patellas* (§. 205. 211. 219.) sub operatione contra illapsum carbonum & cinerum defendit, sic tamen simul figuratum, ut nec æris, nec ignis actio, neque & Artificis adspectus, in dicta vasa ab eo præpediatur.

Coroll. Licet ergo varias *Testudinum* figuras elige-

re, modo dicta (§. 222.) requisita habeant.

§. 223. Conficiuntur tamen ut plurimum illæ, quæ Cineritia minora, seu Cupellas, & Patellas sctorificatorias pro Operationibus Docimasticis recepturæ sunt, semicylindricæ; pro Cineritio autem majori (§. 212. 213. 214.) parantur sphaeroidæ depresso.

§. 224. Foramina in Fornice sunt necessaria; ut (1.) Artifex commode possit introspicere: quem in finem pars illius anterior prorsus aperta esse debet (Tab. II. Fig. 1.). (2.) Ut aer eo melius una cum igne agat, perpetuoque renovetur: absque hujus enim actione vix ulla exhalatio fieri potest; quæ tamen ad Saturni vitrificationem absolute requiritur: ubi namque aer certa vaporum copia semel repletus est, vix deinceps plures admittit: unde aeris perpetua renovatione opus est. (3.) Inserviunt & hæc foramina pro ignis regimine: siquidem per apertum anterius foramen, magnum, aer irruens frigidus corpora Fornici supposita refrigerat; aut carbonibus impositis aperturam hanc pro parte obstruendo, vel & porta adducta prorsus claudendo, ignis in summum intenditur: id, quod per furni spiracula tam promptè vix procedit. (4.) Ut vapores Plumbi, Antimonii, Arsenicales, per foramina ad basin Fornicis facta transeuntes, non noceant adstanti Artifici.

Coroll. In determinandis ergo altitudine, longitudine, & latitudine Fornicum considerandum, quot & quanta vasa simul sint immittenda, & quod totum interius vasorum, tam antica, quam postica in parte superiorum, cavum oculis Artificis commode patere debeat:

beat: cujus posterioris requisiti præprimis ratio habenda Sufficit autem plerumque altitudo quatuor pollicum, longitudo sex vel octo, latitudo quatuor vel sex. Spiracula, ad basin pro foraminibus minoribus excisâ, debent esse tam alta; ut modo vascula supposita non inquinari possint per illabentes carbonēs & cineres: illi enim vitrificationem Plumbi, aliorumque Metallorum, & Semimetallorum destructionem, impediunt; jamque destructa reducunt in integrum; scoriarum autem per cineres illapsos moles augetur, lentor earum nascitur, & operatione retardatur.

§. 225. Pro figurandis hisce Fornicibus opus est Modulis ligneis (Tab. I. Fig. 13.) Tab. I.

§. 226. Materia, ex qua conficiuntur, eadem est, Fig. XIII.
ac pro parandis Patellis vitrificatoriis usurpatur (§. 217.); modo paullo magis humectata & flexilior sit.

§. 227. Ut Fornices formentur, redige (1.) materiæ argillacæ præparatæ (§. præc.), tantum madefactæ, ut flexilis utcunque sit; quantitatem sufficientem in unam molem; manibus bene subigendam; hanc pone supra lapideum, vel aliud quodcunque, quod ab humiditate non valde mutatur, planum vel tabulam; extende massam æquabiliter in placentam, cujus longitudo paullo major sit longitudine Fornicis conficiendi, latitudo vero limbum ejusdem, in lineam rectam reductum, aliquantulum superet, crassities, ut duæ vel plures lamellæ, quartam vel tertiam circiter pollicis partem crassæ, inde abscindi possint: id quod optime obtinetur circumvolutione

Cylindri lignei supra massam argillaceam, cineribus vel creta leviter prius conspersam. (2.) Ope fili tenuioris, aurichalcei, fortiter tensi, abscinde de placenta (Nº. 1.) lamellam æqualis crassitiei, quam caute, ne fundatur, aufer, & dorso convexo Moduli

Tab I.
Fig.
XIII.

(Tab. I. Fig. 13.), lardo vel oleo prius obliniti, vel quod præstat plumbagine perfricati, superapplica. (3.) Eodem modo dein latus ejusdem Moduli posterior per lamellam similem, in semicirculum figuratam, claude: ita, ut hujusce limbus cum margine posteriore laminæ dorsalis (Nº. 2.) conglutinetur: id quod ope aquæ obtinetur: nisi enim hæc interponatur, posterior lamella cum priore non cohæret. (4.) Eodem artificio (Num. 3), si utile judicas, pavimentulum inferiori priorum binarum laminarum margini adnectere poteris. Alias pavimentulum, ex lamella argillacea abscissa figuratum, mobile relinqui potest: quod tamen tunc semipollicis latitudine ultra latera & planum posterius Fornicis (N. 2. & 3.) excurrere debet; ut Fornix ipsi, tanquam basi, eo securius insistere possit. (5.) Stringe dein manu madefacta undique Fornicem jam figuratum; ut rimulæ hinc inde forte absconditæ claudantur, & argilla Modulo bene applicetur: quicquid vero de laminis argillaceis antè, posterius, & ad basin excurrit, chorda aurichalcea abscindatur. (6.) Postquam per aliquot horas in aëre sicco stetit Modulo applicatus Fornix, excinde ex eo, jam rigido factò, spiracula quædam secundum legem ante dictam (6. 224.

Tab. II. *Coroll.*), & (Fig. 1 & 2. Tab. II.): quo factò Modulum caute extrahet: si enim supra illum penitus ex-

lic-

ficcaretur Fornix, certo rimas ageret. Postquam dein per aliquot dies aëri expositus Fornix penitus exaruit, in furno tandem figuli, vel in ipso Furno Docimastico, inferius describendo, excoquitur; ita tamen, ut in posteriori casu carbones superne primum accensi lento gradu versus inferiora ignem propagent: alias enim certissime ob nimis subitam ignis actionem in rimas dehiscit. Unde & securius est, priore modo in excoctione Fornicis procedere.

§. 228. Si Modulo convexo (Tab. I. Fig. 13.) ^{Tab. I.} ^{Fig. XIII.} alius Modulus concavus (Tab. I. Fig. 14.) ^{xiv.} ea ratione, uti in explicatione modo citatæ figuræ descri-
ptum, adaptatur, ut valida pressione materies argillacea utrique interposita possit figurari; fiunt *Fornices* solidiores longe, minore labore, minus rimas trahentes, in igne magis constantes. Proceditur autem hunc in modum. Materia argillacea, priore paullo ficior, in cavum Modulum, lardo aut plumbagine prius perfricatum, immittitur, atque manibus per cavum Moduli semicylindricum, & ad Asserem posterius applicatum (Tab. I. Fig. 14. l. m.) ^{Fig. XIV.} ^{l. m.} distribuitur: superimponitur tunc argillæ expansæ Modulus convexus, itidem lubricus redditus; ita, ut latera ejus a superiore Moduli cavi margine æqui distent: denique applicatur Asser superior (Tab. I. Fig. 14. n. o.) una cum Cochleis (g.) huic respondentibus, ^{n. o. g.} constringiturque harum ope eoque, donec Moduli cavi truncum superimpositus Asser attingat: quo facto per Cochleas posteriores (Tab. I. Fig. 14. i. k.) ^{i. k.} apprime tandem Modulum convexum, quantum fieri potest; solve Cochleas, & su-
pe-

periore, anteriore, & posteriore Affere ablatiſ, abra-
de hinc inde ope cultri excurrentem argillam; dein
extrahe Modulum convexum una cum Fornice: quod
Tab. I. fit ope Cochleæ (Tab. I. Fig. 14. p.) manubrii lo-
Fig. co infervientis. *Fornix* ſic erit figuratus, e cujus
xiv. p. dein baſi ſpiracula ſtatim poſſunt exciſi: Modu-
lus quoque convexus vacillando protrahatur ex *For-
nice*: exciſa denique & excoque, ſicuti priores.

§. 229. Quoniam aliquando, vix ſatis promte aut
commode ignis, ſub Fornice, augeri vel minui poteſt;
ideo parantur Segmentula de materie argillacea,
vel de Crucibulis diffractis fuſoriis Haſſiacis, aut,
quæ præſtant, Ipſenſibus nigris, majoribus, craſſis;
quæ priora dura ſupra Cotim, poſteriora, quæ ſunt
molliora, cum Cultro vel Radula facile figurantur.
Sit figura Segmentorum quadrangula, tantæ magni-
tudinis, ut occludi cum iis poſſint ſpiracula in
Fornice exciſſa: margines eorum ſint nitide compla-
natae, undique rectangulae, ut ſitu erecto appoſita
perſiſtant (Tab. I. Fig. 17.)

Fig. xvii. *Scho'ton.* Fornices hi, ſicuti alia opera figulina, a
figulo quidem parari poſſunt; ſed niſi is bene inſtru-
ctus & exercitatus ſit in iis conficiendis, præſtat, ut
eos ipſe conficere poſſis: alias multa incommoda ſub
Operationibus adferuntur.

§. 230. Ut majora Cineritia (§. 212. ſeq.) ope-
riantur, inferviunt vel magni *Fornices* ſphæroidei
Tab. II. (Tab. II. Fig. 3.), ex ferro fuſo conſlati: vel ſimi-
Fig. III. les fornices conficiuntur ex materia argillacea, ſuper
Fig. 1v. Modulis ſimilis figuræ (Tab. II. Fig. 4.). Maſſa tunc
argillacea, manibus ſaltem madefactis, ex vertice Mo-
du,

duli sphæroidēi versus ambitum extenditur, sicque levi negotio *Fornix* conficitur, spiraculaque aliquot excinduntur. Ex una vero parte; quæ erit anterior, effloretur apertura ampla, per quam introspicere, aliquid immittere, eximere, & supposita agitare possis: ejus figura sit arcuata; altitudo ejus adscendat ad duas tertias circiter altitudinis Fornicis; latitudo extendatur ad unam tertiam latitudinis Fornicis (Vid. Tab. II. Fig. 3.).

Tab. II.
Fig. III.

Ad hujus Fornicis aperturam anteriorem, applicari debet Segmentum semicylindricum de argillæ præparatæ lamina supra semicylindrum ligneum, qui priori sphærico annexus sit, extensum, convenientis magnitudinis (Tab. II. Fig. 3. b.): ejus longitudo sit b. 4. vel 6. pollices. Segmentum istud vel Fornicis aperturæ agglutinatur, dum adhuc humidum & flexile est; vel seorsim excoctum, quando apparatus pro operatione construitur, apponitur. Hi Fornices præsertim majores a figulis facile sine Modulo formantur.

§. 231. *Patinarum & Crucibulorum* germ. *Schmelz-Tiegel*) forma patet ex (Tab. II. Fig. 5. 6.). Vasa Fig. v. hæc, si parva sunt, instruuntur basi paullo latiori; tum ne carbonibus super & circum positis e fulcris suis dejiciantur; tum ne ex igne exempta, si reponantur in pavementum non ex amissim horizontale planum, cadant. Hæc Basis vel sit cum Crucibulis & Patinis, dum formantur, continua, vel *Pedistallum* seorsim formatum supponitur.

§. 232. Formantur hæc Vasa (§. præc.) in Modulis ligneis, vel melius aurichalceis, secundum longitudinem bifidis; ut divelli, iterumque committi possint. Hinc

an-

annulus latus, ferreus, ita exteriori Moduli superfici-
 ciei adaptatur; ut eo applicato compingi, ablato se-
 parari queant binæ Moduli partes: sicuti Tab. II.
 Tab. II. Fig. 7. & 9. melius, quam descriptio, docet. Hic
 Fig. VII & IX. tamen Modulus cavus exteriorem saltem vasi figuram
 conciliat; interiorem vero cavam Pistillo (Tab. II.
 Fig. 8.) efficiamus. Ut vero eo promptius, satisque
 Fig. VIII. exacte ambæ partes sibi met applicari, neque vero
 vacillare possint; munitur altera pars Moduli ad su-
 a. perficiem externam. Dentibus conicis (a.); alteri ve-
 ro, in locis prioribus respondentibus, insculpuntur
 c. Sinus (c.) dentes firmiter recipientes. Idem adhibe-
 tur artificium, in ambabus Moduli partibus, locis
 b. prioribus diametraliter oppositis (b.).

§. 233. Ad parva Pedistalla (§. 231.) formanda, adhiberi
 potest Annulus maximus, in quo Cupellæ capaciores
 aut Patellæ Vitrificatoriæ conficiuntur. Annulo vi-
 delicet supponitur modulus de Aurichalco tornatus
 Tab. I. (Tab. I. Fig. 15.), ea lege, ut (a. b.) sustineat basin
 Fig. XV. Annuli: (c. d.) recipiatur ab Annuli apertura inferio-
 a. b. re: (e. f. g. b.) formet Pedistalli cavum, quod infer-
 c. d. vit pro recipiendo Crucibulo vel Patina. Si ergo
 e. f. g. b. conficere velis tale Pedistallum, impone Annulum
 supra Modulum Pistilli loco inservientem. Imple An-
 nulum materia in igne summe refractaria, & tum
 ope Pistilli, quo Cupellæ vel Patellæ alias figuran-
 tur, compinge massam; ablati Pistillis excute Pe-
 distallum, sicuti Patellas (§. 219.) erit Pedistallum
 Fig. XVI. formatum (Tab. I. Fig. 16.), cujus cavo (a.) impo-
 a. nuntur vascula.

§. 234. Materia, ex qua fiunt hæc Vasa (§. 232.),
 eadem

eadem esse potest, ac Patellarum & Fornicum (§. 215. ad 217.). Notandum modo, quod conducatur, vasis similibus, ignem magnum jam passis, atramen mundis, in pulverem redactis, pro temperanda argilla uti. Præterea in eligenda Terra argillacea hunc in finem usurpanda, maxime respiciendum, an summum ignem fusorium sustineat: hæc enim vasa longe majorem ignis violentiam sustinere debent, quam Patellæ Vitrificatoriæ.

§. 235. Ut cum hoc apparatu (§. 232. & 234.) formentur Vasa (§. 231.); committe Modulū cavum, per Annulum ferreum (Tab. II. Fig. 7. & 9.), & ^{Tab. II. Fig. VII. & IX.} pone supra firmum fulcimentum: cavum dein Moduli ^{Fig. VII. & IX.} imple materiæ (§. 234.) valde rigide quantitate sufficiente; quæ vix, nisi per solam experientiam, determinari potest: hanc porro digitis, vel bacillo ligneo, comprime, cavumque ei imprime; ut materia ultra latera Moduli cavi paululum assurgat: impone denique Pistillum (Fig. 8.), lardo perfricatum, ^{Fig. VIII.} & fortissimis aliquot ictibus, ope mallei lignei infli-
gendis, adige: aufer tandem caute Pistillum; & si Materia fuit satis rigida, & Modulus cavus satis expolitus, laxato Annulo, ex divulso cavo Modulo Vasa statim poterunt eximi: si vero materia nimis pinguis, aut humectata, neque cavus Modulus satis politus fuerit, repone Modulū, extracto Pistillo, in locum siccum & calidum: sic intra pauca minuta Modulus divelli, & Vasculum eximi poterit.

§. 236. Postquam satis exsiccata sunt hæc Vasa (§. 235.); in furni figuli parte fervidissima sunt excoquenda.

§. 237.

§. 237. *Majora Crucibula & Patinas* si ipse conficere consultum ducis, tantummodo, loco mallei, prælo utere, ad Pistillum in Modulum cavum adigendum.

§. 238. Cautelæ in hisce Vasis. conficiendis observandæ sunt. (1.) Ut materiæ sufficiens quantitas simul & semel una vice in Modulum immittatur: si enim semel compressæ materiæ nova ejusdem molecula superadditur; hæc cum priore non cohæret: quod idem accidit, si aliquot massulæ solidæ, saltem compactæ, non prius subigendo probe unitæ, immittuntur. Hinc plurimæ fissuræ, & pori, sub exsiccatione & excoctione dein nascuntur, sæpe nec visu, neque, si percutiuntur, tinnitu detegendæ, interim prompte Salia & præsertim Lithargyrium transmittentes. (2.) Nisi Vasa hæc fiant cum lato fundo; Modulus concavus lardo non est obliniendus: alias enim, dum Pistillum educitur, Vas, huic adhærescens, simul cum eo de Modulo cavo avelli solet; ut postea non nisi fractum, vel tædioso negotio, de Pistillo auferri possit.

§. 239. Raro autem opus, ut hæcce Vasa ab ipso Artifice conficiantur. Enimvero *Crucibula & Patine* ubique fere locorum præstant vili pretio venalia, videlicet priora triangularia, posteriora rotunda, cujuscunque amplitudinis. Duplicis Vasa ista sunt generis. (1.) *Hasfraca* quoad substantiam perquam dura, solida. Hæc caute electa omnia corpora in fusionē aliquamdiu coërcent, & per insigne temporis spatium summum ignem sustinent. Hujus generis minora, & quæ sunt mediocris magnitudinis, commo-
de

de in usus Docimasticos trahuntur, quin & præterea aliquando adferuntur parva ampullosa rotunda, latiori basi instructa, operculoque munita, quæ germi. vocantur *Duten*, & quia cavum eorum versus fundum convergit, collectioni regulorum exiguorum dicata sunt. vid. Tab. II. Fig. 5. *Patellæ* quoque *Scorificato* Tab. II.
Fig. v. *rie* & *Fornices* de terra Hassiaca parantur; sed posteriora vasa rarius obtineri possunt. Si vero majoribus *Crucibulis* opus est, haud ita commode Hassiaca adhibentur: vix enim unicam operationem tuto in iis perficere licet: requiritur nempe, ut per lentissimos gradus incalescant, igne circumquaque æquabilissimo; nec corpus admittunt, nec forcipem, quæ prehendantur, nisi candefacta; una ex hisce cautelis parum modo neglecta, illico finduntur: atqui præcedentium præcipue cautelarum tam exacta observatio, ubi vasa carbonibus obruuntur, vix possibilis est. Quod si tamen necesse sit, hæc vasa adhibere, præsertim si aliquoties igni exponi, rursusque immitti, vel etiam materie fundenda maximam partem impleri debeant, jam dicta incommoda evitare poteris modo sequenti. Crucibulum tale alteri simili, tantum capaciori, committatur, ut illud ab hoc perfecte includatur; spaciolum angustum, inter exterius & interius Crucibulum intermedium, impleatur mistura ex p. i. Vitri vulgaris, & p. ij. Arenæ bene contritis & permistis; leniter dein percutiantur Crucibula, ut omnia interstitia ad fundum usque presse impleantur; iterumque alia portio addatur, donec rimæ nihil amplius admittant. Aut etiam loco prioris misturæ adhibere poteris Lutum bonæ notæ, cribratum, cum

Vitro subtiliter trito & Arena temperatum, quo in pastam tenuem redacto Crucibulum majus interius largiter, maxime fundum versus, obducatur, itidem minus Crucibulum, exterius, eodem hoc luto loricetur, dein priori majori immittatur, & fortiter imprimatur, denique in loco sicco calido arescant. Tale Crucibulum geminatum, quanquam findatur, non tamen materiem contentam effundit, & plurimis vicibus adhiberi potest. Inter Vasa Hassiaca talia censenda optima, quæ colore apparent ex gryseo flavo, vel rubello, densa, solida, quæque stigmatibus nigris carent, leviterque percussa tinniunt sine stridore.

Alterum Vasorum fusoriorum genus dicitur *Ipsense* (germ. *Ipser Tiegel*). Hæc vasa colore se offerunt nigro, tactu pingua: ea nempe præter Lutum ingreditur Molybdæna (§. 44. n. 6.): sunt mollia, ut commode cultro radi queant, omnium constantissima in igne, & multoties adhiberi queunt. Hinc usurpantur ab Artificibus, qui Metallorum magnas quantitates simul in vasis fundunt; & ideo non modo parva & mediocris magnitudinis, sed tantæ etiam parantur, ut una vice aliquot Centenarii vulgares in iis liquefieri possint. Nota vero, quod Fluxus tenues præsertim salinos non coërceant; siquidem a talibus Vasa hæc facile tota consumuntur: ita ut ne quidem parcam Ginerum Clavellatorum, aut Salis communis quantitatem, pro fluxu facilitando addere liceat, quin pars Crucibuli superior forcipe prehensa secedat ab inferiore Metallum continente, & quidem in ea linea horizontali, qua fluxus superadditus hæsit. Cætero-

teroquin notandum, quod *Crucibula Ipsensia*, dum prima vice in recentibus istis Aurum & Argentum funditur, horum Metallorum colori & ductilitati quodammodo noceant.

§. 240. Patellæ majores, quæ ignem magnum sustinere, & corpora liquefacta continere debent, de Argilla quidem vulgari a figulis præparari possunt, amplitudinis & figuræ, prout operatio istas requirit. Hæ vero itidem duplicatæ adhiberi debent, uti jam de Crucibulis majoribus Hassiacis dictum fuit (§ præc.): videlicet, ope luti tenuis cum arena & vitro temperati duplicatæ jungantur Patellæ: semper enim fissuras agunt in igne.

§. 241. In Fusionibus sæpe opus est, ut Vasa O-
Tab. II.
 perculis claudantur: hæc igitur (Tab. II. Fig. 10.) Fig. x.
 exhibeo. Conficiuntur ea ex Materia eadem, e qua Patinæ & Crucibula: vulgaria enim figulina, præsertim Lithargyrio obducta, summo igne lenteſcunt & adhærent Vasis; ita, ut ægre auferri possint; vel etiam prorsus liqueſcunt. Excinduntur igitur potius Opercula ope cultri ex placenta argillacea (§. 217.), supra tabulam planam extensa, ea magnitudine, quæ requiritur pro varietate diametri Vasis claudendi: effingitur dein in lamellæ excisæ superficie inferiore, quæ Vasi claudendo contigua esse debet, assurgens margo; cujus ope sic firmatur Operculum, ut id rutabulo, vel dum carbones ingeruntur, haud facile dimoveatur: superadeditur tandem in medio superficiei externæ frustulum argillæ ejusdem; ut hac quasi anſa, eo commodius cum forcipe auferri atque apponi rursus queat.

Tab. II. §. 242. *Cucurbitula Separatoria* (Tab. II. Fig. 11.) debent fieri ex Vitro pellucidissimo, simul tamen Aquis Stygiis satis resistente; ne arrodantur. Nec nimis crassæ sint, præsertim in fundo: crassiores enim igni impositæ facillime crepant. Altitudo earum octo vel decem æquet pollices: orificium sit angustius, vix ultra dimidium pollicem apertum; ne valide effervescens intus contenta materies vel oram supergrediatur, vel saltem aliquid ejus sub forma tenuium guttularum, pluviam subtilem velut referentium, quibus semper nonnihil de Metallo soluto adhæret, excutiat; tum ut fumi magis repercutiantur. Bulbus satis capax est, si unam alteramve unciam Aquæ Fortis capit. Convenit præterea, ut orificium earum in marginem vel oram repandam reflexum sit; ne solutiones, dum effunduntur, juxta vasis latera decurrant. Pro majori quantitate Auri & Argenti per Aquam Fortem separanda, Cucurbitulæ vulgares seligi possunt, quibus Pharmacopœi & Chemicæ utuntur. *Infundibulis* etiam *Vitreis* opus est.

Fig. 111. §. 243. Pro tali Cucurbitula (§. 242.) sustinenda, utimur *Tripode* (Tab. II Fig. 12.) sic formato, ut & parvæ, & paullo majores, ejusmodi Cucurbitulæ tuto ipsi imponi queant. Hinc pedes ejus valde sint divergentes; ut commode pruna supponi & auferri, omniaque solutionis phænomena accurate cerni possint. Majores Cucurbitulæ separatoriæ arenæ calidæ vel cineribus, in furno ad id accommodato contentis, superimponuntur. Vel Ahenum, de crassa Cupri bractea confectum, ponitur supra tripodem

dem vulgarem, in cujus fundum tot Coronides de straminibus factæ sternuntur, quot Cucurbitæ sunt immittendæ; hisque Cucurbitæ firmiter imponuntur; Aheno dein tantum infunditur aquæ, ut bulbi Cucurbitarum submersi sint, tumque substerni Aheno potest ignis. Hac via non facile finduntur Cucurbitæ; quoniam in hoc balneo bulbi undique æquabiliter calescunt, & ignis satis bene gubernari potest, quin justum transcendat gradum: quod si tamen Cucurbita quædam frangeretur, non tantam Argenti nec Aquæ Fortis pateris jacturam; siquidem Ahenum cupreum ab Aqua Forti arrosus, dimittit Argenti in fundum vasis.

§. 244. *Catinus* dein, Ansa & Gutturio instru-^{Tab. II.}
ctus, cupreus, vel vitreus (Tab. II. Fig. 13.), pro^{Fig.}
edulcoratione Calcis Argenti per Cuprum ex Aqua^{XII.}
Forti præcipitatæ inservit. Aptior is est, de Cupro si paratur; quia tum excutere potest, quidquid Argenti in solutione post præcipitationem remansit. Atqui fere semper ejus quidpiam remanet. Diameter Catini debet esse sex pollicum vel ultra; profunditas circiter quatuor. Ubi plurimum Argenti præcipitatur per Cuprum, parantur Catilli, de crassissima cupri lamina confecti, tam capaces, ut centum vel ducentas Aquæ libras continere possint.

§. 245. Porro *Catillus* aureus, pollicem latus, dimidium pollicem profundus (Tab. II. Fig. 14.),^{Fig.}
præsto sit, inserviens ad Aurum, ex quo aliud^{XIV.}
Metallum in separatione Docimastica est crosus, igniendum; ut, quicquid ei adhærescit Menstrui, vel humiditatis, dissipetur. Puro is ex Auro con-

fectus requiritur : in terreo enim Catillo facile aliquid de Auro, utpote sub separatione fragili & pumicoso facto, abraderetur : si vero ex alio Metallo conflatus esset, metuendum, ne vel liqueceret candefactionis igni ferendo impar, vel scorias squamosas deponeret, vel & per Menstruum in Auro residuum arroderetur, sicque utroque modo Auri pondus fallax cresceret, Docimastam decipiens.

§. 246. Pro hoc Catillo (§. 245.) iustitendo, singularis itidem *Tripus* aut etiam *Annulus* ferreus (Tab. II. Fig. 15. 16.) aptatus desideratur.

Fig. xvi. §. 247. *Situla Lavatoria* (Tab. II. Fig. 17.) est
xvii. Vas oblongum, in quo leviores Minerarum partes, steriles, per aquam affusam, motamque, abluuntur. Materies ejus sit figulina, vel lignea, in nitidam tamen superficiem expolita. Inservit cæterum huic quoque usui qualecumque Vas, mediocris capacitatis, repandum.

Fig. xviii. §. 248. *Pyxis* tandem *lignea*, *Granulatoria*, pro Plumbi & Stanni granulatione ante descripta (§. 61.), requiritur, Operculo suo munita, tantæ amplitudinis ; ut ad minimum quadruplo plus Metallum, quam simul in granula redigi debet, in ea contineri, valideque conquassari possit. Iconem ejus (Tab. II. Fig. 18.) exhibet. Lignum, ex quo conficitur, sit siccissimum.

§. 249. Ut vero Metalla via humida in granula comminuantur ; adhiberi potest quodcumque Vas repandum : Athenum cupreum capax reliquis præstat, aqua impletum frigida, scoparum ope in gyrum movenda. Scilicet Metallum, si majore quantitate simul

mul in granula redigendum est, liquefactum prius, ope minimi dein Crucibuli candefacti, forcipe apprehensi, ex majori Vase, in quo tota massa liquefcit, hauritur, & dum alius interea scopis aquam agitatur, hasque tunc pro dimidia parte supra aquam elevat, infunditur uno rivo in istas scopas, quæ interim rotæ instar circumagitantur, ut per has in aquam delabatur. Scopæ autem non nimis densæ esse debent; ne tot obstaculis impeditum Metallum justo citius frigeat, ac in illarum interstitiis detentum cohærescat, aquam haud attingens. Postquam omne Metallum sic injectum est, decantata aqua, reperietur id in minutas partes divisum.

§. 250. Longe melius utimur singulari ad hoc Tab. II.
opus accommodata Machina, quam (Tab II. Fig. Fig.
19.) exhibet. Cylindrum videlicet ligneum, sex xix.
pollices longum, diametri quatuor pollicum, axi & manubrio, Cotis instar, instruunt: tum ejus in superficie juxta longitudinem totus Cylindri ambitus scopis æquabiliter, at denso strato distributis, trium digitorum crassitie circumdatur, quæ ambobus Cylindri extremis filo forti, firmiter adstricto, colligantur. Cylindrus sic aptatus supra simile (§. præc.) Vas repandum collocatur; ita, ut Axis ejus, semicircularibus cavis, margini Vasis incisus, exceptus coërceatur, ne, dum rotatur, e loco suo moveri possit. Postea Vas aqua impletur ad tantam altitudinem, ut una tertia pars Cylindri intra aquam demersa sit. Metallum tunc liquefactum, simili ratione, ac §. præced. haustum, supra Cylindrum descriptum, qui ope Manubrii circa axin suam rotari

interea debet, tenui & jugi rivo effunditur. Ita Metallum subtilius, quam priori modo (§. præc.), in laminas complicatas comminutum acquiritur.

Scholion. Hisce binis modis (§. 249. & 250.) Aurum & Argentum, variæque Mixturæ metallicæ, optime & tuto granulantur: Cuprum vero semper cum periculo: quod ut evitetur, tenui rivo, parca copia simul, est effundendum: id quod securius peragitur, si per Crucibulum candefactum, cujus fundus foraminibus quibusdam parvis instructus est, transfusio fit; ut sic percolatione quasi divisum prius Cuprum in Scopas (§. 249.) vel Cylindrum (§. 250.) decidat.

§. 251. *Olle Cementatorie* sunt Vasa figulina, Cylindrica, quibus adaptata sunt *Opercula*, ex vulgari argilla a figulis tornata. Magnitudo istarum *Olularum* debet respondere quantitati Cæmenti immitendi (§. 179.). Attamen non convenit, ut maximæ earum ultra octo vel decem pollices sint latæ: si enim ampliores sunt, difficilius & inæqualiter, præsertim in medium earum, agit ignis. Si vero *Olle Cementatorie* magno igni fusorio sunt exponendæ, ex Argilla præparata maxime refractaria in igne sunt conficienda, qualis videlicet pro Crucibulis fusoriis inservit: possunt etiam in harum defectu substitui Crucibula fusoria Hassiaca, vel, si materies coercenda id concedit, Ipsensia, quibus Tigilla adaptari debent.

§. 252. In Vasis hisce (§. 251.) & Operculis eorum figulinis conficiendis, nota, quod omnis Argilla sub exsiccatione, & excoctione, in minus spacium coëat:

coëat: ita quidem, ut argilla purior una parte decima secundum diametrum imminuatur: quo magis vero temperata est sabulo, aliove lapidum & vasorum jam excoctorum pulvere; eo minus, imo tandem vix sensibilibiter imminuitur. Hinc si determinatæ magnitudinis Vas, vel Operculum, ex Argilla fieri debet; tanto id majus est faciendum, quantum experientia docet, argillam crudam, vel certo modo præparatam, exsiccatione imminui.

§. 253. *Conus Fusorius* (Tab. II. Fig. 20.) infer Tab II.
Fig.
xx.
vit ad Præcipitationem fusoriam: quæ fit, cum duo corpora simul liquefacta, haud tamen sub fusione exacte inter se mutuo coëuntia, ob diversam gravitatem specificam, in duo strata sponte secedunt. Posset equidem ista Præcipitatio in eodem illo Vase, in quo Fusio instituitur, fieri: sed tunc necessum foret semper qualibet vice Vas fusorium frangere; quia ex eo integro excuti nequit præcipitatum. Hinc peculiaribus Conis ita dictis ad hoc opus utimur, in quos liquata massa effunditur, peracta Præcipitatione facile excutienda. Quoniam autem Præcipitanda materiei exigua sæpe tantum copia est; ideo eligitur pro Conis fusoriis Figura Conica: ut nimirum in apice, qui est fundus infundibuli, ejus subsidens materies gravior in unum solidum Regulum colligatur. Capacitas *Coni fusorii* sat magna est, si apertura, quæ est Basis Coni, lata sit quatuor vel sex, profunditas, sex, vel novem pollices.

§. 254. Materia, ex qua *Conus fusorius* fit, est Cuprum vel Aurichalcum; ut interior ejus superficies sat expoliri possit. Si ex Aurichalco is paratus

K 5

est,

est, cavendum, ne nimis fervidus fiat: si enim tunc paullo validius percutitur, ob hujus Metallī in calore magno fragilitatem; facile finditur. Stannum vel Plumbum ne sit admistum Cupro vel Aurichalco, ex quo paratur Conus; quoniam ab istis facile inquinantur corpora infusa.

§. 255. Si magna liquefacti præcipitandi copia effundenda est; loco Coni fusorii (§. 253.) substitui potest Mortarium magnum, aurichalceum aut ferreum, vel aliud quodcunque amplum Vas ferreum repandum.

§. 256. Porro quando Metalla, aut Semimetalla, fusa effunduntur; ut vel adserventur, vel deinceps aliqua parte explorentur; conducit iis sub effusione formam oblongam, non nimis crassam, conciliare: sic enim eo commodius dividi aut in frustula conscindi possunt. Ad hoc obtinendum inservit *Infundibulum* (Tab. II. Fig. 21.); *Lingonem* vocant, uno vel pluribus Incilibus, prismaticis, vel semi-cylindricis, bene politis, magnitudinis diversæ, & longo valde manubrio instructum, e Ferro, utpote aptissima ad hoc opus materia, paratum. Minora sint Infundibulorum incilia, quæ usui Docimastico inserviunt, videlicet, semi-pollicem vel integrum lata, tamque profunda; longitudo excurrat ad sex, vel decem pollices: pro majori vero Metallorum mole effundenda, parantur unum vel duos pedes longa, aliquot pollices lata atque profunda.

§. 257. Si vero massula metallica præcipitata illico, & tota, Cupellæ est imponenda; eligitur potius *Infundibulum*, formam parvi hæmisphærii, diametri

Tab. II
Fig. XXI

tri sesquipollicis, habens, itidem e Ferro conflatum; quale ad effundendas præcipue Mineras per Plumbum extractas & scorificatas adhiberi solet. Ita nimirum cavetur, ne massula metallica, angulosa sua superficie, forsan de tenero Cupellæ cavo, dum huic imponitur, aliquid abradat, idque scabrum reddat.

§. 258. Omnia hæc Infundibula (§. 253. ad 257.), debent bene calefieri, antequam in ea effundatur Metallum; ne forte madidiuscula sint, vel tempore præsertim frigido, ex frigidiori in calidius cubiculum reposita, madorem contrahant roridum: quo in casu sæpe, dum infunditur massa liquata, cum insigni periculo, infusa materies disjicitur, vel saltem bullulis referta evadit.

§. 259. Dein & sebo oblinienda sunt prius, vel, quod præstat, fuligine densa lampadis, ligni accensæ Pini, alteriusve resinosi, inficiantur: quod fit, si flammæ fumanti ampliori supraponitur, donec superficies Infundibuli cavi nigerrima evaserit. Hoc fit, ut Reguli eo melius inde rursus excuti possint, nec a massa infusa arrodatur cavum Infundibuli. Si vero maxima copia Metallum, præsertim valde sulphurei, vel ope Sulphuris præcipitati, effundenda est; sebacea Coni, aut Mortarii, illinitio vix sufficit ad impediendam modo dictam arrosionem: quia moles ingens materiei infusæ quam diutissime fervida manet. Unde in hoc casu luto utuntur ope aquæ in tenuem pulvem redactæ, quod, cavo Coni aut Mortarii tenuiter illitum, deinde exsiccat. Sic crusta hæc mediante certius prohibetur Sulphuris in Metallum Infundibuli actio. Quin vel Cuprum quoque

que purum liquefactum, nullo licet cum Sulphure fufum, fimile quid efficit: quare & in hoc cafu dicta cautela opus eft.

§. 260. Porro duobus opus eft ad Docimafiam *Mortariis*; altero Ferreo, profundiore, in quo corpora tundendo comminuuntur; altero minus profundo, Ferreo, vel Ligneo, repando, ad quod Pistillum requiritur ejusdem fubftantiæ, vafto bulbo inftitutum, paullo acutiori, quam eft cavum Mortarii. Pofterius, præcipue Ferreum, pro Amalgamatione infervit: Ferrea enim Mortaria ad hoc opus funt aptiffima; quia, licet trituratione de Ferro aliquid abradatur, id tamen Amalgamati fe non mifcet: ut idèo Ferrum cæteris Metallis hunc in finem præferendum fit. Accedit, quod mediocriter etiam in eo calefieri poffit Mercurius: unde Amalgamatio valde acceleratur: id, quod in Ligneo Mortario haud adeo commode efficere licet.

Aurifabri utuntur magnis Vafis ferreis, in quibus Pistillum ad modum lapidis molaris rotando circumagitur: vocant hinc hanc Machinam germ. *Kretz-Mühle*; in qua lapilli, fruftula Crucibulorum, aliaque, quibus Aurum & Argentum feſe immifcuit, prægreſſa prius rudiori comminutione, & cribratione, ulterius comminuuntur, & fimul Amalgamationes perficiuntur.

§. 261. Pro parca Minerarum quantitate in pulverem ſubtiliffimum redigenda, ut examini Docimafico inferviat, utuntur Docimaſtæ *Lamina* de Ferro fuſo plana, in ſuperficie ſuperiore probe lavigata: ad hanc pertinet latus *Malleus* ferreus, quocum triturantur ſubjecta impoſita; quæ vero, ſi duriffima,

firma, moleque majora sunt, prius grosso modo in Mortario ferreo contunduntur: vocatur germ. *Reib-Hammer*, *Reib-Eisen*. Mortaria quoque ferrea valde depressa (germ. *Reib-Schalen*, *Pfannen*) huic scopo apta sunt.

§. 262. Requiritur præterea pro Operationibus quibusdam, ad Docimasiam quidem directe non pertinentibus, at, quas tamen Docimasiam proprio Marte perficere expedit, varia *Vasa Destillatoria*; cujusmodi sunt *Cucurbitæ* ac *Retortæ*, *Terrea* & *Vitrea*: sed quum hæc satis cognita sint, & ubique in Chemicorum libris descripta; haud opus est, a me heic ut prolixè describantur. Modo notandum, quod *Vasa vitrea*, quæ calorem magnum ferre debent, eo sint meliora, quo tenuiora: crassa enim mox finduntur. Contrarium vero obtinet in *Excipulis*; utpote quæ crassiora esse possunt. Nec ignem ferunt, quorum intropressus, vel planus est fundus. Idem quæ lapillis carent, vasa vitrea cæteris paribus durabiliora sunt. Minora etiam, & quæ sunt mediocris magnitudinis, tutius usurpantur, quam ampliora.

§. 263. Quando *Vasa* (§. 262.) summo igni nuda exposita sunt, facile contingit; ut ab ingestio in Furnum novo ignis pabulo, frigido, crepent: quod ut impediatur, opus est *Loricatione*. Hæc autem sic peragitur, Materiem, ex qua Fornices & Crucibula fiunt (§. 218.), loco aquæ humecta sanguine recenti, nondum coagulato, duplo vel triplo aquæ diluto; ut tenuis fiat pasta; huic dein pastæ insuper admisce pilos vaccinos, aliosve non nimis longos, nec rigidos: quin & si præsto est Vitrum com-

comminutum, atque per cribrum trajectum, hujus itidem aliquid haud inutiliter intermisceri potest. Si loco Argillæ, Limum furnarium simili modo præparas, idem, quin meliora præstat, ad vasa loricanda. Hac tunc massa, penicilli ope, obline Vas, ac dein exsicca: siccatum denuo obline, rursus exsicca: idemque & tertia & quarta vice repete, donec Vas obductum sit Crusta, vel Loricæ, pollicis tertiam vel quartam partem crassa.

Scholion. Ut Sanguis a coagulo præservetur; necessum est, recens, mox ac ex animali profluxit, manu aut bacillo agitur ad refrigerium usque: sic attenuatus dein per aliquot dies absque coagulo perstat.

§. 264. Pro claudendis Vasorum (§. 262.) commissuris, si Spiritus acres, corrosivi, destillandi sunt, convenit Bolum, Farinam Laterum, cum pauxillo Farinæ Lini, Albumine Ovorum aqua diluto subactum, priori Pastæ (§ præc.) intermiscere, ea proportionem, quam experientia sola determinare licet: sic *Lutum* acquiritur vaporibus acerbis coercendis adaptatum. Nota insuper, quod in tali luto componendo abstinere debeas ab istis, quæ tota vel maximam partem in acidis sunt solubilia, qualis est Creta, Calx &c. nisi lutum Albumine Ovorum, Lacte vel Casco recenti subactum, adhibere velis, ad aliud lutum obducendum, quod jam applicatum est Vasorum commissuris, quodque sub exsiccatione rimas egit, aut ex se nimis perspirabile est. Hoc in casu lutum superaddendum extendatur Emplastri instar super linteam, & sic applicetur.

II.

DE FURNIS.

§. 265. Cum Artis Docimasticæ exercitium, maxime, in Fossilium per ignem tractatione concinna consistat; requiruntur Instrumenta, ad Vasorum genus haud inepte referenda, in quibus ignis contineri, ad objecta applicari, & in determinatum gradum augeri ac minui pro lubitu promte possit. Dicuntur hæc *Furni*.

§. 266. Primus *Furnus*, qui præcipue dicitur *Docimasticus* (Tab. III. Fig. 1.), sequenti modo fabrefit. 1^{mo}. De Bractea Ferri formatur prisma quadrangulum, cavum, undecim pollices latum, decem altum (*aa. bb.*), superius in pyramidem convergensaa *bb.* truncatam, quadrangulam, cavam (*bb. cc.*), aperitura (*d.*) terminatam, septem pollices altam, cujusd. latus superius fit septem pollicum. Inferius autem prisma istud simili Lamella ferrea, tanquam Basi (*aa.*) clauditur. 2^{do}. Ad Basin fiat Porta (*e.*) tres pollices alta, quinque lata, quæ ad Cinerarium ducat. 3^{tio}. Supra hanc Portam fiat, in altitudine sex pollicum a Basi, alia Porta (*f.*), superius arcuata, semicirculum referens, quatuor pollices ad Basin suam lata, in medio dimidium supra tres pollices alta. 4^{to}. Postea tres Bractæ ferreæ ad anteriorem Furni hujus partem firmentur: quarum prima (*gg.*) undecim pollices lata, dimidium pollicem alta, infimo suo latere ad Basin Furni tribus vel quatuor clavis ferreis ca lege

lege adfigatur; ut sursum nascatur Crenula, inter
 Tab. Lamellam istam & Furni parietem intercepta, tan-
 III. tæ amplitudinis, in qua locari, & libere huc illuc
 Fig. 1. kk. moveri possint Valvæ Portæ inferioris (kk), ex
 crassiore Bractea ferrea conficiendæ. Secunda La-
 hh. mella (hh.), lata undecim, alta tres pollices, situ
 Lamellæ priori exacte parallelo, ad spatium inter am-
 bas Portas (No. 2. & 3.) medium ita adfigatur; ut
 tam superior, quam inferior, ejus margo cum late-
 re Furni Crenam formet cavam. Altera nimirum
 harumce Crenarum, deorsum spectans, inservit ex-
 cipiendi margini superiori Valvarum, Portam infi-
 miam (No. 2.) cludentium: altera vero Crena, sur-
 sum respiciens, marginem inferiorem Valvarum Por-
 tulæ superioris (No. 3.) exceptura est. Tertia La-
 ii. mella (ii.), similis primæ, proxime supra Portam
 superiorem (No. 3.) cum in modum defigenda est;
 ut Crenam constituat deorsum spectantem, conti-
 guam margini superiori Portæ supremæ (No. 3.).
 5^{to}. Ad quamlibet Portam (No. 2. & 3.) cluden-
 dam duæ aptentur Valvæ, ex Laminis ferreis con-
 kk. 11. ficiendæ, in Crenis supradictis mobiles (kk. 11.).
 Valvæ autem duæ, ad superiorem Portam (No. 3.)
 11. pertinentes (11.) in suprema sui parte perforandæ
 sunt; altera quidem Rimula $\frac{1}{5}$ pollicis lata, sesqui
 m. pollicem longa (m); altera vero foramine semicir-
 n. culari, pollicem alto, duos lato (n.). Singulæ præ-
 terea Valvæ mobiles instruantur ansa, qua, dum mo-
 veri debent, apprehendi possint. 6^{to}. Ad Basin Portæ
 f. hh. superioris (f.) ad Lamellam (hh.) (No. 4.) adfiga-
 tur

tur vagina (α .), cum in finem, ut Canalis de cras-
 sa ferri bractea confectus (β .) ad Portam firmari
 queat. Canalis hujus longitudo sit sex pollices; la-
 titudo quatuor; altitudo parietum tres: instructus sit
 dente (γ .); qui vaginæ (α .) committitur, si Cana-
 lem Portæ applicare velis. 7^{mo}. Quinque insuper
 Foraminibus, rotundis, pollicaris diametri, perforetur
 Furnus: quorum duo in parte Furni anteriore
 ($\delta\delta$.); totidemque in posteriore fiant, altitudinem
 quinque pollicum a basi, a lateribus autem Furni
 utrinque intervallo trium & dimidii pollicum distan-
 tia: quintum denique (p .) fiat in altitudine unius
 pollicis supra Portæ superioris (f .) marginem supe-
 riorem. 8^{vo}. Interiora tandem Furni latera armata
 sint Uncis ferreis, dimidium pollicem prominenti-
 bus, tres circiter pollices a se mutuo distantibus,
 pro luto, quo Furnus intus obduci debet, firman-
 do infervituris. 9^{no}. Superiori porro Furni Aper-
 turæ (d .) adaptetur Pyramis ferrea, mobilis, cava,
 quadrangula (q), tres pollices alta, super basi se-
 ptem pollices lata, coiens sursum in Tubum (r .) ca-
 vum, diametri trium pollicum, duos pollices altum,
 fere cylindricum, nonnihil tamen versus superiora
 convergentem. Scilicet prominens hic Tubus servit
 sustentando Camino, itidem cylindrico fere, cavo,
 ex bractea ferri conflato, duos pedes alto (t .), qui,
 cum igne opus est intensissimo, breviori illi Tubo
 perpendiculariter sic imponitur; ut hunc ad sesqui
 vel duorum pollicum profunditatem presse excipiat,
 auferrique denuo pro lubitu possit, ubi tanta ignis
 vehementia non requiritur. Id ipsum vero Opercu-
 lum

Tab. lum pyramidale. (q.) duabus præterea Ansis (s.s.)
 III. instruatur; ut manibus vel forcipe apprehensum au-
 Fig. 1. q. ss ferri iterumque imponi queat. Quin &, ne id Fur-
 ni Aperturæ. (d.) impositum facile dejiciatur, ad
 dextrum sinistrumque Furni marginem superiorem
 co(cc.) bractea ferrea adfigatur sic reflexa introrsum;
 ut sulcū constituat antèrius & posterius apertum,
 quo excipi possint firmarique Operculi. margines la-
 terales, atque antrorsum ac retrorsum pro arbitrio
 moveri, ubi id auferri aut adponi debet. romo. In
 e. altitudine supremi marginis Portæ inferioris (e.) ad
 superficiem Furni internam firmetur Tendicula qua-
 drata, ex crassa bractea ferri confecta, sesqui polli-
 Fig. 11. cem lata (Fig. 2), quæ sustinendæ craticulæ & lu-
 to est dicata. Constat autem ex duabus partibus ista
 Tendicula; ut immitti commodè intra Furni cavum
 possit. Imponitur ista, clavis ferreis, Furni parietibus,
 in altitudine jam dicta a fundo, circumquaque infi-
 xis, interne pollicis longitudine prominentibus. Sic
 paratus est *Furnus Docimasticus*, qui dein Luto in-
 tus obduci debet: quod modo sequenti perficitur.

§. 267. Scilicet ut Ignis eo melius coërceatur, ne-
 que ferrum ignis vi candescens destruat; tota in-
 terior Furni (§. 266.) superficies, ad unius, vel ses-
 Fig. III. qui digiti crassitiem (vid. Tab. III. Fig. 3. & 4.)
 & IV. obducenda est Luto. Lutum huic negotio aptum
 exhibet massa argillacea (§. 217. 218.), aqua sim-
 plici, aut sanguine bubulo, triplo vel quadruplo a-
 quæ diluto, madefacta. Antequam tamen parietes
 interni isthoc Luto obducantur; locari prius intra
 Furnum debet Tendicula, dein Bacilli ferrei, lon-
 gitu.

gitudine Furni diametrum æquantes, quadranguli, prismatici, semipollicem crassi, extremis suis a Tendicula (§. 266. No. 10.) sustentandi, intervallo $\frac{3}{4}$ pollicis a se mutuo distantes, ea lege imponuntur, ut prismatum anguli alter sursum, alter deorsum, spectent, reliqui duo ad latus dextrum & sinistrum respiciant: confer (Tab. III. Fig. 4. a.): quo situ cavetur, ne cineres pabuli ignis intra Bacillorum interstitia diutius detineantur, obstructionemque faciant liberæ aëris ventilationi obfuturam. Furnus dein, Luto obductus, leni calore exsiccatus, aptus tandem est ad plurimas Operationes Docimasticas, præcipue illas, quæ sub Fornice Docimastico (§. 222.) perfici debent.

§. 268. Quod si igitur in Furno hætenus descripto (§. 266. 267.) instituenda est Operatio, reponendus est prius supra Focum elatum Culinari vel Fabrili similem, duos tresve pedes altum; ut per Portam superiorem introspiciens, subjectorum sub Fornice Docimastico positorum mutationes, citra molestam corporis inclinationem, constanter observare possis. Per quatuor Furni foramina inferiora, antè & postè e diametro posita, ante descripta (vid. Tab. III. Fig. 1. 00.), transmitti debent duo Bacilli ferrei, pollicem crassi, tam longi, ut eorum extrema utrinque paululum ultra foramina foras prominent. Inserviunt hi ad Fornicem, hujusve pavementum, sustinendum (vid. Tab. III. Fig. 3. & 4.). Fornix igitur tunc per superiorem Furni Aperturam (Fig. 1. 4.) immittitur, & ita super Baculos ferreos

L 2

modo

Tab. modo descriptos locatur; ut ejus antèrius latus apertum proxime contiguum sit interno limbo Portæ superioris (*f.*): ne vero de loco suo facile dimoveatur, conducit, ut luto, ubi Portam attingit, firmetur (vid. & Fig. 3 & 4.). Ignis Pabulum ingeritur per Furni Faltigium (*d.*); cujus Operculum ideo & mobile, & non nimis grave sit, oportet (*g.*). Materiam pabulo ignis aptissimam heic præbent Carbones ligni durioris, Fagini præsertim, in frustra pollicaris magnitudinis diffracti, quibus Fornix ad aliquot pollicum altitudinem est obruendus. Majora Carbonum frustra ideo reprobamus, quia per angustum interstitium, quod datur inter Fornicis latera & Furni parietes, non delabi, adeoque semet haud undequaque sufficienter circumferentiæ Fornicis accommodare possunt: unde fit, ut loca ignis pabulo vacua hinc inde relinquantur, ignisque sic non sat intensus aut & inæqualis producat. Si vero contra minora adhibentur Carbonum fragmenta; tum pars magna delabitur ilico per Craticulæ interstitia in Cinerarium, vel & nimis subito in cineres collabuntur particulæ teneriores, atque aucta cinerum mole Craticulam obstruentes liberam Aëris ventilationem, vel maxime heic requisitam, impediunt.

§. 269. Exacto ut plurimum Ignis Regimine sub Operationibus, in hoc Furno (§. 266. 267.) instituendis, opus est: hinc ad sequentia attendendum.

No. 1. Furno, ignis pabulo impleto, accensoque; si Porta Cinerarii (Tab. III. Fig. 1. *e.*) tota est aperta; Portæ autem superioris (*f.*) Valvæ mobiles *kk.* (*kk.*) ita ad se invicem adducuntur, ut in Portæ medio

medio sese tangant; ignis augetur: quod si præterea Tab.
 & Operculum (*q.*), hujusque Tubo (*r.*) adaptatus^{III.}
 Caminus altior (*t.*), superimponitur Furni Fasti^{Fig. 1.}
 gio (*d.*); tunc ignis erit magnus. No. 2. Si vero,^{t. d.}
 Furno eadem ratione ac modo descriptum disposito,
 in Canalem (§. 266. β .) applicatum ad apertam ejus
 Portam superiorem (*f.*) ponuntur prunæ candentes;
 Ignis adhuc magis intenditur: quo tamen artificio
 raro opus erit, nisi in initio, dum ignis in Furno
 instruitur; ne tædiosa patientia aliquot horas expe-
 ctare debeas, antequam æstus ad sufficientem gra-
 dum increverit. Quandoque etiam tempestate cali-
 da, humida, vappidus aër minus potens est, ad deside-
 ratum ignis gradum excitandum; tum etiam sub ipsa
 Operatione magnum ignem exigente, dispositio ta-
 lis in subsidium ex vocanda. Ex hisce nunc colligi-
 tur, quomodo æstus imminui debeat: videlicet mitior
 fit remotis ex Canali prunis, clausaque Porta (No. 2.),
 magis autem imminuitur ablato Camino de Furni fa-
 stigio (No. 1.). Porro, quando Porta superior, obdu-
 cta solâ illa Valva mobili, quæ oblonga, angusta
 Rima (Tab. III. Fig. 1. *m.*) pervia est, clauditur;^{m.}
 tunc fit æstus paullo minor: plus vero is ipse immi-
 nuitur, si Valva altera, semicirculari Foramine (*n.*),^{n.}
 quod Rimâ prioris majus est, instructa, ostio ob-
 ducitur: quin & hoc minor excitatur æstus, si Ca-
 minus Operculo impositus aufertur: denique vel ex
 parte, vel in totum, clausa Cinerarii Porta, calor
 itidem deprimitur; quandoquidem prohibetur ven-
 tilatio aëris ad ignem excitandum necessaria: dum
 æro, præter priora, simul etiam prorsus aperitur

Porta superior; tunc aër irruens, frigidus, corpora sub Fornice posita, mutanda, adeo refrigerat, ac in ulla Operatione requiritur; ut hinc ebullitio Plumbi penitus tum impediatur. Si inter Operationem, in una vel altera Fornicis parte, Ignis incipit deficere vel inæqualis fieri; signum est, vacua prunis spatia esse nata inter Furni & Fornicis parietes: quapropter tunc immisso per Foramen Furni p. superius (p.) bacillo ferreo undequaque commoveri debent prunæ; ut hæ sic collabantur, decenterque deinceps atque æquabiliter agant. Deprehenso interim ignis gradu, in dextro vel sinistro Fornicis latere, fortiore, quam in opposito, poteris, si utile judicas, segmentulum (Tab. I. Fig. 17.) apponere, quo facto statim imminuitur, in ista parte, æstus.

Tab.
III.
Fig. 1.
Tab. I.
Fig.
xvii.

Ut tandem æquabilem & justum ignis gradum promte obtineas; semper oportet Furnos a Cineribus repurgare, antequam Focum instruis: quod heic in genere moneo.

§. 270. Notandum tamen circa mox (§. 269.) descriptum Ignis Regimen, quod, apparatu licet eadem prorsus accuratione instructo, non tamen semper effectus sequatur æqualis: cujus differentię causa plurimque in aëris dispositione diversa sita est. Cum enim omnis Ignis per carbones eo validius excutitur, quo aër magis densatus, majoreque rapiditate motus, illos ferit: quod Folles clare docent: patet hinc tempore calido & humido, atque Atmosphæra existente levi, minoris efficacię fore Ignem in Furnis: similiter, plurimis Furnis prope se invicem sitis simul ardentibus, ignem pro parte suffocari; quo-

quoniam aër circumfusus rarior redditur ac levior : quod ipsum etiam , tempore præsertim æstivo, Sol, talem locum , quo Furnus situs est , illustrans, efficit. E contra Tempestate frigida, sicca, Atmosphaera ponderosior maximum ignem excitat.

§. 271. Insuper quo minor, & a posteriori parte depressior, in eodem Furno locatur Fornix; quo plura & ampliora Fornix iste Segmenta habet excissa; quo minor parietum Fornicis est crassities; quo magis Vasa versus partem posteriorem Fornicis sunt locata; eo validior in corpora mutanda æstus agit: & contra Si hæc in Praxi observes monita, in quibusdam operationibus, permulta incommoda evitare poteris, quæ alias Artificem vexant.

§. 272. In eo casu, quando plures, ad Ignem excitandum requisitæ, Causæ deficiunt, tunc in vulgaribus Furnis Docimasticis, ut Operationes rite perfici queant, Artifex omni molimine vix sufficienter incitare potest Ignem; quamvis Follis ope, & prunis in Portam superiorem impositis, utatur. Hinc posui Craticulam tres fere pollices infra Fornicem; ne, quod in vulgaribus Furnis Docimasticis obtinet, aër, per Cinerarium irruens, refrigeret pavimento Fornicis; dein, ut minimæ, jam fere consumptæ, prunæ, & cineres, per Craticulæ interstitia facilius decidant, & majores prunæ, ignem adhuc alere aptæ, retineantur. Insuper, ne pavimento Fornicis refrigeretur; Craticulæ ferreæ, eo in loco, qui pavimento subjacet, imponi potest frustum tegulæ, tres circiter pollices latum, sex longum.

Tab. III. Denique & Caminum (Tab. III. Fig. 1. *t.*) ideo
 III. superaddidi; ut hujus adminiculo aucta ventilatione
 Fig. 1. t. Ignis in summum, hic requisitum, gradum evehi
 tandem posset: nam minui Ignis semper potest; ne-
 quaquam vero, nisi aptus apparatus præsto sit, pro
 lubitu augeri.

§. 273. *Furnus* alter, quo Docimasta opus habet,
 est sic dictus *Fusorius*, qui itidem ex bractea Ferri
 compaginatur. Cavum ejus secundum Modulum El-
 Fig. v. lipticum (Tab. III. Fig. 5.) formari potest. 1^{mo}. Ni-
 mirum conficiatur cava Ellipsis ex distantia Foco-
 rum duodecim, Ordinata quinque Pollicum: ab-
 scindatur hæc in ambobus suis Focis; ut nancisca-
 Fig. vi. tur figuram (Tab. III. Fig. 6.). 2^{do}. Cavum hoc
 tum prope infimam suam oram quatuor foraminibus,
 cc. diametri octo linearum, & regione positis (cc.), per-
 foretur. 3^{tio}. Ad superiorem dein & inferiorem El-
 liptici hujus Cavi marginem intus firmentur duo
 d. Annuli ferrei (d.), sesqui fere pollicem lati: quin
 & tota ejusdem interior superficies Hamulis, sex cir-
 citer lineas prominentibus, ferreis, tres vel quatuor
 pollices a se mutuo distantibus, instruatur; qui qui-
 dem, una cum Annulis modo dictis, Luto firman-
 do inserviunt. Sic Corpus Furni paratum est; nisi
 cc. quod binæ insuper Ansæ (cc.) ferreæ extrinsecus
 ipsi utrinque adfigendæ sint, quibus prensari atque
 transferri queat. 4^{to}. Igitur conficiatur Operculum
 Furni, quod secundum partem Ellipseos abscissam
 Fig. v a. (Fig. 5. a.) formari potest (Fig. 7.): instruatur id
 Fig. vii b. Porta (b.), alta quatuor pollices, inferiore latere
 quin-

quinque pollices lata, superiore quatuor: cui & Ver-
 satilis Valva, ferrea, qua claudi possit, approprietur;
 internæ suæ superficiei adfixum gerens marginem,
 qui exacte respondeat Ostii circumferentiæ, & eous-
 que introrsum promineat, quousque requirit crassi-
 ties luti adponendi; utpote cui firmando is inservit: ^{Tab. III.}
 (Vid. Fig. 8.). Eundem in finem Hamuli quoque ^{Fig. VII.}
 extantes, ferrei, superficiei Valvæ istius interiori,
 quam Margo dictus circumscribit, infigantur. Porro,
 ne Operculum istud intus vi ignis exuratur; Luto
 simili, ac ante (§. 267.) de Furno Docimastico di-
 ctum, interna ejus superficies obduci debet: quam-
 obrem Annulo quoque & Hamulis ferreis ad lutum
 firmandum instruatur necesse est: prout ante (No. 3.)
 de Corpore hujus Furni memoravimus. Præterea
 & binis, sex pollices assurgentibus Uncis, ferreis ^{Fig. VII.}
 (cc.), extrinsecus Operculo huic adfixis opus est; ^{cc.}
 ut fervidum, Forcipe, & auferre, & Furno iterum
 imponere liceat. Tandem quoque vertex ejus fora-
 mine pervius fit rotundo, diametri trium pollicum,
 producto in Tubum cavum (d.), fere cylindricum, ^{d.}
 aliquot pollices altum, cui, modo supra (§. 266.
 No. 9.) circa Furnum Docimasticum memorato, su-
 perimponi possit, siquando necessum est, Caminus
 ferreus loco mox citato descriptus. 5^{to}. Loricatio
 deinde tam Corporis, quam Operculi, Furni intrin-
 secus fit similiter, ac ante (§. 267.) descriptum est.
 6^{to}. Duo insuper conficienda sunt pro hoc Furno
 Pedistalla mobilia: alterum nempe, quod cineres re-
 cipiat, ventumque admittat: alterum inserviens Re-
 ductionibus, & Fusionibus Metallorum, per stratifi-

tionem Mineralium Metalliferorum, aut Calcium vel Scoriarum Metallicarum cum Carbonibus, absolvendis. Prius fit ex bractea ferrea, in cavum formata cylindricum, superius apertum, inferius lamina ferrea orbiculari, tanquam basi, claudendum, quinque pollices altum, diametri tantæ magnitudinis, ut Corporis Furni (No. 2.) oram infimam ad dimidii pollicis profunditatem excipere queat (vid. Tab. III. Fig. 9.). Propterea in distantia semipollicis a margine hujus Pedistalli supremo, ad superficiem ejus internam firmetur Circulus ferreus (c.) dimidium pollicem latus, quo Corpus Furni immissum sustineri possit. Portam insuper habeat id Pedistallum quadratam, quatuor pollices altam, totidemque latam, quæ versatili Valva (b.) exacte claudi queat; ut hujus ope pro lubitu Ventilationem augere vel imminuere, sicque ignem regere liceat. Tandem a latere hujus Portæ sinistro, in media circiter altitudine corporis Pedistalli, foramen fiat rotundum, sesqui pollicaris diametri, nasum Follis, quando hoc opus est, recepturum. Alterum dein Pedistallum quoad materiem atque figuram simile conficiatur priori: diametri quoque sit ejusdem, sed duplo altius; ut septem pollices exæquet. Succingatur etiam sub margine suo superiori simili Annulo ferreo, quo Corpus Furni excipiendum sustineri queat. Proxime autem sub hoc Annulo excindatur in Pedistalli hujus pariete Foramen, cujus latitudo sit trium pollicum, altitudo duorum, superius arcuatum (Fig. x.c. 10. c.). Porro ad latus sinistrum hujus foraminis, a supremo margine usque ad mediam altitudinem Pe-
di-

Tab.

III.

Fig. ix.

Fig x.c.

10. c.)

distalli, exscissa sit apertura, duos pollices lata, co-^{Tab.}
no spiranti, qui nasum follis recipiat, locando de-^{III.}
stinata (d.). Ulterius ad dexteram, in distantia trium d.
pollicum a fundo, aliud formetur Foramen circu-
lare, cujus diameter sit duorum pollicum cum dimi-
dio (e). Tandem interior tota hujus Pedistalli su-^{e.}
perficies, excepta illa parte, quæ supra Annulum
est, Luto obducatur, cui sit arena largiter admista,
interpositique undique lapilli, ad modum muri,
fiatque deinde in fundo Catillus talis figuræ, qua-
lem linea (f.g.h.) describit. Materia, ex qua hic^{f.g.h.}
conficitur, est Lutum vulgare pulverisatum, per
cribrum trajectum, cum tanta quantitate pulveris
Carbonum ligneorum, itidem cribratorum, mistum;
ut mistura, simili modo, ac Cineres (§. 205.) ma-
defacta, compressa, saltem leviter cohæreat. Si Lu-
tum est valde pingue, compactum, facileque in igne
findatur, decet, ut pars quædam, e. gr. subduplum
vel subtripulum ejusdem jam ignem passi, comminu-
ti, cribratique, addatur respectu luti recentis adhi-
bendi; quoniam non omne Lutum temperaturam, in
omni casu sufficientem, cum mero Carbonum pul-
vere fert, nec facile plus Carbonum, quam duplum
aut sesqui alterum, secundum molem addere licet.
Stabilis autem proportio non potest indicari; quip-
pe quæ non modo pro diversitate Luti, sed etiam
subjectorum fusionis, variat.

Catillum sic confectum consperge scoriis commi-
nutis, & globi rotatione (§. 212.) comprime inde
longe durabilior evadit. Tales vero scorix sunt eli-
gendæ, ex quibus nihil amplius Metallum vulgari re-
ductio-

Tab.
III.
Fig. x.

ductione obtineri potest, & quæ nec Sulphure nec Arsenico Metalla inquinant: optimæ sunt, quæ de similibus subjecti fusione sunt productæ: si tales obtinere non poteris, utere Vitro vulgari comminuto. Tali ex materie, in fundum Pedistalli adpressa, formatur Catillus, segmento sphaerico similis, in medio depressiorem habens foveolam (g), lævigatissimus, pari ratione, ac ante (§. 212.) de Cineritiis majoribus expositum.

§. 274. Circa præparationem & usum Luti Carbonacei, nota sequentia. Quo plus luti hanc mixturam Carbonaceam ingreditur; eo magis firmus, & durabilis fit inde Catillus; nec facile a materie liquefacta in eo collecta eroditur: verum simul facilius Metalli paullo plus in scorias abit. Diuturniore etiam & fortiore igne eget, ut sufficientem ignis gradum concipiat, antequam Furno imponere liceat subjectum liquefaciendum. E contra, quo plus pulveris carbonum ingreditur lutum carbonaceum, eo facilius a materie liquata eroditur, præprimis ab Arsenicalibus, Sulphuratis, Semimetallicis; sed Metallum melius conservatur, facile Catillus talis efficcatur, brevique tempore, ac minore igne sufficienter incalescit. Medium ergo teneas, nisi alterutro incommodo vexari velis.

Scholion. Nota in genere, Caloris & Frigoris effectum perquam difficulter propagari & communicari per corpora solida, quæ simul sunt rara, cavernosa, spongiosa. Sic experientia testis, frustum Glaciei in calido cubiculo, in quo nudum intra horam liqueceret, per aliquot dies congelat.

gelatum fervari potest, si Scatulae, quae plumis, furfuribus, lana &c. impleta est, largiter opertum committitur; tametsi ante dicta rara corpora eundem caloris gradum prius conceperint, qui in cubiculo isto obinet. Itidem corpus calefactum, quod intra horam gelido aëri nude expositum, ad hujus temperiem reduceretur, si priori modo plumis, furfuribus, lana, quanquam frigida sint, involvitur, calorem diu servabit. Hinc si corpus liquefactum magnum ignis gradum conceperit, pulvere carbonum operire id convenit, ne justo citius consistat. Nec judices hoc pendere, in posteriore casu, ab igne, quem carbonēs a candefacto corpore susceperē; siquidem hoc non fieri potest, ubi liberior aëris accessus est interceptus: hinc etiam ne quidem vestigium cinerum invenies.

Ex jam dictis ergo colligitur, pulverem carbonum luto non modo admisceri, ob Phlogiston metalleitatem conservans, sed etiam, ut liquefactum Metallum in igneo fluxu conservetur. Si quis ad dispositionem magnorum furnorum in Ustrinis, & labores, qui in iis peraguntur, quin etiam ad incommoda, quae quandoque contingunt, eorumque emendationem attendit, veritatem modo dictorum clarius intelliget.

§. 275. Hic *Furnus* (§. præc.) Fusionibus præcipue adaptatus est, quæ cum, & absque vasis, in eo fieri possunt. Si cum Vase fundendum est; pone Tab.
Corpus Furni (Tab. III. Fig. 6.) supra Pedistallum III.
primum, versatili Porta instructum (Fig. 9.); trans- Fig. VI.
mitte duos Baculos ferreos (Fig. 11.) per Foramina Fig. IX.
Furni (Fig. 6. cc.) ; hisce superimponere Craticulam Fig. XI.
cc. Fig. VI.
(Fig.

Tab. (Fig. 12.) per superius Furni os immittendam : in
 III. medio dein hujus Craticulæ locetur Lapis lateritius ,
 Fig. XII. utrinque planissimus , calefactus , siccissimus : alio-
 quin enim a vaporibus humidis ex eo sub operatio-
 ne prorumpentibus Vasa ipsi imposita , præsertim ma-
 jora , facile finduntur. Sit porro altitudo & latitu-
 do hujus Lapidis paullo major fundo Crucibuli vel
 Catini superimponendi : si enim minus altus foret ;
 Vasis fundus haud sufficienter posset calefieri : si mi-
 nus latus ; Vas inde facile decideret. Impone tandem
 Vas materiam fundendam continens huic Lapidi , id-
 que mox undequaque obrue carbonibus , quos jux-
 ta legem ante dictam (§. 268.) adaptare oportet.
 Ignis tum regitur aperiendo vel claudendo Portam
 Fig. IX. Cinerarii (Fig. 9. b.) : intenditur autem , si Oper-
 b. culum (Fig. 7.) corpori Furni superimponitur :
 Fig. VII. d. quod si præterea Ostio Operculi cylindrico (d.) ap-
 plicatur Caminus (§. 266. N. 9.) ; fit vehementior ad-
 Fig. IX. huc Ignis fusorius : si vero Foramini Pedistalli (Fig.
 d. 9. d.) insuper inseritur Follis , & commissura Furni
 & Pedistalli , imo nisi Valva Cinerarii versatilis ar-
 ctissime claudi possit , hujus quoque rimæ , luto te-
 nuï accurate obturentur ; Ignis sic per flatum Fol-
 lis excitatur summus , longe superans illum , qui in
 foco fabrilis valet produci. Accedit simul , quod hac
 methodo Vasa haud adeo facile rumpantur ; quia fla-
 tus Follis ea non immediate attingere potest , & Ignis
 undique æquabilissimus excitatur. Tali Apparatu La-
 pides , quam ratione sese habeant ad Ignis puri
 violentiam , commodissime examinare licet. Si nunc
 absque Vase , nudo Igne , cupis perficere Operatio-
 nem ,

nem, e. g. Cupri, Stanni, Plumbi, Ferri mineras, horumve Metallorum calces vel scorias liquefacere atque reducere; Corpus Furni Pedistallo alteri, Ca-^{Tab. III.} tillum in se continenti (Tab. III. Fig. 10.) super-^{Fig. x.} imponitur. Prius tamen Foramina hujus Pedistalli, (c.) & (d.), adglutinato intus luto obstructa, cul-^{c.} tro aperiuntur. Omnes hinc inde natæ inæqualitates tollantur, foveolæ luto repleantur; tum in apertura ad dexteras (d.) firmatur Conus ferreus (o.),^{d. o.} cum in finem, ut recipiat nasum Follis duplicati. Qua vero lege & Conus & Follis disponuntur, in Parte Secunda, ubi hanc suppellectilem exigentes Processus traduntur, docebitur. Anterior Pedistalli Foramen (c.) inservit, ut ope Rutabuli, anteliquefacta in Catillo materies sit, nec ne, explorari possit; dein ut hac via removeri queat, si forte Follis quid obstruxerit; tum, ut in quibusdam casibus scorias auferre liceat. Ubi infimus Furni Annulus Pedistallo insistit, applicetur interius lutum, ut Rima ibidem relicta prorsus obstructa, & cum Furni & Pedistalli contigua superficie, æquabiliter complanata sit. Immittuntur Furno tunc prius carbonēs ad spithamæ altitudinem, & flatu Follis validissimo excitantur; ut Catillus, priusquam Materia fundenda immittatur, bene percandescat: defectus prunarum consumtarum carbonibus subinde suppletur: nisi enim hoc ante fiat, liquefacta massa raro in Regulum confluit, sed inter scorias cito congelascentes dispersa manet. Catillo demum probe calefacto, imponatur, una cum recentibus carbonibus, tanta materiei fundendæ quantitas; ut hæc non obstet, quominus

minus ignis ad debitum gradum evehi queat : quæ quidem determinatio solam per experientiam fieri potest : iterum carbones, & supra hos aliam injice materiem fundendam; ut veluti stratum sit super stratum. Si vero massa semel fusa Ignis vim diu sustinere non posset; vel majorem materiei quantitatem, quam quæ Catillo capi queat, simul fundere placeret; aperiri debet infimum Pedistalli Foramen rotundum (Fig. 10. e.) ea lege, ut fiat canalis inde ab hoc Foramine per lutum transiens, atque ad infimam usque Catilli foveolam (g.) pertingens: huic porro Foramini extrinsecus alius tunc applicandus est Catillus similis interiori, aut vas recipiens aliud appropriatum prunis obruendum, in quo materies fusa ex Catillo interiore per Foramen (e.) effluens colligatur (Fig. 13. i.). Cætera huc pertinentia, specialibus in casibus observanda, sub Operationibus in Praxi Docimastica postmodum exhibendis commodius poterunt enarrari.

Tab.
III.
Fig. x.
c.
Fig.
xiii. i.

Scholion. In determinanda interiore Furnorum Anemiorum, qui excitando igni validissimo inservituri sunt, superficie non tam exacte respicienda est figura, cum quidem in finem, ut certo in puncto aut linea colligantur reflexi ignis radii. Nam materia, qua Furni intrinsecus loricantur, adeo accurate expositam figuram recipere inepta est: quin si talis etiam figura huic materiæ arte posset conciliari; brevi tamen per ignis violentiam ea rursus depravatur. Insuper & radii ignis, a carbonibus projecti, tam regulariter non incidunt, sicuti solares & tonori; adeoque nec ad corpus mutandum tam exacte reperiuntur denuo possunt; præterquam quod plerumque

que Vas materiam per vehementem ignem mutandam continens, aut hæc ipsa nuda, Carbonibus undequaque obruiatur. Cæteroquin quoque inutilis fore esset focus in tam parvum spatium collectus; cum in minimam tantummodo corporis mutandi partem agere possit. Sufficit ergo talis Furni figura & magnitudo; ut primo sufficiens, neque tamen superfluum, ignis alimentum admittat. 2^{do}. ut æstum sic coërceat, quo is nec libere nimis, nec priusquam satis fortiter in objectum egerit, dissipetur: quam ob rem Operculum quoddam superaddere convenit. Denique 3^{tio}. ut ignis, si flammeus reverberii applicandus est, directe ad corpus mutandum determinetur: cum in finem Furnus ita sit dispositus, ut hoc in medium locum collocari possit, inter Caminum, per quem flamma exit, & focus, qui pabulum ignis continet; qui itaque haud sit amplior, quam sufficiens ventilatio, & corporis moles requirit.

§. 276. Qui maximas Metallorum moles igne mediocri fusorio liquefaciunt, Furnos quadrangulos de lapidibus sibi extruunt, quorum amplissimorum latera ad quatuor usque pedes excurrunt; ut vasa ipsensia aliquot Centenarios Metalli continentia in his locari queant. Qualis sit ejusmodi Furni constructio, docet (Tab. IV. Fig. 16.) cum annexa Explicatione sufficiente. Tab. IV. Fig. xv.

§. 277. Furnus (§. 273.) descriptus, facile adaptari potest Destillationibus & Sublimationibus (vid. infr. de Operationibus), in Arte Docimastica utilissimis, quin necessariis; tametsi ab Artificibus plerumque negligantur. Ut ergo hisce etiam laboribus

M

in-

Tab.

III. inserviat, fiat in corpore Furni Porta, Valva versatili
Fig. xiv. instructa (Tab. III. Fig. 14. a.), isti similis, qua

2. Operculum est munitum. Distantia ab infimo Annul-
lo usque ad basin Portæ sit trium pollicum; Latitudo
ejus prope basin & altitudo in medio quatuor; supe-
rius in arcum terminatur. Complementum Cavi El-
liptici supra Portam sit Annulus, qui demi, iterum-
que, mediantibus duobus manubriis, pro lubitu im-

Fig. xv. poni queat (Tab. III. Fig. 15.): accommodata huic

T. IV. sit Olla ferrea (Tab. IV. Fig. 1. w.), quem in finem

Fig. I. segmentum de Annulo sit excisum, respondens simili

w. T. III. in Olla facto (Tab. III. Fig. 15. c.): huic aperturæ

Fig. xv. c. appensa sit Valva, qua claudi possit, dum aliæ Ope-
rationes in Furno peraguntur. Pro ventilatione æ-
ris admittenda, ignisque regimine, pateant quatuor
Spiracula, æquidistantia, tam in circulo superiore
Annuli ferrei, quam in margine Ollæ facta: hisce
insideant totidem Opercula, quibus, si necesse judi-
cas, adductis aer excluditur, remotis admittitur:
cui scopo etiam succurrit Porta Cinerarii versatilis.
Cuncta hæc clariora evadent ex Figuris earumque
Explicatione. Si hoc Furno uti velis, imponitur
Fig. ix. Pedistallo Cinerario (Tab. III. Fig. 9.).

Furnus hic unus idemque esse potest cum præc.
(§. 273.), quocum prorsus convenit (l. c. No. 3tio.), ni-
si quod corpus ejus sit bifidum, portisque instru-
ctum, quæ fusionibus quibuscunque non obstant.

§. 278. Furni hætenus (§. 266 ad 277.) descripti
pro Operationibus Docimasticis strictè dictis suffi-
ciunt. Sed præterea aliæ quoque Operationes ab
Artifice perficiendæ sunt, prioribus inservientes: cu-
jus:

Jusmodi sunt Spirituum acidorum Destillationes, Cæmentationes, Calcinationes &c. quæ quidem in ante descriptis Furnis commodè institui non possunt. Quare, cum istæ Operationes plerumque diuturniori, & constanti, egeant igne; optimum est, hunc in finem construere *Athanorem* dictum, qui est Furnus per multas horas tantum pabuli ignis recentis supeditans, quantum consumitur, variumque & exactum ignis regimen admittens constantissimum. Evadit talis Athanor eo magis utilis, si omnes ignis gradus variis modis ad objecta commodè applicari, atque diversi, uno eodemque & igne & tempore, labores in eo perfici possunt.

§. 279. Construatur ergo 1^{mo}. ex lapidibus, ^{Tab. IV.} qui igni maximo fusorio resistunt, Turricula quadrata, cava, (Tab. IV. Fig. 1. *aaaa*.); ^{Fig. 1.} cujus parietes sint sex pollices crassi, cavumque intus ^{aaaa}formet quadratum, cujus latus decem æquet pollices (*bbbb*.). Altitudo ejus determinatur, prout diu ignem alere debet absque novo pabulo addito: sufficiunt plerumque quinque vel sex pedes. 2^{do}. Ad fundum hujus Turris fiat Porta (*c*.), sex pollices lata, totidemque alta; ad quam Valva versatilis, ferrea, ostium ipsum in ambitu latitudine pollicis exsuperans, appendatur, qua id exacte claudi queat: quem in finem exterior etiam Portæ hujus ora undequaque ita excavari debet, ut sulcum formet pollicaris latitudinis, quo Valvæ margines excipi possint. 3^{io}. In distantia decem pollicum a Turris fundo ponatur Craticula (*d*.), ex ferramentis primariis, quadrangulis, pollicem crassis, tres pollicis

Tab.
IV.
Fig. 1.

quartas partes a se mutuo distantibus, composita : quæ quidem ferramenta, singula, ratione Turris, ita locata sint, ut duo opposita cujuslibet dorsa, acuta, perpendiculariter sursum deorsumque spectent : quo efficitur, ut cineres liberius in Cinerarium delabi possint (Confer §. 267.). 4^{to}. Supra Craticulam fiat Ostium fornicatum (*e.*), sex pollices altum, septem latum, quod Valvula versatili, ferrea, adpenta, similiter ac Cinerarium (No. 2.), claudi & aperiri possit. Valvula hæc, in superficie, quæ in Furnum spectat, uncis ferreis sit munita, septoque cincta, pro luto recipiendo, quo contra ignis violentiam loricari debet (Conf. §. 273. No. 4^{to}.). 5^{to}. Fastigio Turris adaptetur Operculum ferreum (*f*), Turris aperturam in ambitu latitudine duorum pollicum excedens, ansa instructum, qua facile auferri iterumque apponi possit. Conficitur hoc de bractea ferri crassa, in depressam pyramidem quadrangulam excavata, cujus basis aperta, margine acuto terminata, a crena ejusdem ambitus Turris fastigio insculpta recipi queat. Sic paratus est *Furnus dictus primarius*. 6^{to}. Tum in alterutro Turris latere, heic *e. g.* sinistro, efforetur Apertura oblonga, quadrata, oblique extrorsum adscendens (*g. g.*), quatuor cum dimidio pollices alta, decem lata, cujus inferior, interior, margo sesqui vel duos pollices supra Craticulam (*d.*) situs sit ; ut hujus foraminis intervencu cavum Turris communicet cum cavo alio, mox describendo. 7^{mo}. Nimirum, proxime adversus idem Turris latus, Cavum quoddam de lapidibus extruatur, cujus inferior pars sit Prisma cavum (*h h h h*), sex pollices altum, duodecim latum, supra terminans

in Fornicem semicylindricum (*ii.*), radio sex pol-^{T. IV.}
licum descriptum; ut hinc altitudo totius cavi in medio ^{Fig. 1.}
sit duodecim pollicum. Cavum hoc antè totum sit a-
pertum, & claudi exacte queat Lamina ferrea (*kkk.*), ^{kkk.}
cujus interior superficies, simili ratione, ac circa Valvam ^{T. III.}
Portæ Furni Fusorii (Tab. III. Fig. 8.) expositum, ^{Fig.}
constituta, lorica duos pollices crassa muniatur. ^{viii.}
Præterea in medio hujus Laminæ sit Foramen ro-^{T. IV.}
tundum (*l.*), quatuor vel quinque pollicum diame-
tri, cujus circumferentia margine cylindrico, fer-
reo, introrsum prominente, instruatur; ut hujus o-
pe lorica intus adglutinanda sufficiatur, ne facile
decidat. Porro & in ambitu externo aperturæ istius
Cavi formetur crena pollicem lata, duos pollices
profunda, in quam recipi queat extremitas Laminæ
ostium cludentis. Foramen autem hujus Laminæ
(*l.*) vel clauditur Epistomio (*m.*), vel transmittendo ^{l. m.}
collo Retortæ inservit. Tandem quoque Lamina
isthæc extrinsecus firmatur duobus Repagulis (*nn.*), ^{nn.}
horizontaliter transmittendis per Uncos ferreos (*oooo.*), ^{oooo.}
muro prope oram Ostii infixos; ita, ut alterum Re-
pagulum supremam, alterum infimam Laminæ par-
tem coërceat. 8^{vo}. Convenit insuper, ut Apertura
quadrata (*gg.*), per quam ignis ex Turri intrat in ^{88.}
Cavum hætenus (No. 7.) descriptum, Valva fer-
rea claudi & aperiri pro lubitu possit: nisi enim hoc
fiat, ignis, a minus exercitato adhibitus nimius, tam
facile compesci non potest. Hunc in finem in pa-
riete superiorem Cavi (No. 7.) partem constituyente,
Turri contiguo, relinquatur Rima, dimidium pol-
licem lata, longa undecim pollices; ut sic Aperturæ

Tab.

IV. quadratæ (gg.) longitudinem utrinque paululum ex-

Fig 1. cedat, atque antèrius & posterius in fossulas excur-
gg. rat, juxta perpendicularia dictæ Aperturæ (gg.) late-ra descendentes, Valvamque ferream immittendam
coërcentes, quo minus vacillare possit. Hæc autem6. Valva ferrea (6.) sex lineas sit crassa, undecim pol-
lices lata, quinque alta; ejusque extremitati superioripp. utrinque adfigantur duæ Catenulæ ferreæ (pp.),
quarum ope Valva attolli, iterumque demitti pos-sit. Quapropter & in contiguo Turris pariete, per-
pendiculariter supra illa loca, in quibus Catenulædictæ ad Valvam ferream sunt firmatæ, duo Clavi
2. fortes (**.) ferrei sint defixi, ad quos pro lubituquicumque Catenularum annuli possint suspendi. To-
tus cæterum Rimæ descriptæ superior tractus lapi-dibus & cæmento claudatur, duobus solummodo
foraminulis relictis, per quæ Catenulæ transmittipossint. 9no. In sinistra hujus (No. 7.) Cavi par-
te, in distantia octo pollicum ab ejus fundo, Cami-9999. nus quadratus ex lateribus erigatur (9999.), tres
cum dimidio pollices amplus, quatuor pedes altus,fursum versus paululum convergens; ut fastigii ejus
diameter trium sit pollicum. Caminus hic perfecte

claudi posse debet Lamina ferrea, manubrio instru-

rr. ctæ (rr.), quæ mobilis sit intra duplicem margi-

9999. nem ferreum, quadratum (9999.), in parietibus Ca-
mini, ea altitudine a pavimento, quæ cuilibet com-moda videtur, firmatum. 10mo. Infra hunc Cami-
tt. num porro fiat Apertura quadrata (tt.), similis priorigg. (No. 6. gg.), ducens oblique fursum ad fundum Ca-
uuuu. mi alterius cylindrici (uuuu.), octo pollices alti,
sex

sex pollicum radio descripti, superius aperti, atque ibidem convergentis introrsum in marginem pollicaris crassitiei, sex lineas latum, sustentandæ Ollæ ferreæ inserviturum. Exscindatur etiam in pariete istius Cavi anteriore, de ora hujus suprema, segmentum curvum, tres pollices profundum, quinque latum, antérie declive (*vv.*), quo Retortæ collum excipi queat. 11^{mo}. Ad hoc Cavum (No. 10) pertinet Olla ferrea (*ww.*), undecim pollices lata, novem circiter profunda, quam ambiat Circulus ferreus (*xx.*), pollicem latus, sesqui pollicis intervallo a margine Ollæ supremo firmatus. Exscindatur itidem de Ollæ hujus extremitate superiore segmentum (*y.*), quatuor cum dimidio pollices profundum, quinque latum; juxta cujus ductum Circulus ferreus modo descriptus, qua hujus segmenti limites attingit, curvari debet: ejus infima pars, trium pollicum altitudine, respondeat segmento muro inciso (No. 10. *vv.*). 12^{mo}. E regione Aperturæ quadratæ (*tt.*), ex priorē (No. 7.) in alterum Cavum (No. 10.) hiantis, alia talis Apertura (*z.*) fiat, duos a fundo Cavi alterius (No. 10.) pollices distans, perfecte similis prioribus (*gg. tt.*), oblique sursum pertinens ad Cavum tertium (1111.); Cavo secundo, cylindrico (*uuuu.*), simile & æquale; ut ignis ex hoc in illud transire possit. 13^{to}. In posteriore muri, qui Aperturam modo memoratam (*z.*) efficit, parte, Caminus, priori (*qqqq.*) similis, eadem altitudine eminens (*zzzz.*), assurgat, qui simili etiam Valva (*3.*) claudi possit. 14^{to}. Ad latius denique sinistrum Cavi tertii (1111) itidem A-

T. IV, pertura efforetur (4), prioribus (gg. 11. 2.) simili-
 Fig. I lis, a fundo Cavi tamen remotior, altero extremo
 4. gg. 11. 2. cæca, communicans saltem cum Cavo Camini tertii
 555 (555), eadem lege, ac priores duo Camini (9999.
 9999. 2222. 2222.), superstruendi. Sic Furnus habetur ad plu-
 rimas Operationes accommodatissimus.

§. 280. Restat nunc de *Ufu Athanoris*, (§. 279.)
 descripti, dicendum; & præcipue quibusnam opera-
 tionibus singulæ ejus partes inserviant; tum qua ra-
 tione ignis in eo regi possit ac debeat. 1mo. Ad
 c. Portam Turris superiorem, fornicatam (e.), For-
 nix semicylindricus, duodecim pollices longus, in-
 trinsecus potest poni, per Ostium ipsum immitten-
 dus; qui hinc ejusdem, ac hoc Ostium, altitudinis
 & latitudinis sit oportet, tres quartas pollicis partes
 crassus, posterius & antèrius apertus; siquidem ibi
 a posteriore Athanoris pariete, ad quem usque per-
 tingere debet, clauditur. Hunc in finem & pavi-
 d. mentum Craticulæ (d.) imponendum est, quo For-
 nix sustentetur. Cæterum hic Fornix ad basin
 suam quoque excisus sit, uti vulgares Docimastici
 Tab. II. (Tab II. Fig. 1. & 2.). Sub hoc Fornice Ollæ cæ-
 Fig. 1. mentatoriar, vel corpora valido & diuturniore igne
 & II. calcinanda, poni possunt: id, quod & absque For-
 Tab. IV. nice, sed minus nitide, nec tam exacto ignis regimi-
 Fig. 1. ne, facere licet. 2do. In prima Camera (bbbb. ii.)
 lbbbb. ii. fieri possunt Destillationes violentissimæ, igne aper-
 to: Retortæ enim vel Canthari in eam, ablata Por-
 kkk. ta (kkk.), immittuntur, & vel ipsi Cameræ hu-
 jus pavimento, vel Pedistallo singulari lapideo im-
 ponuntur. Oportet autem Vasa isthæc sic locari, ut
 col-

collum eorum per applicatæ rursus Portæ Foramen ^{T. IV.}
 (l.) commodè transmitti queat: quem in finem ^{Fig. 1.}
 Pedistallum, mox altius, mox depresso, pro va-
 ria Vasorum altitudine, seligitur. Postquam dein
 Porta iterum applicata est, atque ambobus suis Re-
 pagulis (nn) firmata; rimæ omnes, quæ circa col-
 lum Vasis, tum & inter Portæ & introitus Cameræ ^{nn.}
 margines, hiant, luto sunt claudendæ. Tunc ap-
 plicatur collo Vasis segmentum cylindricum, decem
 vel plures pollices longum: quo mediante fit, ut
 æstus, fervidique vapores prodeuntes, paullatim re-
 stinguantur; ne Vas recipiens, quod semper vitreum
 eligitur, findatur. Recipiens, cum altero segmenti
 dicti orificio committendum, innititur vel pavimento,
 vel tripode quodam fulcimento, ita constructo, ut
 ope trium cochlearum altius vel humilior reddi pos-
 sit. 3^{io}. In eadem hac Camera, loco Destillationis,
 fieri quoque possunt Cæmentationes, Calcina-
 tiones & alii, qui ignem reverberii requirunt, labo-
 res. Quo in casu rotundum Laminæ ferreæ Fo-
 ramen (l.) Epistomio (m.) claudi potest, rursus-l. m.
 que aperiri; ut introspicere liceat. 4^{io}. Secundum
 & Tertium Cava (uuuu. i i i i.) præcipue inser-
 viunt istis operationibus, quæ ex balneis Arenæ, Ci-
 nerum, vel Limaturæ, fiunt. Immittitur nempe
 cuivis Cavo Olla (w.), & rimula, intra Circulum w.
 ferreum (xx.) & marginem Cavi, cui ille incumbit, xx.
 hians, vel tenui luto, vel sabulo imprimis madido, circum
 appresso, obturatur. Sic speciminis loco Retorta (9.)
 cum Recipiente adpenso (10.), sicuti in Olla locari ^{10.}
 debet, depicta est; in altera Olla cernitur Cucurbita

M 5

cum

Tab. IV. cum Alembico (11.) & Recipiente colli longioris
 Fig. 1. Phiala (12.). 5^{to}. In hisce præterea duobus Ca-
 11. 12. vis Destillationes quoque per ignem reverberii æ-
 que, ac in primo, fieri possunt: nisi quod ignis in
 iis minus sit intensus; qui tamen sufficit pro Aqua
 w. Forti expellenda. Eximitur tunc Olla ferrea (w.),
 & situ inverso superimponitur ori Camerae; sic, ut
 xx. margo Ollæ, ultra Circulum ferreum (xx.), quo
 illa cincta est, ad sesqui pollicis altitudinem extans,
 recipiatur intra Cavi oram, & segmentum Ollæ ex-
 y. scissum (y.), cum segmento de pariete Cavi excisso
 vv. (vv.), constituat foramen pro transmittendo Vasis
 collo. 6^{to}. Apparatu, qualemcunque ut simul per-
 ficiatur elegeris, sic instructo, per Turris fastigium
 bbbb. (bbbb.) immittuntur prius prunæ paucæ, canden-
 tes: hisce dein superinjicitur pabulum ignis crudum;
 ut Turris cavum, prout necesse judicatur, vel to-
 tum, vel pro parte sit repletum: tunc ocysime su-
 perimponitur Operculum ferreum (f.), ad cujus mar-
 ginem extrinsecus sabulum, vel melius cineres, cir-
 cum affunduntur, manibusque leviter comprimuntur:
 nisi enim hoc fieret, omne ignis pabulum, Turri
 contentum, flammam conciperet.

§. 281. Quantum ad *Ignis* in hoc Furno *Regi-*
men, pauca quædam generaliora heic adnectemus:
 specialissima enim vix exhiberi opus est; quum vel
 tantillum in arte Chemica versatis facile sub praxi
 hhhh.ii. innotescant. Ignis in prima Camera (bbbb. ii.)
 c. fit intensissimus; si Porta Cinerarii (c.), totusque
 qqqq. Camerae Caminus (qqqq.) est apertus, atque insu-
 6. pp. per Lamina ferrea catenis suspensa (6. pp.) non im-
 pe-

pediat, quin ignis libere ex Turri in hoc Cavum transire possit. Quo magis autem clauditur Caminus, una cum Porta Cinerarii; eo magis imminuitur æstus: quod tanto citius accidit, si Lamina ferrea, catenis suspensa, pro parte demittitur: ardet enim tum Ignis pabulum, Turri contentum, ea saltem altitudine, quæ est inter infimum Laminæ ferreae marginem & Craticulam (*d*). Notes autem, quod si summus ignis gradus paullo mitior sit reddendus, tamen adhuc tantus servandus, ut candescencia permaneant Vasa, id sola adductione Portæ Cinerarii, & Camini occlusionem fieri debere, suspensa interim Lamina ferrea tam alte ac fieri potest, ut tota intra murum sit abscondita: si enim Regimen ignis per hanc Laminam tentares moderari, brevi tempore pro parte demissa, ab ignis violentia consumeretur. Hinc nunquam demittenda, nisi ad ignem leniorem gubernandum, vel magnum eo usque subito imminuendum, ut Vasa modo obscure rubescant. Porro in istis operationibus, in quibus Foramen Portæ rotundum (*l.*), Epistomio (*m.*) clauditur, observandum est, quod, si ignis requiratur summus, non diu apertum sit relinquendum istud Foramen: nam aër, violenter per id irruens, corpora in Cavo posita cito refrigerat. In secunda & tertia Camera, eodem tempore ac igne, quo in prima Camera fiunt operationes, simul Processus (§. 280.) enarrati perfici possunt: penetrat enim ignis ex primo Cavo in secundum, & augeatur, si Caminus huic superstructus (2222.) apertus. Antequam vero hoc fiat, Caminus primi Cavi

Tab.
IV.
Fig. 1. d.

2222.

Cavi

Tab.
IV.
Fig. I.

555. Cavi tantum debet claudi, quantum Caminus secundi aperitur. Eodem artificio ignis, qui operationibus in prioribus duobus Cavis infervit, impediri potest, quo minus per horum Caminos exeat, sed contra, per tertium Cavum, huiusque Caminum (555.) propelli; ut & in corpora, hoc in Cavo locata, agat: prout enim tertio Cavo superimpositus Caminus magis aperitur, ita unus vel ambo priorum Cavorum Camini magis claudi debent. Patet hinc in tertio Cavo validissimum excitari non posse ignem, nisi & in prioribus Cavis tantus sit: contra calorem in Cavo tertio, per huius camini obstructionem, minorem reddi posse; quanquam magnus sit in prioribus, tantusque permaneat: sed si hoc velis, oportet eo magis præcedentis Cameræ Caminum aperire. Idem de Cavo secundo, respectu primi, quoque verum est. Tandem sub Fornice, intra Portam Turris superiorem (e.) locato, æstus non potest fieri summus, quin & in primo Cavo magnus sit; qui hinc intendi potest, dum Porta ad Fornicem (e.) tota clauditur; imminui, si aperitur; manente interim in Camera prima & sequentibus æquabili calore. Cætera praxis facile docebit.

§. 282. In Athanore modo descripto, sicuti etiam in præcedentibus Furnis construendis, non opus est adeo exacte mensuræ absolutæ inhærere, si modo iusta observatur proportio, in præcedentibus exhibitæ: poteris itaque, pro multitudine & amplitudine laborum, Furnos quoque reddere ampliores; sed quam indicavi, magnitudo determinata est commodissima,

ma, ut experimenta fiant, & quæ concinno, & quæ ampliori egent Apparatu.

Similem Athanorem parvum, quem descripsi, parare poteris de bractea ferri in forma portatili.

III.

DE

RELIQUA SUPPELLECTILE
DOCIMASTICA.

§. 283. *Forcipes* quatuor in usum veniunt. *Pri-*
ma (Tab. IV. Fig. 2.) constat duobus cruribus, Tab.
 ferreis, duos pedes longis, totidem lineas crassis, in IV.
 medio ope clavi (*a.*) sic nexis, ut claudi & aperiri Fig. 11.
 possint, neque tamen vacillent. Anterior, qua
 Vasaprehenduntur, crurum pars in semilunarem fi-
 guram introrsum curvata sit (*b.*); sinistra semilu-
 naris Chela, superius testata sit subtensa adferruminata,
 duas lineas lata, unam crassa (*d.e.*), cujus longitu-
 do sit duorum circiter pollicum; curvatura vero,
 quando Forceps clausa est, Chelarum tanta sit, ut
 Vasculum, cujus diameter vix excurrat dimidium
 pollicem, prehendi queat; posterior autem duas Au-
 riculas (*c.*) habeat, quarum ope Forceps dirigi pos-
 sit. Inservit hoc Instrumentum ad Testas, Cupellas
 & alia parva Vascula, sub Fornicem Docimasticum
 reposita, eximenda; quod ea lege fiat: prehenditur
 manu dextera Forceps, digitis in auriculas immis-
 sis; sinistra vero manu, loco Hypomochlii, sustentetur
 For-

Forceps, ne titubet. Sic amplectimur vasis superiorem marginem Chelis semilunaribus, ita quidem, ut subtenſa ſiniſtræ Chelæ ſuperinducta, tranſverſim preſſe incumbat Vaſi, ne ullo modo vacillare poſſit.

Tab. IV. §. 284. *Altera Forceps* ex lamina Chalybea, ad elateris temperiem indurata, conflatur: longa autem fit ſex pollices, anterieus fere acuta, & probe poliſta (Fig. 3.). Ope huius Granula metallica in Cupellis reſidua, aliaque minuta objecta, capiuntur.

Fig. IV. §. 285. *Tertia* (Fig. 4.) mediocribus Crucibulis fuſoriis aptata eſt, longa duos pedes, fortioribus inſtructa Cruribus, cæteroquin eodem modo facta, ac prima (§. 283.); niſi quod anteriora ejus Crurum extrema ſingula in roſtrum ſeſqui pollicem longum, dimidium pollicem latum, deorſum inflexa debeant eſſe; ut horum ope Crucibuli latera firmiter compreſſa teneri poſſint. Forcipis huius præcipuus uſus eſt, ſi Metalla, in mediocribus Vaſis liquefacta, in Modulos vel Infundibula ſunt tranſfundenda.

§. 286. Maxima Vaſa, multo onerata Metallo, facilius, quam parva, contrahunt in igne fiſſuras; hæque, niſi a Pediftalli humiditate oriantur, ſemper in ſuperiore & ampliore Vaſis parte, & quidem plerumque ſecundum altitudinem protenſæ, rarius tranſverſæ, obtinent. Ut ejusmodi Vaſa tuto ex igne auferantur, adſit *Forceps* prior (§. 285.) fortior & longior (Fig. 5.): cujus alterum Crus, anterieus, introrſum verſus parum incurvatum, deſinat in fortem Semicirculum, diametri octo pollicum, ita defixum, ut ſemirectos cum Crure Forcipis angulos conſtituat (a.): alterum Crus, antica parte ſimi-

similiter curvum, duos extreme suo Semicirculos, priori similes, ea tamen lege inter se, & ratione prioris, sitos gerat; ut alter ab altero pollicem circiter latum distet, sicque intervallum formetur, quo Semicirculus alterius Cruris excipi queat (*b.*): quab. ^{IV.} ^{Fig. v.} structura fit, ut Forcipsis hujus ope & majora & mediocris magnitudinis Vasa tractari possint. Forcipsis istius anteriore, curva, parte, leviter prius igne candefacta, Vas eximendum paullo infra marginem suum superiorem apprehenditur, sicque Circulo integro cinctum tuto ex igne auferri potest.

§. 287. Quando materies, in Vasculis sub Fornice Docimastico posita, est movenda; utendum *Unculo ferreo*, duos pedes longo, sesqui lineam crasso, (Fig. 6.). Ejusmodi Uncorum duos vel tres, quot nemp. Vasa, cum materie movenda, simul sub Fornice posita sunt, præsto habere decet; ne idem Hamulus pro omnibus movendis adhiberi debeat, & altera materies per alterius particulas Hamulo adhærentes inquinetur: neque enim semper tempus conceditur; ut malleo decutiantur, vel lima abradantur adhærentia.

§. 288. Quando cineres de Fornicis dorso sunt removendi; vel vacua inter prunas interstitia nascuntur, inæquabilem reddentia ignem; forte *Filum ferreum* (Fig. 7.) in Foramen Furni Docimastici (Tab. III. Fig. 1. *p.*) intruditur, quo cineres dejiciuntur, & prunæ motæ collabuntur.

§. 289. Materies in Crucibulis movetur ope *Hamuli ferrei* (Fig. 8.): horum aliquot diversæ crassitici parati sunt.

VIII.

§. 290.

Tab. IV. §. 290. Ad operationes in majori Cineritio perficiendas, opus est, ut adsit *Rutabulum* (Fig. 9.), digiti crassitiei, aliquot pedes longum, quocum movetur malla, vel detrahuntur Scorix lentiores.

Fig. x. §. 291. Craticulæ obstructæ liberantur per *Rutabulum* (Fig. 10.), cujus magnitudo sponte patet.

§. 292. *Batillum* ferreum quoque requiritur. Latitudo ejus sit trium pollicum cum dimidio, longitudo quinque: posterius & ad latus sepimento duorum pollicum cinctum, & manubrio ferreo sesqui pedem longo instructum sit, quocum Carbores in Furnos minores immittuntur, Cineres eximuntur. Hujus figura cum sit notissima, omittemus.

Fig. xvi. §. 293. Inæqualitates, aut dispersi sub Fornice Docimastico fluxus, aliquando exigunt, ut Sabulum vel Cineres pavimento ejus inspergantur; ne Vasa supposita cadant, aut e contrario agglutinentur: igitur, ut sub ipsa præsertim operatione complanari possit Sabulum, paratur *Rutrum* (Tab. IV. Fig. 16.), quod duobus Cruribus ad utrumque extremum (a a.) ejusdem altitudinis instructum est.

Fig. xi. §. 294. Parvum *Cochleare* ferreum (Fig. 11.), diametri sex linearum, bene politum, manubrium habens duos pedes longum, servit ad corpora, prius comminuta, Vasis, præsertim sub Fornice positis, infundenda. Majus denique *Cochleare*, cavum, pro Plumbo, Stanno &c. leniore igne fundendis, requiritur, cujus forma satis est nota.

§. 295. Validus ignis, si diutius inspicitur, oculos non modo hebetat, sed & impedit, quo minus
cor-

corpōrum mutationes distincte observare liceat. Pro hoc incommodo avertendo comparatur tenuis asserculus, de ligno aridissimo factus, pedem longus & latus; ut totam faciem defendere queat: manubrio is sesqui pedem longo instruitur: in ejus autem medio juxta latitudinem rima excinditur, sesqui lineam lata, versus alterum asserculi latus, igni obvertendum, divergens, & utrinque sat longe excurrent; ut visionis campus major fiat, & ambobus oculis simul commode perspicere liceat. Vocabimus isthoc Instrumentum *Umbraculum*, per cujus rimam videndo, defensus ab igne, & a scintillis divagantibus, Artifex secūre objectum contemplari potest (Tab. IV Fig. 12.).

T. IV:
Fig. XII.

§. 296. Ad ignem excitandum, præter parvum *Follem* manualet, majore duplici, quali Aurifabri & Ferrarii utuntur, opus est, tres pedes longo (Tab. V. Fig. 1.). Sustineatur is Fulcimento ligneo, sic instructo, ut pro lubitu antierius, & posterius, ad Pedis circiter altitudinem elevari & demitti possit. Fulcimenti hujus structura ex (Fig. cit.) satis clare patet. Follis hic si quiescit, distentus teneri debet, & omni quadrante anni pinguedine Balæne vel oleo perungi: quod si negligitur, corium cito fissuras contrahit, ligamenta rigescunt: unde debilis & inæqualis flatus.

Tab. V.
Fig. I.

§. 297. Loco Follis, utuntur quidam *Aeolipila*; quæ est globus ex bractea Cupri factus, cavus, diametri sexdecim circiter pollicum, secundum tangentis ductum ex se dimittens tubum apertum, talem fere, qualis Folli majori adaptatus est. Si globus

N

bus

bus hic, ad duas tertias aqua impletus, igni superponitur, ut valide intus ebulliat aqua; ac dein tubi ejus apertura versus ignem sufflandum dirigitur; tunc prorumpit ex fistula hac flatus, ignem vehementer excitans. Si omnis hic Apparatus deficit; potest quodlibet vas usurpari, quod est satis capax, bene clausum, ignem sustinens, rostroque instructum. Ab hujus tamen Instrumenti usu abstinendum, ubi præsto est Follis duplicatus, quocum flatus facilius determinato gradu augeri, & minui potest, præsertim si Metallum, absque vase, liquefcit, & in Pedistallo Furni colligitur (§. 275.); siquidem haud raro guttulæ majores aquæ ex Acolipilæ tubo excutiantur.

§. 298. Quando parvæ massulæ metallicæ sunt liquefaciendæ, vel alia exiguæ molis corpuscula extemporaneo igne exploranda; optime res perficitur, si supra carbonem duriorē, magnum, non erepitantem, leviter excavatum, ponuntur; tumque statu oris, per Tubulum incurvatum transmissio, Flamma Lampadis, forti ellychnio instructæ, lateraliter, vel melius oblique deorsum, ad moleculam metallicam liquefaciendam dirigitur. Si maximum ignem hac via excitare velis, reponē aliquot carbones avellanæ magnitudinis circa moleculam liquefaciendam, ut modo ab una parte spatium sit apertum, per quod flamma lampadis accedere possit: sic enim absque ullo apparatu & ipsum Ferrum fundi potest: quod eo facilius procedit, si Borax additur. Tubus, quo hoc perficitur, sit ex Cupro factus, & in curvatura sua applicatum habeat globum, cavum,
pol-

pollicaris diametri, per quem transire debet flatus; cum quidem in finem, ut humiditas flatus, in guttulas collecta, intra globi istius cavum colligatur, nec ad foculum perveniat, actionem ignis turbatura. Minor hujus Tubi apertura, per quam flatus exit, tam parva sit, ut minimam aciculam vix admittat. Dicitur *Tubus Cementatorius*.

§. 299. Ad detegendam Ferri præsentiam sæpe sufficit *Magnes*; sine quo plerumque tædiosus & diuturnus ad hoc opus apparatus requiritur. Magnete igitur, bene armato, instructus sit *Docimasta*, isque oneratus in loco sicco servetur, ne armatura ejus rubigine corrupta minus efficax reddatur.

§. 300. *Incude* etiam, cujus superior superficies, perfectissime polita, pollicem circiter quadratum æquet, & *Malleolo* huic accommodato, opus est: quæ ambo nitidissima semper sunt servanda; ne rubigine, sulcis, vel sordibus corrumpantur: alioquin enim variae operationes, præsertim *Quartatio* in *Praxi* explicanda, turbantur; dum vel inquinatur *Metalum*, vel aliquid de eo abraditur.

§. 301. Cæterum & *Incude*, *Malleisque* majoribus, tum *Helice*, *Limis*, *Cuneis* &c. carere non potest, qui hanc artem exercet: sed hæc cum nimis cognita sint, describere non opus erit.

§. 302. Superest, ut *Bilancis Docimasticæ* Descriptionem, Examen, Usus, Correctionem vitiatæ; curatius exhibeamus; quippe quod Instrumentum est maximi in Operationibus *Docimasticis* momenti, cujus ope minorum corporum pondera exacte determinantur.

§. 303. Materia, ex qua *Bilanz* hæc confecta esse debet, sit Chalybs optimus: ex hoc enim rigidissimo, simul satis tractabili, nec nimis ponderoso; subtilius, quam ex ulla alia materie, concinnari potest. Accedit, quod Chalybs non tam facile rubiginē deturpetur, quam Ferrum: tum quod nitidiorē quoque, quam cætera Metalla, polituram, qua simul arcetur rubigo, admittat. Temperatura interim Chalybi ad hoc opus adhibendo paullo concilietur mollior, quam est Elateris perfecti; ut leviter flexus sese restituat: tum enim non adeo facile vitium contrahere, &, si quod contraxit, id corrigi levi negotio potest.

§. 304. Structura *Bilancis* Dogimasticæ a vulgari Tab. V. parum, nisi subtilitate, differt. Jugum ejus (Tab. Fig. 11. V. Fig. 2.) quo longius sit, eo ad minimum vitium magis sensibile est: hinc longius breviori præferendum: sufficit tamen 10. vel 12. pollicum longitudo. Crassities Jugi tantilla sit, ut in quolibet ejus
a b. Extremo (a b.) vix duæ suspendi queant drachmæ, quin flectatur: pondus enim, quod imponitur, maximum raro excedit unam drachmam. Tota hujus Jugi superficies ornamentis careat prorsus, quippe quæ molem solummodo augent, sordibusque latibula Fig. III. præbent. Suspenditur Jugum in Trutina (Fig. 3.); cujus duo Crura tenues sint Elateres Chalybei, superius continui, inferius Confibula (Fig. 4.) Aurichalcea, flexili, nexi, duarum & dimidiæ linearum intervallo a se mutuo parallele distantes. Hac Confibula ablata, distentisque Trutinæ Cruribus, Jugi
Fig. III. aa. Axis in duo Foramina (aa), cum in finem extre-
mis

mis Crurum insculpta, imponi, vel impositus au-^{Tab. V.}
ferri potest. In Lacunari Trutinæ infixus sit Sty-^{Fig. III.}
lus acutissimus (c.), perpendiculariter deorsum, si^{c.}
Trutina suspensa est, spectans, tantæ longitudinis;
ut Lingulæ Jugi (Fig. 2. c.), Trutinæ commissi^{Fig. II.}
in æquilibrio constituti, apicem fere attingat. Stry-
lus hic æquilibrii Index est; quod ut Artifici e re-
gione adstanti observare liceat, Trutinæ Crura,
ibidem latiora, Apertura duarum vel trium linea-^{Fig. III.}
rum (b.) pateant. Cæterum hanc Trutinam pro^{b.}
lubitu ornare licet; modo ne Bilancis motus per e-
jusmodi ornamenta impediatur. Duæ dein Lances,
(Fig. 5. A. A.) ex tenui bractea Argenti confectæ, fere^{Fig. V.}
planæ, sesquipollicaris diametri, pendentes de tribus^{A. A.}
funiculis, subtilioribus, fericeis, Jugi fere longitudinem
æquantibus, superius hamulo sigmoideo alligatis,
ad Jugi extrema appenduntur. Ad quamlibet porro
harum Lancium Patella Argentea pertinet, diame-
tri pollice paullo minoris (B. B.). In has Patel-^{B. B.}
las corpora ponderanda, ope Tenaculi, vel, si sunt
comminuta, interventu Cochlearis vel Batilli parvi,
prius ingeruntur, hæque dein in Lances imponun-
tur: quomobrem Patellæ omnino æquiponderan-
tes esse debent. Utimur autem Patellis istis cum in
finem, ut eo commodius imponi auferrique possint
objecta de Lancibus, nec hæ, utpote pertenuës,
contorqueantur, inquinentur, tumque abstergendo
vitium contrahant.

§. 305. Bilanx hæc (§. præc.) *Fulcimento* mobi-
li, Aurichalceo, vel Cupreo, suspenditur. Constat^{Fig. VI.}
hoc ex Pedistallo (Fig. 6. a.), & huic superstructa^{a.}

Tab.V. Columna (Fig. 6. b.), viginti circiter pollices alta, o
 Fig. VI. cujus summo fastigio Brachium (c.), pollicis longitu-
 b. c. dine ad angulum rectum protenditur. In hujus Bra-
 chii extremo locata sit parva Trochlea, trium li-
 f. nearum diametri (f.): In fastigio Columnæ porro
 e. altera sit similis Trochlea (c.), & circa Pedistallum
 d. tertia (d.): quæ omnes facillime circa axin volubi-
 les esse debent. In distantia sesquipollicis infra
 Brachium supremum, e Columna alterum prodeat
 g. Brachium, sesquipollicem longum (g.), Forami-
 h. ne pervium (h.), duas lineas longo, quadrantem li-
 neæ lato, perpendiculariter infra Trochleam Bra-
 f. chii superioris (f.) locato, quo recipi debet Lamel-
 i. la (i.), sesquipollicem longa, tantæ latitudinis &
 crassitiei, ut intra Foramen libere quidem sursum &
 deorsum moveri, at non multum vacillare possit.
 Utroque autem suo extremo Hamulum gerat isthæc
 Lamella.

§. 306. Porro cum Bilanx talis, mobilissima, in
 aëre libero vix quiescat, & sordibus inquinata fallax
 fiat; reponi ea debet, una cum suo Fulcimento, in
 Domuncula vitris superius, & circumquaque ad la-
 tera, instructa, ut ad interiora ejus perspici possit.
 Magnitudo ejusmodi Domunculæ sponte patet; quip-
 pe quæ talis requiritur, ut Bilanx, de suo Fulci-
 mento suspensa, commode locari in ea versarique
 queat, quin Lances ad latera ejus, dum attollitur
 vel deprimitur Bilanx, allidant. Si major est Do-
 muncula, haud adeo commode ponderanda, & pon-
 dera, Lancibus immittuntur, rursusque de iis exi-
 muntur. Fenestræ dextri, sinistri, & anterioris la-
 teris,

teris, ita sint comparatæ, ut aperiri & claudi sine notabili Domunculæ concussione possint. Ad dextram & sinistram Domunculi fenestram, duo firmentur Sustentacula, Lances Bilancis depressæ excipientia; quæ tornatæ sint de Aurichalco, pollicem alta, superius paullo latiora, quam Lances, ibidemque, juxta modulum Lancium excavata, ut eas recipere possint: inferius instructa sint Cochleis, quibus in Pavimento Domunculæ firmentur, & quidem, ea a semet invicem distantia, quam Lances suspensæ de Jugo indicant. Inserviunt hæc Sustentacula, ne Lances divagari possint, dum aliquid immittitur, vel eximitur (*ff.*). Fundamentum vero ejus sit Capsa ductilis, duos pollices alta, latitudine Domunculæ superstructæ æqualis, antè ad quatuor vel quinque pollices ultra Domunculæ parietem procurrens, facile extrahenda & reducenda. Scilicet in hujus Capsæ cavo reponuntur Pondera, suis inclusa loculis, Tenacula, parvum Batillum, vel Cochleare, pulveribus in Patellas Lancium ingerendis adaptatum, & si quæ alia huc requiruntur: sic enim ad usum præsto ea sunt, & nitidiuscula servari possunt (Vid. Tab. V. Fig. 7. *ee*). Tab. V.
Fig. VII.
f. f.

§. 307. Apparatus hætenus (§. 303 ad 306.) descriptus sequenti modo ad usum disponitur. Funiculus sericeus supra tres Fulcimenti Trochleas (Fig. 6. *e. f. d.*) extenditur, hujusque alteri extremo superiori alligatur Uncinulus Laminæ (*i.*), quæ dein inferiori Foramini Brachii inferioris (*b.*) committitur. Fulcimentum tunc (§. 305.) in medio Domunculæ (§. 306.) reponitur, & transmissis per foramina Pe- Fig. VI.
c. e. d.

Tab.V. distalli (Fig. 6. a.) Cochleis, in Pavimento ejus fit-
 Fig. VI. matur, alterumque dein Funiculi sericei extremum,
 inferius, per Foramen in medio marginis inferioris,
 Fencstellam Domunculæ anteriorem excipientis, te-
 rebratum, foras transmittitur, ac Ponderi aliquot
 Fig. VII. unciarum (Fig. 7. k.), in formam cubicam redacto,
 Fig. III. adfigitur. Bilancis dein Trutina (Fig. 3.) suspenditur
 Fig. VI. ad Hamum inferiorem Laminæ (i.). Sic Pondus,
 Fig. VII. Funiculo alligatum (k.), super Capsæ ductilis la-
 k. cunari, ultra Domunculæ partem anticam excurren-
 te, collocatum, antrorsum vel retrorsum movendo,
 Bilanx intra Domunculam clausam elevatur vel de-
 mittitur. Corpora autem ponderanda, & ipsa Pon-
 Fig. v. dera, locantur in Patellis Argenteis (Fig. 5.), hæ-
 que tum oneratæ per laterales Feneſtras, apertas,
 Lancibus imponuntur. Si quid addendum iis aut
 demendum, id ope Tenaculi, vel, si pulvis est, o-
 pe Batilli, aut Cochlearis minutissimi, cujus margo
 fit valde acutus, tractatur. Quotiescunque tamen
 aliquid imponitur, vel aufertur, Bilanx demitti de-
 bet; ut Lances super fundamento Domunculæ quie-
 scant: tum vero antequam rursus attollatur Bilanx,
 Feneſtræ prius adducantur oportet; præſertim ſicu-
 bi Atmosphæra minus tranquilla fuerit (Vid. Tab.
 Fig. VII. V. Fig. 7.).

§. 308. Bilanx (§. 304.) an justa fit, examina-
 tur per Patellarum permutationes. Patellæ nimirum
 prius in Lances ponuntur; tunc Bilanx elevatur; ut
 observetur, an in æquilibrio constituta sit: si non
 fit; addito ad levioſorem Patellam Plumbo subtilissi-
 me granulato ad æquilibrium deducitur: quo ob-
 tento

tento altera dein Patella, una cum Plumbo granulato, si quod additum est, in alterius locum substituitur; iterumque mox attollitur Bilanx: quæ si tum quoque statum æquilibrii servat; signum est eam esse justam: si vero æquilibrium post Patellarum permutationem tollitur; signum certum est vitiosæ Bilancis. Porro etiam ubi videris Bilancis elevatæ Jugum in Trutina, non solum sursum & deorsum, sed & lateraliter moveri, itidem minus justam esse scias. Tandem & hoc inter vitia Bilancis numerandum, si ea minutissimo, in ambabus Lancibus pondere onerata, elevata, in statum æquilibrii deduci non potest; aut si in æquilibrio constituta, alteram Lancem digito deprimis, nec hæc se denuo, amoto digito, restituit: quod si obtinet, justa quidem esse potest Bilanx quoad longitudinem & potentiam in centro gravitatis communi, cujuslibet Brachii Jugi, & Lancis appensæ, sed quoniam vix accurate in statum æquilibrii redigi valet, hinc ponderationi exactæ minus apta. Quod si vero, maximo, quod ferre debet, pondere (§. 304.) onerata, a minimo, quod in Operationibus Docimasticis indicari debet pondere, in alterutram Patellam superaddito, non tollitur æquilibrium; censeas Bilancem non satis esse mobilem.

§. 309. Haud sufficit tamen cognovisse, num Bilanx justa sit, an vitiosa: oportet insuper detecta ejus vitia corrigere posse. Quapropter ante omnia causas vitiorum nosse juvat; ut his ablatis desiderata acquiratur exactitudo. Et sane vel magis etiam necessaria est Docimastæ cognitio modi, quo corri-

guntur vitia Bilancis, quam quo ipsa conficitur; quum correctio demum requisitam in ponderationibus Docimasticis subtilitatem exhibeat. De hac ergo nunc agendum. 1^{mo}. Tædiosum vitium est, si Bilanx vel plane non in statum horizontalem deduci potest, vel in eum deducta, si dein alterutra ejus Lanx deprimitur, ablata potentia deprimente sese haud iterum restituit. Indicat hoc, Axin, cui Jugum Bilancis incumbit, cum istis punctis, in quibus applicantur potentiæ, esse in eadem linea horizontali. Correctio ergo fit, si, Jugo ex Trutina ablato, Brachiorum extrema annulata (*a b.*), ope Tenaculi, paululum deprimuntur; ita tamen æquabiliter, ut filum, ab uno annulo ad alterum, juxta Jugi longitudinem tensum, ad Lingulam utrinque rectos faciat angulos: id, quod Rectangulo applicato explorari debet. 2^{do}. Si vero in æquilibrio constituta onerataque Bilanx parvo præpondio vix mutet suum statum, significatur, vel Axin non satis acutum esse; vel Foramen Trutinæ, in quo volvitur Axis, nimis angustum motui hujus resistere; vel Axin nimis alte positum esse supra lineam horizontalem, ductam ab uno Brachiorum annulo ad alterum. Priora duo vitia vel magis acuendo Axin, vel amplificando Foramen, facillime corriguntur. Posterius requirit, ut, quia Axis dimoveri nequit, Annuli eleventur: quod efficitur eadem lege, ac (No. 1.) dictum. 3^{tio}. Vitium est, si Bilanx, in æquilibrio constituta, non fert potentiarum alternationes; aut si, potentiis absentibus, in alterutram declinat partem. Hoc indicat, positis Lancibus & Patellis æ-

qui-

Tab.V.
Fig. II.
a b.

quiponderantibus, vel unum Jugi Brachium altero esse brevius; vel alterum alteri præponderare; vel ambas concurrere causas. Hujus igitur corrigendi gratia elevetur primo Bilanx non onerata, &, nisi fervet æquilibrium, restituatur id Plumbo granulato in Lancem imposito, quæ Jugo est affixa. Immittantur dein Lancibus Patellæ, &, nisi Bilanx tum in æquilibrio permaneat, denuo restituatur id Plumbo granulato in Patellam, non vero in Lancem, immisso. Si tunc alternari possunt Patellæ, non turbato æquilibrio; indicatur, tantum materiam de altera Lance ope cotis vel limæ auferri debere, quantum Plumbi granulati in oppositam Lancem pro æquilibrio obtinendo fuit repositum: altera enim altera est gravior: quam inæqualitatem plerumque sordes aut rubigo producant in jam correctis Bilancibus. Præpondium, si modo esset perexiguum; tum aliquid abscinditur, de Funiculorum, ubi Hamulis sunt alligati, propendentibus Extremis. Si vero alternari Patellæ, salvo æquilibrio, non possunt; certus sis, alterutrum Jugi Extremum, & quidem illud, quod permutatis Patellis deprimitur, altero remotius esse ab Axi. Unde tum Brachium istud reddi debet brevius: quod fit, si Arcus annulatus in Extremo Brachii istius positus, ope subtilis Tenaculi, modeste, & parum simul, Axin versus comprimitur, bene interim cavendo, ne eadem opera attollatur vel deprimatur Jugi Extremum: alioquin enim primum (No. 1.) vel secundum (No. 2.) vitium in locum correcti substitueretur. Hoc igitur peracto aufer Patellas, & tollendo aliquid de Plum-

bq

bo granulato ante in alteram Lancem posito æquilibrium, utpote quod semper tunc sublatum erit, restitue: certo enim illud Jugi Brachium, quod ante fuerat elevatum, nunc deprimetur. Iterum dein impone Lancibus Patellas, &, nisi detur æquilibrium, Plumbo granulato in Patellam alterutram immisso id restitue: quo obtento, pone alteram Patellam in locum alterius: videbis ex æquilibrium sublato, quodnam Jugi Brachium adhuc justo longius sit: quod si detegis, iterum corrige, ut prius, depressum scilicet Brachium reddendo brevius, aut elevatum elongando, probe attentus ad monita jam ante data. Has encheireses repete toties, donec Bilanx, Patellis non onerata, vel per se vel ope Metallī granulati in Lancem alterutram immissi in æquilibrium constituta, Patellarum alternationes, salvo æquilibrium, ferat: tunc enim ambo Brachia ejusdem sunt longitudinis. Postea denique & vitium prius, in Lancium Ponderis proprii inæqualitate situm, si adhuc superest, Lancem præponderantem leviolem reddendo auferri potest, modo jam supra exposito. Cæterorum vitiorum causæ, quia magis sensibiles sunt, facilius etiam possunt tolli: hinc dexteritati Artificis eas relinquimus & detegendas & corrigendas. Ultimo addendum, in tali Balance, licet curatissime elaborata, atque correctæ, hoc incommodum superstes esse, quod Axis quandoque infimam regionem Foraminis, in quo versatur, deserat, & ab una parte oblique sursum ascendat; quo factò, si attollitur, etsi cæteroquin justa sit, fallax præpondium indicat. Restituitur Axis in suum locum, si attollendo & demittendo mo-

deste

deste concutitur. Hinc in usitata tali Bilance Docimastica, nunquam de certa ponderandi ad pondus determinatum relatione certus es, nisi per Patellarum mobilium alternationem.

§. 310. In eorum gratiam, qui ipsi Bilancem conficere conantur, sequentia adhuc monebo. 1^{mo}. Totum Jugum, una cum sua Lingula, ex una Chalybis Lamella debet excindi: frustum enim adferruminatum, quia tam subtiliter debet elaborari, facile iterum disjungitur. 2^{do}. Axis, cum sit stylus subtilissimus, ferrumine firmandus est in Foramine centro Jugi insculpto: id quod commodissime obtinetur, si Axis media pars, centro Jugi unienda, tenui lamella Auri involvitur: per Aurum enim Chalybs cum Ferro leviori igne ad lampadem cum Tubo Cæmentatorio (§. 298.) ferruminari potest; quum aliter requiratur Ignis violentior, quo facile Axis destruitur. 3^{tio}. Temperatur Jugum, dum prius, igne candescens, in aqua dein frigida extinctum, oleo tandem oblinitur, & supra ignem cousque tenetur, donec oleum inflammatum ac consumptum fuerit: quod si duabus tribusve vicibus simili ordine repetitur, Elateris paullo mollioris, magis tractabilis, temperatura demum obtinetur. Faciendum id tamen est, antequam Jugum prorsus elaboratum fuerit. Extrema interim Jugi ad candelam dein iterum candescant; ut, paullo molliora facta, sese levi negotio flecti patiantur, & si necessum est, sub correctione elongari, aut accurtari queant.

§. 311. Si Bilanx laborat vitio inæqualitatis Brachio-

chiorum quoad longitudinem, vel gravitatem, cæterum vero bona est, neque orium suppetit ad instituendam prius correctionem; poteris ea interim sequenti modo uti. Immitte ponderandum corpus in unam Lancem; in alteram vero pondera reponere ad æquilibrium usque: tunc nota accurate summam ponderum: mox alterna potentias, Patellis tamen neutiquam alternatis una cum impositis, nisi certus sis ambas esse æquiponderantes: nota denuo pondera, quibus opus est ad æquilibrium obtinendum, utpote quæ certo a prioribus diversa erunt: multiplicentur dein ponderum amborum, prius in partes minutissimas, e. gr. Drachmas, resolutorum, quantitates in se invicem: extrahatur tandem numeri sic producti Radix quadrata, quæ indicabit verum pondus rei.

§. 312. Bilanx Docimastica, hætenus (§. 303 ad 311.) descripta, tam subtiliter, sicuti decet, confecta, cum ultra duos Centenarios Docimasticos, seu Drachmas, absque detrimento, non ferat; opus est alia Balance paullo fortiore, quæ aliquot Unciis vulgaribus onerari possit, inservitura ad varios Fluxus, Additamenta, Plumbum, & Mineras, præsertim Cupri, Ferri, Plumbi, Stanni &c. ponderanda. Cæterum & hæc exacte sit confecta, & Fulcimento suspensa, quin etiam Patellis mobilibus instructa (§. 304.). Patellæ fiant de Aurichalco, duos pollices latæ, unum profundæ: hujusmodi Patella quoque paratur Plumbea, pro examine Salinarum extemporaneo, quippe quæ non tam facile arroduntur, quam Cupræ & Ferræ.

Sche.

Scholion. Artifices tribus plerumque utuntur Bilancibus minoribus: quarum primam vocant striete Docimasticam (germ. *Probier- oder Korn-Waage*), quæque plus non fert, quam unum Centenarium Docimasticum. Alteram paullo robustiorem dicunt (*Ertz-Waage*), quæ triplo vel quadruplo majori circiter pondere onerari potest. Tertiam denique vocant (*Bley-Waage*), quæ ad triginta vel quadraginta Centumpondia Docimastica citra detrimentum admittit. Verum cum tanta tenuitas Jugi Bilancis primæ ad ejus sensibilitatem parum conferat, quin potius corruptioni facilius cedat, non errabis, si eandem ita disponis, sicuti modo tradidi.

§. 313. Qui in artificiis Mechanicis exercitatus ipse Bilancem Docimasticam parare conatur; sequentem in modum facilius obtinebit scopum, durabilioremque hanc Machinam efficiet. Jugum fiat simile ante descripto (§. 304.), hac intercedente differentia, ut Lingula deorsum spectet; Loculi vero potentiarum, cum Axi in eadem sint linea recta; Axis ^{Tab. V.} insuper duplo longius promineat (Tab. V. Fig. 11). ^{Fig. 11,} Trutina conficiatur ex duabus Laminis Chalybeis, sex pollices longis, unum latis, quæ suis extremis ita consolidentur, ut distantiam a se invicem parallelam duarum linearum undique servant (*aaaa*). Huic ^{aaaa} dein insculpatur Receptaculum pro Axi sustentando (1.); reliqua ejus pars, per omnem longitudinem, ita sit efforata, ut motus Lingulæ Jugi suspensæ distincte cerni queat: ut vero indicem habeas, quo scias, an perpendiculariter deorsum spectet; hinc an Jugum in statu æquilibrii sit positum; suspen-

de

Tab.V. de drachmæ circiter pondus, de filo subtili sericeo;

Fig XI.

c. in alterutra Trutinæ Lamina affixo (c.). Ne insuper vacillare possit Trutina, firmetur in utroque extremo Prisma Aurichalceum, quadrangulum, duas lineas latum, dimidiam crassum, pollicem longum (d.); ambo Prismata, si Trutina suspenditur, per duo foramina iisdem quam exactissime respondentia transmittuntur, quorum alterum Brachio ad Basin (f.), alterum alii simili, in altiori fulcimenti regione firmato, sit insculptum (e.); ut ita libere attolli & demitti, haud tamen alium motum admittere queat.

Denique etiam ut caveatur, ne Axis suum locum deferat, circumdet Trutinam Fibula (g.), in qua h. duæ ex opposito Crenæ sint excavatæ (h.), restringentes Axin; sub elevatione forte de suo loco parumper dimotum, simul ac rursus demittitur. Itaque hæc Fibula tanta altitudine ad fulcimentum firmetur; ut Axis Bilancis depressæ, in Crenas receptus, tantum non a Fibula sustentetur. Reliqua ex præcedente Bilancis Docimasticæ, cum suo Fulcimento & Domuncula, descriptione clara sunt.

§. 314. Quot *Ponderum* genera ab artificibus, qui circa Metalla versantur, pro his ponderandis adhibentur, totidem & Docimastæ, sua arte multum occupato, præsto sint oportet; ne calculis arithmeticis pro reductione Ponderum consumere tempus cogatur, facileque errorem committat: alias non opus est omnia parata habere, præcipue cum quorundam Reductio seu Comparatio facillime instituat, quoniam aliqua eorum pars, amborum est communis mensura. Differentia inter vulgaria, & quæ
Docim

Docimaſtis propria habentur Pondera, eſt hæc: miſ-
 lies exiliora ſunt vulgaribus; quandoquidem perpar-
 væ Metallorum vel Minerarum portiunculæ per O-
 perationes Docimaſticas examinantur. Hæc igitur
 exigua Pondera, in tot partes ejusdem denominatio-
 nis dividuntur, & ſubdividuntur; ſicuti majora Pon-
 dera, quæ ab Artificibus Metallicis, ſub certis cir-
 cumſtantiis, ſunt recepta.

Scholion. Quoniam in diverſis regionibus diverſæ
 ſubdiviſiones, & denominationes Ponderum ſunt re-
 ceptæ, inſtituto noſtro haud congruum ducimus, in-
 genti eorum varietate paginas replere. Exponemus
 itaq̃ue communiffima Ponderum genera: qui reliqua
 curat, cujuſlibet loci uſitata facile experiri, & cum
 ſibi notis comparare poteſt. Qui Libri de Docima-
 ſia Monetaria agunt, quin & varia ſcripta Arithme-
 tica, Ponderum horum denominationes & relationes
 ad ſemet invicem tradunt.

§. 315. Communiffimum, & in Ulſtrinis, ubi Me-
 tallurgi ex Mineris & Terris Metallicis Metalla pro-
 ducunt, uſitatiffimum Pondus eſt, quod appellant
Centenarium. Dividitur hoc in Centum; ab aliis in
 Centum & decem; aut etiam plures partes æquales,
 quas *Libras* vocant (germ. *Pfunde*). *Libra* di-
 viditur in triginta duas partes, *Semuncias* (*Loth*
 germ.) dictas; *Semuncia* rurfus in *Sicilicos* duos;
Sicilicus in totidem *Semiſicilicos* ſeu *Drachmas* (germ.
Quintlein) vocatos. Ulterior ſubdiviſio Ponderum
 non ſolet adhiberi. Docimaſtis tamen conducit Se-
 miſicilicum quoque in duas partes æquales diviſum
 habere; quum aliquando ejusmodi minutiarum ra-

tionem habere oporteat. Ut porro omnes modo recensitæ Centenarii partes ponderari possint ; necessum est , præter integrum Centenarium centum Librarum , tot diversa præsto habere Pondera , quot requiruntur , ut singulæ Centenarii partes inde componi queant. Neque interest , an plus , quam centum Libræ , ad constituendum Centumpondium alicubi receptæ sint. Sint ergo in promptu :

1	Centenarius pendens	— — — — —	100.	} Libr.
2	Pondus	— — — — —	64.	
3	— — — — —	— — — — —	32.	
4	— — — — —	— — — — —	16.	
5	— — — — —	— — — — —	8.	
6	— — — — —	— — — — —	4.	
7	— — — — —	— — — — —	2.	
8	— — — — —	— — — — —	1.	
9	Pondus Libræ dimid.	f.	16.	} Semunc.
10	— — — Libræ $\frac{1}{4}$	f.	8.	
11	— — — — — $\frac{1}{8}$	f.	4.	
12	— — — — — $\frac{1}{16}$	f.	2.	
13	— — — — — $\frac{1}{32}$	f.	1.	
14	Pondus Semunciæ dim.	f.	2.	} Semifilic.
15	— — — — — $\frac{1}{4}$	f.	1.	
16	— — — — — $\frac{1}{8}$	f.	$\frac{1}{2}$	

§. 316. Hactenus (§. 315.) exhibitæ tam divisiones quam denominationes Ponderum Docimastis æque

æque ac Metallurgis usitatæ sunt ; eo tamen intercedente discrimine, quod in vita communi & a Metallurgis receptus Centenarius Libras vulgares 100, & quod excurrit (§. præc.) contineat ; Docimastarum vero saltem Semificilicum seu Drachmam vulgarem unicam, cui dein partes reliquæ proportionantur. Adeoque Centenarius Docimasticus ad minimum 12800. vicibus minor est Centenario vulgari.

§. 217. Quum igitur Pondera Docimastica ad tantam usque exiguitatem dividantur (§. præc.), & hinc facile minutissima Pondera perdantur, nec ubivis locorum reperiantur Artifices, qui ejusmodi restituere possint ; oportet, ut Docimasta hæc proprio Marte conficere sciat : id quod nunc exhibendum.

§. 318. Hæc Pondera (§. 315.) fiunt ex laminis argenteis tessulatis, in tantam extensis aream, ut cujuslibet Ponderis signum in ea exprimi queat. Eligatur autem primo pro basi Pondus duas tertias Drachmæ vulgaris partes circiter pendens, & notetur signo 64. Libr. Præsto tum sit Plumbum subtilissime granulatum, vel tenue Sabulum ablutum a sordibus, siccum, per cribrum subtile trajectum ; cujus tantum reponatur in altera Bilancis Docimasticæ Patella, quantum requiritur ad æquilibrandum Pondus modo memoratum (64. Libr.), in opposita Patella locatum. Hoc facto exime de Patella pondus argenteum, & dimidiam Plumbi granulati partem in illius locum repone ; ut exactissimum obtineatur æquilibrium. Tum ex alterutra Patella ef-

O 2

funde

funde granulatum, & in ejus locum pone aliud Pondus argenteum priori simile, dimidio hujus paullo gravius, notatum 32. Libr. quod antea in vulgari Balance rudi Minerva confectum esse potest, bene cavendo, ne minimum quid de granulato in Patella remaneat. Si Pondus argenteum alterum multum excedit Pondus granulati, in altera Patella adhuc repositi, subtili Lima tantillum auferendum: si vero saltem parum excedit, adhibe Cotentem subtilem, qua parum simul deteras, sæpiuscule interim comparando, donec granulato id quam exactissime reddideris æquale. Tunc alterna Patellas; ut, si forte commissus sit error, vel Bilanx vitium contraxerit, id necessario appareat. Perge dein eadem lege, usque dum omnia Pondera minora usque ad Libram confeceris. Ut vero & centenarium denique integrum habeas; adde Ponderi 64. Libr. Pondera 32, & 4. Libr.; hisque simul sumtis æquiponderantem confice laminam Argenti majorem, signo 100. lb notatam. Semunciæ fiunt de tenuibus bracteis argenteis quadrangulis, quarum divisio in dimidias partes commodius fit sequenti ratione. Pondere unius Libræ determinato, fac æquiponderans filum argenteum, ignitione molle redditum, in lineam rectam redactum, quod tamen ne vel levissimum ictum mallei, aliamve inæquabilem violentam extensionem, qua forma cylindrica conturbetur, passum sit. Hoc divide ope Circuli, & Cunei acutissimi, in duas partes æquales, erit quælibet dimidia Libra, seu sexdecim semunciæ, dimidiam alterutram ulterius divide in duos partes æquales, erit quæ-

quælibet octo Semunciarum. Pondus. Et sic perge, donec ad Drachmæ dimidium perveneris: conf. Schema (§. 315.). Hisce segmentis fili argentei cylindrici æquiponderantes reddere poteris, Bracteo- las argenteas, numeris Semunciarum notatas. At ulterius non opus est procedere, quam ad Semunciam. Drachmas enim exprimunt ipsa fili segmentula mi- nima, leviter complananda, & incurvanda; ut for- cipe melius prehendi possint. Numerus Drachma- rum, vel punctulis impressis, vel ex sola duplicata sequentis majoris longitudine dijudicatur. Habebis sic fat multa Pondera, e quibus varie inter se con- junctis omnes Centenarii partes commode compone- re licebit.

§. 319. Opus sæpe est Centenario Drachma vul- gari majore: qui facile quidem, juxta leges ante (§. 318.) datas, quacunque magnitudine confici pot- est. Expedit tamen, ut id Centenario minori, hujusque partibus, sit proportionatum, duplum v. g. vel quadruplum illius exacte continens: sic enim mi- nus Centenarium, una cum suis partibus, inservit ad majoris quoque partes determinandas.

§. 320. An accurate confecta sint Pondera, vel usu vitium contraxerint, exploratur, Centenarium, aut majores hujus partes, cum minoribus compa- do: ex. gr. Centenarium integrum cum 64, 32, 4 Libris; Pondus 64. lb. cum Pondere 32, & duobus 16. lb, & sic porro. Convenit ergo, ut de singulis Centenarii partibus duo præsto sint Pondera: id quod eo facilius fit, quoniam, in confectiōe Pon- derum, determinatio Plumbi granulati fere tædio-

fissimam requirit operam: qua semel facta, levi dein negotio, duæ laminæ, argenteæ, eidem quantitati granulati æquiponderantes, parari possunt.

§. 321. Includantur hæc (§. 318 & 319.) Pondera Theculæ vel Capsæ, quæ claudi queat, & in qua pro singulis apta & nitida loculamenta, corio vel panno obducta, efformata sint; ut statim quodlibet reperiri possit, neque plura simul eidem loculo immissa ad se invicem atterantur: unde facillime vitium contrahunt.

Scholion. In perficiendis Ponderibus (§. 318.), quidam solent Pondus minimum prius determinare, & multiplicando dein usque ad Centenarium adscendere: sed tunc ex insensibili errore in minimo Pondere commissio, dum id magis magisque multiplicatur, fit valde notabilis, omnisque perditur labor. Contra, si maximum Pondus, uti quidam solent, primo determinatur, difficillime dein inveniuntur minora: dimidiando enim vix commode potest procedi a 100. ultra 25. Hæc ratio est, quare a 64. lb incipio, nec paro Pondera 50. aut 25. lb; quippe quæ combinatione aliorum facile acquiri possunt.

§. 322. Centumpondium vulgare variis in locis differt: sæpe enim plus quam centum Libras continet, & quidem plerumque ad centum & decem, quin & plures, usque solet excurrere. Ubi igitur ad proportionem Centenarii vulgaris Docimastica Operatio accommodari debet; tot Libræ Centenario Docimastico adjungendæ sunt, quot vulgaris supra centum continet.

§. 323.

§. 323. Pro Argenti & Auri Pondere determinando utuntur Artifices Selibra sive Bessé, quam vocant *Marcam*, & varie dividunt. Pro explorandis Monetis argenteis, & Argento Cupro temperato, aliove impuro, dividunt *Marcam* in sexdecim Semuncias (*Loth*); Semunciam in quatuor Semisilicos (*Quintlein*); Semisilicum in quatuor Nummulos (*Pfennige*); Nummulum denique in duos Chalcos (*Heller*). Dicitur autem Pondus hoc *Nummularium* (*Pfennig-Gewichte*).

§. 324. Non necesse est, ut Pondus modo (§. præc.) descriptum præsto sit; siquidem Pondus sexdecim Librarum Centenarii Docimastici (§. 315. 318.) substitui possit: hoc enim si integram *Marcam* repræsentat; tunc quælibet illius *Libra* valebit Semunciam Ponderis Nummularii; octo Semunciæ unum Semisilicum; duæ Semunciæ unum Nummum; una tandem Semuncia unum Chalcum.

§. 325. Pro Argento per Cuprum temperando *Marca* quoque dividitur in sedecim Semuncias, uti (§. 324.): sed Semuncia dein subdividitur in octodecim partes, quas *Grana* vocant, *G.* Agricola latinus *Quaternas Siliquas*; Granum denique in quatuor Quadrantes. Maximum igitur Pondus tunc est *Marca* seu *Selibra*, quam, sicuti in (§. præc.), Pondus sedecim Librarum Centenarii Docimastici repræsentare potest, tum *Libræ* Centenarii sumendæ sunt pro Semunciis: erit itaque secundum octo; tertium quatuor; quartum duarum; quintum unius Semunciæ; sextum dimidiæ, seu novem Granorum; cui adhuc substitui potest dimidia *Libra* Centenarii

Docimastici. Ut autem ulteriorem Granorum subdivisionem obtineas; utere eodem artificio, quo in Semunciis Centenarii ope fili argentei inveniendis (§. 318.). Fiat ergo septimum sex; octavum trium; nonum duorum; decimum unius; undecimum dimidii Grani; duodecimum tandem unius Quadrantis. Hæc Grana Receptaculo seorsim committantur, ne cum Semunciis Centenarii confundantur. Cæteroquin, si placeret, peculiare Ponderus hujus divisionis gratia conficere, præter antedicta (§. 318 & seq.), peculiare nihil observandum est, nisi quod Marca ad summum haud excedat Ponderus sedecim Librarum Docimasticarum, uti jam monitum: tamen enim arbitrarium sit cuilibet Artifici, absolutum pro qualibet divisione Ponderus eligere, attamen nimis magna Pondera scopo Artis contraria sunt, quippe quæ concinnis, non prolixis, operibus studet. Obstat vero ejus, æque ac prioris (§. 323.), usus præcipue in Germania,

§. 326. In Belgio, loco Ponderum (§. 323. 325.) descriptorum, Docimastæ utuntur *Marca Nummularia*, quæ in duodecim Nummos, quilibet vero Nummus in viginti quatuor Grana subdividitur. Marca autem hæc Nummularia dimidiam Drachmam vulgarem pendat, quod est primum Ponderus; secundum sit sex; tertium trium; quartum duorum; quintum unius Nummi; sextum duodecim Granorum; septimum sex; octavum trium; nonum duorum; decimum unius. Ulterius dividendo haud procedunt.

§. 327. Pro Auro per Argentum & Cuprum tem-

per

perando, Pondere *Ceratiorum* (*Carath-Gewicht*) utuntur, cujus *Marca* in viginti & quatuor *Ceratia* (*Carath*), *Ceratium* vero in duodecim *Grana* est divisum. Primum hinc Ponderus heic, uti in prioribus, est *Marca Ceratiorum* viginti & quatuor; secundum duodecim; tertium sex; quartum trium; quintum duorum; sextum unius; septimum dimidii, vel sex *Granorum*; octavum trium; nonum duorum; decimum unius.

Scholion. 1. Præter hætenus (§. 314 & seq.) traditas Ponderum varietates, plurimæ adhuc aliæ ab his diversæ dantur: sed hujus loci non est, fusius de istis omnibus agere. Videatur G. Agricola Lib. VII. de Re Metallica.

Scholion. 2. Cum *Marca Nummularia Belgica* (§. 326.), & *Ceratiorum* (§. 327.), singulæ in ducenta octoginta & octo *Grana* sint divisæ; sponte patet, una ex hisce duobus solummodo opus esse: cujuslibet enim horumce Ponderum *Grana* viginti quatuor unum constituunt Nummum; duodecim vero unum *Ceratium*: & quoniam *Marca Granorum Germanica*, itidem ducentis & octoginta octo granis gaudet, quodlibet horum trium Ponderum reliquis substituere licet.

§. 328. Quodlibet Metallum, purum, specifico suo gaudet Colore, quo a cæteris sese distinguit. Cum vero Metalla omnium corporum cognitorum sint opacissima; Color cujuslibet specificus distinctissime apparet, si id ad Lapidem nigerrimum, duuriorem, affricatur. Quod si igitur duorum aut plurium Metallorum, tam simplicium, quam inter

se mixtorum explorandorum, Colores, frictu ad Lapidis ejusmodi superficiem, sat amplis vividisque maculis in eodem plano juxta se mutuo positis expressi sunt, eorundem diversitas aut similitudo sic facile discerni potest.

§. 329. *Lapis*, huic examini accommodatus (§. 328.), vocatur *Lydius*, qui sequentibus gaudeat dotibus oportet. 1. Coloris sit nigerrimi, ne a spuris radiis, interlucentibus, Metallum turbetur Tinctura. 2. Superficiem mediocriter politam recipere aptus sit: hæc enim si rudior est, Metallorum ipsi adfrictorum colores non satis nitide conspiciendos exhibet; si vero nimis sit lævis, Metalla, præsertim Aurum purius, molle, non promte abraduntur. 3. Nec nimis durus, nec mollis sit: nam crustulæ metallicæ per Terram Tripolitanam, pulverem Carbonum, vel Cineres Stanni, detergentur: quo fit, ut brevi tempore nimia ipsi, sicubi durior est, lævitas concilietur: mollior autem in pollinem facile conteritur, & sulcos contrahit. Præterea talis Lapis non erodi debet, si Aqua Forti, vel alio Spiritu acido oblinatur. Quo magis itaque Lapis ante dictis dotibus gaudet, eo aptior ad hunc scopum censendus est. Rediguntur Lapides isti in Prismatis quadranguli formam, pollicaris circiter crassitiei, longitudinis pollicum duorum vel trium: quæ commodissima est ad usus figura.

§. 330. Metalla, quæ, modo (§. 328.) enarrato, explorantur, sunt Aurum, Argentum, Cuprum, pura, vel varia proportionem per fusionem inter se mixta. Quo melius autem horum Metallorum,
sicubi

ficubi examinari debent, puritas, aut varia mixtura, dignosci possit; massæ explorandæ comparantur cum moleculis similium Metallorum puris, vel cognita proportionē inter se mixtis, ex compositis cum in finem præparatis, quæ vocantur *Acus Probatrices*. Scilicet Metalla ante dicta tam pura, quam varia proportionē inter se mixta, formantur in laminas, unam lineam latas, dimidium lineæ crassas, duos vel tres pollices longas, quarum singulis insculpitur signum puritatis aut variæ permixtionis Metallorum, e quibus conflatae sunt.

§. 331. Acus has (§. præced.) conficiendi rationem nunc trademus; & prius quidem *Argentearum*. Harumce temperatura fit solo cum Cupro, rarius cum Aurichalco. Proportio autem determinatur per Marcam in Semuncias & Grana divisam (§. 325.). Unde & Marca tanti ponderis eum in finem adhiberi debet, ut moleculam Metallī constituat satis magnam pro Acu conficienda. Assumatur ergo ejus pondus, sextuplo circiter majus ac (§. 325.), hoc est nonaginta & sex Librarum Docimasticarum. Ergo etiam sex Grana prioris (l. c.) valeant in hoc casu pro uno. Ponderatur tum Marca talis Argenti purissimi, huicque in chartulam involuto adscribitur nota sedecim Semunciarum, quæ indicat totam hujusce Metallī Marcam esse Argēntum purissimum. Ex hac massula fit Acus prima. Pondera dein quindecim Semuncias Argenti puri, unam Semunciam Cupri puri. Sit autem Cupri puri massula una, solida; cujus superficies non multum sit extensa, & ope Limæ ad determinatum Pondus redigatur. Quod
nisi

nisi observes, & e contrario plura exiguæ molis frustra, vel bracteam multum extensam adhibeas, insignis Cupri pars in scorias convertitur, antequam liquefcit. Involve ambo simul chartæ, & adscribe notam quindecim Semunciarum, quæ indicat, dari in molecula hac metallica quindecim partes Argenti puri, unam partem Cupri puri. Ex hac fit Acus secunda. Porro ad quatuordecim Semuncias Argenti puri adde moleculam Cupri, ad duarum Semunciarum pondus redactam; adscribe signum quatuordecim Semunciarum. Inde conficitur tertia Acus. Perge dein pro reliquis Acubus Argenti & Cupri massulas proportionare, singulisque misturis adscribere ordine sequenti.

Pro Acu	{	4 ^{ta}	—	13	—	—	3	} Sem. Cupri.
		5 ^{ta}	—	12	—	—	4	
		6 ^{ta}	—	11	—	—	5	
		7 ^{ma}	—	10	—	—	6	
		8 ^{va}	—	9	—	—	7	
		9 ^{na}	—	8	Semunc. Arg.	—	8	
		10 ^{ma}	—	7	—	—	9	
		11 ^{ma}	—	6	—	—	10	
		12 ^{ma}	—	5	—	—	11	
		13 ^{tia}	—	4	—	—	12	
		14 ^{ta}	—	3	—	—	13	
		15 ^{ta}	—	2	—	—	14	
		16 ^{ta}	—	1	—	—	15	

Quælibet dein Metallî portiones, uti peculiari singulæ charta continentur, ita in novum, nunquam ad ullam operationem adhibitum, nitidi æquabilis fundi, Borace prius perfricati, Crucibulum scor-

fim

sim inmittantur, & pauxillo Boracis & Fluxus Nigri (§. 188.) addito, subitissimo igne, qui optime ante follem excitatur, colliqueſcant, vel, quod melius, in candescens jam Crucibulum injiciantur; moxque, ac perfecte fluit, concute Crucibulum modeſte, & tum ſtatim de igne aufer, ut frigefcat; mixtura de Crucibulo fracto eximatur. Per Tubum Cæmentatorium (§. 298.), hæc colliquatio itidem, & fere commodius, perfici poteſt. Porro quamlibet maſſulam, frigefactam, ſua iterum, ne confuſio oriatur, involve chartula, ac dein ſingulas denuo ad Bilancem explora. Si fere integram quævis Marcæ adhuc ponderant; bonæ ſunt: ſi vero notabile pondus, ex. gr. quatuor vel plurium Granorum, cuiſdam deficit; ſignum eſt, nimis lento, vel diuturno, igne tantum Cupri combuſtum, vel alio modo deperditum eſſe, quantum de pondere deficit: hujus ergo maſſulæ loco alia ſimili proportionẽ eſt faciendã. Tandem ex ſingulis harum molecularum, mallei ope, formentur Acus (§. 330.), intercedente, ſi Metallum ſub malleo nimis incipit rigefcere, levi candefactione. Inſculpatur dein ſingulis hiſce Acubus numerus Semunciarum Argenti, quod continent; primæ 16, ſecundæ 15, & ſic porro: tum altero extremo perforentur ſingulæ, filoque demum argenteo per earum foramina trajecto, ordinate juxta ſeriem ſuorum numerorum, colligentur. Vocantur hæc *Acus Probatrices Argenteæ*: Argenti autem variam cum Cupro Temperaturam adpellant *Ligaturam*.

§. 332. Quidam per dimidias Semuncias proportionẽ

tiones suarum Acuum determinant : alij subtilioribus adhuc divisionibus utuntur, quarum compositiones & numeri ex (§. præc.) facile cognoscuntur. Sed ultra dimidias Semuncias vix aliquid circa Argenti Ligaturam, ope Acuum, distingui potest.

§. 333. Acubus hisce Argenteis (§. 331.) superaddi etiam potest quædam ex puro Cupro confecta : sic enim & Cupri simul puritas, aut varia cum Argentò miscela, per easdem discerni valet.

§. 334. In Belgio pro Acubus conficiendis utuntur Pondere Nummulario (§. 323 & 326.), in Grana diviso. Tunc autem Prima Acus, ex puro facta Argento, dicitur duodecim Nummorum : Secunda fit ex Argenti Nummis undecim & Granis Octodecim, additis Cupri Granis sex : Tertia ex Argenti Nummis undecim & Granis duodecim, tum Cupri Granis duodecim : & sic porro ; ut proportio Argenti semper 6. Granis, sive uno Nummi quadrante, decrescat, Cupri vero additamentum totidem Granis jugiter augeatur ; donec tandem eo fuerit perventum, ut Argenti pondus ad unum usque Nummum decreverit, Cupri autem quantitas ad undecim Nummos aucta sit : quæ quidem proportio ultimam constituit Acum, ultra quam non proceditur.

§. 335. Inutile tamen est tam minutis progressionibus per totam Acuum seriem, ad ultimam usque, procedere. Sufficit certe, quadrantes Nummorum saltem usque ad Acum novem Nummorum (§. 326.), dimidias autem Semuncias usque ad Acum decem Semunciarum (§. 325.) descendendo indicasse :

se: neque enim in deinceps sequentibus Acubus proportionibus adeo subtiles accurate internosci queunt.

§. 336. Aurum pro *Acubus Aureis* parandis miscetur vel cum solo Argento, vel cum Argento & Cupro varia proportionibus intermixtis. Dicitur autem hæc mixtura *Caratura*, & determinatur per Marcam, in Ceratia vel binas sextulas divisam (§. 327.). Circa harumce Acuum confectionem nil, præter jam dicta de Acubus Argenteis (§. 331.), notandum est; nisi quod ponderum proportionibus alio modo determinatæ adhibeantur. Sequenti autem divisione & ordine Acus istæ constituuntur. Omnium Mixturarum singulæ Besslem sive Marcam ponderant.

Prima fit ex Auro puro tota.

2 ^{da} ex 23 Cer. 6 Gr.	Auri puri.	6 Gran.	Argenti puri.
3 ^{ta} - 23 Cer.		1 Cerat.	
4 ^{ta} - 22 Cer. 6 Gr.		1 Cer. 6 Gr.	
5 ^{ta} - 22 Cer.		2 Cer.	
6 ^{ta} - 21 Cer. 6 Gr.		2 Cer. 6 Gr.	
7 ^{ma} - 21 Cer.		3 Cer.	
8 ^{va} - 20 Cer. 6 Gr.		3 Cer. 6 Gr.	
9 ^{na} - 20 Cer.		4 Cer.	
10 ^{ma} - 19 Cer.		5 Cer.	
11 ^{ma} - 18 Cer.		6 Cer.	

Et sic porro decrementum fit per integra Ceratia; donec ad unum usque pervenerit pondus Auri, ad 23. vero pondus Argenti: neque enim post Acum nonam adeo exacta respectu dimidiarum Cerationum fieri dignotio potest. Vocatur autem hæc Auri cum Argento mixtura *Caratura alba*.

§. 337. Si vero Cuprum simul cum Argento ingre-

greditur Auri mixturam, tum vocatur *Caratura mixta*: in qua componenda eadem lege proceditur, ac in priore (§. præc.); nisi quod illæ portiones, quæ ibi erant purum Argentum, heic ex Argento & Cupro consistunt. Unde iterum duplex heic datur series: vel enim partes duæ Argenti, & una Cupri, vel duæ Cupri & una Argenti admiscuntur. E. g.

Prima est ex Auro puro.

2da	ex Auri puri	(23 Cer. 6 Gr.)	Argen- ti puri	(4 Gr.)	Cupri puri	(2 Gr.)
3tia		23 Cer.		(8 Gr.)		4 Gr.
4ta		22 Cer. 6 Gr.		(1 Cer.)		6 Gr.
5ta		22 Cer.		(1 Cer. 4 Gr.)		8 Gr.
6ta		21 Cer. 6 Gr.		(1 Cer. 8 Gr.)		10 Gr.
7ma		21 Cer.		(2 Cer.)		1 Cer.
8va		20 Cer. 6 Gr.		(2 Cer. 4 Gr.)		1 Cer. 2 Gr.

Et sic porro, uti in antecedentibus.

§. 338. Si in modo (§. præc.) exhibito Schemate, loco Argenti puri, sumitur Cuprum purum, loco Cupri Argentum; habetur Tertia *Acuum Aurearum* series. Quarta vero, si Argenti & Cupri æquales quantitates similibus proportionibus, ut ante (§. 337. descriptum, Auro admiscuntur.

§. 339. Hactenus (§. 336 & seq.) expositæ Auri Temperaturæ maxime sunt usitatæ. Cæterum vero infinitis adhuc variationibus Artifices uti posse facile constat; quæ tamen cum antedictis comparatæ, utcumque ab exercitato dijudicari possunt: ut ideo eas omnes imitari nec possibile nec necessum sit.

§. 340. Ne vero Acus Aureæ (§. 336 & seq.) nimis pretiosæ fiant; possunt ex longè breviores parari

rari argenteis (§. 330. 331.), & laminis cupreis adferruminari; ut ufui commodam longitudinem acquirant.

§. 341. Si nunc occurrit Metallum (§. 328.), quod ad Lapidem Lydium examinandum esse cenfes, deterge id prius nitido linteamine vel corio; ut ejus color sincerus appareat: ex hoc enim quodammodo in antecessum judicare licet, quale Metallum, & quousque vel quocum id permistum fit: similiter Lapis Lydius detergeatur. Tunc stringe commodam, non nimis amplam, Metallī superficiem, aliquot vicibus, fortiter, ad Lapidem Lydium; ut, si forte fallax Metallo superinducta esset crusta, hæc frictu fortiore abradatur: quod tamen & Cotis vel subtilis Limæ ope adhuc promptius, si licet, perficitur. Tum demum ad Lapidis Lydii planum quoddam mundissimum, deterfum (§. 329.), eandem explorandi Metallī superficiem toties attere; donec planum in Lapidis superficie, ad semipollicis circiter longitudinem, & sesqui lineæ latitudinem, metallica crusta æquabiliter & nitide obductum sit. Elige dein Acum, quam conjicis proxime Metallo adfricto respondere: quæ electio usu crebriore addiscitur. Acus tunc infimum extremum, bene deterfum, eodem, quo Metallum, modo, proxime a latere prioris plani, parallelo ad hoc ductu, Lapidis Lydii superficiē adfrica. Si nullam differentiam inter ambo plana possis detegere; probabiliter dicas, Metallum explorandum ejusdem esse temperaturæ, ac Acum, quam cum eo comparasti: hujus autem temperaturam indicat insculptus nume-

P rus

rus (§. 331 & seq.). Si autem discrepantiam inter colores deprehendis, aliam elige Acum; prout nempe Metallum explorandum intensiore, vel dilutiore, quam Acus, colore conspicuum est; & de novo institue comparisonem: sic tandem invenies Acum congruam, quæ Metallī temperaturæ respondet; vel saltem judicare poteris, Metallī explorandi temperaturam esse insolitam, cuiusque Acubus haud determinandam.

§. 342. Interim quia non modo superficies, sed & tota sæpe massa Metallī, colore spurio, qui variis modis conciliari potest, infecta est; facile patet, ex colore Metallī cujusdam, comparato ad Acus, nihil certi judicari posse, nisi scias, quod & quibus mistis Aurum vel Argentum temperata sint: videlicet, an Aurum & Argentum, Argentum & Cuprum, vel omnia tria, purissima, absque alio addito, permixta sint. Tum enim demum colorum ad Acus comparatio docere temperaturam valet. Neque tamen vel sic etiam ad Grana usque accurata fieri determinatio potest: quoniam colores eorundem Metallorum, quanquam pura sint, aliquantulum gradu differre solent: sic habetur Cuprum, cuius in temperando ab Aurifabris Auro, paullo plus addi potest, quam de alio Cupro, ut eandem speciem Caraturæ ad Lapidem Lydium præ se ferat. Confer (§. 158.).

§. 343. Si vero per Stannum, Arsenicum, Zincum &c. coloris mutatio superinducta fuerit Metallo (§. 57. 73. 88. 100. 106.); ita falli potest per colorem Artifex, ut pro puro Auro vel Argento habeat;

beat, quod nequidem maximam partem tale est. Dē-
 tegitur hæc fraus per Aquam Fortem, si Metallica
 massa Aurum æmulatur: illa enim omnia Metalla,
 præter Aurum solum, solvit. In tali igitur casu,
 metallicæ crustæ, Lapidī Lydio adfrictæ, unica A-
 quæ Stygiæ guttula superaffunditur, & plumaceolo
 modeste distribuitur: si non est Aurum, tota cru-
 sta consumitur: si vero pars modo Auri inest, hoc
 saltem perstat insolutum, colorem monstrans muta-
 tum, interruptum; quia reliqua pars Metallī hetero-
 genei per solutionem inde separata est. Cave ta-
 men, ne, dum Menstruis dictis uteris, oleosi ali-
 ve pinguedinis quidpiam accedat: tum enim illorum
 actio eluditur. Argentum Lapidī Lydio affric-
 tum, per Aquam Regiam, haud ita certo dignosci potest,
 quam Aurum per Aquam Fortem. Tametsi enim
 Aqua Regis Argentum via humida non solvere vi-
 deatur; attamen aliquo demum tempore, Argentum,
 in talem incomprehensibilis tenuitatis crustulam ex-
 tensum, qualis Lapidī Lydio affricari solet, in pulve-
 rem albicantem corroditur. Confer (§. 144 & seq.).
 Simulac enim Aqua Fortis, quæ partem Aquæ Re-
 giæ constituit, istud solvere incipit, illico conjun-
 gitur cum eo soluto Spiritus Salis, Aquam Regiam
 ingrediens, & in solutionem via sicca, sub forma pul-
 veris albicantis, cum eodem abit, in Spiritu acido
 haud amplius solubilem. Unde intelligitur, cur
 crassiuscula Argenti molecula modo superficietenus,
 difficulter vero tota, in Aqua Regis solvatur; siqui-
 dem a crustula præcipitati istius pulveris, qui est Lu-
 na Cornua, contra ulteriorem arrosionem defendi-

tur, nisi multum prædominetur Aqua Fortis, & hinc ob violentiorem solutionem, qua invadit Argentum, istam crustulam disturbet, uti (l.c.) in præcipitatione Aquæ Fortis apparet.

§. 344. Cæteroquin circa Lapidis Lydii usum nota sequentia. (1^{mo}.) Aurum & Argentum scorsim pura, vel ambo sine accessu alterius materiæ inter se mixta, igne candescentia, colorem suum non modo non deperdunt; sed etiam conspurcata suum splendorem prorsus recuperant, neque ponderis sui minimum amittunt (§. 8. 9. 80.): ut ideo hac dote *Caratura alba* (§. 336.) ab omnibus aliis sese distinguat. Nisi autem liceat sic totam massam ad ignem explorare, potest parva solummodo ejus pars ope Tubi Cæmentatorii (§. 298.) candesceri. (2^{do}.) Si inveneris Acum, cujus color cum colore Metallii explorandi convenit, ambæ crustæ, Lapidi Lydio impressæ, ab Aqua Forti superaffusa, eandem prorsus mutationem pati debent; ut certus sis, nullam latere fraudem: si secus fit; falso te colore decipi neutiquam dubites. (3^{tio}.) Omne Aurum, fragile redditum, comparatum ad Lapidem Lydium cum Acu, minus purum apparet, quam revera in examine accuratiore Docimastico deprehenditur: contra omne Argentum, fragile factum, majorem Argenti puri albitudinem præ se fert. Nec difficile est hujus discriminis assequi rationem: nam quæ Argentum, vel Aurum, fragilia faciunt, sunt nonnulla solummodo Metalla & Semimetalla, albo omnia colore conspicua; uti Stannum, Plumbum, Ferrum, Regulus Antimonii, Bismuthum, Zincum, Arsenicum.

nicum. Hæcce igitur fulvum Cupri Aurique colorem diluunt, vel in album mutant: ut ideo Cupri Argento admixti color tunc occultetur; Aurum vero, ob ejusmodi intermixta, multum Argenti in se habere videatur. (4^{to}.) Aqua Fortis Argenti in Caratura alba præsentiam a viginti & tribus usque ad septem Ceratia (§. 336.) non detegit (§. 343.); quoniam Aqua Fortis Argentum ex Auro non erodit, nisi triplo plus Argenti, quam Auri, in massa fuerit. (5^{to}.) Crustæ Metallicæ, quæ aliquamdiu Lapidi Lydio impressæ steterunt, non possunt comparari cum recenter adfrictis: solet enim mora fieri coloris mutatio. (6^{to}.) Argentum, si temperatur cum Aurichalco, albidior colore apparet, quam si tanta Cupri admixta fuisset quantitas: quum autem simul, debita encheiresi adhibita, satis tunc ductile reddi possit; vix Lapide Lydio fraudem cognoscere licet, nisi & secunda vice, cum Actu ejusdem coloris, instituaturs comparatio, Aqua Regia prius ad affricandam Lapidi crustam adfusa (§. 343.). Neque Acus probatrices Aurichalco temperatæ hic multum interviant; quia Metallum istud factitium, alias magis, alias minus flavescit. (7^{mo}.) Si Metallum, Lapidi Lydio adfrictum, non satis nitide appareat; lambendo saliva ipsi superinducatur non spumosa: tum magis vivide reflectentur colores.

§. 345. Præter hæcenus descripta Instrumenta (§. 193 ad 343.), requiritur commodus pro Operationibus Docimasticis perficiendis locus. Aptum quidem est omne Cubiculum, quod Camino gaudet fumum bene determinante; cui Furni portatiles sup-

poni ; aut de lateribus extrui possint. Verum cui
 opportunitas concessa est , hunc in finem peculiare
 sibi Cubiculum adaptandi, longe commodius & tu-
 tius labores perficere potest Docimasticos & Chemi-
 cos, quod ideo apposite vocatur *Laboratorium*. In-
 structum hoc sit Camino, pro Furnis locandis satis
 amplo , fumosque bene determinante ; quippe qui ,
 licet haud omnes lethales , tamen semper noxii sub
 quibusvis fere operationibus prodeunt. Hoc ut ob-
 tineatur, inferior Camini pars , qui fumum recipit,
 repando pyramidiformi hiatu, infundibuli inverſi in-
 ſtar, patulus sit ; cujus amplitudo determinetur, ex
 numero & magnitudine Furnorum supponendorum :
 ubi Caminus Laboratorii lacunar transcendit , angu-
 ſtetur, ut modo sit Canalis , sesqui vel aliquot pe-
 des amplus, qua forma, aliquot pedum altitudine,
 ultra summum ædificii fastigium protendatur ; ita
 tamen, ut non recto, sed parum flexo itinere eous-
 que producatur : quæ cautela ideo non negligenda,
 ne imbres decidui, aut nives, quosdam Labores tur-
 bent. Pavimentum Laboratorii sit lapidibus stratum,
 quin & parietes de iisdem exstructos esse convenit,
 ne incendium sit metuendum. Ubi infundibulum
 fumos recipiens, ad sinistram terminatur , erigatur
 Murus. (Tab. IV. Fig. 14. d.), quocum continuus
 paretur Focus , fabrilis similis , duos pedes altus,
 non major, quam pro Furno Docimastico, aliove
 portatili, sub quibusdam operationibus locandis, exi-
 gitur ; dein etiam, ut simul operationes ante Follem
 commode perficere liceat , qui cum in finem ab al-
 tera Muri parte, suo Fulcimento innitens locari pos-
 sit,

Tab.
 IV.
 Fig. XIV.
 d.

fit, cujus nafus per murum lateralem transmittitur T. IV.
 (l. c. a.). Si infuper labores tui exigunt, & am- Fig. XIV.
 plitudo loci concedit, ut præterea in eodem La-
 boratorio, peculiare Furni Anemii, & qui Cineritiis
 majoribus dicati sunt, exstruantur, perficiatur hoc
 juxta Iconem (Tab. IV. Fig. 16.): quem vero Ap- Fig. XVI.
 paratum amplo fermone describere, fcopus non con-
 cedit, dum tradimus modo concinnum Apparatum
 Docimafticum. Hoc hac occasione notes velim, quod
 in multis Furnis juxta fe pofitis, uno eodemque tem-
 pore, magnum ignem inftituere nequeas (§. 270); ni-
 fi ad eorum Cineraria canales utrinque aperti, ejus-
 dem amplitudinis ac Porta Cinerarii, producti fint,
 quorum alterum extremum patulum, per fora-
 men, in pariete Laboratorii efforatum, fit trans-
 miffum; alterum vero ad Cinerarium ufque proten-
 fum, tam brevi & recta via ac fieri poteft, ut aer
 frigidus liberior per Cinerarium in Focum irruere,
 & ignem animare poffit. Hoc optime fuccedit, fi
 posterior murus, qui eft Laboratorii, cum Furnis
 de lapidibus exstructis contiguus ad fundum per-
 foratur, ut aditus aëri in Cinerarium pateat; præ-
 terea pro ignis regimine, quilibet Canalis munitus
 fit Valvula de bractea Ferri, quæ mediante Ma-
 nubrio fupra Focum prominente claudi, & aperiri
 poffit. Si nunc fortiffimum ignem defideras; ape-
 ri Valvulam, claude Portam Cinerarii anteriorem,
 omnesque Laboratorii Feneftras, & Januas: excita-
 bitur ignis potentiffimus.

Quo altior eft Caminus Laboratorii; quo magis
 aer in eo incalefcit; quo arctius Laboratorium un-

dique est occlusum, ne alibi aër liberius sese subducere possit, eo vehementior cæteris paribus erit ignis.

Ad Cinerarium Furni portatilis eadem lege aër deduci potest; si foramini quadrangulo in muro efforato, applicatur brevis Canaliculus, de bractea ferri fabrefactus, Cinerarium vero Furni mobile ita supponitur, ut Porta ejusdem murum respiciat. Quo artificio operationes levi negotio absolvuntur, quæ alias ob potentissimum, quem exigunt, ignem difficillimæ habentur. Præterea cum sæpe minutissima corpora, eorumque mutationes, intra & extra ignem observari debeant; convenit, ut in priore casu obscurari, in posteriore lucidior reddi possit officina: id, quod densis nigrisque Peristromatibus ante fenestras suspensis facile obtinetur.

Scholion. Jam dicta, de Camini & Furnorum dispositione, ita intellige. Furnorum actio, qui spontanea Aëris ventilatione animantur, pendet ab altitudine columnæ aëris, per ignem rarefactæ: hæc enim levior reddita, haud amplius cum atmosphæra circumfusa, sicut antea, in statu æquilibrii, permanere potest; sed e loco suo, quem occupat, attollitur, irruente aëre ambiente, juxta leges Hydrostaticas. Simulac hoc fit, frigidior aër, succedens, eandem ab igne rarefactionem patitur, levior fit, & sic a subsequente vicino aëre eadem ratione per eundem tractum projicitur, hoc modo, jugi itinere, per hanc columnam movetur aër, quamdiu durat ignis, aditusque ei concessus est. Si itaque ista columna aëris inclusa est Camino, calor ab igne longè altius, magisque concentratus projicitur; atqui hinc major
rare-

rarefactio in altiore aëris columna, ergo major gravitatis specificæ differentia, inter hanc columnam, & atmosphæram circumnatanam, adeoque hujus in istam violentior invasio. Quod si præterea aditus aëri præcluditur omnis, nisi tali in loco, per quem irruens per ipsum ignis pabulum in Foco ardens transire cogatur, ignis eo fortius animatur, & sic causa Ventilationis de momento in momentum potentior redditur. Hæc dicta in Hydrostaticis exacte demonstrantur, quæ, Lector nisi intelligat, confutere debet.

Coroll. Furnus, cui Caminus immediate superinstructus est, fortissimum ignem reddit; sed non commode vasa & pabulum ignis ingeruntur, & eximuntur; nec subjectorum, sub ipsa operatione, accurate observare licet mutationem; quin, dum aliquid ingeritur, aut eximitur, vel dum objecti mutatio cernitur, ignis imminuitur; quoniam per Portam apertam (quæ hunc in finem media sit inter Caminum, & Focum, qui pabulum ignis continet) aëri accessus conceditur; atqui tanto tunc minus aër transit per Portam Cinerarii, unde fortissima animatio pendet. Isti vero Furni, qui separati sunt a Camino, ita tamen, ut hic sufficienter ab igne in Furno contento incalescere possit, ignem quidem paullo minus vehementem efficiunt, attamen antedictis (§. 345.) conditionibus probe observatis, perquam violentum, simul æquabilem, modo memoratis incommodis non obnoxium; siquidem superius apertus, aspectum, & accessum concedit; tantæ tamen efficacix, ut corpora, quæ in vulgaribus Furnis Anemiis prorsus im-

mutata persistunt, in heic descriptis, levissimo negotio ad liquefactionem deducantur: ex. gr. moles Cupri aliquot librarum, in vulgari Furno Anemio sue addito, difficulter intra aliquot horarum spatium, a tempore, quo instructus fuit ignis, ad liquefactionem deduci potest; in heic descripto vero intra

$\frac{1}{4}$ horæ totum opus tam perfecte absolutum est, ut Argenti Vivi instar fluat.

§. 346. Quum vero caustici Fumi ipsa etiam Metalla arrodant; non expedit, illa instrumenta metallica, quæ nitidissima servanda sunt, ex. gr. Balances cum Ponderibus, Modulos pro Cupellis, in Laboratorio, sed alio loco puriore recondere, ipsi Laboratorio vicino: tale Cubiculum sit siccissimum, qualia sunt asseribus cincta, in superiore ædificii parte sita; ne corrumpantur rubigine: quæ vero muro crasso, lapideoque pavimento sunt munita, cellis subterraneis, vel ipsi solo immediate superstructa, humida sunt. Neque & plura Menstrua diversa in Laboratorio reponere licet, nisi Vasis perfecte clausis ferventur: quædam enim eructando vapores, aliosque absorbendo, circumposita immutant, vicissimque ab aliis mutantur; ut hinc nullum cum iis experimentum exacte institui possit.

CAP. IV.

DE

MINERALIBUS COMPOSITIS,

ET

MINERIS.

§. 347. Expositis Mineralibus simplicioribus (Cap. I.), eorumque præcipuis in se invicem, quatenus leviori arte eo disponi queunt, actionibus (Cap. II.), tandem nunc, quæ ex iis composita in Regno Fossili naturaliter inveniuntur, intelligi atque explicari possunt. Horum equidem cognitio, licet tantummodo historica hætenus tradi queat, insignem tamen in Praxis Docimasticæ exercitio usum habet: is enim, hac qui in antecessum imbutus est, multis experimentis, vagis, supersedere potest, quæ instituire cogitur variorum Compositorum naturalium dignotione plane destitutus.

§. 348. Verum steriles plurimorum Auctorum descriptiones, ab accidentariis saltem dotibus plerumque desumptæ, inconstantia in eorum Denominationibus stabiliendis (§. 49.), difficultas ex variis regionibus obtinendi specimina exquisitiora, Mineralium dein multifaria in minimis particulis contiguitas (§. 48.), differentia denique Naturæ & Artis operum, licet ex iisdem, eademque proportionem unitis, principis

cupiis conflatorum, isthanc Historiæ Naturalis partem æque difficilem, ac mancām, reddunt. Accedit insuper Figuræ externæ varietas, qua Natura in Regno Minerali plus etiā, quam in Vegetabili & Animali, delectari videtur.

§. 349. Neque Gravitas specifica in Mineralibus Compositis dignoscendis multum auxilii adfert: siquidem (1.) ubi plura, quam duo, corpora, diversæ gravitatis specificæ, permixta sunt, calculo hydrostatico nihil detegi potest; quoniam ejusdem gravitatis specificæ aggregatum, ex plurimis diversissimis, alia atque alia proportionē mixtis, corporibus simplicioribus produci potest. Atqui talia in Regno Minerali, ex aliquot diversis simplicioribus coalita, docentibus id Operationibus Docimasticis, reveraprehenduntur. (2.) Materiæ accidentariæ simul inhærentes, ipseque aër in cavernulis & fissuris Mineralium nativorum plurium conclusus, exactam ponderationem impediunt, saltem difficillimam reddunt. (3.) Lapidēs simplices, qui omnibus fere adjuncti Mineralibus Compositis, pondere specifico non modo diversissimi, sed quidam metallicæ propemodum gravitatis sunt: sicuti plurimæ Spathi species.

§. 350. Neque tamen specificum Pondus, neque Figuram, prorsus velim negligi, sed contra simul cum cæteris Characteribus adhiberi; quanquam ex illis solis constans & accurata determinatio haud semper fieri queat. Confer (§. 41. 49.).

§. 351. Cum autem instituti nostri ratio sit, Artis Docimasticæ fundamenta tradere; opus solummodo

do erit, Mineralium Compositorum, tanquam frequentissimorum Artis Objectorum (§. 2.), notas, quibus cognoscuntur, enarrare, eorumque partes constituentes, quousque innotescunt, facillime negotio deteguntur, una cum habitu totius aggregati ad varia menstrua, indicare. Facile quoque patet, de omnibus Mineralibus, quæ hæcenus detecta fuere, hic loci mentionem fieri non posse, sed ea tantum esse eligenda, quæ minus sunt composita, vel saltem frequentius occurrunt. Nam ob vastissima, longe maximam partem inaccessibleia, hujus Regni promptuaria, nunquam hoc eousque permeare possibile erit, quousque in reliquis magis patulis pervenimus. Confer (§. 51.). Neque etiam altioris indaginis ratiocinia, conjecturasque, de Mineralium genesi, naturalique eorum resolutione, incertas, plerumque vix probabiles, interferere utile duco; quippe quæ ampliorrem Praxin, frequentemque subterraneorum in loco natali autopsiam præsupponunt: quod vero plurimis Lectoribus haud concessum fuit. Unde obscura iisdem redderetur, quam jam tradituri sumus, subterraneorum Compositorum concinna Historia.

§. 352. Quodlibet Minerale Compositum ad illius Simplicis Classẽ proprie referemus, de quo maximam in se continet partem; exceptis tamen Lapidibus & Terris simplicibus: horum enim a prædominio si determinarentur Classẽs, longe maximus Minerarum numerus eo referendus foret.

Scholion. Ponamus ex. gr. in gleba quadam contineri partes sex Cupri, duas Ferri, totidemque Sulphuris, paucillum Arsenici, viginti partes Lapidis
cujus-

cujusdam, vel Terræ non metallicæ, adscribemus Compositum istud Cupro. In alia gleba concretæ sint partes decem Sulphuris, totidem Lapidis vel Terræ non metallicæ, quatuor Ferri, una denique Cupri, reponemus eam ad Classẽm Sulphureorum, & sic porro.

§. 353. Vocabimus igitur Minerale *Proprium* illi Simplici, quod maximam ejus partem constituit (§. præc.). *Improprium* vero istis, quæ minori copia in eo adsunt; ita tamẽn adsunt, ut vere mixtionem ejus ingrediantur, & semper adesse debeant, ubi tale Mineralis genus deprehenditur. *Accidentale* denique illis, quæ, mixtionem ejus haud vere ingredientia, extrinsecus saltem adhærent, hinc adesse & abesse possunt, manente Minerali, de quo sermo est, eodem.

Scholion. Priori exemplo (Schol. §. 352.) rem illustremus. Suppositum ibi Minerale primum, quatenus maximam partem constat Cupro, dicitur Cupro; alterum vero, in quo Sulphur prædominatur, Sulphuri *Proprium*. Sed dum simul in primo Ferrum, Sulphur & Arsenicum ibi Cupro intermixta sunt, & singularem huic speciem conciliavere, dicitur Minerale istud, ratione paucioris Ferri, Sulphuris & Arsenici sui, hisce *Improprium*. In altero vero, dicitur Cupro & Ferro, ob minorem horum respectu Sulphuris proportionem, *Improprium*. Quæ vero vere ingrediuntur tale Compositum minerale, Lapidẽs Terræque plane non respiciuntur in denominatione. Lapidẽs tandem vel alia, prioribus non mixta, sed tantummodo circum & inter posita, sunt *Accidentalia*;

talía; quoniam non sunt partes constituentes, sed abesse possunt.

§. 354. In stabiliendis itaque Mineralium Characteribus circumspice caveas, ne accidentalia cum essentialibus confundas (§. præc.): varia enim genera & species, in unam plerumque convoluta sunt glebam, oculis quidem sæpe discernenda, haud vero semper manibus secernenda: quamobrem talia eligere decet specimina, quæ, quousque oculi attentissimi perspicere valent, ab alienis separari possunt, atamen absque interna mutatione inducta. Hoc nisi observes, nunquam ex multifaria Objectorum varietate evolvere poteris ordinem.

D E

SULPHURE ET MINERALIBUS.

Sulphureis.

§. 355. *Sulphur* Minerale seu vulgare, si ab omni alieno liberum est, solidam, friabilem, habet consistentiam; colorem flavum; in majores moleculas concretum plus minus semidiaphanum apparet; igne flagrat, & flammam cœruleam, cum suffocante vapore acido sine fuligine (§. 26.), eructans totum consumitur; parvo calore, vel vasis clausis, liquefcit absque inflammatione, liquatumque mutat colorem suum in rubrum pellucidum, & in vapores resolvitur, quamdiu non inflammatur, haud odore ingratos, qui collecti idem ac antea *Sulphur* deprehendun-

henduntur, simulac iterum refrixit, solidescens de-
nuo & flavescent. Compositum est ex principio
Inflammabili, purissimo (§. 35.), & copia longe
majore Acidi Chalcanti (§. 26.): unde oleo & re-
finis puris longe gravius factum in aqua fundum
petit. Analysis Chemica, Sulphurisque veri per ar-
tem ex duobus modo memoratis principiis produ-
ctio, dicta confirmant.

§. 356. In hoc statu (§. præc.) Sulphur effodi-
tur ex terra *Nativum*; aliquando vitri flavi instar
diaphanum, licet haud adeo frequenter tam purum:
per aquas etiam, præsertim sic dictas medicatas, ta-
le advehitur, & parietibus fontium sese applicat,
varias imagines, imprimis aristarum Tritici complica-
tarum, formans.

§. 357. Terris Lapidibusque simplicibus immixtum
sæpius occurrit, albo, gryseo, cinereo, flavescen-
te, aliisve, qui ab admixtis pendent, coloribus va-
rium.

§. 358. Quoties vero Sulphur Aurantio vel rubro
colore, pellucido, vel opaco, tinctum est, semper
notatur Arsenici in eo præsentia: ut ideo Sulphura
sic colorata haud sincera sint, nec tantopere æsti-
manda, ubi Sulphur nativum purum in usum vocare
velis.

§. 359. Frequentissimum, imo proprium fere,
Sulphuris Minerale est *Pyrites flavus* (germ. *Schwef-
fel-Kies*). Is, si ab extrinsecus circumpositis he-
terogeneis liber est, splendens, externo adspectu Au-
richaleum politum refert, figura plus, quam ullum
Minerale, varius, plerumque tamen sub forma glo-
bosa,

bosa, varia, dein sub cubica, hexagona, regulari & irregulari, reperitur. Solidus, nisi ab interpositis mollioribus Lapidibus, & Terris, mollior factus sit, ad Chalybem strictus, Silicis instar, fundit scintillas; igni admotus mediocri mox dissilijt cum crepitatione, flammulasque & vapores fere sulphureos eructans, colorem flavum in obscure rubicundum, superficiem nitidam in pulverulentam, commutat. Ditissimus autem Sulphure est, ejusque unam quartam, interdum fere tertiam partem, in se continet. Cæterum & semper in eo latet Ferri copia insignis, nunc major, nunc minor Sulphure: dein, ex inventu Cl. Henckelii, Terra non metallica, proportionem ad cæteras partes itidem diversa: rarius invenitur omni Cupro carens, proportionem ad reliquas partes perquam differenti. Unde facile prævidetur, specificum Pyritæ pondus duritiemque varia esse. Amplissimam hujus Mineralis Historiam, una cum accuratissima ejus Analyfi, descripsit modo laudatus Auctor in sua Pyritologia.

§. 360. Paucissima denique sunt Mineralia, quæ Sulphure prorsus carent: quoniam vero raro operæ pretium solvit, id inde extrahere; præterea etiam Metalla & Semimetalla majori copia iis insunt; hinc ea commemorabimus illis in locis, ad quæ proprie pertinent (§. 352. 353.).

§. 361. Huc demum referri etiam queunt omnia Mineralia Inflammabilia, a Sulphure strictè sic dicto (§. 355.), copia & qualitate Acidi, quo pollent, discrepantia. Talia sunt *Naphtha* & *Petroleum*, ex faxis stillantia, vel & aquis fontium innatantia, inter se

Q

VIX

vix diversa, nunc subtilissima, limpidissima, nunc flava, crassiora. Hæc ipsa vero valde inspissata, nigrum induta colorem, vocantur *Bitumen*; *Pix Judaica*; *Asphaltum*: porro autem magis indurata in Lapidem abeunt *Gagatem* dictum. Occurrunt equidem alia insuper ejusmodi Sulphureorum nomina, quæ tamen vix diversa a modo recensitis concreta videntur denotare.

§. 362. Idem istud (§. præc.) Minerale inflammabile spissum, si in lapidea matrice hærens induratur, fit *Carbo Fossilis*, *Lithantrax*: quod est concretum nigrum; scissile; lamellatum; splendens; prioribus (§. præc.) longe gravius; non adeo promte inflammabile; sed flammam semel conceptam diutius & violentius, quam ullum aliud Ignis pabulum, conservans; post combustionem non adeo cineres, sed potius massam relinquens semiscorificatam, nigricantem, spongiosam, attamen pro lapidis matricis differentia diversam; unde etiam inter Lithantraces quædam differentia obtinet; sæpe in se recondens Pyritem flavum (§. 359.).

§. 363. *Electrum*, *Succinum*, coloris nigricantis, lutei, fusci; semidiaphanum, sæpe valde pellucidum; leve; aquæ tamen fundum petens; valde durum, neque & aquæ ebullientis calore mollescens; igne tamen fortiore liquecens, spumescens; odorem fragrantem gratum fundens, tussituum ideo non ultimum ingrediens, huc quoque pertinet. Resolvitur id, Destillatione Chemica, in Olea primo subtiliora, sensim crassiora, & Salem acidum solidum: quæ quidem Olea cum Naphtha & Petroleo (§. 361.)
adeo

adeo conveniunt, ut a Pharmacopoeis, & Seplassiariis, nisi semper, tamen plerumque, hisce nativis substitui videantur. Caput mortuum, a destillatione residuum, haud abfimile est Bitumini (§. 361.): sub quo nomine etiam venditur. Reperitur in quibusdam Britanniae praecipue fodinis, inflammabile, nigerrimum, Bituminosum, Concrementum, tam durum & tractabile, ut nitida inde utensilia, sicuti ex Succino, parari possint, cujus etiam odorem gratum, si accenditur, æmulatur; refertur tamen ad species Carbonum fossilium, quos inter & Succinum intermedium est habendum.

D E

ARSENICO ET MINERALIBUS

Arsenicalibus.

§. 364. *Arsenicum* purum, (§. 20.) descriptum, eadem forma ex fodinis eruitur, quin & specie alba, pulverulenta: rarissime tamen sic nativum purum, longe rarius CrySTALLINUM, occurrit.

§. 365. Id ipsum (§. præc) sub specie glebæ cineræ, vel nigræ, effoditur, quæ recens distracta ex albo coerulefcentem, splendens, intus monstrat superficiem, quæ tamen, aëri praesertim libero exposita, paucos intra dies fusca & nigricans evadit.

§. 366. *Pyrites* dein *albus*, ponderosus*, Metallum instar splendens, ad Chalybem scintillas fundens, fi-

Q 2

gurae

guræ prorsus irregularis, longe maximam in se continet Arsenici partem, Ferri parum, plus Terræ non metallicæ, & frequentissime in fodinis occurrit, vocatur (germ. *Mispickel*).

§. 367. *Auripigmentum* etiam, Minerale aurei coloris, hinc inde Cinnabarini coloris moleculis stipatum, scissile, lamellatum, molle cum quadam tenacitate, splendens, si frangitur, plurimum continet Arsenici, minus Sulphuris mineralis (§. 355.): unde in igne obscure saltem ardet, flammam ex coeruleo albam, cum densissimo albo fumo, eructans. Id, simul ac ardet, liquefcit; liquefactum supra nitidam tabulam ferream, vel marmoream, effusum, frigefactum, abit in corpus solidum, intense rubicundum, fragile, splendens, semipellucidum: relinquitur tum tamen Crama minus fluens, spongiosum, squamosum, micans, scorix imperfectæ simile, quod, magno igne exustum, dehiscit in terram cineream. Effoditur in Hungaria & Oriente.

§. 368. *Cobaltum*, itidem huc pertinens, Minerale est ponderosum, subtilissime striatum, vel & granulatum, alias quoque superficiei lævioris, coloris nunc dilute grysei, quasi semimetallici, nunc obscurioris nigricantis. Multum id Arsenici in se continet, nec parum Terræ cujusdam fixæ, quæ cum Silicibus & Alkali fixo liquefacta abit in Vitrum pulcherrime coeruleum, vergens utcunque in violaceum, *Smaltum* dictum. Terra ista tingens, sicuti, quantum scio, nullibi nisi in Cobaltis reperitur, ita prorsus singularis & cum ipsis Cobaltis connata esse

vide-

videtur. Præterea plerumque in Cobaltis *Bismuthum* (§. 18.) continetur. Variis insuper Mineralibus nomen Cobalti ab imperitis imponitur, quæ tamen prorsus a modo memoratis characteribus recedunt.

§. 369. *Flos* tamen *Cobalti* dictus, subtiliter striatus, non valde compactus, hinc priori (§. 368.) levior, superficiem versus colore rubro purpureo insignis, qui ad interiora glebæ in gryseum aut plumbeum abit (§. præc.), ad Cobalta quoque pertinet: est enim Minerale admodum Arsenicale; ita, ut ultra dimidium sui ponderis in igne deperdat; residuum autem cyaneum vitris conciliat colorem, sicuti cætera Cobalta vera. Hinc verum est Cobaltum; tametsi externa specie multum a vulgari (§. 368.) differre videatur. Pro basi nimirum habet Cobaltum (l. c.), atque ex hoc germinatione veluti Amianthi-formi productum apparet. Huic Flori Cobalti simillimus est Flos Bismuthi, coloris dilutioris rubri, loco Arsenici Bismuthum continentis; aliquando in eo, sicuti in Cobalto ipso, Bismuthum & Arsenicum sunt conjuncta.

§. 370. Hæ (§. 368. 369.) sunt præcipuæ veri *Cobalti* species; quæ quidem omnes in eo conveniunt, quod maximam Arsenici copiam in se habeant: quare huc ad Arsenicalia referuntur: quamvis interim eo ab aliis Arsenicalibus discrepent, quod, post sublimationem Arsenici, Caput mortuum relinquunt, alba vitra colore tingens cyaneo. Plura equidem alia dantur Mineralia, quibus Cobalti nomen imponi solet: at quum a Cobaltis veris prorsus

fus differant, & sæpe ne vestigium quidem Arsenici, neque Terræ istius vitra tingentis, contineant; hinc, ne confusio oriatur, e Classe Cobaltorum merito eliminari debent.

§. 371. Referri tamen huc meretur Minerale quoddam, Arsenico dives, Cobalto (§. 368.) utcunque simile, ex gryseo rubellum, semimetallicæ speciei, pauxillum simul Cupri in se habens, parumque Sulphuris; quod vocatur (germ. *Kupfer-Nickel*).

§. 372. Mineralia equidem alia, plurima, ob Arsenicum, quod continent frequentissime, quoque huc referri possent. Sed quoniam Metallum major in iis, quam Arsenici, quantitas est; hinc, tanquam Arsenico impropria (§. 353.), aliis potius Classibus postmodum adnumeranda erunt. Id solum addendum, quod Arsenicum in quibusvis Mineralibus facile sese prodat fumo albo, & foetore alliaceo, si hæc ardenti prunæ, vel vasculo ad ignem candenti, imponantur.

§. 373. Denique hic notandum, quod Arsenicum in plurimis Terris, Lapidibusque simplicibus, præsertim micaceis, sese abscondat, valde fixatum in iis hæreat, magno autem igne exagitatum, eos pro magna parte volatiles reddat. In Terra Margacea, Argillacea, id quoque latuisse, exitiali usurpantium noxa observavit Celeb. Henckelius. Vid. Ejus Pyritolog. p. 611.

M I N E R I S

in genere.

§. 374. Si Metalla & Semimetalla a Sulphure & Arsenico sunt penetrata ; semper characterem amittunt, vel universalem omnibus Metallis & Semimetallis communem, vel saltem particularem sibi solis proprium (§. 6 ad 20.), quamdiu in tali compositionis statu persistunt. Sic ex. gr. Plumbum & Stannum, cum Sulphure confusa, amittunt non solum dotem omnibus Metallis communem, Malleabilitatem ; sed & sibi singularibus quoque orbantur proprietatibus, certo videlicet habitu in igne : ambo enim longe majorem tunc requirunt ignem, ut fundantur, quam si a Sulphure libera fuissent, coloremque insuper suum perdunt. Argentum vero purissimum, granulatum, cum Sulphure confusum, Fusilitatem aliqualem, licet non tam perfectam ac pro Metallis requiritur, Malleabilitatem, & alias dotes Metallis omnibus communes, quidem retinet, sed sibi proprias tamen amittit : ejus enim color albissimus mutatur in plumbeum ; firma ejus consistentia abit in plumbeum lentorem ; denique, cum mediocrem candefactionem in igne patiatur, si purum est, antequam liquecat, nunc mox, ac subobscurè rubescit, funditur. In tali autem statu plerumque corpora metallica naturaliter existunt ; raro in forma metallica perfecta, solo excepto Auro.

§. 375. Concreta Naturalia, ex Metallo, aut Semimetallo, cum Sulphure, vel Arsenico, vel ambobus simul, dicuntur *Mineræ* (germ *Ertze*). Si vero per Artem tales conjunctiones fiunt, dicimus *Metalla* vel *Semimetalla* tunc in statum *Mineræ* esse redacta.

§. 376. Cum ergo hætenus semper deprehensum sit, causas singularis istius, alienæ, metallicis vel semimetallicis corporibus inductæ, speciei (§. 374.) fitas esse in Sulphure & Arsenico ipsorum substantiæ conjunctis; hinc videretur quidem facile esse, Naturalia ejusmodi Concreta per Artem imitari (§. 375.): prout etiam cum quibusdam pulchre procedit. Sic v. c. *Minera Argenti vitrea*, *Minera Mercurii*, *Reguli Antimoni*, arte perfici possunt naturalibus similes; si Sulphur vulgare cum Argento, vel *Regulo Antimoni*, per fusionem, cum Mercurio vero per triturationem & sublimationem unitur. At omnes tamen *Mineras* haud adeo feliciter per artem hætenus imitari licuit: quin alia longe producta, quoad habitum externum, inde emergant; quanquam vel eadem quoque ingredientia, qualia ex Nativis elici revera possunt, imo & simili proportionem adhibeantur. Hujus autem diversitatis ratio videtur sita esse in modo & tempore, quibus Arsenicum & Sulphur per Naturam cum Metallis vel Semimetallicis conjunguntur, nondum satis perceptis, tum & aliquando forte in præsentia cujusdam corporis, compositionem *Mineræ* ingredientis, vel plane non, vel minus accurate cogniti: cujusmodi est *Terra non metallica in Pyritis & Cobaltis veris* (§. 359.)

(§. 359. 368.), cujus natura & genesis nondum satis certo explorata est.

§. 377. Habentur *Terræ & Lapides*, qui characteribus eorum communibus (§. 38. 40.) gaudent; sed sese præterea ab aliis Terris Lapidibusque in eo distinguunt, quod per Reductionem (§. 109.) in Metalla aut Semimetalla (§. 6. 16.) abeant. Tales per omnia fere Mineralia, hætenus explorata, disseminati sunt; ea tamen intercedente differentia, quod in altero subjecto plus, in altero minus ejusmodi Terrarum Lapidumque, in Metalla aut Semimetalla per Reductionem abeuntium, lateat. Hoc J. Beccherus, in Supplementis ad Physicam suam subterraneam, amplissimis experimentis demonstravit; præcipue vero de talibus, quæ in Ferrum & Aurum abeuntia, in omni Limo, Arena &c. abscondita hærent: de aliis in sequentibus, opportunitate data, mentionem faciam. Ut ideo ejusmodia Lapidibus vulgaribus simplicibus (Cap. I. §. 38.) distinguamus, vocabimus ea Terras Metallicas, Lapides Metallicos. Istorum tamen jam aliqualem ideam exhibui, in singulis Metallis & Semimetalis definiendis.

Scholion. Quoniam Mineras nativas plurimas (§. 375.) arte imitari licet, circumspectus sis, in selectioribus & rarioribus Minerarum speciminibus emendis, quippe quæ majori longe venduntur pretio, quam Concreta in iis simplicia, post separationem a semet invicem, æstimantur. Enimvero lucro inhiantes Metallicolæ & nativas & arte factas Mineras, non modo inter se, sed etiam cum aliis Mineralibus tam callide componere sciunt, ut solo ad-

Q 5

spe

specū, talia Arte conjuncta, ab iis, quæ Natura composuit, non discernere liceat. Inde autem, si tales pro nativis habeas, multi errores & Theoretici & Practici emergere possunt. Indicabo igitur, quomodo fucus sæpenumero detegi possit. Videlicet, immitte tale specimen, caro venale pretio, in aquam fervidam, ut per aliquot horas inibi maceatur: si ope gummosæ solutionis gleba est conglutinata; soluto gummi dilabatur in tot moleculas, quot hac ratione aggregatæ fuere: solent enim hunc in finem adhibere solutionem de Gummi Tragacantha, quod facile in aqua liquefcit. Verum si loco ejus solutione resinosa in Spiritu Vini usi fuere, non dissolvitur compages in aqua, hinc tentamen cum Spiritu Vini instituendum, an per hunc fucata connexio tollatur. Alii subtiliori fraude connectunt varia Mineralia inter se, nullo artificio detegenda, quam ergo potius silentio præteribo, ne communicando defraudationibus ansam præbeam.

Apparet ex dictis, quam utile, imo necesse sit, Mineralium cultori, ut ipse visitet fodinas & loca subterranea.

§. 378. Mineræ (§. 375.), Terræ & Lapidēs Metallici (§. 377) a Docimastis ex relativa ad Ignem & Menstrua habitu in *Fluxiles*, *Refractarias*, & *plane non Fluxiles*, distinguuntur. *Fluxiles* dicuntur, quæ vel solo mediocri igne, vel addito Menstruo appropriato, facile & cōsusque fluunt, quousque requiritur ad scopum desideratum, i. e. ad reductionem, præcipitationem & eliquationem Metallī vel Semimetalli, obtinendum. *Refractariæ* sunt, quæ validissima
&

& diuturna Ignis actione opus habent, ut debito modo liquecant. Si vero solo Igne etiam violentissimo fundi non possunt, sed, præter Ignem, alius insuper Menstrui actione ad sui fusionem egent, vocantur *non Fluxiles*. Facile autem patet, diversos iterum in qualibet harum Classium dari gradus.

§. 379. Ratio differentis Minerarum in Igne & ad Menstrua habitus (§. præc.) latet vel in ipsa Mineræ natura, aut, ut vocant, essentia; vel in corporis cujusdam accidentaliter in ea, aut circa eam, præsentis indole. Corpus autem tale, accidentaliter, seu externe tantum annexum, rursus vel per se consideratum, refractarium, vel non fluxile censendum est; vel relative saltem ad hanc illamve Mineram, cui adhæret, tale judicandum. Quin denique tale solum, per se exploratum, aliquando deprehenditur ejusmodi proprietate donatum, ut difficulter vel non fluat ad ignem; dum tamen id ipsum, cum alio quodam Minerali concretum, fluxile constituit compositum, tametsi ambo seorsim refractaria, aut non fluxilia sint. Confer (§. 43. N. 2.).

§. 380. Hic, ubi in genere de Mineris agimus, ea solummodo attingemus, quæ sua præsentia omnes absolute Mineras reddunt refractarias vel plane non fluxiles: de iis vero, quæ ratione certæ cujusdam Mineræ saltem talem effectum præstant, sub specialiore Minerarum tractatione in Praxi mentionem faciemus. Omnes nempe Mineræ, in Terris, Lapidibus, vel aliis Mineris, tanquam Matricibus, latent: quod si igitur matricibus istæ per se, difficillime, vel plane non, in igne fluunt; Minera iis contenta liquefieri qui-

quidem in se potest, at a matrice tamen sua, utpote non liquecente; sic haud liberatur. Tales sunt ex. gr. Mineræ Ferri, quæ per se semper difficilius fluunt, atque hinc, ubi Mineris aliis naturaliter intermixtæ sunt, has quoque reddunt difficulter Fluxiles. Lapidés dein & Terræ fere omnes huc pertinent, exceptis solummodo paucis, inter Vitrescentes (§. 42.) recensitis: neque enim vel omnes etiam Vitrescentes facilem subeunt fluorem: nam licet igne fundantur; attamen plerumque tum adeo simul lentescunt, ut præcipationem & excussionem molecularum metallicarum impédiant. Lapidés interim Calcarii (§. 43.), & Apyri (§. 44.), omnium maxime Mineras sibi interpositas reddunt contumacissimas; ut solo Igne, licet violentissimo, perfectè fundi nequeant. Quin posteriores etiam peiores sunt prioribus; nisi eo in casu, ubi in Minera continetur Menstruum fusorium concomitans, & vice versa (§. 43. n. 2. 185.): quod vero absque tentamine in omni specialiori casu evincere non licet.

§. 381. Quidam ex Lapidibus, modo memoratis (§. præc.), longe leviores sunt, ac Mineræ ipsis intermixtæ: unde sola Tusione, & Lotione, aut & prævia Calcinatione, & Extinctione in aqua, sic comminuti facile auferri possunt, relictis Mineræ particulis gravioribus in fundo vasis aut canalis. Ejusmodi autem Mineræ vocantur *Separabiles* (germ. *Schiedige*). Dignoscuntur tales 1^{mo}. Si heterogenea inter & circum posita, dein & ipsa Minera, glebis tantæ molis, sese distinguunt, ut solo adspectu discerni, & malleo & cunco facili negotio a se invicem

vicem discuti & sic segregari queant. 2^{do}. Ex Mineræ gravitate specifica magna, qua docemur moleculas metallicas, solidiores, nec admodum subriles aut dispersas, in matrice sua hærere. 3^{io}. Ex Matricis lapideæ levitate. 4^{to}. Ex ejusdem fragilitate vel per se, vel interventu Ustulationis, & Extinctionis in aqua, obtinenda, facilem reddente comminutionem: quo tamen in casu requiritur, ut Minera ipsa satis fixa sit, nec ustulatione avolet, sed saltem in solidiores sic moleculas sphæroidicas colliquescat. Talis inter Lapides & Terras simplices indolis sunt Vitrescentes molliores (§. 42. N. 1. 2. 3.), Calcarii (§. 43.), & inter Apyros (§. 44.) Cretacei, aliive molliores, leviores, fragiles.

§. 382. Si vero per dicta (§. præc.) adminicula Lapides Mineram in se continentes non possunt separari, dicuntur *Non separabiles* (germ. *Unschiedige*). Tales sunt Mineræ leviores, fragiles, valde sulphureæ, ac minimis moleculis amplissimæ superficiei particularum Matricis interspersæ, aut & Matrici ponderosiori, duræ, præsertim Apyræ, (§. 44.) & Vitrescenti Silicofæ vel Quartzosæ (§. 42.), nec igne nec aqua findendæ, inclusæ.

§. 383. Si denique intra ipsius Mineræ substantiam ejusmodi quidpiam implicitum est, aut & extrinsecus saltem ei adhæret, quod, dum igne tractatur Minera, Metallum ea contentum sub fumi specie dissipat, vel secum in scorias convertit irreducibiles; tum vocatur talis Minera *Rapax*. Hujus causæ solent esse Arsenicum, Antimonium, & illa Mineralia, ex quibus Zincum producitur. Quædam

dam vero Mineræ ex se sunt volatilis naturæ, ut Mercuriales, & Semimetallicæ, de quibus jam diximus, quod reliquas Mineras per se fixas volatiles reddant.

§. 384. Hactenus (§. 378 ad 383.) expositæ tres Differentiæ semper in omnium Minerarum dijudicatione & exploratione primario sunt respiciendæ: enim vero de omnibus, qualescunque sint, ex æquo valent; & hinc, nisi per signa externa de iis constare possit, eo semper incumbendum, ut alia per experimenta detegantur.

§. 385. Cum Metalla & Semimetalla præ omnibus aliis Mineralibus maximo gaudeant pondere specifico; neque Sulphur & Arsenicum, quibuscum priora conjuncta Mineras constituunt, levissimis sint adnumeranda; facile liquet, Mineras solidas, puras, ingenti suo pondere a cæteris Mineralibus compositis, non Metallicis, sese distinguere, paucis solummodo Pyritosis, admodum Sulphureis (§. 359.), exceptis, quæ tamen ratione Ferri & Cupri, quod in se continent, e Minerarum Classe haud penitus eliminari debent (§. 375.). Dico autem Mineras solidas, puras: nam hæc, si in vasta saxorum terrarumque mole, parca copia, late sunt disseminatæ, pondere neutiquam dignosci valent.

D E

F E R R O.

Ejusque Mineris.

§. 386. *Ferrum*, quippe cunctas concomitans Miner_{as},

neras, ubique fere abundantius ac reliqua Metalla præfens, maxime cognitum, facillime semet, si absconditum alicubi est, prodens, merito heic ordinem ducere debet.

§. 387. *Ferrum Nativum*, purum, si in Regno Minerali datur, certe tamen rarissimum est. Habentur equidem pro tali Lapilli octoëdri, tum Cubi etiam solitarii, aut vario modo inter se concreti, figura Pyritidis Marcasitaceis (§. 359.) similes, fibris interdum quasi ligneis conspicui, coloris flavi, rubiginosi, bruni, fusci, Ferro quidem ditissimi, sed sub malleo tamen nec Ferri vulgaris ductilitatem, neque & Chalybis duritiem, exhibentes, neque etiam Magneti obsequiosi sunt, reliquisque Ferri characteribus specificis carent; hinc potius pro Ferri Lapidibus ditissimis, quam pro Ferro Nativo, puro, reputandi.

§. 388. *Lapis autem Ferri vulgaris* figuram certam habet nullam; sed prorsus irregularis est, colore plerumque *rubiginoso*, pondere specifico inter Mineras & Lapidés Metallicos mediocri, præditus. Ex hoc bonum facili negotio extorquetur Ferrum. Fragilitas ejus, durities, pondus, nunc paullo majora, nunc minora sunt, tum & color rubicundus alias intensior, alias dilutior flavescens: quæ cuncta simul considerata & comparata, quantum circiter is Ferri in se contineat, indicant.

§. 389. Datur dein *Lapis*, qui magno pondere, & ex *rubicundo cærulefcente*, si frangitur, colore gaudet, duritieque ingente malleo resistit. Hic, Ferro melioris notæ ditissimus, ex Centenario 60.
ad

ad 80. Libr. Ferri prima sub fusione exhibere solet.

§. 390. Singularis *Lapis Ferri* species est, qui *Spathi* habens formam (§. 43. 1^{mo}.), coloris ut plurimum sublutei, haud raro tamen grysei, imo albi subpellucidi, Ferri optimi triginta usque ad sexaginta centesimas circiter partes ex se fundit; quamquam adpectu externo nullum hujus probabile indicium in eo compareat.

§. 391. Hactenus (§. 386 ad 390.) descripti Ferri Lapidēs, si cum aliorum Metallorum conferantur Mineris, Lapidibus & Terris, Refractarii quidem sunt; sed reliquis tamen, qui Ferro abundant, facilius Fluxiles (§. 378.) vocandi, parum Acidi sulphurei in se continent: id, quod odor sub earum ustulatione nares feriens indicat. Sulphuris vero vulgaris accuratiori examine investiganti vix aliquid apparet; sed sulphureum vaporem, si quis vere talis exsurgit, ex subtiliter intermisso Pyrite potius, quam ex ipsis hisce Lapidibus provenire censendum est. Si autem verum Sulphur ex selectissimis eorum frustulis produceres, id sine Phlogistæ accessu non proceder, quo cum acido conjuncto verum Sulphur enascitur (§. 355.), quod antea in hoc subiecto non fuerat. Hinc vocantur potius *Lapides Ferri* (germ. *Eisen-Stein*), quam Mineræ Ferri.

§. 392. Refractariam magis ad ignem indolem habent *Hematites* (germ. *Blut-Stein*, *Glaskopf*). Is quidem altera parte gibbosus, fornicatus, altera vero angulosus, rectilineus, planis versus unum punctum tendentibus conspicuus, fere hinc pyramidem

dem refert irregularem: id quod, si frangitur, maxime quidem apparet. Superficies ejus exterior, rubigine prius deterfa, fatis est polita; interior vero, Amianthi inftar, ftriis diftinfta convergentibus. Transverfo autem ad ftrias fuas ductu diffractus æmulatur Chalybis elatere mollius indurati fracturam. Colore gaudet obfcure rubicundo; pondere magno; duritie ingenti: unde ab artificibus variis ad polienda Vitra & Chalybem ufurpatur. Cæterum meraciffimus fere Ferri eft Lapis, mediocri igne uftulatus, totus quantus in squammulas abit, qui ad Magnetem, & omnia Menftrua humida Ferrum deprehenduntur, quæ prius refpuebat. Summo igne Regulus Ferri albus, fragilis, difficulter ad malleabilitatem perducendus, inde eliquatur.

§. 393. *Smiris* (germ. *Schmergel*, Belg. *Amarill*) eft Lapis Ferri duriffimus inter omnes cognitos: moleculæ ejus majores puræ raro reperiuntur, fed plerumque cum mollioribus Lapidibus micaceis conglomeratus effe folet; paullo minus ponderofus, quam Hæmatites; fiquidem & multo minus metallicus eft; valde refractarius, coloris ex gryfco fpadicei, Ferrum vere continens; quamvis haud operæ folvat pretium, fi id inde extrahatur: quapropter faltem comminutus, & elutriatione ab heterogeneis mollioribus levioribusque Lapidibus & Terris feparatus, ab Artificibus pro Chalybe expoliendo, quin & ad Vitra Gemmasque quasdam terenda, adhibetur.

§. 394. *Magnesia* (germ. *Brun-Stein*) fubtiliter hinc inde ftriis convergentibus, cæteroquin nulla certa figura, fe diftinguit, colore infecta ex gryfco
R nigro.

nigro. In Ferri fodinis obvia est, & ipsa Ferrum continet; sed nunquam operæ solvit pretium, ut id inde excoquatur: rapax enim est, nec, nisi friabile Metallum, fundit. Utuntur ea potius, qui Vitra conflant Crystallina; ut colorem horum viridem cœruleumque deleant, & nimiam pelluciditatem temperent.

§. 395. Huic (§. præc.) haud absimilis est Minera obscure grysea, nitens, striata, Ferrum quoque continens, at rapax, Arsenicalis: qua de causâ a Metallurgis pro Ferro inde extrahendo haud adhibetur. Vocatur (germ. *Eisenman*, *Eisenglimmer*).

§. 396. Occurrit etiam, præsertim in Stanni fodinis, Minera striata, ex filamentis quasi irregulariter contexta, aut etiam subtilibus lamellis coagmentata, coloris fusci, quæ, si raditur, interdum obscure rubra apparet, satis cæterum ponderosa. Hæc quoque Ferrifera est; sed & simul admodum Arsenicalis semimetallica: hinc rejicitur a Metallurgis, tanquam semper noxia. Vocatur (germ. *Wolfram*).

§. 397. Ad Sulphurea Mineralia relatus quidem fuit *Pyrites Flavus* (§. 359.): sed, cum in eo proportio Sulphuris & Ferri aliorumque conjunctorum adeo inconstans sit, ut nunc hujus, nunc illius, quantitas prædominetur; merito & Ferri adnumerandus est Mineris: quanquam, ob meliorum Metallorum hujus Minerarum abundantiam, nunquam eum in finem igni exponatur, ut Ferrum inde excutiat.

Similiter *Pyrites Albus* (§. 366.) pro basi metallica

tallica habet Ferrum, sed neque, ob pessimam indolem, ubi Minera Ferri desideratur, respicitur.

Scholion. Mineræ & Lapidés Ferri hætenus (386 ad 397.) exposita, sicuti & cætera Mineralia omnia, diversis designantur nominibus, unum sæpe idemque denotantibus; quæ cum singulis locis variant, impossibile, quin imo superfluum esset, omnia hæc recensere: imprimis cum plurima istorum nominum a comparatione plerumque satis manca figurarum, vix una alterave vice observatarum, hinc minime essentialium, sint desumpta. Hinc Piper, Fabas, Pissa, Confectiones Coriandri, Cinnamomi, ferrea &c. inter Mineras Ferri ab Auctoribus minutiarum curiosis videbis enumerata.

§. 398. Hæc denique locum quoque invenit *Ochra Ferri*, quæ sæpius ex resoluta Ferri Minera, præsertim ex Pyritæ flavo destructo, ortum duxisse videtur. Ferrum enim, ejusque Mineræ & Lapidés, a natura & arte in Ochram resolvi possunt; præprimis Pyritæ Flavi dantur, qui brevi tempore in Vitriolum, denique in Ochram sponte resolvuntur. Habet ea speciem terræ subpinguis; colore est rubiginoso, qui tamen ab aliarum Terrarum admixtione nunc flavescit, nunc magis obscurus redditur: unde & gravitas hujus Ochre diversa dependet. Reperitur ea tam in locis siccis, quam paludosis, etiam ab aquis Fontium, præprimis Medicatorum, advehitur, quas turbidas, flavas reddit; hinc inde integras venas & strata formans, cæteroquin ubique ferre locorum, quanquam impura, in Margis, Argillis, Bolis, invenienda. Est hæc Ochra passim tam

dives Ferro, ut æque, ac bona Ferri Minera, excoctionis pretium perfolvat.

§. 399. *Rubrica*, sic dicta *Fabrilis*, *Creta rubra*, *Ochræ* hujus (§. 398.) foboles esse videtur, inventu Boli vel Argillæ indurata. Est coloris ruberimi, mediocriter ponderosa, mollis, ut cultro commode radi, ac figurari possit; ad tactum percipitur saponacea; igni majori exposita indurescit admodum, & fufcescit cum splendore; Ferri plurimum in se habet. Quæ Rubrica venalis prostat, non solet esse hæc nativa, sed factitia, & paratur ex flavo sedimento, quod in Aluminis & Vitrioli confectio excutitur.

§. 400. Quoties *Arena* nigredine tincta videtur, Ferri aut Plumbi ferax esse observata est. An vero tunc multum Metallum in se contineat, pondus ingens docet. In variis locis talis arena vel terra nigra, fusca, utiliter excoquitur, & Ferrum inde optimum paratur: ea plerumque in aquis subsidens invenitur.

§. 401. Ad hunc titulum porro commode revocari possent omnia Mineralia Vitriolacea, nativa; ut Vitriolum Stalacticum, Lapidés Atramentarii: hæc enim sunt vel mere Ferrea, vel longe maximam saltem partem ex Ferro constant per Acidum Sulphuris corroso. Lapis quoque Calaminaris, & varia alia Mineralia, tanquam impropria, etsi nunquam ad Ferrum inde parandum in usum vocentur, huc locari possent. Sed cum singularia ex iis producta specialiozem eorum tractationem mereantur, infra fusius de istis agemus.

§. 402. Minerae & Lapidés Ferri hinc inde in varias

rias imagines a natura effecti videntur; præcipue qui descripti sunt (§. 390.), coralliformes in arbusculas germinant, & vocantur *Flores Ferri* (germ. *Eisen-Blumen*), quorum albi præ cæteris placent. Hoc nomen in quibusdam locis gerit nitidus Hæmatites, crustas puculatas meniscoides formans: aliquando Lapidēs isti Lignum nunc solidum, ponderosum, nunc carie exesum, leve, quin & ingentes arbores trunco & ramis repræsentant. Sæpius *Flos Ferri* dictus nihil aliud est, quam Stalactites (§. 43. N. 3.) germinationem coralliformem fingens. Vocatus videtur *Ferri Flos*, quoniam interdum circa Mineram *Ferri* repertus fuit: cæteroquin hoc nomine inepte vocatur, qui *Ferri* caret insigni quantitate.

§. 403. Passim in *Ferri* fodinis, præsertim *Sueciæ* & *Norvegiæ*, occurrit *Minera*, quæ vocatur *Magnes*: qui lapis est niger, fuscus, aut etiam rubellus; pondorosus; non valde durus, si purus est; Silice, Spatho, sæpe intertextus, tumque minus bonus. Miræ hujus *Lapidis* proprietates in scriptis *Physicorum* videantur. Nos præcipue de illa ejus dote agemus, qua occultam *Ferri* præsentiam per eum detegere licet. *Ferrum* videlicet e longinquo, nisi nimio pondere, vel per alia obstacula, impediatur, ad se trahit *Magnes*, valideque sibi appressum retinet: nec cæteroquin per infinita cum *Magnete* instituta experimenta ullum hætenus corpus, præter *Ferrum*, innotuit, quod similiter ab eo trahatur. Exploratur autem *Magnetis* ope, an corpus aliquod *Ferrum* contineat, sequentem in modum. Redigi-

R 3

tur

tur Corpus explorandum prius in pulverem subtilem: id quod in mortario æneo, præsertim si durum sit, nequaquam in ferreo, fieri convenit: dein immittitur vel sine additamento, vel, quod certius est, cum pauxillo Sebi, in crucibulum, operculo clausum, lutatum; & mediocri igne per horam circiter ustulatur. Tum frigefacto, lateque supra chartam lævem expanso, vel Magnes ipse, vel hujus armati Poli Chalybei admoventur. Quod si particulæ Ferri in pulvere isto dantur, hæ Magneti hujusve armati Polis sese applicabunt, barbæque instar independent. Hoc igitur viso abstergentur particulæ adhærescentes, ut cadant seorsim, Magnesque dein iterum intra pulverem versatur. Sic eodem opere sæpe repetito tandem educitur omne Ferrum, relictis solummodo particulis non Ferreis.

§. 404. Paucissimæ autem sunt Ferri Mineræ, quas Magnes trahit, antequam juxta (§. præced.) ustulatæ fuerint, imo ne excepto quidem Hæmatite (§. 392.), Ferri licet ditissimo. Id, quod eo magis mirandum, quia Ferrum, quibuscunque adulteratum Metallis & Semimetallis, quin & ipsi etiam junctum Arsenico, haud ideo tamen ineptum fit, quod a Magnete trahatur. Unicum solummodo Antimonium inter metallica corpora actionem istam impedire compertum est. Sulphur in causa esse vix potest: modo dictus enim Hæmatites, Rubrica, Ochra, & solidiores, non pyritosæ, Ferri Mineræ, Lapides & Terræ, sub ustulatione parum admodum, & quædam prorsus nihil, de pondere suo deperdunt. Neque interim probabile videtur, longe
minus

minus ullo experimento demonstrari potest, Antimonium in istis omnibus latere. Quod autem vel magis quoque obscurat hanc rem, est, quod Hæmatites, Rubrica, aliæque quædam Mineræ Ferri, absque ullo Phlogisto addito, solam per ustulationem in vase clauso, ad Magneticam vim disponantur; dum contra alia corpora Phlogisti fixioris additamentum sub ustulatione absolute requirunt, sine hoc vel prorsus nihil, vel longe minorem saltem particularum Ferrearum copiam, Magneti præbitura. Itum hinc est ab Auctoribus in duas sententias. Alii nimirum opinantur, Ferrum per Sulphur minerale & Acida adhærentia impediri, quin trahatur a Magnete; adeoque vel dissipari vel immutari ista debere, ut Ferro vis Magnetica renascatur. Sed dissipationi repugnat, quod Mineræ quædam, absque ullo addito, in clausis vasis ustulatæ, ponderis sui ne minimum quidem sic deperdentes, aptæ tamen fiant, quæ a Magnete trahantur; dein destillatione igne violentissimo reverberii vix aliquid, vel nulum hujus Acidi vestigium apparet, modo absit Pyrites sulphureus; immutationi vero, quod Sulphur minerale & ejus Acidum, nisi dissipentur, in vasis clausis solo igne, absque addito, neutiquam immutentur; & contra, quod cum addito vero Phlogisto Acidum sulphureum regeneret verum Sulphur minerale, quod tamen Magnetis actioni resistere supponitur. Quin præterea experimenta contestantur, paucillum Sulphuris vulgaris Ferro posse esse admixtum, nec tamen Magnetis actionem in istud impediri. Atqui Phlogiston cum Mineris Ferri ustula-

tum aptissimum est resuscitandæ attractilitati: neque hæc obtinetur ullo modo; si cum pure Alcalinis, Acidum Sulphuris vere absorbentibus, fit ustulatio. Altera sententia, ex Clariss. Stahl's dogmatibus petita, est, quod per Phlogiston, cum Terra Martiali, ope ustulationis, conjunctum, generetur Ferrum: id, quod tanto equidem probabilius imo certissimum reddi videtur, si ad sequentia attendatur.

(1.) Ferri Lapides, Mineræ & Terræ, quæ absque addito ustulatæ non trahuntur a Magnete, si, sine addito Phlogisto, vel solæ, vel saltem ope Fluxus non Phlogistici, vehementissimo igne funduntur, non in Regulum metallicum, sed in Vitrum abeunt.

(2.) Ex tali Vitro, ope Phlogisti decenter additi, per ignem nascitur Ferrum perfectum. (3.) Ferrum per Acida, Ignem, vel quocunque alio modo, destructum, aut & in rubiginem saltem corruptum,

a Magnete non arripitur; tum vero fusum valido igne, absque Phlogisto addito, idem evenit, quod

(No. 1.) memoratum: sed mediante Phlogisto forma Ferri rursus restituitur (No. 2.). Unde patet, per

Inflammabile purum ex non Ferro nasci Ferrum. Conferatur (§. 108. seq.). Atqui hoc in Minerarum,

Lapidum, Terrarumque Martialium nativarum ustulatione fieri certum est. Ferrum enim solum inter Metalla reducitur per Phlogiston, sine liquefactione.

Neque huic sententiæ contradicit, quod quædam Mineræ absque addito ustulatæ vim Magneticam recipiant. Nihil enim obstat, quin Phlogiston ad Metallicitatem necessarium in Minera jam præsens sit, neque tamen cum fixiore, Ferrum consti-

tuen-

tuente, parte ita conjunctum, uti ad metallicam formam requiritur: ut ideo necessum sit illud prius per validam ignis actionem, quippe quæ in omni Reductione reposcitur, intime uniri. Attamen nec tantum Phlogisti inest, ut ignem summum fusorium salva forma metallica sustinere, & in Regulum abire queat, semper enim vitrificatam speciem talis Minera, Lapis, vel Terra per se fusa habet. Experimentum hoc licet cum Hæmatite, Rubrica, Ochris &c. quæ metallica Ferri indole prorsus non gaudent, non trahuntur a Magnete, non cedunt acidis ejus Menstruis; at omnia tamen isthæc post modicam ustulationem promte acquirunt; interim, extremo ignis gradu adhibito, nequaquam Ferri metallicam indolem induunt, sed in scoriam vitrescibilem abeunt. Itidem si mediocris ignis, quo ustulantur, nimis diu præsertim apertus adhibetur, amittunt rursus, quam induere; ferri indolem, & in Terram abeunt dissipato Phlogisto; nec iterum restituuntur, nisi addito inflammabili fixiori (§. 109. seq.).

D E

C U P R O

Ejusque Mineris.

§. 405. *Cuprum Nativum*, hoc est, in forma metallica; longe crebrius ac magis perfectum invenitur, quam Ferrum. Malleabilitate tamen id Cupro bene excocto quodammodo adhuc cedit.

R 5

§. 406.

§. 406. De *Cupri Mineris* in genere notandum, quod nulla earum per certam quandam figuram sese distinguat, sed irregulares penitus sint omnes. At vero pulcherrimi cujuscunque generis colores, inter quos præcipue viridis & cœruleus eminent, Cupri præsentiam plerumque indicant, ubi in *Minera* observantur: rarissime color coccineus, & diaphanus in *Mineris Cupri* observantur. Dein vix ulla habetur *Cupri Minera*, quin *Ferrum* eidem sese immiscuerit largius, quam in aliorum Metallorum *Mineris* solet. In quibusdam tamen longe minor ejusdem est copia, quam in aliis. Ista autem, quibus parcius adjunctum est *Ferrum*, facilius per se fluentibus adnumeramus. Tales sunt.

§. 407. *Minera Cupri Vitrea* (germ. *Kupfer-Glas-Ertz*). Colorem hæc habet obscurum, violaceo fuscum, similem illi, sed obscuriorem, quo *Chalybs* positus ad *Ferri* candentis attactum inficitur. Maculæ insuper & venæ gryseæ solent istum colorem hinc inde interrumpere. Pondus ei magnum est, durities mediocris. *Cupri* a 50. ad 80. lb in se continet ejus *Centenarius*. *Ferri* particeps est, *Sulphur* vero & *Arsenicum* statum *Mineræ* efficiunt.

§. 408. *Minera* dein *Cupri Lazurea*, colore pulcherrime cœruleo prædita, mollis, non valde gravis, fracta, vitri cœrulei instar, splendens, a *Ferro*, *Arsenico*, & *Sulphure*, inter omnes *Cupri Mineræ*, maxime immunis, posterioris tamen parum sub ustulatione exhalat: hinc multum ex ea, optimum, facillimoque negotio excoctile *Cuprum* obtinetur.

§. 409.

§. 409. *Minera Cupri Viridis*, Cryſtallorum Viridis *Æris* inſtar, nitidiſſime ſæpe ſtriata, germinationis Amianthiformis quaſi ſpeciem præ ſe fert. Cæteroquin idem de hac, quod de priore (§. præc.), valet.

§. 410. Concrementa leviora, terrea, pulverulenta, cœrulea, *Cœruleum Montanum* (germ. *Bergblau*), Viridia quoque *Viride Montanum*, minus appoſite *Chryſocolla* dicta, (germ. *Berg-grün*), ambo etiam *Ochræ Cupri* nomine donata, ſi puriora ſunt, quod Color & Pondus docet, multum & bonum Cuprum fundunt. Leviora vero Terris non metallicis mixta ſunt; flaveſcentia Ochram Ferri continent: hinc difficilius fluunt, minusque copioſum, nec adeo bonum, Cuprum exhibent. Hoc Cœruleum & Viride Montanum per aquas huc illuc devehitur, glebiſque, pigmenti inſtar, exterius applicatur.

§. 411. *Minera Cupri alba* (germ. *Weis Ertz*), *Gryſea* (germ. *Fahl Ertz*), *Cinereo fuſca* (germ. *Fahl Kupfer-Ertz*), a Cl. Henckelio deſcriptæ in Pyritol. pag. 195. 197. ſunt ſolidæ, ponderoſæ, per Arſenicum dealbata. Prior ſpecies raro invenitur, præcipue puriora & majora ejus ſpecimina. Ob quantitatem magnam Argenti, quam continet, ab omnibus fere ad Argenti Mineras refertur: a Pyrite Albo (§. 366.) ſe diſtinguit per colorem leviter flaveſcentem; reliquæ autem per colorem longe obſcuriorem; omnes ſimul pondere majore, minus dura conſiſtentia & læviori fractura diſcernuntur;

tur: id quod exactius se manifestat, si specimina nativa discernendorum inter se comparantur.

§. 412. Habetur & Minera Cupri, a quibusdam *Vitrea* dicta, & forte non multum ab ante descripta (§. 407.) differens, nisi quantitate Ferri, quod continet: unde colore est magis fusco, & durior, quam illa (§. 407.), prioribus difficilior fluxilis, cæteroquin tamen Cupro abundans.

§. 413. Huc etiam pertinet Minera, quæ *Hepatici* fere coloris est, a simili Ferri Minera difficilior solo aspectu discernenda: siquidem etiam prioribus magis ferrifera, hinc minus fluxilis est.

§. 414. Datur etiam *Minera Cupri*, *fulvo*, aut *Lateritio* colore, in qua sæpius Cuprum nativum occurrit, ditissima, fluxilis; nisi rubedo a rubiginosa Terra Martiali pendeat: tum enim minus Cupri ex ea obtinetur, magisque refractaria censenda. Ad rariores pertinent, quæ sunt *coccinei* coloris.

§. 415. *Pyrites Cupri* mere sulphureus, aurea flavedine, cui levis viror interlucet, tam extrinsecus, quam intrinsecus, tinctus, germ. vocatur (*Gelb Kupfer-Ertz*), granulatam quasi intus superficiem, si diffringitur, exhibens, facile in pulverem contendus, & Sulphuris & Cupri quantitate admodum diversa, Arsenicalis semper, hinc & specifico pondere multum variante, pollet. Si vero ipsi, Cupri ditissimo, simul & Arsenici plus admixtum est; color ejus aureus in flavescentem diluitur, & fractura lævior, æquabilior, nitidior, undatim inæqualis, evadit.

vadit. Vocatur tunc Germanice (*Kupfer-Grantz*). Is sæpe extrinsecus, quin & intra fissuras, nitidissimis coloribus, viridi, cæruleo, splendet, qui tamen, si frangendo recens detegitur superficies, in substantiam intimam haud penetrare observantur. Quando vero multum sese immiscuit Arsenici, pallescunt Cupri Pyritæ, haud aliter ac Pyrites Ferri sulphureus (§. 359.); imo adhuc magis, quam hic, albescunt: prout nempe Arsenici copia magis redundat. Attamen vel tum quoque a Ferri Pyritis eo sese distinguunt, quod majori gaudeant pondere, neque tam facile, imo plane non, ad Chalybem fundant scintillas: id, quod Ferri Pyrites omnis (§. 359. 366.), quin omnis etiam Ferri solidior Minera præstat. Interim circumspèctus sis, ne Silicis vel Quartzii interposita particula te decipiat.

§. 416. Cur ante expositæ (§. 407 ad 415.) Mineræ Cupri refractariæ, vel plane non fluxiles reddantur, cognoscitur ex (§. 380.).

§. 417. Pertinet huc speciatim quoque, tanquam improprius, *Pyrites Ferri luteus, sulphureus* (§. 359.). Is enim sæpe haud spernendam Cupri quantitatem in se recondere solet; sed ob longe majorem Ferri quantitatem Cupro improprius, simulque admodum refractarius, habetur. Cognoscitur interim cum cupriferum esse ex insolita ejus flavedine per totam substantiam ejus apparente. Figura regularis cubica, maxime vero globosa radiata, indicat Cupri absentiam. Denique si talis Pyrites, aëri expositus libero, facile in Terram Vitriolaceam resolvitur, parum inde Cupri expectes: globosos enim & fornicatos

catos Pyritas Cupri prorsus expertes esse, Observationis Henckelianis constat.

Coroll. Ex jam dictis (§. 415. 417.) facile deduci possunt regulæ, quarum ope Cupri præsentiam in Pyrite affirmative & negative dijudicare licet. Sed sponte simul patet, ex talium regularum inversione ad Cupri absentiam vel præsentiam neutiquam certo concludi posse. Est Regula ex. gr: *Aureus viridescens color in Pyrite apparens designat Cupri multum huic inesse*: id, quod experientia confirmat. Sed minime invertere licet istam regulam hoc modo: *Si in Pyrite multum latet Cupri, aurco is viridescente conspicuus est colore*, siquidem Arsenicum Pyriten, Cupro etiam ditissimum, prorsus pallefcere facit (§. 415.). Rursus: *Qui brevi tempore in aëre libero dehiscit in Vitriolum, parum vel nihil continet Cupri*: experientia teste; sed non licet inde concludere: *Qui nihil continet in se Cupri, is in aëre facile fatiscit* &c. Idem valet de cæteris ejusmodi regulis.

§. 418. Minera, quæ Arsenico sub titulo *Kupfer-Nickel* adscripta est (§. 371.), huc etiam, sed tanquam impropria, locari potest. Continet ea quidem Cupri haud adeo parum in se; sed ob Cobaltum implicatum intractabilis fere reddita spernitur. Notandum interim, haud esse Arsenicum ex se, quod Mineras reddit refractarias, sed Terram, propriis Arsenici Mineralibus, præsertim Cobalto (§. 368.), semper adjunctam, quæ liquefactioni adeo resistit, & mediante Arsenico, in ea ex parte fixato, Metallis, imprimis Cupro & Ferro, tam tenaciter adhæret.

Ul.

Ultimo demum nota: Nullam Cupri Mineram hactenus innotuisse sine insigni portione Arsenici. Conf. Henckel. l. c.

D E

P L U M B O

Ejusque Minera.

§. 419. *Plumbum nativum*, purum, malleabile, naturaliter existere, inter cætera Metalla, rarissimis observatur exemplis.

§. 420. *Galena Tessulata* (germ. *Bley-Glantz*), dives Plumbi Minera, Tessulis Cubicis æquilateris, vel oblongis Parallelepipedis, est coacervata. Tessulæ autem hæ ex tenuissimis veluti sunt compositæ lamellis, politissimis, vivide splendentibus, ex nigro cæruleis. Cæterum ponderosa valde est hæc Minera, mollis, fragilissima, inter plurimas alias Mineras ad ignem fluxilissima, longe tamen majore igne ad sui liquationem egens, quam Plumbum ipsum: cujus equidem causa est copiosum in Galena latens Sulphur, utpote unam circiter quartam ejus partem constituens. Eliquatione bene instituta ex solidæ & puræ Galenæ Centenario 65. ad 70. Plumbi libræ acquiruntur, raro plus.

§. 421. Si Galena (§. præc.) ex Tessulis tenuibus, oblongis, constat, tum fracta subtiles strias exhibet, & vocatur *Galena granulata*, aut subtiliter striata (germ. *Klar-Spießiger*, *Klar-Körniger Bley-Glantz*).

§. 422.

§. 422. Hæc figura tessulata (§. 420. 421.) constanter in Galena observatur; neque unquam alia visa est, nisi quæ externa vi aut resistantia extrinsecus ipsi conciliata fuit: intrinsecus enim vel tum quoque semper est eadem. Sed pro varia Tessularum, regulari, vel irregulari, ad se invicem applicatione, magnitudine, & inde pendente splendore, superficieque nunc lævi, nunc aspera granulata, variis nominibus Galenæ distinguuntur. Denique & ratione coloris aliqualis observatur differentia: alia enim dilutiore, magis splendente, gaudet colore, alia obscurius nigricante.

Scholion. Lazarus Erckerius pag. 161. *Mineræ Plumbi rubræ* facit mentionem, eamque describit, quod sit Argillæ instar rubræ, ponderosæ. Sed Rubram istam, quam mihi videre licuit Plumbi Mineram, falso pro Cinnabaris Minera habitam, nihil aliud esse deprehendi, quam Galenam hinc inde majoribus, nudo oculo detegendis, præterea autem & infinitis minoribus, per Microscopium saltem visibilibus, Tessulis, in margacea Terra, rubra, latentibus, conspicuam: ut ideo singularem ea speciem non constituat. In Minerarum collectionibus aliquando vidi Mineras Plumbi rubras, quas nativas esse acriter contendebant possessores: hæ, omni habitu externo considerato, prorsus nihil differebant, partim a Lythargyrio vulgo venali, partim a Lythargyrio solidiore, densiore, majorem ignem passo, quale est, quod in Ustrinis igni reducenti iterum exponitur. Jam citatus Auctor ibidem de alia quoque Plumbi Minera, Saxum album, sabulosum, æmulan-

mulante, loquitur. Dantur quidem Saxa fabulosa, Plumbo interdum ditissima; sed quæ tamen probe examinata haud continent Mineram ab ea, quam (§. præced.) descripsimus, discrepantem. Saxum scilicet, quod plerumque mollius est, nec adeo Saxi nomine dignum, veram gerit Galenam, quæ extrinsecus irregularis, globosam in speciem, moleculis diversissimæ magnitudinis, parum splendentibus, per Saxi substantiam est disseminata: unde diffractio saxo perfecta Galenæ species (§. 420.) compareret. Effodiuntur ejusmodi variis in locis.

§. 423. Lapides Terræque variæ, qui dilutioris colore solent esse tincti, eisque affines, si cinereo, vel nigro, colore infecti, aut talibus saltem maculis, venisque, interstincti cernuntur, indicant vel Ferri vel Plumbi quid sibi inesse. Vocantur tum in priori casu (germ. *Eisen-Schweiffig*); in posteriori (*Bley-Schweiffig*). Speciatim tamen vocabulo *Bley-Schweiffig* intelligitur Minera Plumbi Sulphureo-Arsenicalis, hinc rapax, colore flavo, maculis cinereis, vel nigricantibus, interstincto, infecta, ad tactum pinguiuscula: solet esse variorum Mineralium congeries, aliquando Metallum penitus expers, quæ sic vocatur.

§. 424. *Minera Plumbi viridis*, rarissima, colore ex flavo viridi, diversimode temperato, subpellucido, insignis, figuram variam, plerumque tamen nitriformem Spathi speciem, sed minus regularem, præ se ferens, ponderosa, non dura, & simul instar Saturni Cornui valde rapax est. Ejus tamen Centenarius 70. ad 80. Plumbi libras fundit.

S

§. 425

§. 425. Priori similis habentur *Alba & Grysea*, quæ etiam quoad texturam suam multum cum *Spatho* conveniunt, unde vocantur (germ. *Bley-Spath*). Admodum ponderosæ hæ sunt, Plumbo ditissimæ, minus tamen raræ, quam præcedens.

§. 426. Hactenus (§. 420 ad 425.) recensitæ Mineræ Plumbi per Mineræ Ferri, aut Pyritæ Ferri sulphurei (§. 359.), mixtionem neutiquam, uti aliæ Mineræ (§. 380.); redduntur refractariæ: nam nisi Plumbi Mineris naturaliter Ferrifera sit associata, plerique, ad excoctionem illarum facilius, majoreque cum lucro, perficiendam, additamentum Ferri vel hujus scorix fluxilioris, adhuc reducibilis, in subsidium vocare solent: qua de re sub Operationibus fusius erit agendum. Pyrites tamen albus, Arsenicalis (§. 366.), si dignus judicetur in Minerarum Ferri classem reponi, hoc in casu excipi debet, partim ob rapacitatem, qua Plumbum destruit & volatile reddit, partim ob copiosi Capitis Mortui Terrestris, quod Arsenico diffuso inde remanet, refractariam indolem (l. c.).

D E

S T A N N O

Ejusque Minera.

§. 427. *Stannum* naturaliter in forma vere Metallica existisse, vix certo, aut saltem rarissime observatum est. Memorat tamen Matthesius fide dignus,

gnus, reique metallicæ haud ignarus Vir, id aliquando visum.

§. 428. *Minera Stanni* omnium ditissima colore est nigro vel fusco, figura polyhedra, sed penitus irregulari, superficie nitida. Pondere ea specifico omnes fere superat reliquorum Metallorum Mineras: quod eo quidem magis mirum videtur, quia Stannum omnium Metallorum est levissimum. Sed, cum sub Ustulatione ex isthac Stanni Minera merum fere Arsenicum exhalet, & residuum ab ea ustulata, si consideres, quantum Stanni sub omni reductione pereat, mere Metallicum sit censendum; facile insignis istius gravitatis causa intelligitur. Mediocriter cæterum duritie prædita est, & respectu Stanni ipsius admodum refractaria: vividum enim ignem sustinet nec liquescens, neque lentescens; & si subitaneo calori exponitur, nec valide dissilit, nec crepitat, nisi quando in majoribus glebis, quibus vel aliæ Mineræ, vel Lapidés imprimis Quartzosi, interpositi sunt, experimentum instituitur. Vocatur hæc Minera (germ. *Zinn-Graupen*).

§. 429. *Minera Stanni maxime vulgaris* (germ. *Zwitter*), colore est fusco, rubiginoso, flavescente: ut hinc a Ferri Minera, solo adspectu, sæpenumero haud adeo facile semper discerni queat; præprimis cum & ipsa simul Ferrifera sit. Figura ejus irregularis est, cum priore (§ præc.) in omnibus conveniens: unde & huic gemina esse videtur, & gradu puritatis solummodo ab ea differre; siquidem cum aliis Mineralibus, minutissimis moleculis, coagmentata est.

§ 430. Ob expositum (§. 428.) Mineræ Stanni in igne habitum, extemporaneo experimento sequentem in modum instituto indagari potest, an, & quantum circiter, Mineræ hujus in gleba quadam oblata lateat. Tunditur nempe gleba in pollinem haud subtilem, tumque a sordibus levioribus, terrestribus, aqua abluitur. Batillo dein bene candelato, plano, nec nimis lato, nec alta margine instructo, Minera comminuta, abluta, prius reficcata, quæ vocatur (germ. *Schlich*), ita inspergitur, ut nullibi in acervum congesta, sed late dispersa sit: quod eam ob causam fiat necesse est, ut satis subito omnes insperseæ moleculæ candescant, neque subitus forte & interpositi lapilli, dum dissiliunt, multum de ipsâ Minera secum abripiant. Dissipabuntur sic, cum leni crepitatione, lapilli, & minus elutriatæ aliorum Metallorum Mineræ, intersitæ, graviores; utpote quarum vix ulla subitaneum æstum fert: superstes erit Stanni Minera in gryseo rubellum mutata colorem, & Arsenicali flore, gryseo, obducta.

§. 431. Inter Lapides pretiosos numeratur *Granatus*, figura haud constanti, plerumque tamen decaëdra, satis regulari, obviu, quorum alius est opacus, alius semipellucidus, a colore intenso rubicundo, quem habet, florum, alias Balaustiorum, siue Arboris Granati, nomen ducens. Est is quoque Stanni quandoque ferax; ut ideo quidam eorum hujus Metallî Mineris annumerari mereantur. Enim vero inconstantia in verborum significationibus determinandis, & inanis, non satis determinata, metho-

dus

us, ex solo colore, figura externa &c. corpora in classes, genera, & species redigendi, in causa est, quod haud omnis Granatus huc referendus sit: sub hoc quippe nomine venditantur quoque Lapides eodem quidem colore tincti, at magis pellucidi, partim virescentes, partim calcarei, qui veram potius Silicis (§. 42. N. 4.), aut Spathi (§. 43. N. 1.) naturam habent.

§. 432. Invenitur etiam *Minera Stanni Alba*, semipellucida, perquam ponderosa, quæ itidem Spatho, quoad figuram externam, multum similis est. Hæc præcedentibus Stanni Mineris est rarior.

§. 433. Stanni Mineræ (§. 428. 429.), a Lapidibus Terrisque intermistis refractariæ redditæ, ob magnam suam gravitatem, & constantiam in mediocri igne, Ablutione & Ustulatione inter cæteras Mineras optime quidem emendari se patiuntur. At vero a Ferri Minera, præsertim ab illa rapaci (§. 396.), quæ multoties Stanni Mineræ implicata est, haud prorsus liberari possunt. Unde Stannum inde eliquatum minus sincerum est illo, quod ex puriore Minera producitur: Ferrum enim cum Stanño in Regulum abit (§. 75.), durio rem, minus tractabilem, nulla ratione cum emolumento disparandum. Cupri Minera, Ochreæ vel Pyritæ specie, quoque Stanni Mineris adjuncta occurrit, fragillimumque reddit Stannum, si copia paullo majore cum hoc colliquefcit: sed ea per Ustulationem & Ablutionem facilius inde, quam Ferri Minera, aufertur; quæ vero etiam post Ustulationem, ope Magnetis, facile quoad maximam partem extrahi potest.

Coroll. Ex jam dictis (§. præc.) prævideri potest, cujus notæ Stannum ex Minera proditurum sit; & cur Anglicanum omnium optimum sit. Hujus nempe Minera omnium minime Ferro deprehenditur inquinata.

§. 434. Mineræ Stanni paucis Europæ locis colluntur. Provincia Angliæ Cornwallia, & circumjacentes, Minerarum Stanni sunt ditissimæ. Cæteroquin extra Bohemiam & Saxoniam, nullibi locorum scio talem excoqui. In Indiæ Orientalis quibusdam regionibus abundanti copia habetur Stannum optimum, pretio hinc viliori, quam in Europa; unde per naves Belgicas & Anglicas adfertur, & vocatur *Malaccense Stannum* (*Malaccisch Zinn*).

D E

A R G E N T O

Ejusque Mineris.

§. 435. *Argentum ductile*, purum, nec Sulphure neque Arsenico inquinatum, vario modo figuratis moleculis, præcipue filamentorum & squammularum specie, in variis Lapidibus, Terris, atque in plurimo Sabulo, superficiei telluris quoque exposito, naturaliter & longe quidem crebrius, quam priora Metalla, occurrit.

§. 436. *Minera Argenti Vitrea*, irregularis & inconstantis penitus figuræ, ponderosa admodum, sub malleo complanabilis, scissilis, baud multo majore

jore firmitate, quam Plumbum, resistens, hujusque etiam colorem satis exacte referens, liquefcit mox, ac leviter incipit rubescere. Mero ea Sulphure & Argento puro constat: id quod & Regeneratio ejus (§. 166.), & Analysis Chemica docent. Argenti ultra tres quartas partes continet.

§. 437. *Minera Argenti Cornea*, semipellucida, prout majoribus vel minoribus constat glebis, saturatione vel dilutiore flavo, aut fusco, colore, Colophonix instar, conspicua, figuram extrinsecus præ se fert irregularem; sed si intrinsecus rite adspicitur, ex tenuissimis lamellis composita esse videtur. Scissilis est, facile ad ignem fluens, subito calori admota, crepitans, sicuti pleræque Mineræ, exhalatque tum Sulphureum & Arsenicalem odorem: Argenti duas tertias in se continere solet. Hæc Minera admodum rara est, si genuinam & puram desideras; quanquam haud deficiunt, quæ sub hoc nomine venditantur.

§. 438. *Minera Argenti Rubra*, colore rubro coccineo, alias dilutiore, alias intensiore, fulgens; in priore casu Rubini Arsenicalis instar pellucida; in posteriore autem opacior; figuræ est variæ, multoties tamen prismatice crystallinæ; magni ponderis; candelæ aut leniori calori admota diffilit, ejusque pars tunc residua cito, antequam rubescat, liquefcit, tumque fœtorem Arsenicalem, cum fumo denso, visibili, spargit; Sulphuris aliquid in se habet: quod valida docet veraque Detonatio, cum inflammatione conjuncta, si Nitro ea liquefacto, candelæque, superinspergitur; quippe quæ phænomena

na nec Arsenico, nec Argento debentur: tametsi enim Arsenicum cum Nitro ad ignem confusum, strepentem ebullitionem cum Spiritus Nitri excussione efficiat; attamen si ambo purissima sunt, vera cum deflagratione non videtur Detonatio: ut ideo color etiam coccineus hujusce Mineræ inde pendere videatur (§. 174.). Ex Capite Mortuo hujus Mineræ, post Sublimationem in vasis clausis, residuo, nonnunquam per Magnetem (§. 403.) aliquid Ferri extrahi potest; quanquam vel selectissima etiam Mineræ frustra ad hoc experimentum adhibeantur. Argenti cæterum eandem copiam in se habet, ac Minera Cornea (§. præced.).

§. 439. *Minera Argenti Alba*, coloris dilute gryfei, figuræ irregularis, satis ponderosa, fragilis admodum, Cupri simul plus in se continet, quam Argenti: unde, ratione quantitatis Argenti ad Cuprum, potius Argento impropria, Cupro vero propria esset censenda (§. 411.). Gravior cæterum est prioribus duabus (§. 437. 438.), minus tamen Argenti ex se fundens, quam istæ. Mineræ Plumbi, præsertim granulata (§. 421.), albicantis coloris, pro ea venditur. Vide Cl. Henckelii Pyritol. pag. 170. 195.

§. 440. Præter hæc tres (§. 436 ad 438.) Argenti Mineras proprias, hæctenus non innotuere plures: tametsi enim plurimæ aliæ a quibusdam recensentur; attamen, re rite examinata, vel Argento improprie sunt, vel ex jam recensitis, Argento propriis, Mineris, nunc omnibus, nunc harum aliquibus, varia proportionē inter se mixtis, compo-

tæ deprehenduntur. Et hæc quidem commixtio nonnunquam adeo subtilis est, ut vix oculo armato detegi possit. Equidem inter Mineras jam expostas Ferri, Cupri, Plumbi, Stanni (§. 386 ad 432.), aliquando reperiuntur tales, quæ haud parum Argenti fundunt: at hæ, quum plus de aliis Metallis contineant; hinc vel improprie Argento vocari debent, si id substantiæ suæ intermixtum gerunt (§. 353.); vel & accidentales, si tantum extrinsecus ipsis aliquid Argenti adhærescit (l. c.).

§. 441. *Improprie Argenti Mineræ* possunt vocari Minera Cupri Alba & Grysea (§. 411.); utpote semper Argento imprægnatæ. Reliquæ vero Cupri Mineræ, tametsi plerumque Argentiferæ sint; ita, ut nonnunquam insignis Argenti copia ex iis obtineatur; huc tamen constanter reponi non possunt, nisi in speciali casu per experimenta prius detectum fuerit, eas Argentiferas esse: hætenus enim nondum certiores, & quidem extrinsecus notabiles, innotuere characteres, secundum quos tuto argui possit, quænam Argentum in se contineant, vel non. Si qui autem ejusmodi characteres sunt inventi, valere hi tantummodo solent respectu illius fodinæ, quæ Mineras istas, determinatas, fundit: ut ideo incauti crebro decipiantur, qui talia signa externa universaliter applicant.

§. 442. Haud aliter cum Plumbi Mineris sese habet: inter has enim subtilius striatæ, granulatæ (§. 421.), fugaci splendore nitentes, ad Argentiferarum Classẽ referuntur; imo, cum tantum sæpe in iis Argenti contineatur, ut id pretio Plumbi inhæ-

rentis plus valeat; a quibusdam non inepte pro veris Argenti Mineris habentur. Sed & hæc regula multoties patitur exceptiones; dum contra Galena, magnis tessulis insignis, quæ vulgo minus Argentifera censetur, prioribus respectu Argenti æquivalet. Solent enim Metallicolæ plurimas Mineras ad nobiliora referre Metalla, quando hæcce, ratione pretii impositi, reliquis pro vilioribus habitis præcellunt; tametsi illorum quantitas longe minor sit, quam horum. Hinc ex. gr. Pyrites, si vix drachma una vel altera Auri ex Centenario ejus extorqueri potest, iisdem vocatur Minera Auri: si Plumbi Minera unam vel dimidiam Argenti Marcam continet, dicitur Metallicis Minera Argenti, & sic porro. Quoniam in sua arte semper impensarum & emolumenti inde redundantis rationem habent.

§. 443. Hic denique superaddere juvat cautelam, ut ne quis statim censeat, Argentum in Minera Cupri, Plumbi, Ferri &c. universaliter contineri, si ex gleba, in qua ejusmodi Minera prædominatur, vel ex Metallo inde eliquato, Argentum separari potest: imo vero, antequam experimentum instituatur, & res determinetur; bene prius circumspiciendum est, ut eligatur Minera exterius & interius a saxis interspersis, Argenti nativi foliola, aut Mineras Argenti (§. 435 ad 439.) forte occultantibus, libera, purissima, ad adspæctum homogenea. Nisi enim talem sumas, non poteris ex elicito inde Argento secure concludere, eam fuisse Argentiferam; siquidem paucissimæ dantur Minerae, quæ non aliquando cum Argenti Mineris contiguæ sunt. Quod si autem per
mi-

minutas moleculas talis concretio facta est ; primo intuitu haud facile discerni potest, an ea accidentalis tantum, an vero propria sit Mineræ. Videtur hinc intelligi posse ratio, cur Reguli, ex Mineræ frustis impurioribus, diversis vicibus seorsim præcipitati, pro ratione quantitatis Metalli, non eandem, si explorantur, Argenti copiam ex se quandoque fundant ; tametsi nulli errores in operatione committantur : id quod nunquam contingit, si Minera antea bene contunditur & miscetur, vel eadem saltem purissima adhibetur.

§. 444. Mineræ Argenti propriæ, puræ (§. 435 ad 439), vel Cupri vel Plumbi Mineris purioribus quibuscunque insitæ, vel interpositæ, per se sunt fluxiles. Refractariæ autem, & non fluxiles, quænam sint, ex ante jam dictis intelligitur (§. 378.); quippe quæ de omnibus valent Mineris. Sed heic loci Stanni Minera singularem meretur considerationem : hæc enim ad ignem quidem nec sola, nec aliis Metallis adjuncta, indolem habet refractariam : quin Stannum etiam Argento, præcipue autem Plumbo, commodissime se misceri patitur (§. 58. & 74.): interim tamen statim, ac ignis in tantum augetur, ut Plumbum rubescat, Stannum in calcis forma sese ab illo separat (§. 58.); quæ calx a Plumbo plane non, difficillime etiam a Vitro hujus, solubilis est, insignemque Argenti quantitatem, si hoc Stanno antea admixtum fuerit, abripit. Atqui Argentum per Plumbum, accedente valido igne, ab omni heterogeneo, Aurum si exceperis, abluitur. Unde patet, quod, & quam ratione, Ar-
gen-

gentum, vel ejus Minera, refractaria in examine Docimastico, quatenus Plumbum concurrat, sit censenda, si Stannum vel ejus Minera illi sese immiscuerit.

D E

A U R O

Ejusque Mineris.

§. 445. *Aurum*, characteribus suis (§. 8.) insigni, a Sulphure & Arsenico liberum, præ omnibus aliis Metallis, *Nativum* reperitur frequentissime, nulla interim certa figura distinctum, sed irregularibus tantum moleculis constans. Præcipuas ejus Matrices saltem heic recensere haud inutile erit.

§. 446. Est *Silex*, vel *Quartzum Album* (§. 42. No. 4^{to}.), in quo, solidissimis & maximis moleculis, Aurum in forma metallica reconditum esse solet. In eodem Lapide flavo, & cœruleo, quem quidam Corneum vocant, pariter, sed rarius, minoreque quantitate, idem later.

§. 447. *Lapis Fissilis*, cœruleus, quem ob colorem *Lazureum* adpellant, a subtilissimis Auri squamulis, eleganter flammeus crebro apparet; quamvis tamen minus in hoc solidum sit Aurum, quam in prioribus (§. præc.).

§. 448. Vix datur in rerum natura *Sabulum*, quin Aurum in se contineat: sicuti & plurimæ *Ter-*

re

re limosæ, pingues, idem ferunt; sed rarius adeo fertiles sunt, ut operæ pretium solvat illud per Elutriationem & Amalgamationem inde extrahere: neque semper hæc methodus procedit; etsi non parum Auri in forma metallica iis sit interspersum. Solet tamen istud Sabulum, præ cæteris, Auro esse ditius, quod in alveis torrentium & fluviorum, vel prope hos, præprimis ubi varios in anfractus sese contorquens canalis aquam reflectit, reperitur.

§. 449. *Aurum hoc Nativum* (§. 445.) rarissime habetur absolute purum; sed semper Argento mixtum est: quanquam tamen id, quod in Sabulo & Terris reperitur (§. præc.), magis fere Argenteum sit, quam illud, quod solidæ Matrici incuneatum hæret (§. 446. 447.).

§. 450. Quantum mihi cognitum est, hætenus nunquam inventa fuit *Minera*, in qua Aurum maximam constituerit metallicam partem: unde nullam Auri Mineram propriam recensere valeo (§. 353.): quod ipsum etiam testantur Auctores in cognitione & exploratione Mineralium peritissimi (*). Variæ quidem sub hoc titulo venduntur Minerae; sed, quæ rigido examini submissæ tales non deprehenduntur: illis enim in locis, ubi ex Sabulo Terrisque elutriatur Aurum (§. 448.), obvix nonnunquam sunt Minerae Stanni in granulis, sicuti & Granati (§. 428 ad 431.): neque tum harumce comes, rapax illa

* Laz. Ercker. *Aula subterranea*. p. 55.

Georg. Leonhard. v. Lohneyß. *Nachricht vom Bergwerk*.

p. 125

§. F. Henckel. *Pyritolog.* p. 167. 226. 667.

illa Ferri Minera, (germ. *Wolffram*) dicta, aliæque ejusdem farinae (§. 396.), abesse solent. Ita quidem factum, ut colore ejusmodi Minerarum in rubrum vel flavescentem vergente, Aurique in iis præsentiam mentiente, multi decepti eas pro Auri Mineris habuerint: interim neminem unquam ex iis distescere, neque Aurum inde elicuisse vidi. Idem de Marcasitis, sic dictis Aureis, censendum est: nam, quas vidi, nihil aliud fuere, quam Pyritæ sulphurei (§. 359.).

§. 451. *Mineræ Auri Impropiæ*, præter Argenti & quasdam Cupri Mineras, habentur nullæ: in his enim solummodo Aurum, Sulphure & Arsenico penetratum, formam suam metallicam deposuit. Quod si vero in cæteris Mineris deprehenditur Aurum, una cum hoc longe major conjuncta est Argenti copia: ut ideo potius ad Argenti Mineras pertineant; ubi loci etiam ante recensitæ sunt.

Coroll. Cum Aurum constantissimum sit & incorruptile in igne (§. 8.); facile subtilissimæ ejus squamulæ a pyritosis, similis coloris (§. 359.), sese distinguunt: nam priores retinent non modo in igne suum colorem, sed, si inquinatæ fuere, etiam pulchriores tunc evadunt; posteriorum autem color penitus mutatur in intenso rubicundum, nitida superficies in pulverulentam, tumque vere Auræ, si quæ insunt, particulæ magis conspicuæ redduntur.

DE

MERCURIO,

Et ejus Minera.

§. 452. *Mercurius Nativus*, currens, vivus, *Virgo* appellatus, in Lapide aut Terra fissili, gryseo & cinereo, molliori, ut plurimum later; in quo sub forma guttularum vel oculo nudo, vel armato, detegi potest. Circa Hydriam præcipue reperiendus is est uberius; ut quandoque confluentes ex Matrice guttulæ vasculis hauriri possint.

§. 453. *Minera Mercurii* cognoscitur modo unica, dicta *Cinnabaris*, cujus puriora specimina, apud Pharmacopœos & Seplasiarios, sub nomine *Cinnabaris nativæ*, prostant ubique. Colore ea pulcherrimo coccineo fulget, & fracta strias parallelas squammasque conspectui exhibet; rarissima est, quæ diaphana. Insuper ponderosa valde est, mollis, composita ex mero Sulphure & Mercurio; ita tamen, ut Mercurii quantitas sextuplo & ultra major, quam Sulphuris, esse soleat, atque ab illius abundantia coloris etiam *Cinnabarini* pulchritudo pendeat: prout Regeneratio, & Analysis Chemica *Cinnabaris* docent. Facile hinc quoque patet, cur ea, ratione aliarum Minerarum, adeo sit volatilis.

§. 454. *Mercurius*, ejusque *Minera*, *Cinnabaris* (§. præc.), inter Metalla omnia, paucissima quantitate

titate reperitur; ita, ut, computum instituyente Cl. Hoffmanno (a), quinquagesies (vel potius dicere voluisse videtur, quinquies) plus Auri quotannis ex Terris Fodinisque eruat, quam Mercurii vel ejus Mineræ. Neque tamen Mercurius & Cinnabaris adeo magno venduntur pretio; quoniam ejus usus in vita communi minus frequens est, quam reliquorum Metallorum omnium; pretiosis rarioribus ne quidem exceptis. Quod uti verissimum est, ita haud tamen minus quoque certum esse videtur, Mercurium & ejus Mineram longe frequentius, quam creditur, occurrere, sed non cognosci. Probabile id fiet consideranti, quod Metallurgi Mineralia sibi incognita solummodo examini in igne aperto, valido, subjiciant, Scorificationes, Cupellationes, Præcipitationes fusorias varias, cum iis instituendo, spernantque, vel ignorent, operationes, quæ fiunt in vasis clausis; tum quod de Mercurii præsentia vix unquam cogitent, nisi cum ipse vivus, in visibiles guttulas collectus, vel coccineus Mineræ ejus, Cinnabaris (§. præc.), color, oculis sese objicit. Accedit, quod Cinnabaris, quæ tamen, si pura est, a cæteris Mineralibus quam clarissime se distinguit, color, pondus, figura, ab aliis Mineralibus admixtis tantopere sæpenumero occultentur; ut, nisi experimentum instituatur, solo externo adspectu neutiquam detegi possit. Experimentum vero absolvitur Destillatione; quæ una cum Sublimatione merito in sub-

(a) *Dissert. Physico-Chemica, de Mercurio & Medicamentis ex Mercurio selectioribus, Thes. II.*

subterraneorum indole indaganda, crebrius in usum vocari deberet. Sane permulta innotescerent, ob earum neglectum ignota.

Coroll. Multa equidem apud Chemicos reperiunda sunt experimenta, per quæ ex Mineralibus elicitus fuisse Mercurius fertur; sed omnia ista nobis heic parum inserviunt. Nam 1^{mo}. Mineralia ista non exacte sunt descripta; ut, si occurrerent, possent dignosci: & si forte nomen adpositum sit, illud vel plurimis etiam aliis rebus commune est, vel nemini, nisi ipsi Auctori, cognitum, quidnam significet. 2^{do}. Circumstantiæ necessariæ in experimentorum enarratione sæpe prorsus omissæ fuere.

D E

REGULO ANTIMONII.

Et Minera ejus.

§. 455. *Regulam Antimonii purum, Nativum*, reperi-
tum fuisse, nulla mihi observatione constat; nec,
apud Auctores de eo effosso alicubi mentionem factam fuisse, memini.

§. 456. *Minera Antimonii*, colore fusco cœrulescente, striis tenuibus, longis, & sese decussantibus, & parallelis, rarius squammis, splendentibus, interdum levi rubedine interlucente, semet distinguens, ponderosa, igni leniori admota, obscura candescencia vix suscepta facile funditur; fumumque simul spargit densum, gryseum, Sulphur vulgare accen-

T

fum

sum acriter redolentem, cum quadam adjuncta nauseosa dulcedine; resolvitur in Regulinam partem (§. 19.), & Sulphur vulgare, ex quibus ambobus etiam, sub debita encheiresi, regenerari facile potest (§. 375.).

§. 457. *Minera Antimonii* habetur prorsus rubri, coccinei coloris, quæ præcedente multo rarior, præter Sulphur, Arsenici non est expers, cæterum cum priori conveniens.

Hæc, sicuti etiam præcedens, *Minera Antimonii* nascitur etiam in forma *Florum flocculentorum*, ex striis filamentosis nitide contextorum, rarioris texture.

Scholion. Descriptio Mineræ Reguli Antimonii (§. præc.) valde quidem convenit cum descriptionibus, quas exhibuimus, Minerarum quarundam Ferri (§. 394. 395. 396.), præsertim posterioris (§. 396). Et sane tanta etiam heic obtinet similitudo, ut quandoque inter se confundantur. At Antimonii tamen Minera eo sese facile distinguit, quod minuta ejus particula, ad lampadis flammam applicata, mox lique scat; dum interim Ferri Mineræ, rapaces, vel plane non, aut saltem non nisi Tubo Cementatorio (§. 298.) adhibito, ad fluorem possunt deduci. Dein si semel habitum quis omnium istarum Minerarum externum, accurate consideratum, sibi impressit, is, nescio quid, differentiae detegit haud equidem verbis facile describendæ, sed adeo tamen notabilis, ut deinceps solo etiam adspectu eas a se mutuo distinguere queat.

D E

B I S M U T H O

Et ejus Minera.

§. 458. *Bismuthum* tam purum hæret aliquando in *Minera* sua inclusum; ut pro eo inde eliciendo, præter rudem comminutionem, nulla præparatione ulteriore opus sit.

§. 459. *Minera Bismuthi* omnis, docente id *Analyfi Chemica*, per *Arsenicum* in *Mineræ* statum reducta est: id enim per *Sublimationem* inde prodir, nisi aliorum *Metallorum Mineræ* intersitæ sint. Cognoscitur iisdem fere characteribus, ac *Bismuthum* (§. 18.): est enim color ejus flavescens, & in fissuris, quibus plena est, purpureus & violaceus fulget color; squammosis fragmentis cernitur coacervata. In *Cobalto vulgari Arsenicali* (§. 368.) descripto sæpe etiam *Bismuthum* continetur.

§. 460. *Flos Bismuthi*, multum convenit cum *Flore Cobalti* (§. 369.), nisi quod colore gaudeat dilutius rubro s. perfico, & *Mineram* (§. 459.) probasi agnoscat. Est & in hac *Minera* eadem illa *Terra*, vitæ cœruleo tingens colore, de qua jam sub *Cobalto* mentionem fecimus (§. 368. 369.). Unde liquet, *Mineram Bismuthi* haud inepte *Cobaltum Bismuthi* vocari posse; siquidem in omni *Bismuthi Minera* eadem reperiantur principia, quæ in *Cobalto*, diversa solummodo proportionem.

T 2

Scholion.

Scholion. Hæc loci haud inopportunitum erit confessionem *Zaffra* & *Smalti* exhibere, quam *Kunkelius* in Arte Vitraria primus clare descripsit. Videlicet, Cobaltum post Sublimationem, Bismuthum post Eliquationem, Caput Mortuum relinquit, quod speciatim vocatur (germ. *Wismuth-Graupen*), si de Bismuthi Minera residuum fuit. Id in se Terram continet, quæ, cum vitri ingredientibus colliquefacta, colorem vitro cœruleum conciliat. Contunditur nimirum istud, per cribrum subtile trajicitur, huicque dein terendo & cribrando intime admiscetur pollen subtilissimum, ex Arena vel Silicibus albis paratus, & quidem dupla plerumque, ratione prioris, quantitate. Si dein compositus hic pulvis, qui *Zaffra* vocatur, aqua irroratur; tunc velut in lapidem concrefcit mediocris duritiei; quum vero isthæc irroratio semper fiat, antequam *Zaffra* vendatur; ideo eam nonnulli pro nativo Minerali habuerunt.

Si vero *Zaffra* isthæc cum sufficiente ex. gr. subdupla Cinerum Clavellatorum copia, terendo, miscetur, & dein magno igne funditur; nascitur inde vitrum coloris fere nigri, quod tamen, si liquefactum mox projicitur in aquam, tum teritur, & cribratur, pulcherrimum exhibet pulverem cœruleum, qui vocatur *Smaltum*.

Si eadem ista *Zaffra*, aut inde confectum *Smaltum*, miscetur cum centuplo aut plure vitro, confuso, crystallino, aut cum ingredientibus quibuscunque, ex quibus constantur alba vitra; tunc color, qui in solo Smalto liquefacto tam ater apparebat, diluitur

luitur in pulcherrimum cœruleum, Sapphirinum : unde nonnulli vocabulum *Zaffra* deductum fuisse volunt.

D E

Z I N K O

Ejusque Minera.

§. 461. *Zinkum*, *Zink* (germ. *Contrafait*, *Spiauter*), in tali forma, sicuti (§. 17.) descriptum, *Nativum* reperiri, aut repertum esse, me latet: neque nota est ulla *Minera*, ex qua hoc Semimetallum eodem modo, sicuti cætera Metalla & Semimetalla ex suis *Mineris*, eliquari possit; quoniam mediocri igne fusorio, totum quantum in fumum resolvitur, cum luculenta inflammatione (§. 17.), liberoque aëre simul accedente penitus destruitur, fumusque tum vel in flores niveos, vel sublimatum densum solidum abit, si colligitur.

§. 462. Omne hinc, quod in Germania, præsertim Goslarie, paratur *Zinquum*, non per Eliquationem, sed per Sublimationem, aut, si mavis, Destillationem, acquiritur: neque ex *Minera* quadam singulari, sed ex intricata adeo *Minerarum* congerie; ut inde plurima simul alia Metalla & Mineralia separare liceat. Maxime quidem Ferrum, Plumbum, Cuprum, in iis abundant: quin propemodum omnia insuper Sulphure & Arsenico sunt involuta.

§. 463. Interim haud peculiare eum in finem in-

stituuntur Sublimationes, ut Zincum eliciatur; sed, secundario quasi labore, sub aliorum Metallorum, Plumbi imprimis, Eliquatione id simul colligitur.

§. 464. Juvat heic modum enarrare, quo Sublimatio Zinci Goslaricæ (§. 462.) perficitur; quia accuratam ejus descriptionem vix ullos apud Auctores reperire licet. Mineræ, Zincum daturæ, per diuturnam, aliquot vicibus repetitam, Ustulationem a Sulphure, quin & eadem opera quodammodo ab Arsenico liberantur. Prima Ustulatio fit in aëre & area libera, & durat per aliquot menses, quoniam ob abundantissimum Sulphur, acervus Minerarum ingens aliquot millium centenariorum, strato ligneo superinstructus, ipse accenditur; hinc ligno, quod intra sesqui diem fit, consumto, reliquo tempore, proprium Mineræ Sulphur inflammabile æstum alit. Sequentes Ustulationes longe minori tempore, ultima in Furno fornicato igne reverberii absolvitur. Dein cum carbonibus alternatim stratificatæ, Furnis committuntur prismaticis, quadrangulis, quorum altitudo latitudinem & longitudinem aliquoties superat. Tria cujuslibet talis Furni latera totidem crassi muri constituunt; quartum vero, quod est anterius, occluditur laminis, de lapide fissili, magnum ignem sustinente, exsectis, vix ultra sesqui pollicem crassis. Infimæ harumce laminarum, interius, ad marginem inferiorem applicata est altera lamina, simili de lapide facta, ita quidem posita, ut a margine dicto oblique sursum, introrsum, assurgens, canalem constituat incumbentem Saxo sabuloso, quod sauro anteriori instar fundamenti sup-
posi-

positum est: ubi versus hoc Saxum convergentes ambæ laminæ fundum canalís constituunt, acutum, prismaticum, ibi superstites rimæ clauduntur carbonibus luto obductis, lutoque tenui superstites & ad latera obturantur, & complanantur. Canalis ipse impletur pulvere carbonum. Conducit, ut hic canalís, versus alterutrum Furni latus declinans, pronus sit, hinc eo versus deducat, quicquid liquefacti in cavum ipsius delabitur Zinci: qua ratione facilius ejus aggregatio obtinetur. Si tum, luculento igne, excitato per Folles, ad posteriorem, inferiorem, Furnorum parietem applicatos, Mineræ (§. 462.) liquecant; tum simul Zincum, toto suo corpore volatile, anteriori mox descripto, tenuiori, semper minus fervido, Furni parieti interius guttatim sese applicat, & maxime quidem ad lapidearum laminarum, e quibus ille constat, commissuras, utpote fulcis rimisque inæquales. Si tum, inter fusionem, paries iste subinde leviter percutitur, præterea quandoque aqua frigida guttatim parieti huic adspargitur, ne is nimis fervidus evadat; defluens guttatim Zincum cadit in cavum canalem modo descriptum, prismaticum, superius apertum, hujusque ob declivitatem prismaticam versus fundum convergentem colligitur, factoque foramine, ad fundum canalís infimum, ubi carbonibus & luto obstructus est, exitum invenit, & in suppositum vasculum ferreum excipitur, sicque elapsum inde in supposito vasculo colligitur. Absoluta demum omni operatione, remotis carbonibus & luto, quibus fundus canalís fuit obturatus, inveniuntur carbones commi-

nuti, in canali Zincum recipiente, operatione incipiente repositi, citra consumptionem perstitisse, quam ignem fere per nycthemerum passi fuerint, quibus multum Zinci granulatum absconditum inhæret, quod collectum in unam massam confunditur. Maxima tamen sub hac operatione Zinci copia comburitur & dissipatur: id, quod & Zinci in longe minori igne facilis combustibilitas a priori docet, & præcipue flammæ ipsius ex Furnis eo tempore prorumpentis color eleganter viridis, cum purpureo & cœrulescente variegatus, fumusque albus, densus, simul exiens: ejusmodi enim flamma semper, præsertim circa finem operationis, haud ingrato spectaculo conspicitur. Hinc ex ingenti Minerarum copia, quæ, intra octodecim horas in quemlibet Furnum per vices ingesta, eliquatur, non computatis additamentis, sexaginta Centenarios excedente, vix tres, quatuor, ad summum quinque libræ Zinci obtinentur; cujus tamen, debitis encheiresibus rite observatis, longe plus colligi possit.

Coroll. Patet ideo ex dictis (§. 461 ad 464.), quam difficulter de Zinci ex hac Minera productione certi quid statuatur; cum id ex tanta Minerarum & Mineralium confusione, tam singulari modo, prodeat.

§. 465. Præter tamen hætenus memoratas, Goslarienses, Zinci matrices, adhuc quædam aliæ reperiantur, quæ *Mineræ* ejus possunt vocari. Pertinet huc *Lapis* præsertim *Calaminaris* (germ. *Galmey*), alias quoque *Cadmia Nativa*, ut distinguatur a sublimata *Cadmia Fornacum*, dictus. Est hic figuræ
penitus

penitus irregularis ; interdum spongiosus, interdum solidior ; coloris lutei , flavi , rubicundi, aliquando grysei , vel & ex omnibus modo memoratis simul permixti ; cæterum, respectu aliarum Minerarum & Lapidum Metallicorum , nec pondere nec duritie insignis ; ruditer diffractus, ignique validiori injectus, mox tingit flammam instar Zinci, fumumque album, densum, copiosum, exhalat, qui tamen nec Sulphur, nec Arsenicum , redolet , sed odoris est mitioris , singularis, summopere saltem adstringentis, atque in flores levissimos, primum cœrulescentes, dein gryseos albos, condensatur. Caveatur modo, ne ejusmodi experimentum fiat cum talibus Lapidis Calaminaris frustis, quæ Pyrite flavo , Sulphureo (§. 359.), vel albo Arsenicali (§. 366.), aut etiam Galena Plumbi (§. 420.), stipata sunt : solent enim istiusmodi quandoque Lapidi huic sociata esse. Præter volatilem partem mox descriptam, insuper in Lapide Calaminari plurimum Ferri adest, tum & Terra non metallica, satis copiosa.

§. 466. Ex hoc quidem Lapide (§. præc.) nec sola ignis vi, nec additis vulgaribus Fluxibus reducentibus, unquam produci Zincum potest. Attamen Florum illius (§. præc.) cum Floribus Zinci convenientia ; mutatio rubri Cupri coloris in flavum aureum , quæ , ut a Lapide Calaminari, sic & a Zinco perficitur (§. 106) ; denique productio ipsius Zinci ex Lapide Calaminari variis encheiresisbus obtinenda, illum inter Zinci Mineras reponere jubent : qua de re plura sub Operationibus.

§. 467. De *Mineris Zinci propriis*, ex quibus

T 5

id,

id, sicuti alia Metalla ex suis Mineris, eliquari possit, varia a quibusdam Auctoribus traduntur. Tametsi autem horum fidem subleſtam facere nolim; attamen variæ urgent rationes, quo minus credam, quod istæ Mineræ, quibus illi nomen Zinci adscribere, re vera tales fuerint. Nam 1mo. A plurimis Auctoribus Zinquum cum Bismutho confunditur: ut ideo binâ hæc nomina pro synonymis habeant; cum tamen maximum detur inter ambo ista corpora discrimen: uti ex characteribus utriusque, facilius in sensus incurrentibus, (§. 17. 18.) exhibitis, clare patet; ne memorem differentias insigniores, quæ per experimenta Chemica sese in iis manifestant. Pro exemplo unicum sufficiat adducere G. L. de Löhneyß. Auctorem certe in Re Metallica haud infirmi subfelli: is tamen, ubi narrat, quomodo Zincum Goslaræ ex Minera producat, dicit: *Hoc Zinquum sive Bismuthum auide ab Alchemistis desideratur.* Vid. Ejus Librum, cui titulus *Nachricht vom Bergwerck.* pag. 83. b. 2do. Auctores descriptionem Mineræ Zinci ipsis dictæ vel prorsus neglexere; vel, si uno alterove verbo mentionem ejus characterum fecerunt, hi ipsi accurate etiam Mineræ Bismuthi competunt. Accedit demum, quod Mineræ Bismuthi in plurimis illorum locorum, quos Scriptores Mineræ Zinci feraces esse dicunt, reperiantur potius, quam Mineræ Zinci: ex. gr. in Anglia, de cujus regionis Minera Zinci multus sermo est; quamvis interim vix existere videatur: qua quidem in opinione magis me firmat locus quidam in Webſteri *Metallographia.* pag. 339. obuius; ubi Auctor hic

fate-

fatetur, se Zinci Mineram frustra ubique, præsertim in Anglia, quæsisisse (a).

§. 468. Multum Zinci ex Indiis Orientalibus per naves Belgicas in Europam adfertur, quod Germanico paullo magis cœruleum, & utcunque tenacius puriusque, a Plumbo præprimis liberum est. Sed nec de regione, ubi effoditur Minera Zincum istud fundens, longe minus de modo, quo Zincum inde obtinetur, certi quid constat: fertur enim, nemini Europæorum istas regiones intrandi libertatem concedi.

D E

V I T R I O L O

Et Mineralibus Vitriolicis.

§. 469. Si per Sulphuris Acidum Saleem (§. 26.) Metallum, vel Semimetallum, ita solvitur, ut ambo simul conjuncta sub salina forma appareant, dicitur concretum tale stricte *Vitriolum*.

§. 470. In Regno Minerali hætenus duo tantummodo Metalla ab hoc Sulphuris Acido naturaliter reper-

(a) Verba ejus sunt: *I know not, what use is made of this Spelter, but only that the Brasiers do mix it with Copper & there of make their Cement or solder, for from them we have it, & that at very dear rates. The Ore of it I have not seen, nor as yet could procur, and I should be very glad to hear that any of it could be obtained, or any of it found in England.*

reperta fuere soluta, Ferrum videlicet, & Cuprum. Hinc *Nativa Vitriola* duo modo numerantur, *Ferri* nempe & *Cupri*. Horum illud viride, semidiaphanum, crystallis conspicuum rhomboidalibus, sapore dulci, stiptico, adstringente, præditum, in igne primum liquefcit, vaporemque aquosum emittit, dein exsiccat, abique in gryseum crama, quod aucto igne tandem rubicundum fit; dum interea vapor acidus, suffocans (§. 26.), inde expellitur. Vitriolum *Cupri* autem, per artem a priori separaturn, purum redditum, est cœruleum, minus pellucidum, minus aquosum, ponderosius, non tam facile, sicuti prius, ad ignem fluens, sapore nauseosissimo, caustico, infectum, cæteroquin a priori non nisi ratione Metallî, quod continet, differens, quippe quod in isto Ferrum, in hocce Cuprum est. Ambo hæc Vitriola, in aqua soluta, hanc tingunt eodem colore, quo ipsa gaudent.

§. 471. Utraque Vitriola (§. 470.) simul conjuncta plerumque reperiuntur; sicuti & ambo Metalla, ex quibus, per Acidum Sulphuris solutis, ortum ducunt, vix unquam solitaria, sed inter sese varia proportionem mixta esse solent. Ferri interim Vitriolum in concretis istis maxime prædominatur. An Cuprum Vitriolo insit, facile detegitur, si in solutionem Vitrioli lamina Ferri polita immittitur: tum enim semper Cupri quidpiam excutitur, quod superficiei laminæ, subtilissimi pulveris rubicundi specie, sese statim applicat. An vero, & in quibusnam locis subterraneis Vitriolum Cupri occurrat tam purum, ac est vulgo venale cœruleum, me latet.

ter. Videtur potius factitium esse, quod sub titulo Romani, Cyprici &c. venditur.

§. 472. *Vitriolum Nativum* in aquis plurimis hæret solutum: aqua enim semper concurrere debet, ut Acidum Sulphuris cum Metallo transeat in Vitrioli formam; quia nullus Sal virtute salina agit, nisi vel per ignem, vel per aquam sit solutus. Accedit, quod crystallina Vitriolorum forma & pelluciditas sine accedente aqua haud acquiratur. Sales autem Vitriolici plurimas constituunt Aquas sic dictas Medicatas, docentibus id Pyrmontanis & plurimis aliis. Unde & ex tempore explorari potest, an tales Aquæ Vitriolum in se contineant, si aqua decocto vegetabili, austero, ex. gr. Herbæ Thee, Gallarum, Radicis Tormentillæ, Bistortæ &c. affundatur; ista enim mixtura ilico in opacum transit Atramentum, si ei Vitriolum Ferri inest. An vero Vitriolum Cupri contineat aqua, patet, si ipsi immissa ferramenta successive consumuntur, & contra inde præcipitatur Cuprum. Quin &, si plurimum aquis inhæret Cupri Vitriolum, Cuprum inde per immissa ferramenta copiose excussum tandem solidescit, & extrinsecus scabrum, puculatum, intrinsecus ex filis parallelis quasi aggregatum, & secundum horum ductum facilius quoque fissile, cæteroquin ductile, se exhibet. Vocatur tum Cuprum tale præcipitatum (germanic. *Cement-Kupfer*): Aquæ vero, quæ Vitriolo Cupreo, copioso, imprægnatæ sunt, (*Cement-Wasser*). Hinc & consuetudo obtinet, ut omnes Aquæ Vitriolicæ dicantur (germ. *Kupfer-Wasser*); tametsi Vitrioli Ferri longe maximam, Cupri minimam

nimam partem vehant. Ex hac etiam ratione, videntur Vitriola, generali nomine, ab antiquis vocata fuisse *Chalcantha*; quoniam omni fere aliquid Cupri inesse solet, quod facilius detexere, quam Ferrum.

§. 473. *Vitriolum* quoque purum, in forma solida varia, passim in *Fodinis* reperitur. Aliquando id congelatum est, gelicidii instar, tuncque vocatur *Vitriolum Stalacticum*, quod coloris est viridis, plus minus tamen coeruleo, Cupri præsentiam indicante; temperati, compactum, nec exterius nec interius illam figuram præ se ferens, qualem nascitur secundum artem crystallisatum.

Vitriolum etiam album reperitur in *Fodinis*, atque paratur simile nativo ex Minera Plumbi Pyritosa, diuturna Ustulatione præparata, Goslaræ, quod solutum in aqua, iterumque inspissatum, colorem album servat, nec, quantum memini, alibi conficitur. In eo Cuprum & Ferrum suam præsentiam facile ostendant: in ejus enim solutionem intrusa lamina Ferri, nitida, brevi obducitur tenui Cupri præcipitato. Ferrum sese manifestat rubigine, quam *Vitriolum* album aëri libero expositum brevi contrahit; Ochra etiam in ejus solutione, vase aperto aliquamdiu digesta, sicuti ex *Vitriolo* vulgari, excutitur, quæ collecta, accedenteque phlogisto ustulata, a Magnete arripitur, & in Regulum Ferri, addito convenienti fluxu, colliquari potest. Sed ambobus hisce Metal-
lis separatis, iterata solutione & evaporatione, residuum deprehenditur, quod antea fuerat *Vitriolum* album, sed purius, in quo nec Cuprum nec Ferrum amplius apparet; adeoque & Ferrum & Cu-
prum

prum accidentales, neutiquam essentielles, ejus partes sunt censendæ. Unde, quantum scio, nulli hactenus licuit id adeo imitari, quin tale facile a Glossariensi distingui possit. Omnes videlicet persuasi fuere, id ex Ferro aut Cupro, aut ex ambobus compositum esse. Videtur hoc Vitriolum album esse Sal iste, de quo, ni fallor, Erckerus mentionem fecit, quod eum ex Mineris Plumbi ustulatis paraverit. Plura de hoc subjecto invenies P. II. in Processu de Vitriolo.

Variae præterea germinationes, & efflorescentiæ Vitriolicæ in fodinis, imo & in ipsa terræ superficie, occurrunt, nunc densiores, nunc tomentosæ, albæ, virides, cœrulescentes, quibus infinita tam ex figurarum, quam colorum, per fortuitam heterogeneorum admistionem nata varietate desumta, hinc merito spernenda, imponuntur nomina.

§. 474. *Lapides Atramentarii* (germ. *Atrament-Stein*) sunt concreta Mineralia, in quibus perfectum jam Vitriolum (§. 470.), sed multis aliis Terris, Mineralibusque, aliquando confusum, later. Unde iterum facile innotescit, quod ejusmodi Lapidum, ratione ponderis, duritiei, coloris &c. infinita, nec certo determinanda, sit diversitas. Quin & colligitur hinc, quod varia nomina, ab accidentalibus hisce differentiis petita, prorsus omni careant usu; siquidem Vitriola, ex eorum quibuscunque extracta, pura reddita, prorsus sunt eadem, ac (§. 470.) memoratum. Præcipue a coloris diversitate quatuor talium Lapidum numerantur species: scilicet *Lapis Atramentarius Niger, Gryseus, Flavus, Ruber*. Inter hos *Flavus* pulcherrimo, sed labili admodum

modum colore, micantibus moleculis interpositis, & molliore consistentia, tum Vitrioli copia, maxime sese distinguit. Hæ glebæ primo statim intuitu non semper adeo facile dignosci possunt; quin Mineras etiam aliorum Metallorum haud raro mentiuntur; & nonnunquam re vera ramenta variarum Minerarum sibi concreta gerunt. Cum tamen perfectum jam Vitriolum in iis sit, sapor Vitriolicus infallibilem omnium eorum constituit characterem; sic ut primoribus saltem labris gustanti sese ilico manifestent (§. 470.).

§. 475. De Pyritis Ferri & Cupri Sulphureis (§. 359. 397. 415.) heic mentio etiam facienda. Habent certe isti principia omnia in se, ex quibus nasci potest Vitriolum (§. 470.): Cuprum videlicet, Ferrum, & Acidum Sulphuris. Quidam enim Ferri Pyritarum, aëri expositi, sponte fatiscunt, ac in Vitriolum pro parte abeunt: cujusmodi sunt Pyritæ Ferri, puri, mere sulphurei (§. 359.): vix tamen Pyritæ Cupri; Arsenici vero plane non, huc pertinent (§. 415. 366.). Alii autem prævia Ustulatione & expositione ad aërem per aliquot septimanas vel mentes egent, ut inde nascatur Vitriolum: cujusmodi sunt Pyritæ Ferri, Cupri, & qui, una cum Sulphure, Arsenici notabilem quantitatem, in se habent, notante id Clarissimo Henckelio. At hac de re tamen plura capienda sunt experimenta: reperiuntur enim quidam Ferri Pyritæ, qui aëri expositi sponte in Vitriolum abire renuunt; tametsi nec Cupri, nec Arsenici, plus in se habeant, quam alii, qui paucos intra dies vitriolescunt.

§. 476. Ex plurimo itidem Lapide Calaminari (§. 465.), præcedente Ustulatione, nascitur Vitriolum; licet nec Pyritosus iste fuerit, neque tanta in eo Acidi copia, quanta ad Vitrioli inde producti generationem requiritur, ullo experimentorum eventu demonstrari possit.

Scholion. Cui placet in obscura illa nomina *Sory*, *Misy*, *Chalcitidis*, *Melenteriae* &c. inquirere, ut sciat, quales hæc res apud Veteres designaverint, is heic forte inveniet locum, ad quem pertinent.

D E

A L U M I N E

Et Mineralibus, ex quibus id producitur.

§. 477. *Alumen* (O.) est Sal coloris albi, vel dilute rubelli, saporis dulcis stiptici, in aqua solutum, decenter inspissatum, frigidum, formans crystallos semipellucidas, octoëdras, quæ ad ignem primo liquecunt, ebulliunt, spumescunt, copiosumque phlegma eructant, dein in massam levem, spongiosam, albissimam, abeunt, igne vero tandem magis aucto fundunt similem Spiritum Acidum, ac Vitriolum (§. 470.), vel Sulphur accensum (355.), sed quantitate, si Destillatione colligitur, exigua. Residuum est, ut prius, in aqua solubile, eandemque post inspissationem induit formam Aluminis, ac prius, eadem fere quantitate. Terram in se continet levem, albam, vel rubellam, quæ per Alcalia

excussa, probe abluta, specie quidem externa cum Terris margaceis convenire videtur; ejus vero penitus considerata indole variis dotibus differt.

Non tamen omne Alumen, exceptis characteribus, quos modo memoravi, iisdem prorsus dotibus gaudet; siquidem etiam ejus præparatio, ratione additamentorum, quin & ipsa Mineralia, ex quibus conficitur, differunt: prout jam, & in Parte sequenti latius explicabo. Quare differentes ejus species dari, in laboribus Chemicis non est negligendum, ob diversum experimentorum eventum.

§. 478. Producitur autem Alumen (§. præc.) vel ex Minerali bituminoso, nigro, splendente, fissili, hinc Lithanthraci (§. 362.) valde simili, sed leviori, nonnunquam fibrato, lignum æmulante; vel ex molliori gleba bituminosa. Glebæ hæ inflammabiles sunt, &, in acervos congestæ, sponte incallescunt, inflammanturque, foetorem interea bituminosum, graveolentem, quandoque Sulphureum, de se spargentes, superstitæ Terra spongiosa, parum sapida. Si vero non inflammantur, sed solummodo incallescunt atque dehiscunt, tunc Alumine multo fiunt prægnantes: quapropter adfusa aqua, & dispersione coacervatæ glebæ, caveri debet earundem accensio; utpote qua contingente glebæ steriles redduntur.

§. 479. Sed alia Mineralia, ex quibus prodit Alumen, non sunt bituminosa, adeoque nec inflammabilia: quo pertinent concrementa quædam luto-
sa, fissilia, tum Lapis quoque Calaminaris (§. 465.). Hic tamen posterior, secus ac priores (§. præc.)

spe.

species bituminosæ, prævia eget mediocri in igne aperto Ustulatione, ut Alumen exhibeat.

§. 480. Contingit multoties, ut, dum Pyrites ad Vitrioli generationem præparatur (§. 475.), simul, una cum Vitriolo, Aluminis insignis quantitas prodeat: id, quod observare plerumque licet in Lapidibus Atramentariis (§. 474.); quippe qui per adfusam aquam simul & Vitriolum, & Alumen, sæpe fundunt: licet tamen haud omnibus hoc commune sit. Sic etiam Pyrites glebis, ex quibus paratur Alumen, intermixtus, efficit, ut aqua affusa una cum Alumine simul Vitriolum extrahat.

§. 481. Mineralia Aluminosa (§. 478.) recentia, pura, non Pyritosa, si examini Chemico subjiciuntur, de Acido Aluminis parum inde, vel nihil, obtinetur; saltem, si aliquid obtinetur, nequaquam talis quantitas, quæ respondeat copię Aluminis, quod ex iis obtinetur, postquam aëri aliquamdiu exposita, vel alio modo præparata fuerunt. Neque etiam remanens illa Terra in his Mineralibus ostendi potest, quæ post Aluminis exustionem (§. 477.) superstes est. Lapis vero Calaminaris (§. 465. 479.) itidem purus, nec Pyritosus, nec Galena Plumbi stipatus, crudus, longe minus eadem illa principia in se habere videtur. Neque enim Terra vel Metallica, vel non Metallica, datur in hoc Lapide, Capiti Mortuo Aluminis (§. 477.) gemina. Si vero Acidum actu jam in eo præsens esse credatur, vix sane concipere licet, quam ratione id tam occultum ibi lateat. An ergo Aluminis Acidum, per aërem advectum, sic in Aluminis Matricem deponatur, juxta

sententiam Cl. F. Hoffmanni (a); an vero ope æris, aut ignis, aut utriusque simul, nova amborum Aluminis principiorum, Terrestris nempe & Salini Acidi (§. 477.), generatio fiat, uti opinatur Cl. Henckelius (b); cujuslibet judicio & experientiæ relinquimus. Sed cum ante operationes cognitæ vix accurata hujusce rei idea acquiri possit; ideo, ubi ad Praxin pervenerimus, fusius de ea agendi dabitur oportunitas.

D E

S A L E C O M M U N I ,

Et Modis, quibus acquiritur.

§. 482. *Sal Commune* (§. 31.), *Nativum*, purissimum, in forma solida, fodinæ in plurimis regionibus obviæ eruendum præbent: vocatur *Sal Gemme*. Est id quidem purissimum, candidum, semipellucidum, ab alio Sale communi maximis, compactis, ad aspectum homogeneis, crystallis, quæ etiam arte productæ majores ex plurimis minoribus aggregatæ sunt, sese distinguens, in aëre longe constantius vulgari: neque enim adeo cito, ac vulgare, humiditatem contrahit. Tam pura vero Salis Gemmæ frustra non adeo larga cōpia reperiuntur; sed, uti facile prævidetur, Terris nonnunquam, aliisque

(a) *Observ. Physico-Chemic. L. III, Obs. VIII, pag. 275.*

(b) *Pyritologia. pag. 756.*

liisque Mineralibus compositis, intertextis contaminatum est. Ab his vero peregrinis, si abundant; liberatur solutione in aqua, quiete, percolatione; tandemque *Muriæ* (ita enim solutio ejus in aqua appellatur) exhalatione Sal in formam solidam iterum redigitur. Tum vero haud amplius dicitur *Sal Gemmæ*, sed *Sal Fossile* (germ. *Berg-Saltz*, *Stein-Saltz*).

§. 483. Totus Oceanus, & varia Maria mediterranea, scatent Sale Communi: haud tamen omnium aquæ eo æque saturatæ sunt. Quædam in aquæ *Libra* una ultra *Unciam* unam Salis solutam habent; alia vero vix *Unciam* dimidiam & minus. Præcipue Maria sub & circa *Zonam Torridam* pluri Sale scatent, quam *Glacialia* versus *Septentrionem* sita. Sal, qui inde, vel sola ad *Solem* & *aërem* siccum exhalatione, vel inspissatione ad ignem culinarem obtinetur, dicitur *Sal Marinus*.

§. 484. Denique plurimi Fontes aquas Sale Communi imprægnatas fundunt, ex quibus simili modo, ac (§. præc.) dictum, Sal acquiritur, vocatus *Sal Fontium*.

§. 485. Tres istæ Salis Communis species (§. 482 ad 484.) non differunt, nisi 1^{mo}. Ratione Loci, quo repertæ fuere: unde & nomen cujusvis singulare originem ducit. 2^{do}. Puritate: heterogenea enim admixta colorem, habitumque Salis externum, deturpant: hinc etiam pender, quod quædam *Muriæ* Salem suum facile, & absque addito, sola exhalatione, quædam difficulter, vel plane non, nisi per addita cuilibet crystallisationem impediendi removen-

do apta, deponant. Interim quum peregrina ejusmodi Sali Communi non sint essentialia, sed mere accidentaria; neutiquam veram ea differentiam constituunt: Sal enim Commune, qualecunque sit, modo rite depuretur, in omni examine unum idemque apparet. Super hisce legi merentur F. Hoffm. *Obs. Physic. Chemic. Lib. II. Obs. XVI.* G. Agric. de *Re Metallica. Lib. XI.* P. Snellius de *Sale Communi*, aliive.

§. 486. *Sal Ammoniacus*, tanquam Salis Communis species semivolatilis, huc quoque referri potest. Traditur, hunc *Salem Nativum*, fossilem, reperiri circa montes ignivomos, sicuti & in locis sabulosis, siccissimis, fervidis, sub & circa Zonam torridam; exhalare etiam in Persia e rupium rimis. *Sal Ammoniacus* vero vulgaris, venalis, factitius est omnis, produciturque ex corporibus Salem Communem vel hujus Acidum, & Salem volatilem Alcalinum, actu, vel potentia, continentibus; utpote quæ bina sunt principia, ex quibus omnis *Sal Ammoniacus* constat, & in quæ arte resolvi potest. Urina hinc Animalium, præcipue Sale Communi utentium, Fuligo variorum corporum inflammabilium &c. eum præbent. Ex Ægypto qui ad nos transfertur, omnium frequentissimus, vel ex sola Fuligine Stercorum Animalium combustorum, vel ex hac ipsa cum Sale Communi & Urina Animalium remixta, sublimando parari dicitur. Vid. *Acta Parisiæna*, & Cl. Boerhaave *Elem. Chem. T. II. Proc. CII.* Qui ex Indiis Orientalibus, non in panes plano-convexos, sed coniformes, quasi Saccharinos, redæ-

reductus, adfertur, rarior, quomodo conficiatur, non constat. Sufficit liquere certo, Sale[m] omnem Ammoniacum, verum, ante memorata bina in principia esse resolubilem, exque his itidem confari posse nativo, vel arte facto cuicunque, omni dote simillimum.

D E

B O R A C E

Ejusque Origine.

§. 487. Egimus jam (§. 153.) de *Borace*, ut Menstruo. Is aliter, minus tamen usitato nomine, vocatur *Chrysocolla*: quanquam interim rectius ipsi hoc nomen competat, quam *Ochræ Cupri Viridi* (§. 410.), quæ itidem sic vocata, toto tamen cœlo a *Borace* distat, adeoque neutiquam cum hoc confundi debet. Videtur autem *Borax* vulgaris, venalis, quem *Depuratum* (*rafinirt*) vocant, utcunque adulteratus esse. Is certe, qui, *Crudus* vel *Pinguis* dictus, ex Oriente, maxime ex Indiis Orientalibus, ad nos transfertur, multum a *Depurato* differt. Quibusnam vero additamentis ad ejus *Depurationem*, vel potius *Adulterationem*, utantur, nondum palam constat: pro arcano enim habent hanc artem, neque facile aliquem ad suas officinas, quæ præcipue Amstelodami & Venetiis dantur, admittunt *Boracis Depuratores*.

§. 488. In *Borace Crudo* (§. præc.) constans sa-

tis figura observatur: gaudet enim crystallis quasi Nitrosis, hexædriis, prismaticis, utrimque truncatis, satis crassis, non tamen adeo longis, nec regularibus, ac sunt Nitrosæ, neque & adeo aggregatis, uti quidem in aliis Salibus obtinere solet, sed simplicioribus, solitariis, colore cœrulescente luteo, aut flavo, infectis, satis duris, ponderosis, difficillime in aqua solubilibus, sapore primum subdulci, dein Alcalino præditis, ad ignem facile liquecentibus, neque tantam tunc adeo, uti Depuratus dictus, in spumam sese adtollentibus.

§. 489. Nondum interim certi quid hætenus relatum est, qua ratione *Borax* primitus obtineatur: anne in terra sic, ut mox (§. præc.) descriptus est, reperiatur natus; an vero, Nitri instar, e certa Matrice eluatur, & crystallisatione dein in memoratam figuram redigatur: quod equidem priore probabilius esse videtur.

D E

N I T R O

Ejusque Matrice & Generatione.

§. 490. *Nitrum* (§. 32.) semper in Terræ superficie generatur; nunquam eruitur ex Fodinis: ultra pedis enim profunditatem si a superficie Telluris saltem infoditur, Matrix Nitro imprægnata vix amplius occurrit; neque adeo profundius unquam reperitur, nisi cum id, per aquas e Matrice sua ablu-

ablutum, sicque cum his ulterius devectum fuerit: quod tamen in eo duntaxat casu contingit, cum solum suppositum rimosum, vel lapideo porosum est; quandoquidem ipsa alias aqua difficulter, ultra duorum pedum altitudinem, in terras plurimas se penetrare potest.

§. 491. *Matrices Nitri* sunt Terræ præcipue Calcariae, Lutosæ, Argillacæ, Humusque, quæ ex Vegetabilibus & Animalibus, per aëris vicissitudines destructis, omnis originem ducit. His si accedunt Vegetabilium combustorum, præsertim eorum, ex quibus per ignem multum Salis Alcalini fixi generatur, Cineres, non omni suo Sale per elixationem prorsus orbat; dein omnes quoque Animalium & Vegetabilium partes putrescentes vel jam putrefactæ, pingues simul & oleosæ; generatio Nitri in dictis Matricibus perficitur: in terra enim, phlogisto penitus omni destituta, nunquam nascitur Nitrum; modo caveatur, ne efflorescentiæ calcariae, stalacticiæ, ad pontes & muros reperiundæ, incaute pro Nitro habeantur: neque etiam in muris de mero Luto, Argilla aut Calce & Arena exstructis, Nitrum deprehenditur, nisi inter & supra imposita sint stramina & scopæ.

§. 492. Neque multum interest, ubinam modo dicta (§. præc.) Nitri Matrix collocata sit: nondum enim detectus est ullus locus, qui non ad Nitri generationem aptus sit; modo concurrant memorata (§. præc.). Requiritur tamen insuper, ut Aëre pervius is sit: inde enim est, quod in terris argillaceis, & lutosi valde compactis, non tam feli-

citer generetur Nitrum, quam in laxioribus, vel etiam præcedentibus, cum laxioribus & levioribus temperatis. Dein etiam, quoad humiditatem & siccitatem aër sit temperatus; quoniam nimia humiditas Nitrum conceptum abluit: deficiente vero omni humido diluente Salinæ materiæ vix in se mutuo agunt. Calorem interim & Frigus, nisi ambo admodum excedant, parum heic juvare vel nocere certum est. Solis saltem radii calentiores constantius irradiantes arcendi.

Coroll. Ex jam dictis (§. 490 ad 492.) patet, in omnibus regionibus Nitrum generari posse; tum quænam loca magis, quænam minus, idonea sint, pro Nitrariis extruendis. Itaque in Cellis subterraneis, ab aëris moderato accessu non præclusis, sordidis, copiosissimum & optimum Nitrum generatur: Aëris enim temperamentum quoad frigus & calorem, humiditatem & siccitatem, ejusdem generationi quam aptissimum esse liquet; hinc Aërem vel Instrumentalem, vel Materialem, vel forte utramque generationis Nitri causam esse, aut hanc saltem in sinu suo vehere. Aëris enim aditu præcluso Nitri generatio impeditur. Quin constat pariter, qua de causa, in hisce regionibus, ventus ex Oriente & Septentrione, plagisque inter has duas mediis, spirans, Nitrariis adeo proficiuus sit, & præcipue quidem Vernali & Autumnali tempore; dum contra Occidentalis & Meridionalis sterilis est. Observatur videlicet, Aquilonem & Eurum, Vernali & Autumnali tempore, maxime noctu, nec humiditate nec siccitate nimia excedere; Hyeme vero & Æstate nimis

mis torridos exarefacere omnia. Auster vero & Favonius, procellosi, imbresque secum vehentes, noxii sunt: qui tamen an sola ablutione Nitrosæ materiæ noceant, an vero, etiamsi ablutio isthæc præcaveatur, alia insuper ratione damnum inferant, inquisitu equidem dignissimum est, at nondum per fatis accurata experimenta detectum.

Coroll. Quo latiori ergo superficie aëri contigua extensa est terra, in qua Nitri generatio fieri debet, eo plus, & citius ejus generatio obtinetur; & contra, quo densius coagmentata est, eo tardius procedit, minusque obtinetur.

§. 493. Cui placeret hac in re experimenta instituire, facili negotio, minutoque apparatu, Nitrium sibi exstruere posset, si materiem, in qua generatur Nitrum (§. 491.), apto loco (§. 492.) exponat. Exemplo rem illustremus. Elige locum aëre pervium quemcunque; optimus tamen erit campestris, vel hortensis. Hujus areæ, arbitrariæ amplitudinis, superstrue tabernulam ex straminibus, superius tecto declivi stramineo munitam; ut pluviae cadentes arceantur: altitudo tabernæ a pavimento tanta sit, ut quis commode sub ejus tecto incedere possit. Aditus in hanc tabernulam pateat per portam, quæ claudi & aperiri possit. Præterea, fenestellæ hinc inde in parietibus sint relictæ, foriculis instructæ; ut aër admitti vel excludi possit pro lubitu. In hac tabernula ad dextrum, sinistrum, & posterius latus construe loculamenta, asseribus ligneis, sesqui pollicem crassis, vel melius lapidibus, interstincta, quadrata, aliquot pedes longa & lata,
unum

unum vero profunda: hæc imple variis compositionibus eorum, quæ (§. 491.) recensita sunt. Sic plura circa hanc rem experimenta instituere poteris. Invenies autem, si Cæmentum, Cineres, Humum, permisces, cum Animalium Urina affusa leviter irroras, hacque imples loculamentum quoddam, pastamque exsiccatam iterum Urina Animalium irroras, ac, post quamlibet irrorationem batillo probe subigis, quod in hisce fordibus citissime semet generaturum sit Nitrum: intra unum vel alterum enim mensem Libra una talis massæ, nisi sævissimum frigus incidit, duas circiter Nitri Uncias continebit; sed simul haud parum Salis heterogenei admistum ei erit. Sic etiam observare poteris, quænam æris temperies Nitri abundantiorẽ proventum efficiat, & ex quibus compositionibus optimum Nitrum prodeat. Quomodo autem exploretur, an & quantum Nitri in Matrice quadam delitescat, sub Operationibus in Tomo hujus operis posteriore indicabitur.

§. 494. Præter Mineras & Mineralia Composita hæctenus (§. 347 ad 493.) exposita, dantur adhuc quædam, quorum indoles & principia nondum satis cognita habentur; ut ideo ad nullam determinatam Classẽ certo reponi possint. Id tamen satis extra dubium est, quod ad Classes eorum, quæ pretiosa Metalla fundunt, neutiquam pertineant: Metallurgi enim & Docimastæ in omni, quod circa Mineralia incognita conantur, tentamine tantum ferre eo respicere solent, an Aurum, Argentum, Cuprum &c. cum lucro de iis extrahi possint; & nisi
talia

alia obtineant, plerumque ab ulteriore indagine desistunt. Inde est, quod vix ullum hucusque repertum fuerit Minerale, quin rigidum examen eo sine sustinuerit. Inter ipsa etiam, certæ Classi jam adscripta, Mineralia Composita habentur plura, quæ saltem ex parte, neutiquam quoad totam suam compagem, sunt cognita: cujusmodi sunt ex. gr. Magnesia nativa (§. 394.), Magnes (§. 403.) Minera Ferri (§. 396.), Plumbi viridis & alba (§. 424. 425.), Cornea Argenti (§. 437.), plurimæque aliæ Mineræ & Mineralia; quippe quorum reliqua principia, præter illam partem, quæ abit in Metallum, nondum sunt detecta. Hac ratione Ferrum, plerumque maximam Pyritæ constituens partem, veteres diu latuit; utpote qui modo Cuprum in eo involutum respexere: unde fere omnia nomina, quorum plurimis Pyrites donatus est, a Cupro sunt derivata; donec recentiorum quidam, præcipue Sagacissimus Henckelius, completam Pyritarum Analysin exhibuerint.

C A P. V.

D E

O P E R A T I O N I B U S
D O C I M A S T I C I S.

§. 495. Istæ Actiones, per quas, mediantibus Instrumentis (Cap. II & III.), secundum leges Artis usurpatis, Objecta ita mutantur, uti Ars præscribit, vocantur a Chemicis *Operationes*.

§. 496. Istæ autem Mutationes (§. præc.) Separatione

paratione & Conjunctione absolvuntur omnes ; ut hinc, quicquid agit Chemicus , ad binas hasce Classes in genere referri facile, nec excogitari sane queat tertia Mutationis species ; quicquid nonnulli loquantur.

§. 497. Primaria quævis Operatio Docimastica , ab agendi modo omnibus communi , vocari potest *Solutio* ; cum ubivis Menstrua , ad quæ Aërem & Aquam jure quoque referenda esse putem , Objectorum mutandorum particulis sese interponendo , veram efficiant earundem a se invicem Solutionem : simulac vero Solutio fit , nova simul & Separatio & Conjectio partium Solventis & Soluti necessario oritur. Itaque , qualiscunque propemodum fiat a Chemico vel Docimasta Operatio , uterque semper Separationis & Conjunctionis Effectus subest ; ut hinc nec Separatio sine nova Conjunctione ; nec Conjectio sine Separatione , unquam perficiatur. Ex. gr. Nonne, dum heterogenea ab Auro & Argento per Scorificationem separantur , simul particulæ Auri & Argenti in unam molem fit colliquatio , quæ in præcedenti statu disjunctæ erant ? Nonne tunc itidem separata heterogenea , vel per se , vel cum addito scorificante , confluunt in Vitrum seu Scoriâ , sicque alio rursus modo conjunguntur ? Dum Volatilia a Fixis per ignem in vasis clausis separantur , nova fit Conjectio , seu , si mavis , Aggregatio Volatilium inter se ; itidem particulæ fixæ residuæ aggregantur. Consultissimum hinc erit in qualibet Operatione ad utrumque semper Effectum attendere ; cum iste , ad quem præprimis spectat

Est scopus, sine altero locum non inveniatur. Unus enim alterius est medium vel causa.

§. 498. Cum Ars Docimastica circa Corporum Mineralium, præsertim Metallicorum, concinnam separationem versetur, hoc est, diversas eorum partes ut a se invicem separet (§. 1), pro scopo habeat, quo cujuslibet quantitas & qualitas innoscatur; patet, illum maxime Operationum stricte & primario heic considerari Effectum, qui in Separatione jam dictorum consistit, reliquum vero ex Operationibus emergentem, secundarium saltem vel potius juvantem esse.

§. 499. Vix autem ulla habetur Operatio Chemica, quam non aliquando in Arte Docimastica opus sit perficere. E contrario plures sunt, quos sibi Docimasia solos vindicat. Earum ideo, quæ huc proprie tantum pertinent, vel, licet ex Chemia generaliori petita sint, creberrime tamen a Docimastis in usum vocantur, Generalem heic Conspectum nunc exhibebimus, mox subjuncturi breves singularum, quoad primarias differentias, effecta & procedendi rationem, descriptiones; ut sic faciliore via ad Praxin manuducatur Tyro, ubi Specialiora circa quamlibet Operationem observanda enucleatius exhibere conabimur.

§. 500. Haud vero levis difficultas datur, in construenda regulari Operationum Sciagraphia; cujus ratio est, quod Chemici terminos, quibus Effectus Actionum Chemicarum Specialiores in Corpora designantur, in numerum Operationum receperunt. Quoniam igitur una eademque Operatione in diversa

versa Corpora diversissimi Effectus producuntur ;
 hinc aliter evenire haud potest , quam ut ejus-
 dem Operationis Effectus , sub diversis nomini-
 bus , ad diversas referatur Classes : & cum idem
 præterea Effectus , per varios operandi modos , pro
 diversitate Menstruorum , eaque applicandi ratione
 varia , sæpius obtineri possit ; sequitur , ut diversæ
 Operationes sub uno termino occurrant , quæ respectu
 Effectuum aliorum ab hoc diversorum rursus distra-
 huntur in Classes diversas. Illi etiam , qui secundum
 hocce ab Effectu petitum fundamentum , Operatio-
 nes distribuere conantur in Separantes & Conjun-
 gentes , nihil proficiunt : siquidem Operatio eadem
 in idem subjectum , quoad Effectum , ex diversa parte
 considerata , ad ambas Classes erit referenda (§. 497.).
 Denique , cum talis Effectus in quibusdam subjectis
 uni Operationi raro cedat , sed plurimarum sæpenu-
 mero concursum requirat ; hinc factum est , ut mul-
 tæ diversissimæ Operationes simul sumtæ , sub titulo
 simplicis cujusdam ob Effectuum convenientiam oc-
 currant. Accedit & hoc , quod meras Operationes
 Mechanicas , quæ ad faciliorem eventum in subli-
 dium vocari debent , Operationibus Chemicis adjun-
 xerint. Certa ergo & convenienti lege haud inni-
 tentes , confusa Schemata Operationum contarcinave-
 runt. Quam ob rem necesse erit , ut stabile statua-
 mus fundamentum , cui Operationum Sciagraphia
 superstruatur : sit hoc modus , quo Instrumenta A-
 ctiva suam Actionem absolvunt ; quem quidem ex-
 tenus consideremus , quatenus clare & distincte per-
 cipitur. Subjungemus Explicationibus Operationum
 qua-

quarundam, brevi & generali sermone, quæ inde emergunt, præcipue & vulgatiores mutationes, Supplectilisque insuper maxime necessariæ, mentionem injiciemus; quippe quæ, in plurimis Operationibus, ad adæquatorem ideam concipiendam multum conferunt.

Hæc monuisse sufficiat; siquidem generalia circa Operationes petenda sunt ex libris, qui fundamenta Chemiæ generalis tradunt: quamvis vix ullus Auctor de hisce in specie satis dilucide egerit.

Fit autem Operatio Docima- stica vel	{	Per modum Fluidi densi: quorsum re- ferenda	{	Fusio	{	Hæc partialis vocatur <i>Eligatio, Præcipitatio</i> <i>Fusoria.</i>
				Amalgamatio.		
		{	{	SolutioHumida	{	Quæ partia- lis vocatur <i>Extractio:</i> quo perti- net <i>Edulco- ratio, Quar- tatio, Præci- pitatio Hu- mida.</i>
				Ustulatio & Calcinatio stricte sic dicta. Evaporatio. Sublimatio Destillatio		
		Per modum Fluidi rare- facti seu Va- porum aut Fumi: inde exsurgit		Fumigatio & Vaporatio	{	hujus species est <i>Cementatio.</i>

§. 501. Si corporis solidi cohæsiō vi ignis, vel
Menstruorum (§. 185. seq.), quo etiam Vitra
X Satur-

Saturni, Antimonii &c. pertinent, ita imminuitur, ut id fiat fluidum, tunc dicitur *Fusum*, seu *Liquifacrum*: ipsa vero Actio, qua hoc perficitur, *Fusio*, vel *Liquefactio* audit, quæ inter proprias Docimasticæ Operationes præ reliquis frequentissima est.

§. 502. Omnia autem, hætenus in rerum natura cognita, Corpora fixa ad Fusionem (§. præc.) deduci possunt; hac tamen intercedente differentia, quod quædam per se ad ignem fluant, quædam vero non, nisi cum addito solvente, hoc est, Fluxu (l. c.). Inter volatilia quoque habentur plurima, quæ ad ignem se fundi patiuntur; tum vero simul dissipantur.

§. 503. Si *Fusum* (§. 501.) Corpus, frigefactum, evadit fragile, fixum, in aqua non solubile, igni rursus expositum eandem indolem constanter servans, tum illud dicitur *Vitrum*; & Operatio, quæ hanc ipsi mutationem attulit, vocatur ab effectu *Vitrificatio*.

Coroll. Differt itaque Vitrum a Semimetallis, & Compositionibus metallicis fragilibus, fixitale in igne constantissima, qua illud gaudet, hæc vero carent. Quoniam igitur Lapides plurimi, tali Vitrorum indole præditi sunt; haud immerito non tantum vitrescentes, sed etiam Vitra nativa dici merentur.

§. 504. Ea autem ipsa *Vitrificatio* (§. præc.) cum in finem a Metallurgis instituta, ut Metallum, in corpore solido coërcitum, pondere suo descendere, & sese separare queat; vel &, si ipsum Metallum in Vitri speciem convertitur, Operatio termino technico

technico vocatur *Scorificatio* (germ. *Verfchlackung*): Vitrum autem, quod sic obtinetur, dicitur *Scoria* (germ. *Schlacke*).

§. 505. Hanc ipsam immutationem (§. præc.) omnia quoque Corpora fixa patiuntur, ne Auro quidem & Argento penitus exceptis; quippe quæ per addita, debitamque encheiresin adhibitam, Vitri mixtum ingredi coguntur, quod per se non admittunt. Inter ipsa etiam Volatilia quædam patiuntur se figi, & cum additis figentibus dein in Vitri formam abeunt.

Scholion. *Scoria* quoque vocatur salina illa massa, quæ obtinetur, si Metalla & Mineræ cum *Fluxilus* salinis & reducentibus (§. 185 ad 192.) funduntur: neque tamen *Scoriæ* vocabulum tunc de tota illa massa intelligi debet, sed tantum de particulis vitrefactis, quæ inter Salum moleculas hærent, & ab his ope Solutionis in aqua, & Filtrationis, separari possunt.

§. 506. Sæpe conducit, ut *Scorificatio* (§. 504.) in vase perficiatur, quod *Scoriam* ipsam absorbet, Metallicam vero partem coërcet: nuncupatur ea tum *Cupellatio*. Huic autem Operationi dicata sunt proprie Cineritia (§. 194. seq. 212. 213. 214.).

§. 507. In *Cupellatione* (§. præc.) igitur insignem *Scoriæ* attenuationem requiri, ut ea per vas transire queat, sponte patet. Neque huic negotio aliud aptius datur Corpus, præter Plumbum, quod, uti per se in igne talem subit attenuationem, ita cæteris ideo corporibus, in *Scoriam* tam subtilem convertendis, illiquatum, hæc quoque eo disponit,

neque simul Cineritia erodit, sicuti reliqua Corpora, quæ similem efficiunt attenuationem.

§. 508. Quod si ea est Minerarum, vel Mixturarum Metallicarum natura, ut, altera earum parte ad ignem fluente, pars altera, magis refractaria, adhuc solida persistat; tunc prior, igne leniori fusa, ex alterius interstitiis effluit, sicque separatur. Quæ Separationis species vocatur *Eliquatio* (germ. *Seigerung*).

§. 509. Ut hæc Operatio (§. præc.) perficiatur, requiritur (1.) diversa partium massam constituentium fluxilitas. Plumbum v. gr. cum Cupro magno igne confluit in unam massam; mitiori vero igne ambo sese invicem non solvunt: si autem massa, ex ambobus confusis nata, leniori dein igni in plano inclinato exponitur, tunc Plumbum solum liquefit, & Cuprum fragile, spongiosum factum, in forma solida persistit. Hæc tamen Separatio non adeo perfecte fit, quin pauxillum Plumbi in Cupro permaneat, Cupri vero aliquid a Plumbo surripiatur: hinc requiritur ad hoc experimentum, ut non nimis parca proportionem hæc Metalla inter se mixta sint: si enim una vigesima Plumbi pars Cupro esset admixta, aut vice versa, Eliquatio prorsus non succederet, sed alia in usum vocari deberent remedia. (2.) Ne Corpora diversa conjuncta, nexu menstruali valido inter se cohæreant: hinc aliquando opus est additamentis, quæ vel vim destruant, quæ particulae diversæ inter se cohærent, vel & aliquando Metallum eliquandi fluxum faciliorem concilient, alterius vero difficiliorem reddant: neque enim reliquo-

quorum Metallorum mixturæ absque addito sic per Eliquationem separabiles sunt, uti mox de Cupro & Plumbo memoravi. Ex. gr. Aurum, Argentum & Cuprum, inter se confusa, quocunque ignis gradu æquabiliter conjuncta persistunt: hinc, ut Argenti cum Auro ex tali mixtura fiat Eliquatio, additamentis opus est talibus, quæ mutuuum nexum tollunt. Sulphur quidem, hoc in casu adjunctum, Cuprum disponit, ut Argentum & Aurum dimittat: at si hæc duo, uti plerumque obtinet, parciore copia, insigni Cupri quantitate intermixta sunt, ne sic quidem Separatio eorum acquiritur: præcipue Auri cum Cupro arctior quam Argenti est nexus; præterquam quod idem heic verum sit, quod ante circa Eliquationem Cupri & Plumbi dixi. Quare tunc insignem copiam Plumbi superaddere oportet; ut hujus ope Argentum & Aurum leniore ignis gradu solvantur, & sic vere e Cupro eluantur.

In eo autem casu, ubi parum solidi persistit, idque supernatat alteri parti liquefactæ, ob levitatem suam; *Despumatio* in subsidium vocari debet, qua solidum separatur penitus.

§. 510. Corporis compositi, ad ignem liquefcentis, pars quædam si separatur a reliqua parte, ea quidem lege, ut altera pars inferiora petat, altera vero supernatet, dicitur *Operatio* ista in genere *Præcipitatio Fusoria* (germ. *Trockene Scheidung*): pars inferior gravior dicitur *Regulus*.

§. 511. Hæc Operatio (§. præc.) semper fere addito eget tali, quod mutuuum inter partes separandas nexum, hoc est, vim menstruam, cujus ope

X 3

altera

altera alteram solutam tenet, tollat, uti jam in præced. monitum. Ex. gr. Regulina Antimonii pars (§. 19.) & Sulphur Minerale (§. 164.) sese invicem solvunt, & constituunt Antimonium Crudum (§. 455.); neque solo igne, absque Regulinae partis destructione, separari rursus a se mutuo possunt: si autem additur Ferrum, Cuprum, Argentum &c. quæ Sulphure avidius penetrantur (§. 173. Coroll. 3.), & in statum Mineræ sic rediguntur (§. 375.); tunc Regulus Antimonii a Sulphure liberatur, &, quia gravior est composito, ex additamentis illis cum Sulphure nunc junctis, fundum petit. Præcipitatio quoque Fusoria accidit in Vitrificatione (§. 503.), Scorificatione (§. 504.), & Cupellatione (§. 506.); dum pars altera abijt in Vitrum seu Scoriam, pars altera, si adest, Metallica, formam Metallicam adhuc servans, in fundo vasis in moleculam Sphæricæ superficiei colligitur. In hisce Operationibus Præcipitatio Auri & Argenti ab aliis Metallis & Semimetallis obtinetur per dissipationem Phlogisti, quo facto Metalla imperfecta in Scoriam abeunt, quæ ab omnibus Metallis, si satis attenuata est, illico defecit. Argentum ergo & Aurum, Vitrefactioni perfectæ vix obnoxia, residua manent semper, atque hinc in Cupellatione, tametsi minima quantitate adfuerint, Metallo destructo, Scoria absorpta, nitide oculis sese sistunt, quorum tantillus Regulus alias sub ingenti Scorix mole sepultus latuisset. Neque minus omnia alia Metalla sic dicta imperfecta, Præcipitationis Fusoriæ ope, obtinentur; nisi forte paucillimum Nativum, vix tamen vere purum dicendum, excipi

excipi velis. Cæterum enim omnia vel in forma Terræ habentur, vel in forma Mineræ solidæ: priori in casu Fusione sola fit Vitrum; in posteriore, si Sulphur & Arsenicum, quæ una cum Metallica parte Mineram constituunt, per ignem diffusa sunt, Minera in igne puro, absque Phlogisto addito, similiter fit Vitrum, cum Lapidibus Terrisque non Metallicis vitrefactis miscibile: accedente autem Phlogisto hoc Vitrum, Metallicum, in formam Metallicam reducitur, & quamdiu sub tali forma est, cum Vitris reliquarum specierum, quin etiam cum Vitro, ex sui simili nato, uniri respuit, fundumque vasis petit; excepta saltem admodum parva ejus quantitate, quæ per Vitri lentorem retinetur. Hæc ergo Præcipitans re vera est Phlogiston. Illud namque corpus, quod istum nexum sustulit, quo sublato procedit Præcipitatio, vocatur *Præcipitans* (germ. *Nieder-Schlag*).

§. 512. Hæ duæ Operationes (§. 508. 510.) in Metallurgia summi usus sunt: per eas enim omnia Metalla obtinentur, & a se invicem separari possunt: hinc etiam minutæ Auri & Argenti portiones ex magna aliorum Metallorum mole, absque magnis impensis, separari possunt: id, quod hætenus nulla alia methodo, cum emolumento, efficere licuit. Interim haud tamen ita hætenus excultæ sunt; ut in quibusvis Metallorum mixturis, Præcipitatio Fusoria & Eliquatio ex votis succedant: unde ad Separationem obtinendam plerumque Metalla vilioris pretii sunt destruenda.

§. 513. Dantur Terræ & Lapides, quæ intimiore

principii inflammabilis conjunctione, in Metallicum statum abeunt: quemadmodum & destructa Metalla, in Scoriam vel Cineres conversa, ejusdem Materiei unione in Metallicam denuo formam redeunt (§. 377.). Ars hanc perficit per ignis fusorii violentiam, quo Phlogisto in ejusmodi Terras Metallicas liquefactas paratur ingressus. Vocatur tum Operatio *Reductio*.

§. 514. Omnia autem Metalla & Semimetalla hac Methodo (§. præc.) reduci possunt, excepto Zinco; quippe, quod, in cinerem exustum, nullam Reductionem per Fusionem admittit, quin simul illico diffletur, aut pro parte cum Fluxu superincumbente vitrescat. Auri interim & Argenti mixtio quum nullo, hætenus noto, saltem vulgari experimento radicaliter unquam dissoluta fuerit; hinc nunquam bina isthæc Metalla Reductione per Phlogiston additum (§. præc.) opus habent.

Coroll. Huc ergo neutiquam pertinet illa improprie sic dicta Reductio, qua peregrina, Metallicam formam saltem obvelantia, auferuntur, ex. gr. *Sulphur*, *Arsenicum*, *Salia* &c. Neque etiam vera Reductio dici potest, si moleculæ Metallicæ in unam confunduntur, & ex heterogeneis per Scorificationem colliguntur, massam.

§. 515. Quæ circa *Amalgamationem* notanda sunt, jam patent ex dictis (§. 82 ad 84.), ubi de Mercurio, tanquam Menstruo, egimus.

§. 516. *Solutiones Humidas* dicimus, si in fluido aquoso, vel maximam partem aquoso, aliud Corpus per minimas particulas ita distribuitur; ut am-
bo

bo simul in liquidum, adspectu homogeneous, ab-
cant, quod, quatenus Solutio facta est, sine secessu
per Filtra quæcunque transit, & cujus quælibet mi-
nima pars proportionatam Solventis & Soluti in se
continet quantitatem. Ejusmodi Solutio Humida
est, ex. gr. Auri in Aqua Regia; Argenti in Aqua
Forti; Salium omnium in Aqua simplici.

§. 517. Per has Solutiones varia a se invicem Cor-
pora separari queunt, si Solvens alterutram compo-
siti partem vel plane non solvit; & tum dicitur
Extractio: vel si saltem Solutum ab altera parte com-
positi iterum de Menstruo excutitur: qualis Excussio
tamen plerumque per aliud Corpus superadditum
efficitur, & vocatur *Precipitatio Humida*.

§. 518. Species illa Solutionis Humidæ, partialis,
seu Extractionis, qua Argentum ab Auri subtriplo
per Aquam Fortem separatur, vocatur *Quartatio*,
& singularem meretur considerationem. Si videli-
cet Argentum & Aurum in unam massam sunt con-
fusa, & Aurum constituit, respectu ponderis, non
minorem partem totius massæ, quam unam tertiam;
tum Aqua Fortis optima, superadfusa, non valet
Argentum solvere: sed si huic massæ ad ignem li-
quescenti plus additur Argenti; tum demum frige-
factæ adfusa Aqua Fortis inde erodit Argentum:
id quod tanto quidem validius fit, quo Auri quan-
titas una tertia parte totius massæ minor est. Do-
cuit autem experientia, Aquam Fortem promte sa-
tis Argentum Auro mistum solvere, si Aurum u-
nam, Argentum tres quartas massæ constituat par-
tes: quin & in tali proportionem, si non nimis im-

petuose perficiatur Solutio, Aurum retinere solet figuram illibatam, quam habuit tota massa ante Solutionem; ut ideo tunc nullus metus sit, ne in ramentula discerptum Aurum ex parte dissipetur: id, quod vix cavere licet, si Argentum, ratione Auri, tres quartas excedit partes. Quam ob rem Artifices semper exacte modo dictam proportionem servare student: unde & nominis *Quartatio* sponte patet ratio & ortus.

Coroll. Facile nunc ex dictis (§. præc.) colligitur, quam fallax sit Auri ad Lapidem Lydium affricti per solam Aquam Fortem examen (§. 344.); nisi reliquus ejus habitus simul consideretur.

§. 519. *Edulcoratio*, Solutionis Humidæ species (§. 516.), vocatur, si salina pars adhærens solido, in aqua non solubili, per fluidum aquosum solvitur, Solutio vero dein quiete, vel traiectione per Filtrum, a solido reliquo separatur, idque toties repetitur, donec acris salini solubilis nulla sensibilis copia amplius superstes sit.

Aliquando vero salina pars alii Corpori ita adjuncta est, ut vel ex toto, vel pro parte in aqua persistens evadat: hanc igitur in tali casu Operationem locum non invenire, sponte patet. Neque respectu illius Corporis procedit, quod una cum Salibus redditur fluidum. Prioris casus exemplum est Vitrum; cujus, cum Salibus parati, salina pars Edulcorationem sui renuit. Posterior casus intelligitur ex Argento in Aqua Forti soluto &c.

§. 520. Requiritur in hac Operatione (§. præc.) Corporis edulcorandi per Comminutionem aucta super-

perficies; ut Solutio eo citius procedat: quem etiam in finem conquassatio vel agitatio cum baculo superadditur; ut omnes corporis edulcorandi particulæ, alioquin fundum petituræ, cum fluidi abluentis particulis undequaque contiguæ fiant: quo artificio omnes facilitantur Solutiones. Quin & aqua nonnunquam fervida requiritur: calor enim salinas Solutiones ob motum, quem efficit, intestinum, & Rarefactionem, egregie promovet.

§. 521. Neque tamen perfecta Salium (§. 519.) ablutio, ut obtineatur, adeo facilis est: nam, cum quælibet Menstrui pars proportionatam solvendi in se contineat quantitatem (§. 516.); ejusdem autem Menstrui aliquanta pars semper in Edulcorando restet; sole clarius est, proportionatam salini partem, remanenti Menstrui quantitati respondentem, simul remanere. Pro exemplo sint Cineres Lignorum; salii, alcalini: hisce affundatur aquæ fervidæ quadruplum; ebulliat hæc aliquamdiu cum istis; dein Decantatione, vel Percolatione, Lixivium separetur: restabit ad minimum quarta Lixivii pars intra Cineres; consequenter proportionata etiam ipsius Salis soluti particula: recens aqua affundatur, & decantetur: iterum, quamvis longe minor, Salis copia, ob eandem rationem, superstes erit; & sic porro in infinitum usque. Unde saltem tot vicibus Operatio est repetenda, ut tandem insensibiliter parva tantum particula supersit.

Coroll. Hinc patet, cur Calces Auri & Argenti, per acida factæ, toties magna cum jactura reducantur: Acida enim etiamnum adhærescentia, impetuo-

so

so igne, aperto præcipue, agitata, multum Metallum secum abripiunt, ipsa Aqua Forti ne quidem excepta, quæ tamen figens dicitur, & re vera figens est, sed certis modo limitibus.

§. 522. *Præcipitatio Humida* (germ. *Fällung*) dicitur, si corpus, quod via humida solutum est (§. 516.), rursus de Solvente excutitur, ut vel Menstruo innatet, vel fundum petat: quæ excussio plerumque forma pulverulenta fit; Separatio autem Menstrui a Præcipitato dein perficitur Decantatione vel Percolatione.

§. 523. Peragitur isthæc Operatio (§. præc.) vel per Menstrui solventis, ope lenioris ignis, factam Abstractionem seu Evaporationem de corpore soluto fixiore; vel per additum tale, quod ab isto Menstruo avidius solvitur: ut si unum Metallum, in Acido solutum, per alterum Metallum, vel per Sal Alkali, præcipitatur: v. gr. Argentum, in Aqua Forti solutum, per Cuprum, Cuprum per Ferrum, Ferrum per Zincum, omnia vero Metalla & Semimetalla, pro parte, vel in totum, per Cineres Clavellatos, Salia Volatilia, Urinosa. Denique fit etiam Præcipitatio per talia adfusa, quæ nec sola, neque cum Menstruo corpus solutum continente conjuncta, corpus istud via humida solvunt, vel saltem alio modo, aut & minore quantitate solvunt, quam si prius Menstruum purum adhibitum fuisset. In primo casu fit totalis Præcipitatio: uti videre licet in Præcipitatione Argenti ex Aqua Forti per Spiritum Salis: quoniam inde nata Aqua Regia, via tantum sicca, non vero humida, Argentum solvit,
hinc

hinc fit totalis Argenti ex Menstruo humido Præcipitatio: simulac vero hoc ita contingit, nova oritur Solutio, videlicet via sicca: cum Spiritu Salis enim conjunctum Argentum in forma pulveris albi fundum petit, ne maxima quidem quantitate aquæ rursus diluendum. In altero casu fit ingens turbatio & Præcipitatio; sed mox subsequitur iterata Solutio: pro ut accidit, si Ferro, in Aqua Forti soluto, sub debita encheiresi additur liquor meracissimus Salis Alcalini fixi: at tum plerumque pars quædam remanet, quæ haud iterum plene solvitur. In tertio casu Præcipitatio tantummodo fit partialis: hujus exemplum esto, si Mercurius, in Aqua Forti ad saturationem usque solutus, per Sal Commune, Ammoniacum, aut horum Spiritum Acidum, præcipitatur. Præcipitatio quoque nonnunquam fit per solam quantitatem additæ diluentis aquæ: qualis fit cum Antimonii Regulo in Spiritu Salis Communis, vel Aqua Regia soluto: hæc enim Menstrua istud Semimetallum non solvunt; nisi sint concentrata.

§. 524. Omnis hæc Præcipitatio (§. 523.) adjuvatur modico calore; quo videlicet efficitur, ut præcipitans eo facilius Menstruum ingrediatur. Dein, si primam speciem, videlicet Abstractionem, exceperis, copia aquæ diluentis opus est insigni: plerumque enim ilico, ac præcipitans additur, pastaceam fere consistentiam induunt Solutiones concentratæ, saturatæque; qua impeditur, quo minus præcipitans æquabiliter misceri queat Solutioni.

§. 525. *Ustulatio* (germ. *Rösten*) vocatur, quando volatilia a fixis, per ignis & aëris concurrentem actionem

actionem, separantur, cum in finem, ut superstes fixum habeatur solum: prout hac ratione Sulphur & Arsenicum ex plurimis Mineris propelluntur.

§. 526. Hæc autem Separatio (§. præc.) nonnunquam satis difficulter procedit; si videlicet totum compositum, eodem fere ignis gradu fluit, quo opus est, ut Volatile in aëra dissipetur. Hinc tum requiritur præcipue (1.) prævia ustulandi Corporis Comminutio mediocris; ut augeatur ejus superficies cum aëre contigua. (2.) Lenior ignis gradus, ne lique scat. (3.) Liberior aëris accessus; quippe qui vaporum est vehiculum. (4.) Si in grumos majores sub Ustulatione coalescit corpus, repetita tusione iterum in superficiem ampliorem restitui id debet. (5.) Materies late sit expansa necessum est, ne utique in acervum congesta. Refractaria vero ad ignem Corpora faciliiori negotio ustulantur: ad hæc enim majori ignis gradu statim uti licet; neque toties repetenda est Operatio, & Comminutio. Si itaque Corpus in tanto ignis gradu facile colliquescit, quanto opus est, ad partem ejus volatilem dissipandam, longe promptior redditur Operatio, per refractarii cujusdam admixtionem: eo vero in casu non li eligere tale, ex quo oritura mutatio incongrua hoc remedium contraindicet. Cavendum tamen semper, ne per Volatilia, dum dissipantur, simul de Fixis quid subripiatur (§. 107.). Etenim hoc in plurimis casibus, per nimis impetuosum ignem, mox sub initio adhibitum, contingere solet: quod ut impediatur, nonnunquam figens superaddere convenit, de quo, suo loco, specialius erit agendum.

§. 527.

§. 527. Dantur solida corpora, quæ convenienti ignis gradui exposita, in pulverem fatiscunt, aut ad comminutionem disponuntur; hæc Actio vocatur strikte *Calcinatio*, & corpora sic mutata, *Calcinata*, *Calces*. Hæ Calcinationes conveniunt cum Ustulationibus (§. præc.): nam plerumque solummodo respectu finis differunt. In Calcinatione enim, tametsi sæpius ea dissipationem volatilium habeat comitem, attamen maxime respicitur ad corporis Comminutionem subtiliorem, aut saltem Emollitionem. Obtinetur ejus ope, vel ut Corpus sub ipso Calcinationis igne statim in pulverem dilabatur; vel saltem facile fatiscat, si post ignitionem aër humidus, aut aqua, accedat, quod in Lapidibus Calcareis accidit; vel ut flexilia fragilem induant texturam, prout in Metallis observare licet, quæ in squammulas, & scoriolas, trituratione ulterius facile comminuendas, abeunt; vel denique, ut durissima findantur, aut emolliantur, sicque postea commodius se confringi patiantur: quo in casu sæpe conducit Calcinatis, etiam num fervidissimis, frigidam subito affundere aquam; eandemque Operationem aliquoties repetere. Exemplo sunt Silices &c. Nonnunquam per additamenta Calcinatio feliciter perficitur. Sic Stannum, per additum Plumbum, accedente intensiore igne, cito in calcem vel cinerem fatiscit.

Coroll. Patet hinc iisdem in Calcinatione encheiresibus opus esse, quibus in Ustulatione (§. 525.); si nimirum illa per volatilium Separationem perficitur: secus tamen in aliis.

Scholion. Ambæ hæ Operationes (§. 525. 527.);
ob

ob magnam affinitatem, plerumque inter se confunduntur; ut Calcinatio quandoque Ustulatio, hæcque vice versa Calcinatio vocetur. Et quoniam præterea alii modi dantur corpora solida in pulveres redigendi; hinc plurimis aliis Operationibus ab hacce differentibus idem imposuere nomen. Ex. gr. Si Corpus in Menstruo quodam humido solutum, per aliud additum, vel per Evaporationem Menstrui, in formam pulveris redigitur, quæ alias Præcipitatio humida dicitur, de qua supra egimus (§. 522.); aut etiam, si per vapores, ut Aquæ fervidæ, Aceti &c. corrodamur Corpora; vel quando Metalla amalgamata (§. 515.), addito Sale quodam solido, trituantur, abstracto dein Mercurio, Saleque rursus abluto in pulveres rediguntur; omnia hæc vocantur Calcinata, & Operationes Calcinationes; quæ vero sub liis Operationibus comprehenduntur, quandoque per plures Operationes simul junctas absolvuntur: unde emergunt tot termini, ex. gr. Calcinatio via sicca, humida, Philosophica &c. Prior species Calcinationis striçte talis vocatur, & est ista, de qua modo egimus.

§. 528. Humida aquosa, quando ab aliis Corporibus fixioribus, ope caloris & aëris dissipantur, vocatur *Evaporatio*. Ex. gr. Si de Salibus in aqua solutis, aqua rursus diffatur: in specie vocant *Insipissationem*, ubi residuum est fluidum spissius, vel solidum, quod in irregularis superficiei concretum abiit. Quando vero in regularia oculis discernibilia aggregata residuum coit, vocatur *CrySTALLISATIO*. Quod si vero tam parum aquosi est in Corpore quo-

quodam, ut in solida forma ante Operationem appareat, hinc aquosæ partis dissipatio, *Exsiccatio* audit.

§. 529. Si Corpora igne resolvuntur in fumos, atque sic rursus colliguntur, dum superficies corporis solidi frigidior iis opponitur, ut huic sese applicent, vocantur *Sublimata*; ipsa autem Operatio *Sublimatio*: in specie tamen dicuntur *Sublimata*, si crustam solidam formant; at si sub rari saltem pulveris forma permanent, *Flores* audiunt. Perficitur *Sublimatio* vel in vasis clausis, quæ Methodus in omnibus fere Chemicorum scriptis satis explanata est; vel in igne aperto, tumque in specie vocatur *Glauberiana*. Hæc quidem Chemicis non adeo vulgaris est, sed inter Metallurgos præcipue cognita; utpote in quorum Operationibus plerisque ea semper contingit, dum Fornacum parietibus & Caminis sese adfigunt ejusmodi vapores, & Cadmias Floresque Fornacum formant (§. 107.).

Non vero Corpora volatilia tantum, sed etiam quæ ex se fixa sunt, additamentorum volatilium ope, volatilia reddi possunt; ita, ut convenienti ignis gradu, in siccos vapores seu fumos resolvantur.

Coroll. Convenit igitur hæc Operatio cum Ustulatione (§. 525.), nisi quod volatile, in vapores resolutum, ibi dissipetur, in Sublimatione colligatur: respicitur ergo in Sublimatione semper volatile, quandoque tamen & fixum simul.

§. 530. In vasis clausis prima methodo (§. præc.) Sublimationes perficiuntur quidem nitidissimæ, in primis, si vasa vitrea ferendo igni paria sunt; sed

Y

Fossi-

Fossilia plurima adhibito in vasis clausis extremo etiam ignis gradu admodum refractaria se gerunt; ita, ut parum vel nihil sic de iis obtineatur: dum contra methodo posteriore Glauberiana, in igne aperto, accedente leni ventilatione, mox in vapores resolvuntur copiosos: prout experiri facile licet in Lapide Calaminari, Cadmiis Fornacum, & similibus. Ut vero Glauberiana isthæc Sublimatio concinne adco fiat, Floresque & Sublimata accurate colligantur; singularis eo Apparatus requiritur, commodissime quidem sequenti modo instituendus. Furni fuforii Operculo, loco Camini (§. 273. No. 4.), Olla magna figulina, intus non vitreata, ampullosæ figuræ, cujus fundus quatuor vel quinque foraminibus pollicaris diametri est perforatus, superimponitur; ea quidem lege, ut patulum ejus inversæ orificium ostium Operculi Cylindricum recipiat, fundus vero sursum spectet: huic dein alia similis Olla, paullo minor, in fundo perforata, eadem ratione, qua Olla primo Operculo, inversa superimponitur: Ollæ huic secundæ denique, si necessum videtur, & tertia similis simili modo imponi potest. Commisuris Operculi & Ollarum extrinsecus Lutum applicetur, non valde tenax; ut commode rursus auferri, & Ollæ separari queant. Ollæ vel alia vasa, huic fini adaptata, dicuntur ulitato termino *Aluduli* vel *Aludels*.

§. 531. Si vapores (§. 529.) in vasis clausis collecti, formam fluidam induunt, & guttatim decurrentes in vase quodam Recipiente aggregantur, Operatio appellatur *Destillatio*, & quidem, si vapo



PRÆFATIO AUCTORIS.

L. B.

Promitto in hocce Opusculo ARTIS
DOCIMASTICÆ Elementa, hoc
est, istam Chemiæ partem, quæ circa Mi-
neralium rigidius concinno Apparatu insti-
tuendum versatur Examen. Conscripsi au-
tem id eum præcipue in finem, ut Chemiæ
cultoribus inserviat Mineralium studio ope-
ram navantibus. Hinc præparationes quas-
dam Chemicas leviores, & magis vulgares,
jam quadantenus cognitæ præsupponens,
paucas de iisdem feci verba, ubi tanquam
auxiliatrices in Arte Docimastica exercen-
da aliquando in subsidium fuere vocandæ;
nisi forte quædam momenta, hunc in finem
peculiariter, minus in vulgaribus Processi-
bus Chemicis observanda, ampliorem po-
stularent descriptionem. Brevem hujus Artis
& specialiore Theoriam ideo præmittere,
necesse judicavi, ut postea ipsos Processus
aggredienti quædam scitu necessaria jam es-
sent cognita; ut sic mens eo integrius ad
Apparatus delineationem dirigi, eoque fa-
cilius

P R Æ F A T I O.

cilius procedendi rationes intelligi possent. Incepi hanc ab Objectorum Artis minus compositorum explicatione ; ut ista pura oblata, ex habitu externo, vel levissimo tentamine, præprimis ad ignem, dignosci valerent. Plurimum difficultatis hac in re attulere Lapides simplices : etenim fere omnes Auctores horum Classes constituerunt ex sola figura, peluciditate, colore, &c. quæ tamen Methodus, quoad nostrum scopum, quin & in genere, parum utilitatis asserre potest. Inde enim est, quod in qualibet specie dentur, ob aliqualem ex jam memoratis convenientiam, exceptiones ; ita ut Lapides, qui generali quodam designantur nomine, non adeo semper reliquis inter se convenient Characteribus, etiamsi magis essentialibus, hinc minime sane negligendis, quin potius præ cæteris cunctis in definitionibus eligendis. Cum etiam Compositorum Mineralium cognitio, solidior, haud parum adjuvetur, si actio Simplicium in se invicem innotescat ; modo ad requisitas in quolibet casu attendatur conditiones, neque fictiones intempestive admittantur ; hinc vim Menstrualem sequenti explicui capite. Nemo interim hancce materiam complete, quatenus videlicet per Experimenta hæcenus cognita constat, hæc

tra

V I R O

CLARISSIMO & EXPERIENTISSIMO,
HIERONYMO DAVID GAUBIO,

MEDICINÆ DOCTORI, ejusdemque ac CHEMIÆ
in Acad. Lugd. Batav. P. P.

JOANN. ANDR. CRAMER.

Confecro **TIBI**, **VIR CLARISSIME**, hunc de *Arte*
Docimastica Libellum, quem tanquam signum
gratæ *Officiorum Recordationis*, quibus **TIBI**
devinctus sum, benevole ut accipias rogo. An
aliquid boni in eo præstiterim, **Tuo** submitto
Judicio, **Tuæque** Me ulterius commendo *Benevolentiae*. Vale.

Dedi Leidæ $17\frac{1}{3}$ 30.

PRÆ

THE V. R. O. OF THE
CELESTIAL OCEANIC VENTURE
HIERONYMO DAVID GABRIEL

in the year 1811
in the year 1811

JOHN A. D. R. C. A. M. A. M.

JOHN A. D. R. C. A. M. A. M.
JOHN A. D. R. C. A. M. A. M.
JOHN A. D. R. C. A. M. A. M.
JOHN A. D. R. C. A. M. A. M.
JOHN A. D. R. C. A. M. A. M.
JOHN A. D. R. C. A. M. A. M.

JOHN A. D. R. C. A. M. A. M.

JOHN A. D. R. C. A. M. A. M.

res per insignem altitudinem propelluntur, antequam colliguntur, dicitur *Destillatio per Adscensum*; si vapores per exiguam distantiam propulsi mox lateraliter ad Excipulum derivantur, *Destillatio fit per Latus*; ubi statim deorsum versus reflectuntur, ibique aggregantur, *Destillatio per Descensum* nuncupatur; *Circulatio* denique audit, quando vasa ita comparata sunt, ut vapores condensati rursus recurrant, unde prodire.

§. 532. Si Subiectum, ut mutationem quandam subeat, vaporibus ficcis, h. e. fumo exponitur, tanquam Menstruo, vocatur *Fumigatio*; ubi autem humidis vaporibus, *Vaporatio*. Hæ in Arte Docimastica usu non veniunt, unica ejus specie excepta, de qua jam in (§. subseq.).

§. 533. Si Corpori solido, fixo, vaporetenus, aliud volatilius est adjungendum, requiritur, ut tum vapores coërceantur, ne hi nimis facile in auras dissipentur (ubi enim aëris liberior accessus præclusus est, longe majorem ignem sustinent volatilia, antequam avolent), tum ut corpus ipsum, quod penetrari debet, ita sit collocatum, ut vapores, ab igne maxime agitati, in illud perpetuo impingant. Hæc quomodo acquirantur, jam (§. 178. seq.) expositum est, ubi de Menstruis Acidis, tali modo ad corpora, præprimis Metalla, applicandis egimus. Inde ergo hæc repetantur; quum stricte huc pertineant. Quoniam autem in tali Operatione plerumque Menstrui solventis, in pulverem redacti, leviter humectati, unum stratum, dein corporis solvendi

alterum stratum priori superimponitur, tuncque iterum stratum Menstrui, & sic porro stratum supra stratum collocatur; hinc vocavere hanc Operationem Artifices *Cæmentationem* ex Analogia, quam habet cum operibus *Cæmentariorum*, dum muros de Cæmento & Lateribus exstruunt.

§. 534. Præter tamen Menstrua Acida (§. 178. seq.) alia quoque corpora, volatilia, tali modo (§. præc.) fixioribus corporibus adjunguntur: si nimirum, non, nisi igne validiore, & diuturniore, quo volatilia dissiparentur, ejusmodi unio fieri potest, tunc, adhibita Cæmentatione, Menstruum volatile, addito insuper nonnunquam figente quodam alio, sub exclusa aëris liberioris actione, aptum redditur, majorem ignis violentiam sine avolatione sustinere, ipsum vero corpus sic solvendum simul eadem ignis actione attenuatum & magis adaptatum pulchre disponitur ad Menstruum volatile citius recipiendum. Sic Arsenicum & Sulphur cum Ferro & Cupro commodius uniuntur, perque Acidi exiguam quantitatem facile corroduntur, cujus alias multo major copia requiritur. Ferrum purum tali modo Phlogisto largius imprægnatum, mutatur in Chalybem: seclusa enim in hoc Apparatu aëris actione, vix ulla corpora per violentiam ignis Phlogisto suo penitus privari possunt; & omnium quidem minime Carbones tam vegetabilium quam Animalium; utpote qui, licet sint in subtilem etiam comminuti pulverem, in vase negligenter saltem tecto summam ignis vehementiam per dies sustinent, neque tamen

in Cinerem penitus exuruntur. At nisi in hisce Operationibus justo ignis regimine utaris, frustra expectabis opratum effectum; quod in Processibus specialibus docebitur.

§. 535. Ad Operationes Chemicas & Docimasticas feliciter absolvendas, plerumque concurrere oportet Mechanica Artificia, quæ igitur Mechanicæ Operationes dici possent. Tales sunt permultæ, ex. gr. *Elutriatio*; *Trituratio*; *Cribratio*; *Filtratio*; &c. Sed de hisce heic loci multa verba facere haud necessum duco; quoniam partim suo quælibet loco, ubi applicari debet, paucis aptius describitur; partim quoque per se satis & vulgo notæ sunt.

Unius tantummodo mentionem injiciam, quam sibi Metallurgica & Docimastica Ars præprimis vendicat, possetque vocari Solutio humida Mechanica, eique nomen est *Elutriatio*: hæc fit, si solida, in aqua non solubilia, per aquam valide motam, concussionemque intercedentem a se invicem separantur, ut leviora & simul subtiliora ab aqua abripiantur, graviora vero & solidiora, magis quippe resistentia, in vasorum fundo remaneant. Videantur supra de hoc opere dicta (§. 381.). Specialia tractantur in cujuslibet Mineræ speciali tractatione.

C A P. V I.

D E

E F F E C T I S E T U S U

Artis Docimasticæ.

§. 536. *Effecta* Artis Docimasticæ primaria sunt
X 3
Me-

Metalla, Semimetalla, & alia Fossilia depurata, ab heterogeneis, quibus implicata a Natura exhibentur, segregata: eo enim tendit, quidquid Docimasta molitur. Patebit hoc in Praxi secutura clarius: unde nunc ad singularia non transibimus.

§. 537. Neque difficile hinc est colligere, quanti *Usus* atque *Necessitatis* sit isthæc Ars, quæ, dum in Mineralium cognitione, separatione, & adproprietione ad usus humanos versatur, infinita sane commoda Chemicis, Mechanicis, Medicis, Physicis, Metallurgis &c. præstat. Est Docimasia nonnisi concinnior Metallurgia. Cui igitur hujus perspecta est utilitas, dubitare is de illius usu non potest. Nisi enim per Operationem Docimasticam ante detecta fuerit Mineralis inventi indoles; quis ausit tantos sumtus ad majorem Apparatum construendum impendere? Id, quod præcipue de Argento, & in hoc latente Auro, intelligendum est; quippe quæ Metalla plerumque aliis Mineralibus adeo implicata hærent, ut solo adpectu non possint dignosci. Et quanquam de Metallum cujusdam præsentia in gleba certuses, quantitatem tamen certam indicare non poteris, nisi cum eadem vena sæpius periculum feceris: hoc non modo de glebis verum est, in quibus variorum Minerarum complicatæ sunt, sed etiam de simplicioribus valet, ut rubra, vitrea Argenti; Galena Plumbi &c. quippe quæ haud adeo constanter, uti plerumque dicitur, eandem servant Metallum proportionem.

§. 538. Dein omnibus etiam aliis Artibus, in quibus cognitio mixtionis vel puritatis Mineralium, horumque vel depuratio, vel varia per artem compositio

E L E N C H U S

CAPITUM ET TITULORUM

THEORIÆ DOCIMASTICÆ.

CAP. I.	De Definitione & Objectis Artis Docimasticæ.	Pag. 1
I.	De Metallis.	5
II.	De Semimetallis.	15
III.	De Salibus.	18
IV.	De Sulphure.	28
V.	De Lapidibus & Terris.	29
CAP. II.	De Menstruis Docimasticis eorumque præparatione.	51
I.	De Metallis eorumque Productis, ut Menstruis.	52
II.	De Semimetallis, ut Menstruis.	64
III.	De Sulphureis puris, seu Inflammabilibus, ut Menstruis.	71
IV.	De Salibus Alcalinis, ut Menstruis.	75
V.	De Acidis, ut Menstruis.	78
VI.	De Salibus Neutris, ut Menstruis.	97
VII.	De Sulphure Minerali, vulgari, ut Menstruo.	102
VIII.	De Cæmentis.	107
IX.	De Fluxibus Simplioribus & Reducentibus.	110
CAP. III.	De Suppellectile Docimastica.	117
I.	De Vasis.	117
II.	De Furnis.	159
III.	De Reliqua Suppellectile Docimastica.	189
	CAP.	

ECENCHUS THEORIÆ.

CAP. IV. De Mineralibus compositis & Mineris.

I. De Sulphure & Mineralibus Sulphu- reis.	235
II. De Arsenico & Mineralibus Arsenica- libus.	239
III. De Mineris in genere.	243
IV. De Ferro ejusque Mineris.	247
V. De Cupro ejusque Mineris.	254
VI. De Plumbo ejusque Mineris.	265
VII. De Stanno ejusque Minera.	271
VIII. De Argento ejusque Mineris.	274
IX. De Auro ejusque Mineris.	278
X. De Mercurio & ejus Mineris.	284
XI. De Regulo Antimonii, & Minera ejus.	287
XII. De Bismutho & ejus Minera.	289
XIII. De Zinko ejusque Mineris.	291
XIV. De Vitriolo & Mineralibus Vitrioli- cis.	293
XV. De Alumine & Mineralibus, ex qui- bus id producitur.	299
XVI. De Sale communi & Modis, quibus acquiritur.	305
XVII. De Borace ejusque Origine.	308
XVIII. De Nitro ejusque Matrice & Gene- ratione.	311
CAP. V. De Operationibus Docimasticis.	312
CAP. VI. De Effectis & Ufu Artis Docimasticæ.	317
	341

A R.

P R Æ F A T I O.

tractatam exspectet ; siquidem hæc non aliter , quam ex ipsis Processibus exactius intelligi potest. Quam ob rem paucissima ejusmodi inserui , nec nisi faciliore tentamine confirmanda. Si aliter egissem , plurima cognita debuisssem supponere Artificibus modo exercitatis familiaria , quorum vero in gratiam talia tradere , inanis labor fuisset. Similiter Instrumentorum Descriptio eidem fini assequendo accommodata est.

Facile autem liquet , de Mineralibus compositis cunctis mentionem fieri non potuisse , ob infinitas , ex diversa qualitate , proportionem , compositionis modis , emergentes differentiis. Hinc solummodo ut specimen considerari velim , quæ de hisce tradidi , Tyroni tamen utilissimum , quin & necessarium , ut sciat , quæ ratione in ulteriori earum cognitione assequenda , agere , & quænam respicere debeat , ne minutiis detineatur , usus plane nullius.

Denique subjunxi brevem Operum , præcipue stricte Docimasticorum , Sciagraphiam cum annexis terminorum explicationibus. Sequitur denique Effectuum & inde emergentium in variis Artibus & Scientiis Usuum brevis enarratio , quatenus nempe heic loci intelligere talia licet. Hæc erant monenda quoad Ordinem , quem mihi in Theoriæ tractatione constitui.

P R Æ F A T I O.

Cum vero in ipso hoc Opere, ut spatio parcerem, raro allegaverim Auctores, heic in genere eorum mentionem faciam, ex quibus profeci; dum interim labor indefessus, oculi intentissimi, & manus nigrorem carbonum non averfantes, præcipui heic magistri mihi fuerunt. Quod ad Theoriam Artis attinet, ejus primo fundamenta clarius exposuit passim in scriptis suis Clarissimus STAHLIUS. Mineralium compositorum præcipue Mineralium Metalliferarum Doctrinam debemus Cl. HENCKELIO, qui maxime in Pyritologia sua hanc rem specialiore in finem aggressus est. Ipsos Processus LAZARUS ERKERUS in Tractatu idiomate Germanico conscripto, *Probiere-Buch* vocato, & AGRICOLA de Re Metallica Lib. vii. tradidit; quibus, sed pauca, adjecit MODESTINUS FACHSIUS. Reliqui Auctores vel omnia ex ante laudatis hausere, vel saltem iis, mihi quippe incognitis, non usus fui. In hac altera Editione permulta ex omni parte adjeci, obscura illustravi, &, qui hinc inde subreperant errores, emendavi, eliminavi.

Si hæc B. L. placuerint, alia expectet forte magis elaborata. Vale.

ELEN

cio, requiritur, necessariam sese facit Docimasia. Hinc in Medicinæ præcipue illa parte, quæ Materia Medica audit, Usus ejus est insignis: plurima enim Mineralia in usus vocantur Medicos: hæc autem, tanquam Instrumenta, per quæ agit, cognoscere debet Medicus; nisi periculum facere velit æque nocendi, quam juvandi, vel plane nihil agendi. Id facile concedet, qui novit, quam occulte sæpe teterrima Venena Mineralia, qualia sunt Arsenicum, Cuprum, Plumbum &c. abscondita sint in omnibus Mineralium speciebus: ut ideo omnia, qualiacunque sint, antequam in officinas Pharmaceuticas recipiantur, rigido prius examini Docimastico submittenda forent. Insuper permulta & nativa & artefacta Mineralia adulterantur talibus, quæ salva virtute substitui nequeunt.

§. 539. Sed maxime inanem impendunt operam, qui, Docimasticæ Artis ignari, Alchemisticas conantur instituere Operationes; cum hæc inter alia & perfectionem Metallorum, & eorum intimiorem cognitionem, pro scopo habeant. Etenim vix magis ridiculum quidquam cogitationibus fingi potest, quam Metalla ad majorem perfectionem puritatemque deducere vel- le, atque interim vulgarem eorum cognitionem & separandi rationem, quo titulo abjecte Docimasiam compellant, ignorare. Unde non mirum, quod futilissimis Processibus magnas sæpenumero divitias dissipent fumivenduli.

§. 540. Ad Artem Vitriariam quoque Usus Docimasticæ sese extendit; si videlicet Vitra Gemmarum colore inficere quis velit. Ut enim hoc perficiatur, Calces plerumque Metallorum requiruntur; quia cujuslibet Metal-

Metalli Calx specifico colore tingit Vitra, & quidem minima, qua additur, copia. Quare ut certus & desideratus prodeat color, opus est, ut Metalla sint quam purissima: atqui hoc sine Operatione Docimastica perfici nequit: millesima enim pars Metallum ubi sese immiscuerit Frittæ, ex qua conflatur Vitrum, hoc est mixtioni Salium & Silicum, quibus nonnunquam Lychargyrium aut Plumbi Calx superadditur, mox colore tingitur Vitrum, quod crystallinum, excolor, debebat esse. Si vero colorem certum in Vitro desideras per Metallum cujusdam vel plurium additionem producendum; aliud Metallum tantilla copia sese immiscens hunc admodum immutat: hinc tanta difficultas est purissimum Rubini colorem Vitris conciliandi.

§. 541. Sed & in instituendis Experimentis physicis, maxime Ignis naturam & effectum in Corpora mineralia respicientibus, absolute necessaria est Docimasticæ cognitio & praxis; ut scias, an purum istud Corpus habeas, quod exploras, an minus: nisi causam incertam pro certa indicare, & experimento simili dein repetito, alium atque alium expectare velis eventum. Possem heic multa pro demonstratione hujus asserti adducere; nisi cogerer simul, quæ a plurimis tantum æstimantur, & speculationibus mire auctores suos delectantibus ornantur, experimenta, horumque eventus, haud sane absque fundamento in dubium vocare aut plane annihilare. Sapienti sat!

F I N I S

THEORIÆ DOCIMASTICÆ.

F I

FIGURARUM EXPLICATIONES.

T A B. I.

FIG. I. Pistillum, quo Cupellæ tunduntur,
Germ. Münch dictum.

a. b. Manubrium ejus ligneum, quod intra
Cylindrum cavum partis inferioris aurichal-
ceæ firmatum est.

c. d. e. f. g. Aurichalcea pars Pistilli, quæ
in Annulum Fig. II. cineribus impletum im-
primitur, ut formet cavum & marginem
superiorem Cupellæ (§. 205.). e. est segmen-
tum Sphæricum, politissimum, cavitati Cu-
pellæ respondens. d. f. est margo prominens,
Cupellæ marginem formans. c. g. est Cylin-
drus cavus, manubrium a. b. excipiens.

FIG. II. Annulus aurichalceus, Germ. Non-
ne, secundum sectionem perpendicularem de-
pictus Conum truncatum referens, superius
& inferius apertus, qui cineribus, per Pi-
stillum. Fig. I. comprimendis, impletur: li-
neæ punctatæ designant, quam profunde Pi-
stillum intrudi posse debeat, antequam ejus
margo d. f. latera annuli attingat.

Z

Ta-

Tales Annulos cum respondentibus Pistillis tres, vel quatuor, paratos habere convenit magnitudinis diversæ, quorum minimus formet Cupellam $\frac{3}{4}$ pollicis diametri exterioris, maximus 2 pollicum (§. 204.).

FIG. III. *Est Cupella perpendiculariter dissecta.*

a. b. c. *Est cavitas metallum coërcens.*

d. *Fundus (§. 203.).*

FIG. IV. d. *Pyxis ex lamina aurichalcea, superius aperta, diametri $\frac{3}{4}$ pollicis, altitudinis 3 pollicum.*

a. b. *Operculum, quo clauditur, cribro denso, setaceo, c. superius, instructum, per cuius poros cineres, quibus Pyxis impletur, excuti possunt (§. 205.).*

FIG. V. *Pistillum ligneum simile Fig. I. pro Testis conficiendis.*

a. b. c. *Convexa pars, qua cavum Testarum formatur.*

FIG. VI. *Annulus cavus, ligneus, perpendiculariter dissectus, qui massa argillacea impletur; Annulo ferreo a. a. b. b. cinctus, dum materies ictibus adigitur, ne dissiliat (§. 216. & seq.).*

FIG.

FIG. VII. Testa Scorificatoria, perpendiculariter dissecta, cujus diameter circiter sit 2 pollicum.

a. b. Fundus, quo instructa est, angustior; ut ab igne citius incalescat (§. 215. & seq.).

c. d. e. Ejus cavum.

FIG. VIII. Cineritium majus, annulo ferreo h. i. k. l. inclusum.

a. b. c. Cavitas Cineritii, segmentum Sphaericum referens, quam ambit margo d. e. f. g.

h. i. k. l. Annulus ferreus, qui cineres coercet (§. 213.).

FIG. IX. Culter, secundum segmentum circuli curvatus, quo cineres compressi exscinduntur, ut fiat cavum Cineritii Fig. VIII.

a. Ejus Acies.

b. Dorsum.

c. d. Manubria duo, quibus apprehenditur (§. 212. N. 3.).

FIG. X. Manus rotans Globum aurichalceum, m. politum, quo cineres ossium sicci, cavo Cineritii superinspersi, apprimuntur, ut cavitas reddatur nitida (§. 212. N. 3 & 4.).

FIG. XI. Cineritium majus, in Patella figulina a. b. c. d. formatum.

e. f. g. Ejus margo (§. 212.).

h. Cavitas Sphaerica (§. 212.).

Z 2

FIG:

FIG. XII. Pistillum ligneum, dentatum, quocum cineres, in Patellam figulinam immissi, comprimuntur (S. 212. N. 2.).

FIG. XIII. Modulus semi-cylindricus pro Fornice Docimastico formando.

a. b. c. d. Ejus Dorsum convexum.

c. g. a. Planum posterius.

b. d. e. f. Planum anterius.

h. Foramen in plano anteriore, in quo firmatur.

p. Cochlea, qua Modulus extrahi queat, dum Moduli Dorsum, & Planum posterius, argilla compressa obducta sunt (S. 227. 228.).

FIG. XIV. Modulus concavus, quo, ad priorem Modulum (Fig. XIII.) applicato, citius, & solidiores Fornices confici possunt.

l. Cavitas semi-cylindrica, priore Modulo convexo (Fig. XIII.) pro crassitie Fornicis conficiendi, major, cujus area cava materie argillacea obducitur.

m. Affer posterior, ubi Fornix claudi debet.

r. Affer anterior, compressioni serviens.

i. i. k. k. Duæ Cochleæ, quarum Matrices sunt in posteriore affere, ut ad se invicem anterior & posterior adigi possint.

o. n. Affer superior, pavementum Fornicis faciens, qui ut vim Cochlearum g. g. cum mat-

tri

TAB. I.



VIII.




Fig. XI.

Fig. XIII. b




Fig. VI



J. v. d. Spylk fecit.

*tricibus sustinere queat, transversali alio
afferculo q. munitus est (§. 228.).*

FIG. XV. *Modulus aurichalceus pro Pedistal-
lis mobilibus conficiendis, quæ supponuntur
Crucibulis parvis.*

a. b. *Basis sustinens annulum Fig. VI.*

c. d. *Recipitur ab apertura annuli inferiore,
ne vacillare possit.*

e. f. g. h. *Format cavum Pedistalli, cui Cruci-
bula imponuntur (§. 233.).*

FIG. XVI. *Pedistallum apparatu præceden-
ti.*

a. *Cavum impressum, cui Crucibula imponuntur
(§. 233.)*

FIG. XVII. *Segmentum quadrangulum, quo-
cum apposito Fornicis Docimastici spiracula
clauduntur Tab. II. Fig. I. Lit. a. (§. 230.).*

T A B. II.

FIG. I. *Fornix Docimasticus, pavimento fixo
instructus, antè & ad latus conspicuus
(§. 222.).*

FIG. II. *Fornix Docimasticus, pavimento mo-
bili superimpositus, facie posteriore & late-
rali representatus.*

310 F I G U R A R U M

a. a. *Spiracula circulationem aëris & ignis admittentia.*

FIG. III. *Fornix Sphæroideus, qui Cineritip majori, annulo ferreo incluso (Tab. I, Fig. VIII.), superimponitur (§. 230.).*

a a. *Spiracula similia præcedentibus in Fornice Docimastico factis.*

b. *Segmentum Cylindricum Fornici adnexum.*

FIG. IV. *Modulus ligneus, cui argillacea massa pro conficiendo Fornice Sphæroideo Fig. III. superapplicatur (§. 230.).*

b. *Segmentum Cylindricum ligneum.*

FIG. V. *Patina vel Crucibulum fusorium, Pedistallo fixo, latiore, instructum, quod præcipue ad Mineras Cupri & Plumbi examinandas inservit (§. 231.).*

FIG. VI. *Patina fusoria, superius trigona, effusioni massæ liquefactæ aptata (§. 231.).*

FIG. VII. *Modulus ligneus cavus, perpendiculariter dissectus; annulo ferreo cinctus, in medio bifidus, ut, annulo ferreo ablato, dilabatur. In hoc formantur Patinæ parvæ. Fig. v. (§. 232.).*

FIG. VIII. *Pistillum, ad Modulum Fig. VII. pertinens, quo formatur cavitas Patinarum Fig. v. (§. 232.).*

FIG. IX. *Modulus cavus, Patinis triangularibus*

ribus Fig. VI. conficiendis aptatus, similiter secundum altitudinem dissectus, annulo ferreo cingendus, ad quem Pistillum simile, ac Fig. VIII. pertinet, cujus tamen inferior pars, Patinae cavum formans, Pyramidem triangularem referre debet (§. 232.).

a. a. Dentes Conici, qui a sinibus b. b. recipiuntur.

b. b. Sinus Conici.

FIG. X. A. B. denotant Opercula, quibus Crucibula & Patinae operiuntur (§. 241.).

FIG. XI. Est Cucurbitula separatoria (§. 242.), superius chartaceo obturaculo munita.

FIG. XII. Tripus, cui Cucurbitula Fig. XI. insistit (§. 243.).

FIG. XIII. Catinus cupreus edulcoratorius, pro abluenda calce Argenti per Cuprum ex Aqua Forti præcipitata (§. 244.).

FIG. XIV. Catillus aureus pro Auro, ex quo Argentum per Aquam Fortem erosum fuit, candefaciendo (§. 245.).

FIG. XV. Tripus ferreus, in quo Catillus Fig. XIV. suspenditur (246.).

FIG. XVI. Vid. Fig. XII.

FIG. XVII. Situla lavatoria lignea, vel figulina, ad leviores particulas mineris adhaerentes per aquam abluendas, naviculæ similis,

lis, pedem circiter longa, aliquot pollices lata, & profunda, cujus postrema altior parte loco manubrii inservit (§. 247.).

FIG. XVIII. *Pyxis lignea granulatoria* (§. 248.).

FIG. XIX. *Machina granulatoria, Cylindrica, scopis obvoluta, superimposita vasi aqua impleto, sic ut inferiore sua parte aqua immersa sit. Huic rotatae Metallum granulandum superaffunditur* (§. 250.).

FIG. XX. *Conus fusorius cupreus, vel ferreus* (§. 253.).

FIG. XXI. Lit. a. *Infundibulum pro Lingonibus Metallicis, instructum incutibus prismaticis vel semi-cylindricis* (§. 256.).

FIG. XXII. Lit. b. *Infundibulum, segmentis hemisphaericis instructum, pro Regulis metallicis in Cupellam ponendis* (§. 257.).

T A B. III.

FIG. I. *Furnus Docimasticus.*

a a. b. b. c. c. *Corpus Furni Docimastici* (§. 266.).

d. *Ejus in fastigio Apertura* (ibid. N. 1.).

e. *Porta Cinerarii.*

k. k. *Valvæ mobiles, quibus Porta claudi possit.*

f. *Porta superior, Fornici contigua, qui interiorius, una cum duabus Cupellis, in suo situ conspicuus est.*

TAB. II.

Fig. I.




Fig. IV.




Fig. X. A




Fig. XIV.



Fig. XV.




Fig. XXI. a




Fig. VIII.




Fig. XI.




Fig. XXI. b

Fig. XII.



Fig. XX.

Fig. XII. & XVI.

J. V. d. S. p. y. h. f. o. u. s.

- a. *Vagina de bractea Ferri adfixa, ut recipiat Dentem Canalis ferrei γ.*
- β. *Canalis de bractea ferri, qui Dente*
- γ. *in Sinum α. immisso firmatur ad Portam Furni Docimaſtici f. ut prunis obrui queat.*
- l. l. *Valvæ mobiles, quibus Porta superior claudi poſſit.*
- m. *Foramen oblongum in altera valva.*
- n. *Foramen ſemi-circulare in altera, per quod, clauſa porta, in Fornicem introſpici poſſit.*
- g. g. h. h. i. i. *Bracteæ ferreæ, Furno affixæ, facientes inter ſe & parietes Furni crenas, in quibus Valvæ portarum moveri poſſint.*
- o. o. *Duo Foramina, quibus ſimilia duo, in parte poſteriore Furni facta, reſpondent, per quæ duo Bacilli ferrei transmittuntur pro ſuſtinendo Fornice.*
- p. *Foramen orbiculare, in parte Furni ſuperiore patens, ut mediante Bacillo ferreo cineres & prunæ circa Fornicem moveri poſſint.*
- q. *Operculum, quod inter bracteolas recurvatas c. c. lateraliter Furno affixas, antroſum & retroſum moveri poteſt.*
- r. *Segmentum Cylindricum Operculo q. ſuperius adfixum, cui Tubus ferreus, Camini loco ſerviens, imponi poteſt.*

s. *Ansa Operculi.*

t. *Tubus Conicus, segmento Operculi r. superimponendus, pro igne incitando, Camini loco inserviens.*

FIG. II. *Tendicula bifida quadrata, in altitudine marginis superioris Portæ Cinerariæ Fig. I. e. intrinsecus locanda, cui Prismata ferrea pro Craticula sustinenda, & Lutum, quo Furnus interius obducitur, innituntur.*

FIG. III. *Est Sectio Furni Fig. I. perpendicularis, transiens per mediam faciem anteriorem & posteriorem, ut pateat Furni dispositio interna, tanquam si a latere introspiceretur.*

FIG. IV. *Furnus perpendiculariter dissectus, transeunte Sectione per utrumque latus; ut sistatur interior constitutio, tanquam si anteriùs vel posteriùs introspiceretur.*

FIG. V. *Modulus ligneus, Ellipticus, secundum quem Furni Fig. sequ. interius cavum formari debet.*

a. *Pars abscissa, Operculum Fig. VII. formans. Inferius extremum similiter truncatur, ut fiat corpus Furni.*

FIG. VI. *Furnus fusorius, secundum modulum Fig. v. efformatus (§. 273. seq.).*

d. *Annulus ferreus, ad marginem Furni applicatus,*

catus, ut *Lutum*, quo intus obductus est *Furnus*, coërceatur. Similis est ad imam *Furni* partem firmatus.

c. e. *Anse*, quibus elevari & dirigi possit *Furnus*.

c. c. Duo *Foramina*, qualia etiam sunt & regione posterius facta, per quæ transmittuntur duo *Baculi* Fig. XI. quibus *Craticula* Fig. XII. fulciatur.

FIG. VII. *Operculum*, quo clauditur *Furnus*, si intensiore igne *Anemio* opus est, cujus figura esse potest complementum *Ellipsios* abscissæ Fig. V. a.

b. Est *Porta* versatilis, per quam pabulum ignis in *Furnum* queat immitti.

c. c. *Unci*, quibus prebenditur.

d. Segmentum *Cylindricum*, cui similis *Tubus* ferreus, instar *Camini*, pro igne augendo imponi potest, qualis *Furno Docimastico* Fig. I. t. superapplicatur.

FIG. VIII. *Porta Operculi* Fig. VII. interius conspicua, extante lamina ferrea munita, ut *Lutum* pro lorica firmari possit.

FIG. IX. *Cinerarium seu Pedistallum*, cui *Furnus* Fig. VI. superimponitur.

c. *Annulus* ferreus, cui *Furnus* innititur.

d. *Foramen* pro *Follis* fistula immittenda.

b.

b. *Porta pro admittendo vento, & eximendis cineribus.*

FIG. X. *Aliud Pedistallum, interius loricatum, efformatum in Catillum f. g. h. recipientem Metallum fusum.*

c. *Foramen, ut Rutabulum intrudi possit.*

d. *Foramen pro Follis fistula.*

e. *Foramen, ex quo liquefacta materia ex interiori Catillo emitti possit per canalem e fundo hujus g. huc decurrentem.*

FIG. XI. *Duo Baculi ferrei, qui per Foramina Furni Docimastici Fig. I. o. o. vel Fusorii Fig. VI. c. c. transmittuntur, ut ibi Fornix Docimasticus, hic Craticula, iis sustentetur.*

FIG. XII. *Craticula pro Furno fusorio.*

FIG. XIII. *Pedistallum idem Fig. X. sed ita dispositum, ut liquefactum, in Catillo ejus collectum, per Foramen Fig. X. e. emitti, & ab extrinsecus appposito Catillo carbonaceo i. excipi possit.*

o. *Conus de bractea Ferri, qui in Foramen Pedistalli d. reponitur, ut fistulam Follis recipiat.*


FIG. XIV. *Furnus similis Fig. VI.*

a. *Porta.*

FIG. XV. *Annulus, qui Furno Fig. XIV. imponitur, qui est complementum cavi Elliptici in focus abscissi Fig. V.*

c.

TAB. III.



- c. *Segmentum Valva versatili instructum, qua aperta immitti potest Olla ferrea*
 Tab. IV. Fig. i. w w.
 d. d. *Spiracula pro circulatione aëris.*

T A B. IV.

FIG. 1. Athanor (§. 279.).

- a. a. a. a. *Turris Athanoris, seu Furnus primarius, qui pabulum ignis recipit: lineæ punctis descriptæ crassitiem muri indicant.*
 b. b. b. b. *Latera interiora, cavum formantia, decem pollices longa.*
 c. *Porta Cinerarii.*
 e. *Porta superior.*
 d. *Craticula, quæ in altitudine Basis Portæ e. posita est.*
 f. *Operculum, quo Turris superior apertura clauditur.*
 g. g. *Hiatus, per quem ignis ex Turri in primum ascendit Furnum.*
 h. h. h. h. *Prisma cavum; quod format primum Furnum secundarium.*
 i. i. *Fornix semi-cylindricus, quo Prisma superius clausum est.*
 k. k. k. k. *Lamina ferrea interius loricata; qua antèrius clauditur Furnus secundarius primus.*

1. La-

- l. *Lamina k. k. k. k. Foramen rotundum, per quod collum vasis 7. transmitti potest.*
 m. *Epistomium, quo Foramen l. claudi possit.*
 n. n. *Repagula ferrea.*
 o. o. o. o. *Unci ferrei, muro infixi, repagula recipientes.*
 6. *Valva ferrea, qua clauditur hiatus g. g.*
 p. p. p. p. *Catena ferrea, quibus Valva elevari potest.*
 *. *. *Clavi ad quos mediantibus catenis p. p. Valva in determinata altitudine suspendi potest.*
 q. q. q. q. *Caminus hujus Furni.*
 r. r. *Lamina ferrea, qua caminus claudi & aperiri possit.*
 s. s. s. s. *Margo ex bractea ferrea, duplicatus, laminam r. r. intercipiens.*
 t. t. *Hiatus alter, per quem ignis ex primo Furno secundario in alterum transit.*
 u. u. u. u. *Alter Furnus secundarius Cylindricus.*
 v. v. *Apertura ejus superior, circularis, anteriùs excissa, pro recipienda*
 w. w. *Olla ferrea, in hoc Furno altero secundario suspendenda.*
 x. x. *Circulus ferreus, quo Olla w. w. Furni supremo margini incumbit.*

y. Segmentum ex Olla excissum priori v. v. respondens.

z. Hiatus, ex altero Furno in tertium ducens ignem.

1. 1. 1. 1. Furnus secundarius tertius, similis secundo, Olla instructus.

2. 2. 2. 2. Caminus alter.

3. Lamina, qua clauditur & aperitur Caminus.

4. Apertura, quæ ex tertio Furno tendit in Caminum.

5. 5. 5. Caminus tertius. N. 6. vide Supra.

7. Retorta figulina, locata in Furno secundario primo k. k. i. i. transmissa suo collo per bujus portæ foramen.

8. Recipiens.

9. Retorta vitrea in alterius Furni secundarii Olla ferrea arena impleta locata.

10. Recipiens.

11. Cucurbita, in Olla Furni tertii locata.

12. Fulcimenta, quæ Vasa recipientia sustinent, & Cochleis elevari ac demitti possunt.

FIG. 11. Forceps, pro Testis & Cupellis eximendis.

a. Clavus ferreus, quo ambo Forcipis crura neſtuntur.

b.

b. *Semilunaris pars anterior Forcipis, qua Vasa capiuntur.*

c. *Auriculæ, quibus prehenditur & dirigitur Forceps*

d. e. *Subtensa sinistra Forcipis Chelæ adfer-ruminata (§ 283.).*

FIG. III. *Tenaculum pro Granulis vel Ponderibus parvis capiendis.*

FIG. IV. *Forceps pro Crucibulis, aliisque Vasis apertis, mediocris magnitudinis, ex igne eximendis.*

FIG. V. *Forceps pro amplectendis Crucibulis, vel Catinis maximis, multo Metallo oneratis.*

a. *Semi-circulus simplex, ad alterum Crus firmatus.*

b. *Semicirculus duplex ad alterum Crus firmatus, intercapiens, si Forceps clauditur, Circulum priorem a.*

FIG. VI. *Uncus seu Hamulus ferreus pro movendis materiis in Testis, sub Fornice Docimastico positis.*

FIG. VII. *Filum ferreum duos cum dimidio pedes longum, semi-pollicem crassum, pro prunis & cineribus in dorso Fornicis Docimastici, in Furno TAB. III. Fig. 1. locatis, movendis.*

FIG.

FIG. VIII. Hamus ferreus pro massis in Crucibulis in Furno anemio positis movendis, tres pedes longus, $\frac{1}{4}$ ad $\frac{1}{2}$ pollicis crassus.

FIG. IX. Rutabulum, quo Metallum fusum, Scoriæve in Cineritio majori moventur.

FIG. X. Rutabulum, quo per Portam Cinerarii intruso, Craticula ab obstructibus cineribus vel prunis minoribus liberatur.

FIG. XI. Cochleare parvum ferreum, longo instructum Manubrio, quocum materia in vasa igni imposita immittitur.

FIG. XII. Umbraculum ligneum.

FIG. XIII. Tubus Cæmentatorius.

FIG. XIV. Focus Fabrilis, haud equidem descriptus inter Furnos priores, facile tamen ex hac icône cognoscendus, quousque in Præxi requiritur.

a. Folliis duplicatus.

b. Foramen in muro laterali factum, per quod ejus Fistula ad Focum pertingit.

c. Foveola, in quam Vasa vel Cineritium majus imponi potest.

d. Murus lateralis.

FIG. XV. A. Furnus pro Cineritio majori Fornice tecto, cujus anterior murus deficit, ut ejus interna dispositio conspici queat.

- a. Cineritium.
- b. Fornix.
- c. c. Ventilabra, per quæ aër ignem excitare intrare potest.
- e. c. e. Aperturæ ventum admittentes, infra pavimentum Furni.
- f. Caminus, tres vel quatuor pedes altus, ad ventilationem augendam.

B. Similis Furnus antè muro clausus.

- d. Porta inferior, qua aperta Fornix & Cineritium immitti in Furnum ac eximi potest.
- e. Pars hujus Portæ efforata, ut subinde, cum Fornix contiguus est, introspici ac Metallum fusum aut Scoriæ moveri queant.
- f. Porta superior pro ingerendis carbonibus.

FIG. XVl. Rutrum pro cineribus, aut sabulo, sub Fornice Docimastico complanandis.

- a. a. Duo Crura.

FIG. XVll. Furnus fusorius de lapidibus exstructus (S. 276.).


- a. Anterior murus ex parte apertus: hæc apertura sub fusionibus clauditur lateribus quadratis ibi repositis: quando vero maxima Vasa, multo Metallo onerata, sunt effundenda, lateres isti removentur; ne tanto, nec tam periculoso conamine opus sit ad Vasa tam alte elevanda.

b.

Fig. 1.



VII.



- b. Cinerarium, cujus pavimentum; antrorsum versus; est declive; ut Metallum de Vasis; fissuras forte contrahentibus, effusum decurriat in foveam, ante Cinerarii portant effossam.
- c. c. c. Murus Laboratorii.
- d. d. Craticulæ Bacilli.

T A B. V.

FIG. 1. Follis duplicatus, cum suo Fulcimentis.

- a. a. a. a. Sustentacula ferrea; ad Tigna stabilia Fulcimenti Follis firmata, quæ singula Axes Follis recipere possunt, ut is parte posteriore pro lubitu elevari & demitti possit.
- b. b. Cunei ferrei, quibus Axes firmantur, ne elabi possint, si Follis agitur.
- c. c. Duo Tigna stabilia, quæ Follis Fistulam intercipiunt.
- d. d. d. d. Foramina in Tignis stabilibus c. c.
- e. Clavus Ferreus, qui, per Foramina d. d. d. d. transmissus, Follis Fistulam sustinet, ut elevari & demitti possit.
- f. Pondus, quod Follem inferiorem extendit.
- g. Pondus, quo oneratur Follis superior, ut determinata vi deprimatur.

A a z

h.

h. *Vellis, quo agitur Follis.*

i. *Catena, quæ Follis quiescens suspenditur.*

FIG. II. *Bilanx Docimastica.*

a. b. *Jugum.*

c. *Lingula.*

FIG. III. *Trutina.*

a. a. *Duo Foramina, in quibus Axis versatur.*

d. d. *Duo Foramina Confibulam coërcentia.*

c. *Stylus, qui æquilibræ Index est.*

b. *Apertura, ut Lingula Fig. II. c. circa Indicem versans videri queat.*

FIG. IV. *Confibula.*

FIG. V. A. A. *Patellæ seu Lances, quæ mediantibus funiculis sericeis in Jugi extremis Fig. II. a. b. suspenduntur.*

B. B. *Patellæ mobiles, quæ, ponderibus & ponderando oneratæ, prioribus imponuntur.*

FIG. VI. *Fulcimentum pro suspendenda Bilance.*

a. *Pedistallum.*

b. *Columna.*

c. *Brachium.*

d. *Trochlea prima.*

e. *Trochlea altera.*

f. *Trochlea tertia.*

g. *Brachium alterum.*

h. *Foramen oblongum.*

- i. *Lamella per Foramen h. transmittenda.*
- k. *Pondus Funiculo sericeo affixum, quo Bilanx elevata teneri potest.*

FIG. VII. *Domuncula, in qua reconditur Bilanx.*

- a. a. a. *Fenestræ.*
- b. *Fulcimentum Fig. VI. cum Balance.*
- c. *Funiculus sericeus, per Foraminulum, infra Fenestram anteriorem factum, transmissus, quo Bilanx in clausa domuncula attolli & demitti possit.*
- e. e. *Capsæ ductiles, in quibus Pondera, Lances, aliæve minuta supellex reconduntur.*
- f. f. *Sustentacula, quæ Lances in statu depressionis recipiunt: hæc munita sunt Cochlea*
- g. *qua in domunculæ pavimento firmantur.*

FIG. VIII. *Monstrat Pondera Capsulæ inclusa.*

FIG. IX. *Acus probatrices colligatæ.*

- a. a. a. *Extrema, quæ ad Lapidem Lydium stringuntur.*

FIG. X. *Lapis Lydius.*

FIG. XI. *Bilanx inversa (§. 313.).*

- a. a. a. *Trutina.*
- b. *Receptaculum planum pro Axi recipienda.*

- c. *Perpendiculum indicans statum æquilibrii, & perpendicularem Fugi situm.*
- d. d. *Prismata aurichalcea, quorum alterum superne, alterum inferne ad trutinam est afferruminatum.*
- e. *Brachium superius, per cujus foramen prismata est transmissum.*
- f. *Brachium inferius simili usui inserviens.*
- g. *Fibula fulcimento affixa, circumdans trutinam ex una parte.*
- h. *Crena restringens Axin in statu depresso Bilancis, cum sua Trutina.*

Reliqua conveniunt cum Fig. II. & VI. ex quarum Explicationibus clara erunt.

Reponitur hæc Bilanx, cum suo Fulcimento, in Domunculam similem Fig. VII.

TAB. V.




Fig. X.



Fig. IX.



Fig. I.



I N D E X.

A.

A cetum Vini.	78
— — Metalla quædam solvit.	79
— — ejus potentia in quosdam lapides.	78
Acida.	18
— eorum differentia.	78
— — vis solvendi calore juvatur.	79
Acidum Catholicum.	20
— Chalcanthi.	ib.
— — ejus dotes.	ib.
— Nitri.	21.
— Vid. <i>Aqua Fortis.</i>	—
— Primigenium.	20
— Salis communis.	21
— — ejus productio.	22
— Sulphuris.	21
— Vagum fossile.	20
— Vini.	78
— Vitrioli.	20. 80
— — quosdam lapides & terras solvit.	80
— — concentratum fervidum corrodit Metalla	
& Semimetalla, excepto Auro & Ferro.	80
— — dilutum solvit Ferrum.	80. 81
— — excutit de Ferro & Zinco Spiritum in-	
flammabilem.	80
Acus probatrices.	218. seq.

I N D E X.

<i>Acus</i> probatrices quænam & quomodo Metalla explo-	
rent.	225. seq.
<i>Adamas.</i>	45
<i>Adler-Stein.</i>	46
<i>Æolipila.</i>	193. seq.
<i>Aer.</i>	29
— purus non differt.	ibid.
— est instrumentum mutationum & vehiculum o-	
mnium corporum.	ibid.
<i>Ætites.</i>	46
<i>Agaricus mineralis.</i>	47
<i>Alabastrum.</i>	43
<i>Alcali Fixum.</i>	18. seq.
— ejus Characteres an bonum sit.	ibid.
— — Depuratio.	ibid. 78
— reducit calces Metallorum per acida factas.	ibid.
— omnes terras lapidesque vitrefacit.	75. seq.
— non solvit Aurum & Argentum.	76. seq.
— Metalla imperfecta & Semimetalla non solvit, nisi	
prius destructa.	76
— respuit Mercurium.	ibid.
— Metallorum in Mercurium ingressum prohibet.	ibid.
— Metalla & Semimetalla ex acidis præcipitat.	ibid.
— nativum.	22. seq.
— Fossile.	22
— — ejus differentia a vegetabili.	23
— Volatile nativum.	25
<i>Aludels.</i>	338
<i>Aludali.</i>	ibid.
	<i>Alu-</i>

I N D E X.

<i>Alumen.</i>	305
— ejus Matrices,	ibid. seq.
— — Generatio,	306. seq.
— plumosum.	35
<i>Amalgamatio.</i>	63. seq. 328
<i>Amarill. vid. Smiris.</i>	—
<i>Ametbyssus.</i>	44
<i>Amianthus.</i>	35
<i>Ammono-Chrysus.</i>	38
<i>Antimonium.</i>	289
— ejus Minera	ibid.
— — — rubra.	290
— — — Regulus.	15. seq. 289
— igne totum est volatile,	66
— — coque abit in Calcem.	67
— ejus Calx in Vitrum colliquefeit.	ib.
— — rapacitas per phlogiston augetur.	ib.
— omnia Metalla volatilia reddit.	ib.
<i>Aqua.</i>	28. 29
— pura non differt.	ibid.
— est instrumentum mutationum & vehiculum o-	—
mnium corporum.	28
— Fortis & ejus vis solvens.	81. seq.
— — ejus Præparatio.	ibid.
— — — Præcipitatio.	86
— — viridis aut cærulescens an Metallis inquinata	—
fit.	88. 89
— — ejus temperatura ad usus Docimasticos.	89. seq.
— — — abstractio de Metallis.	90
— — — rapacitas.	92

A a 5

Aqua

I N D E X.

<i>Aqua Regis.</i>	95
— — ejus confectio.	ibid.
— — — vis solvendi.	96
<i>Arena.</i>	30
— <i>Argentea.</i>	38
— <i>Aurea.</i>	ibid.
— <i>Nigra.</i>	260
<i>Ardesia regularis.</i>	30
<i>Argentum.</i>	9
— cum omnibus Metallis colliquefcit.	62
<i>nativum.</i>	278. feq.
— ejus <i>Minera.</i>	ibid.
— — — <i>Alba.</i>	280
— — — <i>Cornea.</i>	279
— — — <i>Rubra.</i>	ibid.
— — — <i>Vitrea.</i>	278
— — <i>Mineræ improprie.</i>	281. feq.
<i>Argilla vulgaris five figulina.</i>	30
<i>Arsenicum.</i>	16, 243
— est Semimetallum.	16
— in plurimis Mineralibus latet.	246
— cum terris figitur.	64
— Metalla penetrat.	ibid. feq.
— rapax est.	66
— nativum.	243
— Terrarum fusionem <i>adjuvat.</i>	64
— Alkali fixo tenaciter adhæret.	ibid.
— Ferri fusionem adjuvat.	ibid.
— Cuprum dealbat.	65
— Stannum in cineres convertit.	ib.
— Plumbum vitrefacit.	ib.
	<i>Arſe-</i>

I N D E X.

<i>Arsenicum</i> Argentum solvit.	65. seq.
— omnia corpora volatilia reddit.	66
— per Ferrum ex Metallis ejicitur.	ibid.
— non est Sulphur.	17
— raro nativum purum.	ibid.
— Flavum.	105. seq.
— Rubrum.	ibid. seq.
<i>Ars Docimaistica</i>	1
— ejus Objectum.	2
— — Effectus.	341. seq.
— — Usus.	342. seq.
— — — in Metallurgia.	ib.
— — — — Medicina.	ib.
— — — — arte Vitrarum.	ibid.
<i>Asbestus.</i>	34. 43
<i>Asphaltum.</i>	242
<i>Astoria.</i>	43
<i>Astroites.</i>	46
<i>Atbanor.</i>	178. seq.
<i>Atrament-Stein.</i>	42
Vid. <i>Lapides Atramentarii.</i>	
<i>Augen-Stein</i>	42
<i>Auripigmentum.</i>	244
<i>Aurum.</i>	8. 9
— nativum.	284
— non occurrit in Minera propria.	285
— cum omnibus Metallis sese miscet.	62
— ejus ad Lapidem Lydium examen.	96
— — Matrices.	284
— — Mineræ improprie.	286

B.

I N D E X.

B	afaltes.	43
	Belemnites.	46
	Berg-Blau. vid. <i>Ceruleum montanum.</i>	
	Crystall.	45
	Grün. vid. <i>Viride montanum.</i>	
	Saltz.	309
	Talg.	36
	Bilanz Docimastica.	195
	— ejus Structura.	196
	— Examen.	200. seq.
	— Correctio.	201
	Bismuth-Gräupen.	292
	Bismuthum.	15
	— cum omnibus Metallis miscibile.	68
	— Zinco non colliquescit.	69
	Plumbum in Mercurio attenuat.	68. 69
	— ejus Flos.	291
	— Minera.	291
	Cobaltum.	ibid.
	Braumen.	242
	Blut-Stein. vid. <i>Hematites.</i>	
	Blende.	37
	Bley-Glantz.	271
	— Klar-Körniger.	ib.
	— Klar-Spießiger.	ib.
	Schweiff.	273
	Spath.	274
	— Waage.	207
		Bo-

I N D E X.

<i>Bolus</i>	31
— Armena.	ibid.
— Lemnia.	ibid.
<i>Borax.</i>	27. 311
— vitrefacit lapides & terras.	98
— ejus Characteres.	97
— depuratum.	311
— crudum vel pingue.	ib. seq.
<i>Brontias.</i>	48
<i>Brun-Stein.</i> vid. <i>Magnesia.</i>	
<i>Busanites.</i>	48

C.

C <i>admia</i> fornacum.	66. 70
— nativa. vid. <i>Lapis Calaminaris.</i>	
<i>Cæmenta.</i>	107
— vaporis specie agunt.	108. seq.
— quædam Metalla corrodunt.	ibid. seq.
<i>Cæmentatio.</i>	107. 340
<i>Cæment-Kupfer.</i>	301
— <i>Wasser.</i>	ibid.
<i>Cæruleum montanum.</i>	367
<i>Calces.</i>	335
<i>Calcinatio.</i>	ibid.
— ea diuturna lapides & terræ metallariæ irre-	
ducibiles fiunt.	75
<i>Calx Metallorum.</i>	71
— refractaria.	72
— viva.	33
<i>Caratura.</i>	228
	Ca-

I N D E X

<i>Curatura</i> alba.	228
— mixta.	229
<i>Carbo</i> fossilis.	242
<i>Carbunculus</i> .	45
<i>Carneolus</i> .	42
<i>Catillus</i> aureus.	149
<i>Catinus</i> edulcoratorius.	149
<i>Cerussa</i> nigra.	36
<i>Chalcantha</i> .	302
<i>Chalcedonius</i> .	43
<i>Chalcitis</i> .	305
<i>Chelonites</i> .	48
<i>Chrysocolia</i> .	27. 97. & 311
— ejus Ustio.	97
— vitrefacit terras & lapides.	98
— molecularum Metallicarum colliquationem facit.	ib. seq.
— pallidum reddit Aurum.	100
— non reducit Metalla.	ibid.
Vid. <i>Viride</i> montanum.	
<i>Chrysolithus</i> .	45
<i>Chrysopras</i> .	ibid.
<i>Cineritium</i> Majus.	129
— — ejus parandi ratio.	ibid. seq.
— Minus.	117. seq.
— — ejus materia.	ibid.
— — parandi ratio.	123
— — præstantissimum.	125. seq.
— — cur Plumbum ejiciat.	126
— — — Lithargyrium non promte absorbeat.	128
	<i>Ci.</i>

K N I D E E X I

<i>Cinertium Minus</i> unde fissuras agat.	128. seq.
<i>Cinnabaris.</i>	287. seq.
<i>Circulatio.</i>	339
<i>Clär.</i>	122
<i>Cobaltum.</i>	244
— ejus Flos.	245
— Bismuthi.	ibid.
<i>Cochleæ petrefactæ.</i>	48
<i>Conchitæ.</i>	47
<i>Corallen-Bruch.</i>	43
— Stein.	ibid.
<i>Conus fusorius.</i>	143
<i>Conterfait.</i> vid. <i>Zincum.</i>	
<i>Cornu Ammonis.</i>	46
<i>Corpora spongiosa calorem & frigus conservant.</i>	172. seq.
<i>Creta.</i>	34
— Cimiolia;	36
— Hispanica.	ibid.
— Nigra.	30
— Rubra. vid. <i>Rubrica fabrilis.</i>	
<i>Crucibula.</i>	141. seq.
— — Hassiaca.	141
— — Ipsensia.	146
— — quænam sint eligenda.	ibid.
<i>Cryſtallus montana.</i>	45
<i>Cribratio.</i>	341
<i>Cucurbitæ.</i>	157
<i>Cucurbitulæ separatoriæ.</i>	148. seq.
<i>Cupella.</i> vid. <i>Cinertium Minus.</i>	
<i>Cupellatio</i>	323. seq.
<i>Cuprum.</i>	11. 265
	Cx-

I N D E X

<i>Cuprum</i> nativum.	265
— cum omnibus Metallis & Semimetallis sese mi- scet.	61
— Ferri fusionem faciliat.	ibid.
— ejus Mineræ.	266
— — Minera Alba.	267
— — — Cinereo fusca.	ibid.
— — — Grysea.	ibid.
— — — Hepatici coloris.	268
— — — Lazurea.	266
— — — Rubra.	268
— — — Viridis.	267
— — — Vitrea.	266. 268
— — Pyrites.	268. seq.

D.

D ach-Schieffer.	30
Dendrites.	47
Despumatio.	325
Destillatio.	338
— per Adscensum.	339
— — Descensum.	ibid.
— — Latus.	ibid.
Detonatio quid?	21
Diamant.	45
Docimasia. vid. <i>Ars Docimastica.</i>	

E.

I N D E X.

E.

E bur fossil.	48
Echinites.	47
Edelgesteine.	41
Edulcoratio.	330
Eisen Blumen. vid. Flores Ferri.	
— Glimmer.	258
— Mann.	ibid.
— Schweiff.	273
— Stein. vid. Ferri Lapides.	
Electrum.	242. seq.
Eliquatio.	324
Elutriatio.	341
Ertze.	248
Ertz-Waage.	207
Evaporatio.	336
Extipula.	153. seq.
— eorum Usus.	ibid.
Exsiccatio.	337
Extractio.	329

F.

F abl-Ertz. vid. Cupri Minera grysea.	
Fabl-Kupfer-Ertz.	267
Fällung.	332
Fel Vitri.	100
— — est Fluxus.	ibid.
Bb	Fel-

I N D E X

<i>Pellis Vitri optimi Characteres.</i>	101
<i>Ferrum.</i>	13. 254
— cum Plumbo non confundi potest.	62
— Auro amicissimum est.	ibid.
— nativum.	246
— per Magnetem trahitur.	13. 262
— ejus Lapides.	255
— — Mineræ.	254. seq.
— — Pyrites luteus.	269
— — Scoria ante fusionem reducitur.	74
<i>Feuer-Stein.</i>	42
<i>Figura Mineralium inconstans.</i>	235. 236
<i>Filtratio.</i>	341
<i>Flores.</i>	337
<i>Flos Bismuthi.</i>	245
— <i>Cobaltbi.</i>	ibid.
— <i>Ferri.</i>	261
<i>Flasse.</i>	44
<i>Fluxus.</i>	110
— reducentes Metalla.	113. seq.
— — Albus.	115
— — Crudus.	114
— — Niger.	ibid.
<i>Fluss. Roher.</i>	ibid.
— Schwarzer.	ibid.
— Weißer.	115
<i>Follis.</i>	193
<i>Fortipes.</i>	189. seq.
<i>Fornix Docimasticus.</i>	135. seq.
<i>Famigatio.</i>	339
<i>Furnus Docimasticus.</i>	159. seq.
<i>Fur.</i>	

I N D E X.

<i>Farnus Docimastrus. ejus Usus.</i>	168. seq.
<i>Fusorius.</i>	168. seq.
<i>Fusio.</i>	322

G.

G agates.	242
Galena.	271
Galmey. vid. <i>Lapis Calaminaris.</i>	
Gegraben Wasser-Bley.	36
Gelb Kupfer-Ertz. vid. <i>Cupri Pyrites.</i>	
Gemmae.	41
Glacies Mariæ.	37
Glauca.	30
Glass-Kopf. vid. <i>Hematites.</i>	
Glossopetra.	47
Gold-Præsem.	45
— Sand.	38
— Stein.	45
Granatus.	42. 276
Granulatio Plumbi.	54 seq.
Gravitas specifica in quantum indicet Minerarum indolem.	216
— — — Metallorum.	150. seq.
Gries.	30
Gypsum.	33. 43
Gyps-Stein.	43

H.

H ematites.	256
Heliotropius.	43
Horn-Stein.	ibid.
	<i>Has.</i>

B b z

I N D E X.

<i>Humiditas rejicit Metalla liquefacta.</i>	155. seq.
<i>Hyacinthus.</i>	45

I.

J aspis.	43
<i>Ichthiolitha.</i>	47
<i>Igel-Stein.</i>	ibid.
<i>Ignis regimen.</i>	166. seq.
<i>Incus.</i>	195
<i>Inflammabile.</i>	28
—— est rapax.	73. 75
—— purum in omni naturæ regno est idem.	28
—— nuspiam constans.	ibid.
—— in omni animali & vegetabili latet.	73
<i>Inspissatio.</i>	336
<i>Ipser-Tiegel.</i>	146

K.

K alk-Stein.	33
<i>Katzen-Auge.</i>	42
—— Gold.	37
—— Silber.	ibid.
<i>Klar-Körniger Bley-Glantz.</i>	271
—— <i>Spießiger Bley-Glantz.</i>	ibid.
<i>Korn-Waage. vid. Bilanx Docimastica.</i>	
<i>Kupfer-Glantz.</i>	261
—— <i>Glass-Ertz. vid. Cupri Minera vitrea.</i>	
—— Nickel.	246. 270
—— Wasser.	301

L.

I N D E X.

L.

L aboratorium.	229. seq.
Lac Lune.	47
Lapides.	29
— Apyri.	34
— Arenarii.	32
— Atramentarii.	303
— — Flavi.	ibid.
— — Grysei.	ibid.
— — Nigri.	ibid.
— — Rubri.	ibid.
— Calcarei.	32
— — eorum differentia.	ibid. seq.
— Compositi.	40
— Vitrescentes.	30
Lapis Calaminaris.	296
— Corneus.	43
— Lazuli.	42
— Lebetum.	35
— Lydius.	218
— Nephriticus.	42
— Pantherinus.	43
— Porcinus.	48
— Serpentinus.	36. 43
— Suillus.	48
— Violaceus.	ibid.
Letten.	30
Ligatura.	121
Liquefactio.	322
Lithophthalmus.	42
	Li

I N D E X.

<i>Lithantrax.</i>	242
<i>Lorica.</i>	157. seq.
<i>Loricatio.</i>	157
<i>Lutum.</i>	158
<i>Lytbargyrium.</i>	52
— convertit Lapides in Vitrum,	56
— Metalla non solvit nisi destructa.	ibid.
— venale Plumbum in se continet.	58

M.

M <i>agnes.</i>	195. 261
— trahit Ferrum.	261
— non omnes ejus Mineras.	262
<i>Magnesia.</i>	257
<i>Malachites.</i>	43
<i>Marga.</i>	34
<i>Marmora.</i>	33
<i>Melenteria.</i>	305
<i>Menstrua.</i>	51
— humida.	ibid.
— sicca.	ibid.
<i>Mercurius.</i>	14
— non est perfectum Metallum,	ibid.
— totus est volatilis.	ibid.
— Virgo.	287
— natus.	ibid.
— solvit Metalla.	62
— respuit Ferrum & Regulum Antimonii.	63
— ejus Amalgamatio.	62
— Minera.	287
<i>Mica.</i>	37
	Mer

I N D E X

<i>Metalla.</i>	5
— imperfecta & Semimetalla inflammabile in se continent.	71. seq.
<i>Metallum Campanarum & Tormentorum.</i>	69
— Principis flavum.	69. 79
<i>Minera.</i>	248. seq.
— arte facta.	ibid.
— elutriabilis.	250
— non elutriabilis.	ibid.
— fluxilis.	250
— non fluxilis.	251
— refractaria.	250. seq.
— rapax.	252. seq.
— separabilis.	252. seq.
— non separabilis.	253. seq.
— earum differentia.	251. seq.
<i>Mineralia.</i>	2
— raro pura.	ibid.
— eorum Classes.	5
— — Differentiæ.	237
— — Pondus specificum maximum.	254
— composita.	235
— — habitu externo non semper cognoscenda.	236
— Vitriolica.	299
<i>Mispickel. vid. Pyrites albus.</i>	
<i>Misy.</i>	305
<i>Molybdæna.</i>	36
<i>Mortaria.</i>	156. seq.
<i>Mussel. vid. Fornix Docimasticus.</i>	
<i>Muria.</i>	25. 309
<i>Myrrhinites.</i>	48
	N.

I N D E X.

N.

N <i>aphtba.</i>	241
— <i>Niederschlag.</i>	327
— <i>trockner.</i>	325. 327
<i>Nihil</i> Album.	70
— Gryscum.	ib.
<i>Nitrum.</i>	26. 312
— ejus Matrices.	313. seq.
— — Generatio.	ib. seq.
— — Depuratio.	101
— Auro pallido colorem reddit.	100. 101
— cum phlogisto detonat.	21
— per se consumit imperfecta Metalla.	100
— quomodo Metalla destruat.	72. 73
— Factitium.	26

O.

O <i>chra</i> Cupri.	267
— Ferri.	259
<i>Offen.</i> Bruch.	66. 70
<i>Olla</i> cæmentatoria.	152. seq.
<i>Ollaris</i> Lebetum Lapis. vid. <i>Lapis</i> Lebetum.	
<i>Onyx.</i>	42
<i>Opal.</i>	43
<i>Operationes</i> Docimaſticae.	317. seq.
— — earum Finis.	50
<i>Opercula.</i>	147
<i>Os</i> foſſile.	48
	P.

I N D E X.

P.

P allasius.	44
<i>Patella</i> scorificatoria sive vitrificatoria.	131. seq.
— — ejus Materia.	132
— — — Confectio.	134
<i>Patina</i> fusoria.	141
— — Hassiaca.	144
<i>Pedra del Porco.</i>	49
<i>Pech-Blende.</i>	37
<i>Petresfacta.</i>	47
<i>Petroleum.</i>	241
<i>Pix Judaica.</i>	242
<i>Phytolitha.</i>	47
<i>Phlogiston.</i>	28
— Metalla ingreditur.	72
— — eorum liquefactionem juvat.	71
<i>Plumbum.</i>	12
— marinum.	36
— nativum.	271
— calcinat Stannum.	53
— in Scorias abit.	52
— non est fixum ad ignem.	ib.
— omnia Metalla & Semimetalla solvit , excepto Ferro.	53. seq.
— Aurum , Argentum & Cuprum fragilia reddit.	53
— in Vitrum abit.	56
— ejus Granulatio.	54. seq.

B b 5

Plum-

I N D E X

Plumbi Vitrum solvit Terras Lapidesque cunctos.	56
— — solvit & Cuprum.	ibid.
— — a Metallis rejicitur.	ibid.
— — cum Stanni calce lactescit.	57
— — non solvit Aurum & Argentum.	ibid.
— — Metallorum ex Mineris præcipitationem adjuvat.	ibid.
— — Vasa cuncta erodit.	ibid.
— — compositum.	ibid.
— Mineræ.	271. seq.
— Minera Alba.	274
— — Galena tessulata.	271
— — Granulata.	ibid.
— — Grysea.	274
— — Rubra.	272
— — subtiliter Striata.	ibid.
— — Viridis.	273
Pondera Docimastica.	209
— — eorum dispositio & modus conficiendi.	ibid.
Pompholyx.	70
Porphyrites.	43
Præcipitans.	327
Præcipitatio Fusoria.	325
— Humida.	229. 332
Pseudo-Adamantes.	45
— Smaragdi.	44
— Topazii.	ibid.
Prober-Wuage. vid. Bilanx Docimastica.	
Pumex.	32
Pyrites Albus.	243. 258
Pyri-	

I N D E X

<i>Pyrites Flavus.</i>	243. 258
— <i>Cupri sulphureus.</i>	304
— <i>Ferri sulphureus.</i>	ibid.
<i>Pyromachus.</i>	42. 43
<i>Pyropus.</i>	45
<i>Pyxis granulatoria.</i>	150

Q.

Q uartatio.	310
<i>Quartzum.</i>	32

R.

R eductio.	72. 73
— fit per phlogiston purum.	72
— semper fit cum jactura.	73
<i>Reib-Eisen.</i>	157
— <i>Hammer.</i>	ibid.
— <i>Pfannen.</i>	ibid.
— <i>Schalen.</i>	ibid.
<i>Regulus.</i>	325
— <i>Antimonii.</i>	15
— — <i>hujus Scorix.</i>	66
<i>Retorta.</i>	157
<i>Röthel-Stein.</i> vid. <i>Rubrica fabrilis.</i>	
<i>Rubin-Fluss.</i>	44
<i>Rubinus.</i>	ib.
— <i>Arsenicalis.</i>	106
— <i>Sulphuris.</i>	ibid.
<i>Rubrica fabrilis.</i>	260
	S,

I N D E X.

278. 67. 2

S:

S abulum.	30
Salia.	18
— eorum differentia.	18
— fusoria. vid. <i>Fluxus</i> .	
— Neutra.	19. 97
<i>Sal</i> Ammoniacus.	27. 310
— — ejus Origo.	310
— — Auro per Boracem pallido restituit colorem.	100. 101
— Commune.	308
— — Fluxum Metallii refractarii faciliat.	100
— Gemmæ.	308
— Fontium.	309
— Fossile.	ibid.
— Marinus.	ibid. seq.
— Nativum.	308
— Tartari.	79
<i>Sand</i> .	30
— <i>Stein</i> .	32
<i>Sapphirus</i> .	44
<i>Sardius</i> .	42
<i>Sardonix</i> .	ibid.
<i>Saxum</i> fabulosum.	32
<i>Schieffer</i> .	30
<i>Schist</i> us.	ibid.
<i>Schlich</i> .	276
<i>Schlacke</i> .	323
<i>Schmargel</i> . vid. <i>Smiris</i> .	

Schmelztz

I N D E X

<i>Schmeltz-Tiegel.</i>	vid. <i>Crucibula.</i> & <i>Patin.</i>	fufor.	42
<i>Schrek-Stein.</i>			43
<i>Schwarze Kreide.</i>			30
<i>Scoria.</i>			323
<i>Scoriae Metallorum & Semimetallorum.</i>		difficiliter	
	fluunt suo Metallo, excepto Ferro.		74
<i>Scorificatio.</i>			323
<i>Schwefel-Kies.</i>	vid. <i>Pyrites flavus.</i>		
<i>Seigerung.</i>			324. seq.
<i>Selenites.</i>			37
<i>Semimetalla.</i>			15
<i>Serpentin-Stein.</i>			43
<i>Silber-Sand.</i>			38
<i>Silex.</i>			31
<i>Situla lavatoria.</i>			150
<i>Smaltum.</i>			244. 292
<i>Smaragd-Fluß.</i>			44
<i>Smaragdus.</i>		ibid.	
<i>Smiris.</i>			257
<i>Smergel.</i>	vid. <i>Smiris.</i>		
<i>Solutio.</i>			318
— humida.			328. seq.
<i>Sonnen-Stein.</i>			43
<i>Sory.</i>			305
<i>Spath.</i>			32
<i>Spathum.</i>		ibid.	
— <i>ferriferum.</i>	vid. <i>ferri</i>		256
<i>Spiauter.</i>	vid. <i>Zinkum.</i>		
<i>Spiritus Nitri Vis solvens.</i>			81
— <i>Præparatio.</i>			85
			81.

I N D E X.

<i>Spiritus Salis.</i> vid. <i>Acidum Salis.</i>	
— — — ejus Confectio.	92
— — — Vis in Terras & corpora metalli-	
ca.	94
<i>Stalactites.</i>	33
<i>Stannum.</i>	13
— omnia Metalla & Semimetalla solvit.	59
— rigida, fragibilia reddit Metalla.	ib.
— Malaccense.	278
— Nativum.	274
<i>Stanni Diversitas.</i>	275. seq.
— Minera.	275
— — Alba.	277
— — Vulgaris.	275
— vapores Metallorum malleabilitatem tollunt.	60
<i>Stein - Marck.</i>	47
— Saltz.	309
<i>Sterile nigrum.</i>	37
<i>Suber montanum.</i>	35
<i>Sublimata.</i>	337
<i>Sublimatio.</i>	ibid.
— Glauberiana.	ibid.
<i>Succinum.</i>	242. seq.
<i>Sulphur.</i>	28
— quid?	102
— Aurum & Zinkum non solvit, reliqua Metalla	
& Semimetalla cuncta.	102. seq.
— cum Plumbo detonationis speciem efficit.	103
— qua ratione Metalla & Semimetalla a se invi-	
cem separet?	105. seq.
	<i>Sal.</i>

IX NE DE EI XI

<i>Sulphur</i> reddit Arsenicum flavum & rubrum.	105
— Minerale.	239
— — — plerumque cum acido conjunctum.	240
— in omnibus fere Mineris reperitur.	241
— Nativum.	240
— Aurantii coloris.	ibid.
— Auratum.	106
— Rubrum.	240
<i>Sulphuris</i> Diversitas.	240. seq.
— vulgaris Characteres.	239. seq.
— — Principia.	240
— Hepar.	106
— — solvit cuncta corpora.	ibid. seq.

T.

T alcum.	36
Tartarus.	79
— ejus Characteres optimi.	ib.
— exurit in Carbonem alcalinum.	ib.
— Vitriolatus.	27
<i>Terra.</i>	30
— Margacea.	31
— Sigillata.	ibid.
— — Melitea.	ibid.
— — Strigoniensis.	ibid.
— Tripolitana.	34
<i>Terre</i> Alcalinæ.	23
— Metallicæ.	249
<i>Tegula.</i> vid. <i>Fornix Docimasiticus.</i>	Test.

I N D E X

<i>Test.</i> vid. <i>Cineritium Majus.</i>	
<i>Testudo.</i> vid. <i>Fornix Docimasticus.</i>	
<i>Thon.</i>	34
<i>Tigillum.</i>	147
<i>Topas-Fluss.</i>	44
<i>Topazius.</i>	ib.
<i>Trituratio.</i>	341
<i>Treib-Scherben.</i> vid. <i>Patella scorificatoria.</i>	
<i>Trockne Scheidung.</i>	325
<i>Tropf-Stein.</i>	33
<i>Tubus cæmentatorius.</i>	194. seq.
<i>Turcbesia.</i>	42

U.

<i>U</i> mbraclum.	192. 193
<i>Unicorum.</i>	48
<i>Ustulatio.</i>	333

V.

<i>V</i> asa. Ipsenfia.	146
— non ferunt Fluxus subtiliores.	ibid.
— destillatoria.	157
<i>Vaporatio.</i>	330
<i>Ventilationis causa.</i>	332
<i>Verschlackung.</i>	323
<i>Viride montanum.</i>	267
<i>Vitra fusoria.</i>	111
<i>Vitrificatio.</i>	322
<i>Vitriolum.</i>	299
<i>Vi-</i>	

I N D E X.

<i>Vitriolum</i> Album.	302
— Cupri.	300
— Ferri.	ibid.
— Nativum.	ib. 301
— Stalacticum.	302
— in aquis medicatis.	301
<i>Vitrum</i> Saturni cum inflammabili carbonaceo spumescit.	58
— — Auro & Argento malleabilitatem deperditam reddit.	113
— — Aurum & Argentum depurat.	112
— — rapax est.	ibid.

W.

W asser - Bley. vid. <i>Molybdæna</i> .	
<i>Weis - Ertz</i> . vid. <i>Cupri Materia alba</i> .	
<i>Wismuth-Gruppen</i> . vid. <i>Flos Bismuthi</i> .	
<i>Wismuthum</i> . vid. <i>Bismuthum</i> .	
<i>Wolfram</i> .	258. 286

Z.

Z affra.	292
<i>Zinkum</i> .	15. 293
— non habetur nativum.	293
— cum Metallis colliquescit.	69
— est rapacissimum.	70
— — irreducibile.	293
— Metalla solvit.	69
Cc	Zin-

I N D E X.

<i>Zinkum</i> Metalla refractaria fluxilia reddit.	69
— ejus Origo.	296. seq.
— Mineræ propriæ.	297
— Sublimatio.	294
<i>Zinn-Graupen.</i>	275
<i>Zoolitha.</i>	47
<i>Zwitter.</i>	275

F I N I S.





